



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

h


Luy


1053

№ 31.

Родопонтска
манука

2013





№ 35

ՅԻՇԱՏԱԿԱՐԱՆ

ԲԱՀԱՆԱՅԱԿԱՆ ՎԱՐՈՒՑ

Lwy

1053

Handwritten red marks

23 SEP 1852

206 և 8.

244

3-60 ՅԻՇԱՏԱԿԱՐԱՆ

ՔԱՀԱՆԱՅԱԿԱՆ ՎԱՐՈՒՑ

Կ Ա Մ

մեծի հովուապետի

ՅԻՍՈՒՄ ԴՐԻՍՏՈՍԻ

ԻՐԱՏԳ ՈԳԷՇԱՀԳ

Ա Ռ

ՀՈՒՄԻՍ ԵԿԵՂԵՑԻՈՅ ԻՐՈՅ ԵՒ ԱՌ ԱՅԼ

ՔԱՀԱՆԱՅՍ

ԹԱՐԳՄԱՆԵԱՑ

Հ. ՍՐԱՊԻՈՆ ԷՄԻՆԵԱՆ

Ի ՄԻԻԹ. ՈՒԽՏԷՆ

N 244



Ի ՎԻԻՆՆԱ

Ի ՎԱՆՍ ՊԱՇՏՊԱՆ Ս. ԱՍՏՈՒԱԾԱԾՆԻ

1852


1010
40786
98704



1053-2013
7.8.1048

ՅԻՇԱՏԵԿԱՐԱՆ

ՔԱՀԱՆ ԱՅԱԿԱՆ ՎԱՐՈՒՅ



Գ Լ Ո Ւ Խ Ա .

Վասն Կահանայական Վիճակի :

Ա . ՕՒՆՁ է մարդ , սրդեակ , եւ յինչ ինչ արարաւ : Արդարեւ վասն այնորիկ՝ զի Աստուծոյ երկնչիցի , զպատուիրանս նորա պահիցէ , նմա երկիր պաղանիցէ , նմա միայն ծառայեսցէ :

Գու զինչ ես , սրդեակ , առիմէ՞ կարգեցար կացեր քահանայ : Յայն սակախակ միայն՝ զի յայնպիսի բարձրագոյն իրս վերակացու մարդկան լինիցիս եւ ուսուսցես նոցա երկնչել յինէն , երկիր պաղանել եւ պաշտել : Ո՞ մեծ պատիւն բարձրական պաշտօն :

Ես յերկինս , սրդեակ , մարդիկ յերկրի , եւ դու միջնորդ ընդ իմ եւ ընդ նոսա , զի յանուն իմ ուղղեսցես եւ հավուեսցես զնոսա , եւ քեզ իբրեւ ինձ հնազանդ լինիցին : Ես Աստուած արարիչ , մարդիկ արարածք ՚իմ , եւ դու կարգեալ ի վերայ նոցա , զի տացես նոցա հաստուցանել ինձ զոր ինձն պարտիցին :

Ես հայր լուսոյ, մարդիկ ի խաւարի,
եւ դու աշտանակ ի միջի, զի քեւ ծա-
գեսցի նոցա լոյս ճշմարիտ :

Ես երկնաւոր պարգեւաց պարգեւա-
տու, նոքա կարօտք եւ չքաւորք, եւ դու
մատակարար՝ զի քեւ միում միում իւ-
րաքանչիւր տացին շնորհք :

Ես Տէր ամենեւին սուրբ, նոքա մե-
ղաւորք, եւ դու միջնորդ՝ զի քեւ հաշ-
տեսցին ընդ իս :

Ես Հայր Արդւոյն Միածնի յաւիտե-
նից յաւիտեանս, մարդիկ որդեգիրք ի
ժամանակի, դու հայր յերկրի, զի քեւ
գրեսցին յերկինս որդեգիր :

Ես արժանի առնլոյ պատիւ զոհիւք եւ
պատարագօք, մարդիկ չունին զզոհն
պատարագի, դու միջնորդ որ ունիս ի
պատրաստի զզոհն սուրբ, զմարմին Ար-
դւոյ իմոյ, զի իմոցն իրաւանց եւ պար-
տուց մարդկան առնիցես հատուցումն :

Ես հուր վառիչ, մարդիկ յերկրի վա-
ռելի, եւ դու միջնորդ յոյր ձեռն վա-
ռեսցին :

Ես պետ բժշկաց, մարդիկ հիւանդք,
եւ դու միջնորդ պաշտօնեայ՝ որ առեալ
ունիս յինէն զդարմանս բժշկութեան՝
զի իւրաքանչիւր բաշխեսցես :

Ես հօտապետ յերկինս, մարդիկ հօտ
յերկրի, դու հովիւ ի վերայ հօտին, զի
քեւ օգտեսցի եւ բազմացի :

Բ. Չիք, սրդեակ, չեք ընդ երկնիւք բարձրութիւն եւ իշխանութիւն՝ որ քում բարձրութեան եւ իշխանութեան կարիցէ հաւասարել: Յաստուածոց ուրեմն ես, յորդուոցն Բարձրելոյ:

Մարդկեղէն է պատիւ արքայի, այլ քահանայի՝ աստուածեղէն: Այլելութիւն եւ կարողութիւն լքեալ թողուն զթաղաւորն յորժամ մեռանիցի. քահանայ յորժամ անկանիցի ի կենաց՝ քահանայութիւն նորա կայ եւ մնայ յաւիտեան:

Իշխէ արքայ ի վերայ մարդկան, քահանայ՝ ինքնին իսկ Աստուծոյ: Յաղթէ թշնամեաց արքայ հզօր, յաղթէ աշխարհի քահանայ ճշմարիտ:

Կարող է արքայ զմարմինն ի բանտ արկանել կամ թէ այլ իմն ազգ պատժել, քահանայ զնոյն իսկ զհոգի կարող է կապել:

Կարող է արքայ արձակել զկալանաւորս ի մարմնոցն կապանաց, քահանայ կարող է եւ ի դիւին իսկ բռնաւորութենէ եւ ի մեղացն հաղբից զհոգիան ազատել:

Չկարէ ինչ վճարել արքայ՝ բայց յերկրի, քահանայ կարող է եւ յերկինս իսկ: Զգանձս աշխարհի ստացեալ է արքայ, քահանայ զգանձս երկնից ունի:

Առաքէ արքայ նուէրս առ թաղաւ-

որս, պատարագս մատուցանէ, քահանայ առ Աստուած: Ոսկի նուիրէ թագաւորն, քահանայ զԱստուած մատուցանէ:

Յերկինս մտանէ բարբառ նորա, անտի շնորհս իջուցանէ, անդ զԱստուած հաշտեցուցանէ եւ խոնարհեցուցանէ, անդ առնէ դատաւորութիւն ի վերայ մարդկան:

Կանխէ մանաւանդ վճիռ նորա քան զվճիռ դատաստանին Աստուծոյ. զոր թողուցու կամ զոր ունիցի յերկրի, թողեալ կամ կալեալ լիցի յերկինս:

Որդեակ, ծանիր զպատիւ քո. եւ մի յորժամ աստուածեղէն բնութեանն հաղորդ իցես, վատթար ընտանութեամբ յառաջին անարգութիւն դառնայցես:

Գ. Տէր, ո՞վ եմ ես, զի յիշեցես զիս եւ այնչափ ինչ ինձ շնորհիցես:

Արդ աւասիկ ես որ հող եմ եւ մոխիր, եղէ այր Աստուծոյ, պաշտօնեայ քո, ըստ տնտեսութեան շնորհացն քոց:

Հայր սիրելի, սրչափ ինչ սէր պարտիմ քեզ փոխանակ սիրոյն, որով այնպէս առաւել սիրեցեր զիս, այսպէս ընտրեցեր, եւ յայս կարգ հասուցեր:

Քանիօն պարտ եւ պատշաճ է ինձ զանձն խոնարհեցուցանել վասն այնչափ եւ այնպիսի պատուոյ՝ որով զիս զչքաւ-

որս յարուցեր ի հողոյ, զի առ աթոռոյ
փառաց քոց կայցեմ, զքո տեղի ունի-
ցիմ, փոխանակ քո դատիցիմ, արծա-
կիցեմ եւ կապիցեմ:

Ես ապաժաման, ես անսուրբ, տղէտ,
թերակատար, կոյր, միշտ ի չարիս մի-
տագոյն, եւ պարտիցիմ հէքս եւ տա-
ռապեալ ունել զտեղի անչափ մեծվայ-
ելլութեան քո:

Ո՛վ Աստուած իմ, ինքնին իսկ սրբ-
բութիւն, իմաստութիւն, բարութիւն,
փառք եւ անչափութիւն: Յայս չափ
բարձրութեան ելեալ վերացեալ ի քէն՝
զիւարդ չլինիցիմ կարի իմն ամօթապար-
տեալ եւ խռովեալ:

Զօրացս զիս, Տէր, քոյովքն շնորհօք,
զի կարիցեմ կրել յանձին արժանապէս
զայնպիսի մեծաբեռն ծանրութիւն:

Հաճեաց Աստուած իմ, այնպէս իմն
կարգեալ յարդարել ի ներքուստ զմիտս
իմ, այնպէս ուղղել զբարս իմ արտա-
քուստ, զի եղէց ամենասուրբ Որդւոյ
քում ճշմարիտ նմանող, եւ ցուցից զնա
ճշմարտութեամբ հաւատացելոց, որ ա-
ռաքեացն զիս որպէս եւ դու առաքեցեր
զնա:

Դ.] Իցիս նմա նմանող, որդեակ,
եթէ՛ որպէս նայն կամեցաւ եւ ջանացաւ,
եւ դու կամեցիս եւ ջանայցես գտանել
եւ կեցուցանել զկորուսեալն:

Եկ , սրդեակ , եկ , եւ երթ գճեա
նորա , եկ եւ լեր յեա նորա որսորդ մար-
դկան :

Աւետարանեա աղքատաց , խլից տուր
լտել զբանն , արա զի կոյրք տեսցեն
զլոյսն ճշմարիտ , համերց տուր խօսել
զօրհնութիւն Աստուծոյ , զկաղս զնացո
րնդ ճանապարհն պատուիրանաց , զմո-
լորեալս դարձօ ի շաւիղս արդարութեան ,
արա զի տացին Աստուծոյ փառք եւ
մարդկան փրկութիւն :

Որդի իմ հեղ զարիւն փոխանակ նո-
ցա , դու զանձն քո ողջոյն վասն նոցա
ծախեսջիր :

Ե . Ի նդարձակեա , սրդեակ , զսիրտ
քո : Զամենեսին կոչեա ի գիտութիւն
ճշմարտութեան եւ փրկութեան . զա-
մենեսին ճեպեա մտանել ի տուն իմ զի
լցցի :

Զչքաւորն եւ զմեծատուն , զազնուա-
կանն եւ զանտօ՛մ , զիմաստուն եւ զտր-
դէտ , զժառայ եւ զտէր , զարու եւ զէգ
առանց ինչ ամենեւին խտրութեան
փոյթ արա առ իս ածել :



Վասն թէ «բնութիւնսն ինչեւ զանձնայն
 իստորեւնութիւնն :

Ա. ՈՐԴԵԱԿ, ահաւասիկ քահանայ
 եղեր, ոչ եթէ զճանրութիւն քոյ բե-
 ուանցն թեթեւացուցեր, նա աւանիկ ի
 վերայ բեռին հասարակաց՝ յանձն առեր
 եւ բեռն այնպիսի՝ զոր եւ ի վերայ հրեշ-
 տակական ուտոց դնել ահագին է : Անձ-
 կազոյն եւս կապանօք առաքինութեան
 պարաւանդեալ ես այժմ :

Արդ, շրջեաց առաջի իմ եւ լեր կա-
 տարեալ : Սուրբ լեր, զի ես սուրբ եմ,
 որ սուրբ առնեմ զքեզ : Լեր կատա-
 րեալ, որպէս Հայր քո յերկինս կատա-
 րեալ է :

Բ. Մ ոլորիս, սրդեակ, մոլորիս, եթէ
 կարծիցես թէ ի նոցանէ միայն ակն ու-
 նիցիմ կատարելութեան, որ ուխտիւք
 կրօնից զամենայն թողին, զանձինս ինձ
 նուիրեցին, եւ ամենեւին իսկ զատեալ
 մեկնեցան յաշխարհէ :

Պարտ իսկ է նոցա արդարեւ կատա-
 րեալ լինել, այլ քանզի շէն յաշխարհի,
 եւ ոչ եւս շրջին ի մէջ գայթակղու-
 թեանց աշխարհի, դիւրաւ իմն մարթի
 նոցա անարատս զանձինս պահել, եւ
 այնպէս առանց ինչ այնչափ սաստիկ
 պատերազմաց եւ բուռն ճգանց կարող

են ինձ ծառայել սրբութեամբ եւ արդարութեամբ :

Այլ քեզ որ յառաջագէմն կամիս նկրտել՝ մեծի եւս փութոյ պէտք են : Յաշխարհի ես , ի մէջ վտանգաց շրջիս , թշնամիք կան քեզ յաջմէ եւ յահեկէ , եւ սակայն պարտ եւ պատշաճ է քեզ անցանել անվթար , կալ եւ մնալ արդար , մանաւանդ թէ եւ օր ըստ օրէ արդարագոյն եւս եւ սրբագոյն լինել :

Արօնաւորաց՝ արժան է վառեալս լինել . այլ քեզ՝ որ քահանայդ ես՝ վառեալ լինել եւ լուսաւորել :

Պարտ է կրօնաւորաց զանօթ իւրեանց ի պատուի պահել , այլ քեզ , ազգ երկրի , հարկ է զերկիր՝ այս ինքն զմարդիկ զգուշացեալ պահել յապականութենէ :

Կորս զանձանց իւրեանց պարտին խորհել , իսկ դու զանձնէ քումէ եւ զխաշանցն : Օրինակ հօտին պարտ է քեզ լինել սրտիւ եւ մտօք :

Լուր արդ , սրդեակ , ասացի քեզ եւ դարձեալ ասեմ . Ներ կատարեալ :

Գ . Տէր , գիտեմ ճշմարտիւ , զի եւ աստեղք զլիսովին չեն սուրբ առաջի քո , թող թէ մարդ երբ եւ որդն :

Իսկ արդ զհարդ բնաւ մարթ իցէ ինձ այնպէս կատարեալ լինել , որպէս վայել է պաշտօնէի քում որ հանապազ առ սեղանի քում կայցէ :

Ո՛հ. որչափ սուրբ բերան իմ, որչափ մաքուր մարմին իմ, որչափ կատարեալ պարտի լինել սիրտ իմ, յոր այնպէս յաճախ մտանէ ինքնին իսկ Աստուած, ինքնին մաքրութիւնն, ինքնին սրբութիւնն, ինքնին բարձրութիւնն:

Եւ զհարդ չդողայցեմ, Տէր, յորժամ յուշ ածիցեմ զի եւ Ահարովնի որ հնոց օրինացն քահանայ էր՝ հարկ ի վերայ կայր սուրբ եւ կատարեալ լինել, եւ սակայն նա առ տապանակն եւեթ ուխտի եւ առ անօթս խորանի վկայութեան սահմանեալ էր, իսկ ես առ քեզ գլխովին, Աստուած իմ, եմ կարդեալ:

Նմա զհաց առաջաւորութեան միայն, այլ ինձ զհացն հրեշտակաց պարտ եւ պատշաճ է, ոչ միայն շօշափել՝ այլ եւ դործել իսկ:

Ահարոն ի դոյզն եւ ի չնչին արարած եւ ի ստուերս հանդերձելոց իրաց կարգեալ էր, եւ սակայն հարկ եղեւ իւրով ցեղիւն զատեալ եւ որոշեալ յայլոց ցեղից լինել:

Ապա որչափ եւս առաւել ինձ՝ որ ի բուն իսկ բարութիւնսն՝ որ ստուեր եւեթ էր այն առաջինն, ի ճշմարտութիւնն որ կանխաւ ուրեմն առակեալ էր, ի բուն խորհուրդս Աստուածութեանն եմ նուիրեալ՝ պարտ իսկ է անզուգականութեամբ բարուց եւ սրբութեամբ ի

խառնիճաղանճ ամբոխէ անտի լինել
զատեալ եւ անջատեալ :

Գ. Այդպէս է, սրգեակ, բնարեցի
զքեզ յաշխարհէ, անջատեցի զքեզ
յաշխարհէ, եղէ բաժին ժառանգու-
թեան քո եւ բաժակի քո : Յաշխարհի
ես, այլ չէ արժան չէ օրէն քեզ լինել
յաշխարհէ :

Ապա մի ի գուեհիկ ինչ գործս եւ ի
խորհուրդս միջամուխ լինիցիս, մի ի
ցանկութիւնս ինչ մտաբերիցես, մի ինչ
շաղեսցիս յարդելս խափանիչս :

Զիմոց ինչ իրաց միայն կալ հոգ
յանձին, իմում պաշտաման ուշ դիջիր,
յերկնաւորս դեզերեաց, քաղաքավա-
րութիւն քո յերկինս իցէ :

Ե. Արդարեւ իսկ յերկրի ի մէջ մարդ-
կան թողի զքեզ, այլ էր աղաղաւ :
Միտ դիր, սրգեակ, զի փրկեսցես զնո-
սա, զի զսէր իմ ի նոսա վառեսցես, զի
իմովք շնորհօք ուողանեսցես զնոսա, եւ
ածցես զնոսա բնդ քեզ յերկնաւորս :

Յերկրի ես, այլ յերկնից ես, յերկինս
պատշաճիս, մանաւանդ թէ երկինք իսկ
պարտիս լինել ոգւոց, որպէս զի զոր
օրինակ մարմինք ի ձեռն ազգեցութեան
նիւթականն երկնից առնուն զօրութիւն
եւ պողաբեր լինին, այսպէս քեւ ոգիքն
առցեն կեանս եւ կատարեալ լինիցին
օր ըստ օրէ :

Արդ լիջիր դու նոցա երկին բարձրաբերձ՝ զերկնաւորսն խորհելով, երկին տարած եւ ընդարձակ՝ ի ձեռն սիրոյ, երկին լուսաւոր եւ պայծառ՝ ի ձեռն իմաստութեան եւ գիտութեան:

Երկին կանոնեալ ի շարժմունս՝ հաստանդութեամբ, պարզ եւ մճիտ՝ հաստատութեամբ, արդասաւոր՝ տեղեկութեամբ:

Երկին մեծապայծառ՝ բարի բարի օրինակօք, առատամիտ՝ ողորմածութեամբ, եւ մաքուր՝ սրբութեամբ:

Եւ յայնժամ ես Աստուած երկնից՝ եղէց Աստուած քո, միշտ ընդ քեզ յինչ ինչ իրս եւ ձեռն արկանիցես. տնկեսցես, ուռզանեսցես, եւ ես աճեցուցից:

Գ Լ Ո Ի Խ Գ.

Թի մարի եւ հնար է հասանել խորարելութեան յայտ՝ աշխարհի:

Ա. Տ՛ԵՐ, լուայ զլուր քո եւ երկեայ, հայեցայ ի պատգամս քո եւ զարհուրեցայ:

Գու ասացեր ի ձեռն Որդւոյ քո՝ Լեր կատարեալ, որպէս եւ Հայրն քո յերկինս կատարեալ է: Ո՛ր բարձրութիւն: Եւ զլ՛արդ մարթ իցէ ինձ յայն հասանել:

Տուր ինձ, Տէր, թեւս իբրեւ զաղաւնոյ, զի թռեացց: Այլ եթէ ինձ թողեալ լինիցիմ, խոնարհ եղիցի ի հողանձն իմ, եւ յերկիր կցեսցին մէջք իմ:

Զիարդ, Տէր, նուաճեցից զայնչափ ակտուս կարեաց՝ որ հանապաղ մարտ եղեալ կուռին ընդդէմ հողւոյ: Զիարդ կամ սրպէս յաղթեցից այնչափ անչափ չարեաց՝ որ ամենայն ուստեք պատրաստեալ ընդ առաջ ելանեն ինձ: Զիարդ պահեցից եւ տաճեցից զայնչափ առաքինութիւնս՝ որ հակառակ օրինացանդամոց իմոց մարանչին:

Արդ, հրամայես ինձ զի ի մէջ ապականութեան՝ մաքուր իցեմ, ի մէջ պատուոց՝ խոնարհ, ի մէջ բնչից եւ մեծութեանց՝ աղքատ, ի մէջ մեղաց՝ սուրբ, ի մէջ թշնամեաց՝ անվկանդ:

Հրամայես զի ի մէջ աշխարհի կեցցեմ եւ չիցեմ յաշխարհէ, զի յերկրի կեանս վարիցեմ եւ յերկնից իցեմ:

Տէր, լուայ զլուր քո եւ երկեայ, հայեցայ ի պատգամս քո եւ զարհուրեցայ:

Բ. Որդեակ, մի երկնչիւր: Ճշմարիտ է այն՝ թէ Արքայութիւնն երկնից բռնաբարի եւ բռունք յափշտակեն զնա:

Մեծ մեծ է բեռնն քահանայի, այլ մեծ են եւ շտրհք այնր՝ որ զայն եղ ի վերայ: Ես ամենազօր ամենակալ՝ եղի ի քո վերայ զբեռնն, ես ամենազօր՝ օգ-

նեցից քեզ, զի դիւրագոյնս զայն բար-
ձեալ բերիցես:

Միթէ կայցէ՞ ինչ ինձ դժուարին, եւ
կամ նման իցեմ այնմ՝ որ ասէն եւ ոչ
առնէ:

Ի թշնամեաց երկնչիցիս: Ես իսկ եմ
տէր զօրութեանց: Ի վտանգաց զանգի-
տիցես: Ես զերծուցանեմ զորս յիսն
յուսայցեն:

Աբրահամու պաշտպանեցի ի քաղ-
ղեացւոց աշխարհին, Յովսեփու՝ յԵ-
գիպտոս, Ղովտայ՝ ի Սոդոմ, Յոբայ՝
ի մէջ անհաւատից, Գանիէլի՝ ի Բա-
բելոն:

ԶԲուսմէոս, զՍաղեսեանն, զԱին-
կենտիոս եւ զայլս եւս անթիւ անհամար
բազմութեամբ, որ այժմ ցնծան ի փառսն
իմում, ի մեղաւորաց միջի սուրբս արարի:

Տես, սրդեակ, կամեցայ, զի ամենե-
քին նոքա ի մէջ կամակոր եւ թեւր
ազգին կատարեալք լինիցին, զի դու
ուսցիս թէ չէ պարտ չէ արժան ումեք՝
յորպիսում կոչման եւ իցէ, վեհերել եւ
Լքանել:

Արդ աղէ, սրդեակ, արա որչափ ինչ
ի քում կարի իցէ, ես լցից, ես ուղղեցից,
եւ կատարեցից:

Գ. Ահաւասիկ դամ, Տէր, զի զկամս
քո արարից. կամիմ կատարեալ լինել:
Այո՛ մեծի շնորհաց պէտք են առ այս:

Խոստանաա իսկ զայն արդարեւ քոց
բարեկամաց, այլ ես անարժանս՝ որ բա-
զում անգամ բարկութեան քում եղէ
արժանի, զի՞արդ կարիցեմ ակն ունել
յապահովս այնմ շնորհի՛ զոր տաս քոց
բարեկամաց :

Ես՝ որ այնպէս կորեայ ի վտանգս
մանունս, զի՞արդ կարիցեմ ի մեծաց
վտանգաց զերժանել :

Ո՛հ. Տէր, թերեւս լաւագոյն եւս լի-
նէր ինձ եւ անկասկածագոյն, եթէ ի
դայթակողութեանցն աշխարհի որոց վայ
կարդացեր՝ փախուցեալ, ի մենութիւն
իջեալ՝ անդէն առնուի յանձն զվիճակ
կրօնաւորական ծառայութեան, յորում
ապահովագոյն եւս լինի մարդ սուրբ եւ
կատարեալ :

Դ. Օ՛ր է, որդեակ : Միթէ վասն
այնորիկ դայ ճրագ զի ընդ գրուանաւ
դնիցի կամ ընդ մահճօք : Ո՛չ ապաքէն
զի ի վերայ աշտանակի դնիցի :

Ո՛րդեակ, ոչ եթէ դու ընտրեցեր զիս,
այլ ես ընտրեցի զքեզ եւ եղի զքեզ՝
զի երթիցես եւ բերցես պտուղ համ-
բերութեամբ. խոստանամ քեզ շնորհս :

Անարժան զանձն կոչես. դիտեա, որ-
դեակ, զի ոչ եթէ վասն արժանեաց ինչ
տուեալ լինին շնորհքն իմ, ապա թէ
ոչ՝ շնորհք չէին :

Միրեն զիս. արածեա զոչխարս իմ :

Եթէ արածիցես՝ զսէր քո ցուցցես, եւ սրոյ սիրենն զիս՝ ամենայն ինչ գործակից լինի ի բարիս, նաեւ վտանգք իսկ գլխովին եւ թշնամիք անգամ :

Արածեա զոչխարս իմ : Արածելովն՝ սիրեսցես, սիրելով՝ օգտեսցիս եւ լիցիս կատարեալ :

Արածեա զոչխարս իմ : Արածելով՝ լիցիս նմանող Հովուին քաջի՝ Յիսուսի Որդւոյ իմուս :

Նոքա են կատարեալք եւ յառաջագոյն հրաւիրեալք, զորս յառաջն ծանեայ թէ կերպարանակից լինելոց են պատկերի նորա :

Գ Լ Ո Ի Խ Գ .

Վասն Ֆլորիանի ի Խորաբելուսիան հասանելոյ :

Ա . ՈՐԴԵԱԿ, կամիս կատարեալ լինել : Բաց զբերան քո եւ լից զդաքաղցիր եւ ծարաւեաց արդարութեան, եւ յագեսցիս . փափաքեաց, եւ տացիքեզ հանճար . լեր այր ցանկալի, եւ եկեսցէ ի քեզ հոգի իմաստութեան :

Եթէ ջերմեռանդն ցանկասցիս կատարելութեան, այնու սաստիկ ցանկութեամբ իբրեւ ընդոստուցիչ իմն խթանաւ զարթուցեալ՝ յառաքինութենէ յառաքինութիւն գնասցես, մինչեւ

Հասանիցես ի ծագ լերինն Սիսնի, ուր
միաւորեալ ի ներքուստ ընդ Աստուծոյ
քում վայելեսցես :

Արդ ցանկացիր ջերմաջերմ, դիր ի
մտի Հաստատութեամբ, եւ նորոգեա
զայն ցանկութիւն եւ զյառաջադրու
թիւն օր ըստ օրէ եւ ժամ ի ժամէ. այ
նուհետեւ ի սակաւ ժամանակի վա
ռեալ բորբոքեսցիս :

Բ. Աթէ կամիս կատարեալ լինել,
Ջանա յամենայն գործս քո ինձ միայնում
Հաճոյ լինել : Ապա միշտ իսկ եւ Հա
նապազ յառաջ քան զգործս քո կան
խեսցէ սուրբ դիտաւորութիւն Հաճոյից
եւ սիրոյ իմոյ :

Եթէ ցանկ փոյթ յանձին ունիցիս
գործել այնպէս զի ինձ Հաճոյ լինիցիս,
յայնժամ գիտացից թէ սիրիցես զիս
յամենայն սրտէ, յամենայն անձնէ,
յամենայն մտաց եւ յամենայն զօրու
թենէ :

Յայնժամ կեցցես, եւ կեցցես կա
տարելապէս : Զի որ սիրէն՝ ընու զօրէնս :

Զգոյշ լեր, որդեակ, տես զի մի արաս
ցես զարդարութիւն քո առաջի մարդ
կան, զի երեւեսցիս եւ փառս ունիցիս .
շահեսցիս ինչ արդարեւ առաջի նոցա,
այլ ի կատարելութենէ Հեռացեալ
գտանիցիս :

Զգոյշ լեր, որդեակ, տես զի մի

անհողութեամբ ինչ գնասցես ի ծառայութեան իմում : Ոչ եթէ կատարեալ, այլ անիծեալ որ գործէ զգործ Աստուծոյ հեղգութեամբ :

Գ. Աթէ կամիս կատարեալ լինել, Զանա, սրգեակ, զի զիս հանապազ ամենայն ուրեք նշմարեսցես եւ զանձն քո առաջի աչաց իմոց կացեալ համարեսցիս :

Յիշեա եւ ցանկ ի միտս քո յեղյեղեսջիր՝ թէ ես եմ Աստուած որ զամենայն տեսանեմ, եւ քննեմ զսիրտս եւ զերիկամունս :

Նմին իրի թէ խօսիցիս, թէ խորհեսցիս, թէ ցանկասցիս ինչ կամ կամեսցիս կամ գործեսցես, զայն ամենայն առաջի իմ խօսեսջիր, խորհեսջիր, զիջիր ի մտի եւ գործեսջիր :

Յայնժամ գնասցես առաջի իմ իբրեւ զԱբրահամ, զԵնովք, զՆոյ, եւ իբրեւ զԵղեկիա ճշմարտութեամբ եւ կատարեալ սրտիւ :

Դ. Աթէ կամիս կատարեալ լինել, Զանա, սրգեակ, զի այնպէս վարեսցիս ի գործս՝ որպէս թէ առժամայն իսկ մեռանելոց իցես, իբր այն թէ յետին գործ կենաց քոց իցէ :

Ո՛հ. թէ զայդ առնէիր, սրգեակ, զհարդ եռանդմամբ զպատարազն մատուցանէիր : Որպիսի ինչ արա

ՍՍՍՍՍ
ՀԱՆՄԱՐ
ՍՍՍՍՍ

1053-2013
98604
40736
0107

լայիր զմեզս քո: Քանի՛ մտադիւրու-
թեամբ յաղօթս կայիր:

Ո՛հ, սրգեակ, ոչ եթէ մեծամեծս
ինչ կամ անհնարինս ի քէն պահանջեմ,
զի կատարեալ լինիցիս:

Քահանայ ես, պարտիս աղօթս առ-
նել, զխիղճ մտաց քոց քննել, մատա-
կարարել զխորհուրդս, կատարել զժա-
մուցն պաշտամունս, եւ պատարագ մա-
տուցանել: Չայս ամենայն թէ գործես-
ցես կատարելապէս, լիցիս կատարեալ:

Ե. Աթէ կամիս կատարեալ լինել,
ստէպ զմտաւ ած, սրգեակ, թէ առ-
ինչ եկիր եւ թէ հիմ եղեր քահանայ:
Ո՛չ վասն այնորիկ՝ զի ինձ հաճոյ լինիցիս
եւ հաստատուն զքո փրկութիւն գոր-
ծեսցես:

Այսու խորհրդով զարթո զանձն քո,
ցանկ զուարթացեալ գործես, միշտ
ձեռն ի գործ արկանիջիր, ի բաց թօ-
թափեա զծուլալից հեղգութիւն, յաղ-
թեա ախտից կարեաց քոց, զանկարգ
յօժարութիւնս կալ ի չափու:

Եթէ այսպէս հանապազ ի կատա-
րելութիւն նկրտեսցիս, այն իսկ համա-
րեսցի քեզ կատարելութիւն:

Ապա թէ անկցիս, սրգեակ, կամ
թէ նուազագոյն ինչ քան որչափ ցան-
կայիրդ՝ օգտեսցիս, մի՛ յուսահատ լի-
նիցիս:

Խոնարհեցո եւեթ զանձն եւ հեծես-
ջիր : Կատարելութիւն համարեսցի քեզ
եւ այն իսկ՝ զի ոչ գտանես զքեզ կա-
տարեալ :

Զ. Եթէ կամիս կատարեալ լինել ,
էջ , սրդեակ , ի խորս սրտի քո , եւ անդ
առաջի իմ զճածուկս սրտի քո քննես-
ջիր միամտութեամբ :

Տես եւ խորհեաց բազում հաւաս-
տեաւ զխոչս եւ զսութս որ արդելն լի-
նին քեզ՝ զի մի բնութասցիս եւ մի յա-
ռաջադէմ գնացես , եւ զայն ամենայն
ի բաց պարուրեա :

Տես թէ որ այն սկիզբն իցէ ակտից
քոց եւ թերութեանց : Քանզի ունին
միշտ արմատ ինչ զլիւաւոր :

Ահաւասիկ Գողիաթ , սատակեա զնա
եւ յաղթեցեր , այս ինքն զամենայն հնարս
հնարեսջիր՝ զի զզլիւաւոր զայն յու-
թիւն արմատաքի խլեսցես :

Է. Տես , սրդեակ , զհարդ վաճառա-
կանքն օգտածարաւիք յաւելուածս ինչ
առնեն օր ըստ օրէ յինչս իւրեանց : Այս-
պէս եւ դու ի դանձան՝ զոր քեզ յերկինս
զանձես՝ արա ինչ յաւելուած :

Տես թէ սրպէս նկարիչք զպատկերսն
զոր հանեն ի նկարու՝ հանապազօր կա-
տարեալ եւս զործեն : Նոյնպէս եւ դու
զյուութիւնսն ուղղիցես եւ զառաքի-
նութիւնս անեցուցես :

Նորա, որդեակ, զի զեղծանելի պոակն
առնուցուն, իսկ դու զանեղծութեան:

Ը. Տէր, տուր զի որպէս հրամայեսն
օգտիցիմ, տուր զի առանց ինչ նենգու-
թեան եւ առանց փաղաքշանաց զանձն
քննեցից:

Տէր, տուր զի հանապազ չթուիցի ինձ
հաճոյ զոր եմն, եւ հասանիցեմ յայն
զոր չեմն տակաւին: Տուր զի մի յետ
յետս գնայցեմ, մի աղամողեալ խո-
տորիցիմ եւ մի կայցեմ ի ճանապարհի:
Վասն զի գիտեմ, զի թէ ասացից թէ
շատ եւ բաւական է՝ կորեայ:

Գ Լ Ո Ւ Խ Ե .

Վասն սախառնիտն ընդրելոց:

Ա. Ո՛հ. որդեակ, որչափ սակաւք են
ի քահանայից՝ որ գնան ընդ անձուկն
ճանապարհ, քանի՛ սակաւք որ մտանեն
ընդ դուռն նեղ: Բարէ, որչափ բազումք
խոտորեցան ի շաւղաց իմոց:

Եկ եւ տես, արդարեւ արտաքոյ ան-
ձուկն ճանապարհի գտանին ամբարտա-
անք՝ որ իւրեանց անտո՛ի գիտութեամբն
ուռուցեալ եւ տորովեալ, զայլս դարո-
վեալ արհամարհեն, եւ տիրել իմն ի մէջ
ուխտի մանկանցն կամին:

Այժմ վերացեալ բարձրանան իբրեւ
զմայրս լիբանանու, այլ սպա ընդ արու-
սեկին ի գծոխս անկանիցին:

Այլ եւ ոչ ընդ դուռն նեղ մտանեն
հպարտքն փառասէրք՝ որ զանձինս իւ-
րեանց սիրիցեն եւ ոչ եթէ զիս կամ
զհոգիս . եւ երախտիս եւ պատիւս մու-
րանայցեն , եւ գողցես իմն որսան եւ
դիզեալ շեղջակուտեն . եւ սակաւ ինչ
զանձանցն բաւականութիւն հոգացեալ
ոչ ինչ փոյթ յանձին ունին զպարտուցն
եւ զպաշտամանց :

Յիրաւի ուրեմն՝ զոր օրինակ յերկինս
փառաց յախուռն ձեպեցին ելանել ,
ամօթապարտեալք իջցեն մինչեւ յան-
դունդս տանջանաց :

Արտաքոյ ճանապարհի են եւնորա որ
մամոնայի եւ ոչ եթէ ինձ ծառայիցեն ,
եւ զզոշաքաղութեան զհետ պնդիցին ի
մէջ վիճակաւորաց :

Արդարեւ ունին սոքա զարկղն ընդ
Յուդայի , եւ ընդ նմա՝ ընդ մատնըչին ի
կորուստ գնայցեն :

Բ . Աչ մտանեն ընդ դուռն նեղ այն-
պիսիքն՝ որ զաշխարհական դործովք
կարի իմն զբաղեալք՝ ոչ զաղօթից կամ
զուսմանէ եւ ոչ իսկ զանձանց եւ զայլոցն
փրկութենէ հոգ ի մտի ունին , այլ ի
կագս եւ ի կուիւս , յինչս ժամանակաւ-
որս եւ ի շահալաճառս դեգերեալ
թարթափին յառաւօտէ մինչեւ ցե-
րեկոյ :

Արդարեւ զերկիր՝ զոր բոլորով սրտիւ

սիրեն՝ կորուսեալ ի մահուանն, զերկինս զոր չննդրեցին՝ ոչ ընկալցին :

Արտաքոյ ճանապարհի են եւ որ ի խօսս սնտախս եւ ի խաղս պարապեալք՝ զօրն ողջոյն կան դատարկ :

Արդարեւ իսկ յորժամ գայցէ Տէր այգւոյն, ոչ տացէ նոցա վարձս :

Ոչ մտանեն ընդ նեղ դուռն եւ այնտքիկ՝ որոց զսրբութիւն զգաստութեան ուխտեալ իցէ՝ եւ չսարսիցեն կամ խորհրդով, կամ բանիւ եւ կամ գործով մասնել զանձինս ի պղծութիւն :

Արդարեւ այնպիսիքն սեղանաղերձանօրէնութեամբք եւ աղտեղութեամբք լցեալ՝ ոչ մտցեն յարքայութիւն իմ, ուր ոչ մի ինչ պիղծ ընկալեալ լինի :

Գ. Չեք ինչ ընդ այն երկմտել, որդեակ, եթէ արտաքոյ ճանապարհի իցեն եւ որ յաշխարհէ են, զաշխարհ սիրիցեն, զաշխարհէ խօսիցին, ընդ աշխարհի ունայնութիւնս պարծիցին, փափկութեամբք աշխարհի զմայլեալ իցեն, եւ աշխարհական ուրախութեամբք ցրնծացեալ զբօսնուցուն : Արդարեւ զի ընդ աշխարհի խնդացին, ոչ կարացեն յետոյ ընդ Քրիստոսի թաղաւորել :

Ոչ մտանեն ընդ դուռն նեղ եւ որ ցուրտքն են եւ հեղգք, որ ոչ երբեք գան ի միտս, եւ ի յանցանաց ի կարի ծանունց եւեթ փախչիցին :

Արդարեւ, ոչ լինին ընկալեալ ի յաւ-
խտենական՝ կոչունս՝ որ ի փսխել զբը-
գոխցեն զբերան իմ:

Ոչ լիցին ընդունելի եւ նորա՝ որ զինչս
ժառանգութեան իմոյ ի մեծաօպաս
փառաւորութիւնս, յընդունայնութիւնս
եւ ի փափկութիւնս վատնեալ իցեն,
եւ առ աղքատս իմ կծծի լիեալ իցեն
եւ ոչ ողորմածք:

Արդարեւ իսկ ասացից ցնոսա ի սրբա-
մտութեան իմում՝ թէ երթայք յինէն
անիծեալք ի հուրն յաւխտենական:

Արտաքոյ ճանապարհի են եւ այնոքիկ՝
որ յաղղութիւն ժողովրդեան իմոյ իցեն
կարգեալ, եւ օրինակ չարութեան տա-
ցեն խաշանց իմոց:

Արիցեն արդարեւ իբրեւ զօպանիչս ող-
ւոց՝ յորոց ձեռն գայցէ գայթակղութիւնս:

Ոչ մտանեն ընդ դուռն նեղ այնպի-
սիքն՝ որ ոչ զսրբոց կանոնաց՝ այլ զեղ-
ծազործ սովորութեանց զհետ երթեալ,
չունին ինչ փափաք յանձին եւ ոչ դուն
գործեն լինել քան զցօփան սրբագոյնք:

Արդարեւ ոչ պսակեսցին՝ բայց որ օ-
րինօքն մարտեան:

Գ. Այնպէս արտաքոյ ճանապարհի
են եւ որ ոչն լինին հնազանդ առաջնոր-
դաց եւ ոչ հոգան զհրամանաց նոցա, եւ
այնու Եկեղեցւոյ՝ որ ի ձեռն նոցա պա-
տուէր տայ՝ ոչ լսեն:

Արդարեւ իսկ զիս անարդէն սորա, եւ վասն այնորիկ դատապարտեսցին ի Հօրէ իմմէ ի դատաստանի:

Ոչ մտանեն ընդ նեղ դուռն եւ որ ոչն ուսուցանեն զժողովուրդ իմ, ոչ յանդիմանեն զնոսա վասն մեղաց, զխտատովանութիւնս՝ եթէ ոչ դժկամակութեամբ սակայն հարեւանցի իմն եւ յանհոգս լսեն, զանարժանն արձակեն, զեկեղեցական պաշտամունս առանց ատուած պաշտութեան կատարեն, եւ շտապաւ իմն կամ առանց պատրաստութեան զպատարագն մատուցանեն:

Արդարեւ անիծեալք եննորքա՝ որ կամ ոչ հանեն զգործ իմ ի դլուխ, եւ կամ անհոգութեամբ վճարեն:

Գարծեալ արտաքոյ ճանապարհի են որ թողուն զտաճարս իմ աղտեղութեամբք եւ ցնցոտեօք անպատուել, եւ չունին ինչ փոյթ զտանէ իմմէ:

Արդարեւ իսկ ոչ սիրեն զիս այնպիսիքն, նմին իրի եւ ոչ ունիցին մասն յարքայութեան՝ զոր պատրաստեաց Հայր սիրելեաց իւրոց:

Ո՛հ, սրգեակ, սրչափ քահանայք են անուամբ լիով. քանի սակաւք՝ զործով: Մեծ ոմն համարի քահանայ՝ եթէ ոչ օրինազանց ոք իցէ:

Բարէ, սրչափ են քահանայք արտաքին հանդերձիւք. քանի սակաւք՝ ներքին

կատարելութեամբ : Ո՛րչափ սակաւք
ճրագունք լուցեալք եւ լուսատուք :

Ո՛րչափ դուն ուրեք ճշմարիտ անմե-
ղութիւն : Քանի անօտ կատարեալ
ապաշխարութիւն : Քանի անօտ սուրբ
սէր : Չիարդ դուն ուրեք անկեղծաւորն
խոնարհութիւն :

Ո՛րպէս դոյզն անհանգիստ աշխատու-
թիւն : Քանի անօտ անդադար աղօթք :
Ո՛րչափ դոյզնագիւտ ճշմարիտն սրբու-
թիւն :

Գուն դիր, սրդեակ, մտանել ընդ
դունն նեղ : Չանա զի գործովք բարեօք
հաստատուն դքո ընտրութիւն գոր-
ծիցես :

Ե. Սակաւք են ընտրեալք : Բեւե-
ռեացի, սրդեակ, երկեւղ ճշմարտու-
թեանս այսորիկ ընդ մարմին քո :

Երկիր, զի մի՛ թէ սակաւք ի խա-
շանցն փրկելոց իցեն, սակաւադոյնք եւս
իցեն ի քահանայից :

Երկիր, զի զանց արար քահանայն,
զանց արար եւ զեւտացին, ուր Սամա-
րացին արժանի գովութեան եղեւ :

Երկիր, սրդեակ, զի բազումք եղիցին
յետինք՝ առաջինք, եւ առաջինք՝ յե-
տինք :

Երկիր, զի բազումք ի հեռաստանէ
եկեացեն, եւ բազմեացին ընդ Աբրահա-
մու եւ ընդ Սահակայ եւ ընդ Յակովբու

յարքայութեան երկնից, եւ որդիքն արքայութեան ելլեն ի խաւարն արտաքին:

Ո՛հ. թէ այն ճշմարտութիւն ընդ սիրտ քո անցեալ էր, ոչ ինչ ընդ այն երկմտեմ՝ թէ ոչ մեղանչէիր, այլ ահիւ եւ դողութեամբ զանձին փրկութիւն գործէիր:

Գ Լ Ո Ի Խ Զ .

Վասն ծանրութեան մեղացն քահանայից:

Ա. Ո՛ր ԴԵԱԿ. ո՞ր այն մեղք են մեծ յոյժ առաջի իմ: Այն իսկ են արդարեւ մեղք իմոց քահանայից:

Վասն այսորիկ կատարեմ ես զսրբամտութիւն բարկութեան իմոյ, հեղում զսրբամտութիւն բարկութեան իմոյ. վասն այսորիկ բորբոքեցուցանեմ հուր ի Սիոն:

Բ. Ո՛հ. Տէր, խօսեցայց առ քեզ, թէպէտեւ հող եմ եւ մոխիր:

Գիտեմ, Տէր, զի ոչ գոյ ակնառութիւն առաջի քո. ոչ գոյ առաջի քո խուժ դուժ, ոչ եկ, ոչ Յոյն, ոչ Արաբացի, ոչ արու եւ ոչ եզ:

Գիտեմ զի ամենեքին մի են ի Քրիստոս Յիսուս: Ապա զի՞արդ առաւելագոյն զայբանայցես քահանային որ յանցանիցէ: Եւ կամ ո՞րպէս սակաւս խնայես:

Գ. Ո՛րդեակ, չիք, չիք իսկ առաջի իմ ակնառութիւն, եւ ոչ մեծատուն առաւել քան զաղքատն, եւ ոչ իշխան

քան զիշխանաւոր, եւ իմաստուն աւուակել քան զտգէտ իցէ յաչս իմ :

Սակայն արդար եմ, եւ զկշիւ ծանրութեան անօրէնութեանն զիտեմ կրշուել, դատել եւ պատուհասել :

Արդար է՝ զի առաւել ընդ քահանայն յորժամ յանցանիցէ՝ զպրանայցեմ, քան զի մեծ եւս է անօրէնութիւնն նորա :

Գ . 1 սւր, սրգեակ, թէ որպիսի ինչ եղեռն իցէ նորա : Մեծ մեծ յանցանք են, թէ իշխիցէ ոք ի խառնազանճ ամբոխէ՝ զմեծի ուրուք արքայի զհրամանս անարգել, եւ ժպրհեալ յառնել ընդդէմ նորա, եւ զէն ի ձեռս առեալ ապստամբել :

Այլ մեծ եւս ոճիրք են՝ եթէ ինքնին իսկ պաշտօնեայն թագաւորի, եթէ անտեսն գլխովին գործոց նորա զնոյն ժախցի գործել :

Ի միտ առ, սրգեակ, զառակն . յորժամ քահանայն մեղանչիցէ, յորժամ զհրամանս իմ անարգիցէ, յորժամ չառնուցու յանձն հնազանդել, այնու իսկ յանդգնեալ ընդդէմ յարուցեալ ասէ՝ թէ Ոչ ծառայեցից :

Եւ որպիսի ոք իցէ, սրգեակ, քահանայն այն՝ որ այնպէս անկուշեալ, կապարճս դարձուցեալ յետս կայցէ յապրտամբութիւն : Պաշտօնեայ իմ է, մատակարար խորհրդոց իմոց : Ո՛ր անօրէնութիւն մեծ յոյժ առաջի իմ :

Ե. Մեծ իմն եղեան է, յորժամ որ-
դի լաւի ուրուք հօր զնորա իշխանու-
թիւնն նշկահեալ ի տար աշխարհ զնայ-
ցէ՝ զի ցոփ եւ բարեկեցիկ կեանս կեցցէ :

Այլ եւս իմն մեծ ապիրատութիւն է,
եթէ դք հարսն զիւր զօրինաւոր փեսայ
առ ոսն հարեալ՝ յայր յայլ յարեցի :

Ի միտ առ, սրդեակ, զառակն : Հողի
քահանայի անդէն ի ձեռնադրութեան
զանձն ուխտիւք ինձ խօսեցաւ . այլ յոր-
ժամ մեղս գործիցէ՝ հողի նորա յինէն
ի բաց հեռանայ, զի աշխարհի կամ մար-
մնոյ կամ սատանայի՝ իմոց ոխերիմ
թշնամեաց տացէ զանձն վտարանդի :

Ո՛ր անհաւատարիմ, ո՛ր անիրաւ հարսն,
որ զմեղս, զսատանայ իսկ ինքնին զլսո-
վին քան զաստուածեղէն փեսայ նախա-
մեծար համարի : Ո՛ր անօրէնութիւն մեծ
յոյժ առաջի իմ :

Զ. Մեծ մեղս գործեցին Հրեայքն,
զի զիս ի մահ ինդրեցին եւ ձեռնամուխ
եղեն յիս բռնութեամբ :

Բայց մեծ եւ կարի իսկ մեծ եղեն
յանցանքն Յուդայի, զի առաքեալ իմ
էր, սակայն նոցա հաւանեալ վաճա-
ռեաց զիս եւ մատնեաց :

Ոչ եթէ առակ ինչ է այս, սրդեակ,
այլ ինքնին իսկ ճշմարտութիւն՝ որով
քեզն խօսիմ :

Զայն ճարտար դիտես թէ սրչափ եւ

որպիսի ինչ անօրէնութիւն իցէ քրիստոնէից յորժամ մեղօք իւրեանց միւսանգամ ի խաչ հանեն զիս եւ առակ նշաւակի առնեն:

Ապա ի միտ առ թէ սրչափ իցէ եղեռն անօրէնութեան քահանայի՝ յորժամ մեղօք ձեռնամուխ յիս լինիցի: Ա՛ն անօրէնութիւն մեծ յոյժ առաջի իմ:

Է. Արդարեւ ասեմ քեզ, բազում ինչ յայլոց մեղաւորաց եւ ամպարչաաց կրեմ, սակայն ոչ մեծ եւս տոյժ մնասուքան զայն զոր ի քահանայիցն յանցուցելոց կրեմ՝ կրեմ երբեք:

Ապա մի ինչ զարմանացցես եթէ սաստկագոյն եւս ընդդէմ նոցա բորբոքեսցի սրամտութիւն արդարութեան իմոյ, եթէ դոչիցէ ցասմամբ. թէ Եկեսցէ մահ ի վերայ նոցա, եւ իջցեն ի դժոխս կենդանւոյն:

Թշնամեաց՝ թէ անիծանեն՝ հանդուրժեմ. ծանօթից՝ յորժամ ընդդէմ դառնան՝ չկարեմ հանդարտել:

Ը. Արդ սարսեցեն եւ դողաոցին քահանայքն ամպարիշտք, զի ճշդագոյնս եւ սաստկագոյնս քան զայլս դատեցայց զնոսա:

Յերկրին սրբոց զանօրէնս գործեն. միտեսցեն զփառս իմ, այլ հզօրագոյնս պահանջեսցին:

Յիշեսցեն զՆաբադ եւ զԱբիուդ: Պաշ-

տօնեայք իմ էին. տեսի զնոսա զի եզին
հուր օտար ի բուրուառս իւրեանց, եւ
անդէն առաքեցի հուր յերկնից ի վերայ
նոցա եւ ծախեաց զնոսա :

Յիշեացեն զՈգա ղեւտացի : Տեսի զնա
զի անպատշաճ իմն օրինակաւ ձգեաց
զձեռն իւր ի տապանակ ուխտին իմոյ,
եւ առժամայն հարի զնա, թէպէտ եւ
Փղշտացւոցն՝ որ յանդգնագոյնս արկին
ձեռս ի տապանակն՝ խնայեցի :

Յիշեացեն զորդիան Հեղեայ : Տեսի զնո-
սա վրիպեալս եւ յանցուցեալս եւ սա-
տակեցի :

Ո՛հ. որդեակ, յիշեա եւ դու եւ եր-
կիր ի դատաստանաց իմոց, զարհուրեա-
ջիր ի բարկութենէ իմմէ : Արթուն լեր,
փախիր ի մեղաց :

Թ. Բաց, Տէր, բաց զսիրտ իմ, եւ
հեղ ի սիրտ իմ զերկեւղ մեղաց եւ
զատելութիւն անօրէնութեան առաւել
քան զառաւել : Բեւեռեա ընդ երկեւղ
քո զմարմին իմ, զի մի մեղայց քեզ :

Սակայն տես, Տէր, զդիւրամէտ ոտն-
առութիւն իմ ի չարիս : Եմ եմ քա-
հանայ, այլ եւ մարդ եւս եմ անօրէնու-
թեամբ յղացեալ :

Օգնեա ինձ, վարեա զիս, կալ զձե-
ռանէ իմմէ զաջոյ, եւ ի խորհուրդս քո
առաջնորդեա ինձ :

Տես, Տէր, զկատաղութիւն սատա-

նայի ոստիսին իմոյ : Ահաւասիկ հանաւ
պազ իբրեւ զառեւծ գոչէ, շրջի եւ խըն-
դրէ թէ զո՛վ կլանիցէ : Փրկեա զիս ի
թշնամեոյ յայնմանէ :

Տէր իմ, զքեզ ապաւէն ինձ արարի,
եթէ ոչ դու պահես զիս՝ ընդունայն
տքնեցայց, ի զուր պահել զիս ջանա-
ցայց :

Ի քեզ յուսացայ. ընդ յարկաւ արա
զիս, պաշտպանեա ինձ, եւ ոչ կորեայց
ի տկարութեան իմում :

Գ Լ Ո Ի Խ Է .

Ասան շարեացն որ ծագին ի վարխար վարուց
քահանայից :

Ա . Ո՛ՐԴԵԱԿ, լալով լացի, եւ արտա-
սուք իմ ի վերայ ծնօտից իմոյ, քանզի
բարեկամն իմ՝ զոր ի վերայ ամենայն
ընչից կացուցի, դարձաւ եւ եղեւ ինձ
թշնամի :

Հայեաց, որդեակ, եւ տես, թէ իցե՞ն
երբէք ցաւք ըստ ցաւոցս լեալ :

Գնեցի ոչխարս ի Հօրէ իմմէ փրկանօք
արեան իմոյ : Սէր յաւիտենական սիրեմ
զնոսա, եւ յայն սակս իսկ ծառայի
իմում յանձն արարի, զի յանուն եւ ի
սէր իմ հովուեսցէ, պահեսցէ եւ փրկեա-
ցէ զնոսա :

Ասացի ցնա, բարեկամ, քեզ յանձն

առնեմ զոչխարս իմ , հան յարօտ զնոսա , երթ առաջի նոցա , ծանիր զնոսա , դիր զանձն քո ի վերայ նոցա :

Այլ եւս ոչխարք են իմ որ ոչ են յայտմ գաւթէ , եւ զայնս եւս քեզ յանձն առնեմ . բարեկամ , անձ եւ զայնս այսր , զի եղիցի մի հօտ եւ մի հովիւ :

Ասացի ցոչխարսն իմ , երթայք զհետ հովուին , ծաներուք զձայն նորա , զօտարի զհետ մի երթայք , այլ փախերուք ի նմանէ :

Բ . Օ ի եղեւ , սրդեակ . ծառայն այն՝ որում այնպէս սիրով զոչխարսն իմ յանձն արարի , եղեւ իբրեւ վարձկան , որում չէ փոյթ վասն ոչխարացն :

Ետես զգայն զի գայր , եւ եթող զոչխարսն եւ փախեսաւ , եւ եկն գայն յափրշտակեաց զոչխարս իմ եւ ցրուեաց :

Մանաւանդ թէ , սրդեակ , ծառայն այն եղեւ գող չար եւ աւազակ , եւ սպան ինքն եւ կորոյս զոչխարս իմ՝ որոց վասն ես եկի զի զկեանս ունիցին եւ առաւել եւս ունիցին :

Գ . Ղ ուր , սրդեակ , լուր թէ զխորդ ծառայն այն չար դարձաւ եւ եղեւ ի հօտի իմում իբրեւ երէ վայրի եւ արածեցաւ ի նմա :

Պարտ էր նմա ածել զոչխարս իմ յարօտս հաւատոց ի խոտալից եւ ի ճարակաշատ , ուսուցանել պարտ էր նմա

զնոսա, հրահանգել ի հաւատս եւ քա-
րողել :

Սակայն նա անփոյթ արար. ուստի եւ
եկն սով ի վերայ : Ի սակաւ ժամանակի
տեսի զի վատեալ էր խաշն իմ եւ ոչ
ծանեայ զերեսս նորա :

Այց առնել պարտ էր նմա ոչխարաց
իմոց եւ ուշ ունել կերպարանաց իւրա-
քանչիւր՝ հանապազորդ լսելով զնոս-
տովանութիւնս նոցա :

Սակայն ոչ արար, եւ ի սակաւ ինչ
ժամանակի աճեցին եւ բազմացան ախտքն
եւ վերքն, եւ բազումք յոչխարաց իմոց
կորեան, քանզի ոչ գտաւ որ դարման
տանէր նոցա :

Սկել պարտ էր նմա ի վերայ ոչխարաց
իմոց զի մի օձտեալ ցրուեցին, եւ
խնդրել զմոլորեալսն, եւ ոչ ինչ խնամ
կալաւ եւ անհոգ եղել եւ ցրուեալ
վարատեցան :

Ոչխարքն այնոքիկ հոգիքն են, որ-
դեակ, որ ի տգիտութեան, ի մեղս եւ
ի մոլորութիւնս լքեալ թողան ի չար
քահանայէ :

Ո՛ր անհաւատարիմ հովիւ : Ո՛ր ծառայ
չար : Ո՛ր հովիւ տարապարտարօտ որ ընդ
վայր եհար զխաշն իմ :

Գ. Այն ամենայն, որդեակ, սկիզբն
է երկանց իմոց : Լուր եւ եւս եւ լացջիր
ընդ իս. քահանայ չար եկուլ զոչխարս

իմ եւ սպան զնոսա : Մեղաւ ինքն եւ
ընդ վայր եհար զհոգիս :

Քանզի տեսին զնա զի մեղանչէր եւ
ասացին . սա հրեշտակ Տեառնէ՝ որ գի-
տէ զբարի եւ զչար , ոչ եթէ աւելի ինչ
քան զնա յԱստուծոյ պարտիւք երկրն-
չել , ոչ աւելի ինչ քան զնա պահել
զպատուիրանս , ոչ աւելի ինչ փախչել
ի մեղաց :

Իսկ արդ զնարդ . շիցէ՞ մեզ օրէն՝ որ
ինչ նմա օրէն եւ պատշաճ իցէ . զնչ՞
չգործ իցեմք զնոյն զոր նայն գործէ . եր-
թիցուք զհեա նորա , եւ ընդ ծանա-
պարհս նորա յառաջադէմ զնասցուք :

Այսպէս նորա օրինակաւն զառաժան
հոգիքն ի չարիս . այսպէս ի յոռութիւնս
եւ յանօրէնութիւնս հաստատեցան :

Ե . Եւ զինչ եւս , սրդեակ . միւր
բաժակի անգթութեան նորա ոչ սպա-
ռեցաւ տակաւին :

Լուր , լուր , եւ յիմարեացին երկինք
վասն այսորիկ , եւ գրունք նորա կործա-
նեացին յոյժ :

Տեսանեն ոչխարքն իմ թէ բարք եւ
վարք նորա չեն նման եւ հանգոյն վար-
դապետութեանն . մերթ երկմտեն , մի-
թէ համարիցի՞ , ասեն , եւ ինքն ճշմա-
րիտ զհրամանն հաւատոյ՝ զոր ուսուցանէ ,
միթէ ինքն հաւատայցէ՞ նոցին , ճշմա-
րիտ արդեւք իցեն : Եւ մերթ ասեն

յանձինս իւրեանց, ինքն իսկ վարդապետն, հովիւն, առաքեալն ոչ հաւատայ, ես ընդէր հաւատացից. ի դժոխսց ոչ երկնչի, ես վասն էր երկեայց: Աստի անհաւատութիւն. աստի ամպարշտութիւն:

Այսպէս, սրդեակ, այսպէս ի չար մարգարէէ ելանէ պղծութիւն ընդ ամենայն երկիր:

Ո՛ր քահանայ, ոչ եթէ հովիւ՝ այլ մոլորեցուցիչ հօտին իմոյ: Ակն ընդ ական, ատամն ընդ ատաման հատուցէ անօրէնն այն. եղիցի անձն նորա փոխանակ անձանց նոցա:

Զ. Ո՛ր վատթար քահանայք, սրչափ եւ քանի չարեաց էք պատճառք:

Զինչ ինչ ոչ կրեցի յիշխանէն ձերմէ ի Յուդայէ, որ մատնեացն զիս Հրէից զի խաչեացեն:

Զինչ ոչ Արիստէ՝ որ զհամօրէն եկեղեցի իմ աւերեաց եւ անշքացոյց:

Զինչ ոչ ի Ղութերայ՝ որ զայնչափ մասն հօտին իմոյ ի մոլորութիւն ամ եւ ի կորուստ:

Զինչ ոչ եւ յայնչափ անչափ քահանայից՝ որ հերձուածոց եւ հերեսութեանց պաշտպան կացին:

Ո՛ր ժանտ եւ անօրէն քահանայք՝ յորոց ձեռն եկին այնչափ զայթակղութիւնք, յորոց ձեռն այնչափ ժողովուրդք

եւ այնչափ ազգք ի հաւատոց եւ ի միութենէ եկեղեցւոյ իմոյ մեկնեալ հեռացան, որք անիրաւութեամբ իմն զձեր յանցանա ի վերայ հարսին իմոյ սրբոյ եւ զգաստի արկանէք:

Վասն ձեր, վասն ձերոց անօրէնութեանց խոցի աշխարհ սրով, վասն ձեր կորնչի հարուածովք, վասն ձեր զօրականք ուղղահաւատք յաղթեալ ի պարտութիւն մատնին:

Վայ ձեզ, ծնունդք իժից: Ընկղմեացեն զձեզ, յառաջ քան զայլ անօրէնա, անդունդք խորոցն դժոխոց. կափուսցէ կատաղութեամբ զլերան իւր ի վերայ ձեր ջրհոր տանջանաց:

Գ Լ Ո Ւ Խ Ը.

Վասն Բարեացն որ ծագին ի որբօլան վարսաց քահանայից:

Ա. ԵՐԱՆԻ՛ ազգի, երանի ժողովորդեան, որում տացէ Տէր հովիւ ըստ սրբաի իւրում:

Ընդ նորա հովուութեամբն եղիցին ամենայն դժուարինք ի դիւրինա եւ առապարքն ի դաշտս, եւ տեսցէ ամենայն մարմին զփրկութիւն Աստուծոյ:

Գաշտք լցցին պարարտութեամբ, պարարտացին զեղեցկութիւնք անապատի, բլուրք ցնծութիւն զգեցցին:

Բ. Աշխարհի աշխարհի որ երկոտասան
առաքեալս ընկալաւ յամենազուծն
Տեառնէ :

Տես, որդեակ, թէ որչափ ինչ իցէ
սրբոյ քահանայի զօրութիւն, ազդեցու-
թիւն եւ ոյժ : Տես, էին արք երկո-
տասանք, եւ ընդ ամենայն երկիր ել
բարբառ նոցա եւ մինչեւ ի ծագս աշ-
խարհի են խօսք նոցա :

Ինքեանք դառինք էին, եւ աշխարհի
որ լի էր դայլութիւն յաղթեցին. թէպէտ
եւ ձկնորսք էին, սակայն զաշխարհ որ
մթապատ խաւարաւն ծածկեալ էր՝
լուսաւորեցին վարդապետութեամբ :

Չգոյր նոցա դաւազան եւ ոչ զէնք
էին նոցա, եւ սակայն զդրօշեալս եւ
զմեհեանս տապալեցին. անտոհմք եւ
անարգք էին, այլ եւ յաշխարհէ իսկ
մեծապատիւ մեծարեցան :

Բայց սակայն սուրբք էին, անարատք
էին, լցեալք զզաստութեամբ, հանա-
պազորդեալք յաղօթս, դեղերեալք ի
զործս պաշտաման, նմանողք Քրիստոսի,
եւ նորահոգւովն եւ նախանձու լցեալք :

Ո՛ր երանելի երկիր՝ որոյ այնպիսի եր-
կոտասան առաքեալք էին. վայ երկրիս
այսմիկ՝ որ այսօր իսկ ի բիւրուց բիւրուց
քահանայից սպասաւորեալ՝ կորնչի :

Գ. Աշխարհի քաղաքին Մեդիոլանա-
ցւոց, որ մինչ ի վատթարութիւնս եւ ի

տգիտութեան ծրդեալ կայր, ընկալաւ իւր հովիւ զԱարողոս:

Աարողոսի փոյթ էր զկղերէն. եւ բազում քահանայք ի յառութեանցն մրրոյ ի ծագ սրբութեան իբրեւ ի մահուանէ ի կեանս փոխեցան:

Հողացաւ նա եւ զժողովրդենէ. եւ ժողովուրդն որ յառաջ ի խաւարի եւ ի ստուերս մահու նստէր, ի ճանապարհի ճշմարտութեան եւ առաքինութեան շրջեցաւ:

Նա եւ քաղաքն իսկ գլխովին զողջեստ ամենեւին փոփոխեցաւ եւ նորոգեցաւ: Մանաւանդ թէ եւ յայլոց եւս կողմանց աշխարհի քակեալ Աարողոսի զատանայի թագաւորութիւնն, զտէրութիւն Քրիստոսի սփռեալ տարածանէր սքանչելապէս:

Ապա ուրեմն եւ ինքն ի կենաց վճարէր, սակայն համբաւ իւրոյ սրբութեանն ընու զընաւ տիեզերս, եւ գրեթէ եւ այսօր իսկ ամէ ի սրբութիւն ի նախանձ նմանութեան յօժարեցուցեալ:

Այսպիսի զօրութիւն է սրբոյ քահանայի, որպէս զի ոչ սք իցէ որ թաքիցէ ի տապոյ նորա:

Գ. Արանի Քաբաղիացւոցն՝ որ զՍաղէս ընկալան: Զորչափոյս յետս կացոյց նա ի հերետութեանց. զորչափոյս ամ նա ի ճանապարհ աստուածաշատու

Թեան. քանիք են՝ զորս իւրով մեղմական զգօնութեամբն արար յերկինս մտանել :

Երանի ազգացն Հրնդկաց՝ որ զՔսաւեր կալան իւրեանց առաքեալ : Քանի թագաւորութիւնս, սրչափ թագաւորս, սրչափ ժողովուրդս ած ի հաւատս Քրիստոսի, չէ բաւական լեզու պատմել մի բառ միոջէ :

Երանի աշխարհին Քաղղիացւոց՝ որ ընկալաւ զՄինկենտիոս : Արչափ աղքատք ի ձեռն նորա աւետարանեցան. սրչափ ամալարիշտք եկին յուղղութիւն, քանի կոյրք լուսաւորեցան. քանիօն հիւանդք հաւատովք՝ ողջացան. քանի մանկունք ուսան. սրչափ քահանայք սուրբք եղեն :

Ե. Ահաւասիկ, սրդեակ, սրչափ ինչ կարող է ճշմարիտ եւ սուրբ քահանայ, որ աղօթից, բանին եւ օրինակի միտ եղեալ իցէ :

Սորա տուան քեզ օրինակ, եւ առաւել պարտին յորդորել զքեզ ի յառաջադիմութիւն, քան սրչափ հրապուրեն զքեզ բազմութիւնք քահանայիցն թուլացելոց՝ ի մեղկանալ :

Արդ՝ տես թէ զինարդ լցին զպաշտօն սպասաւորութեանն՝ զոր եւ դու իսկ յանձին բարձեալ բերես, եւ դուն գործեալ զի բառ նմին օրինակի եւ դու զպաշտօն քո լնուցուս :

Տես թէ որպէս իւրեանց սրբական զնացիւքն զամենեցուն աչս յանձինս կորզեցին. տես թէ զինչ օրինակ զբանն Աստուծոյ քարոզեցին, տես թէ զիարդ կամ որչափ յաղօթս կացին:

Տես թէ որպիսիք դքք եղեն նոքա կերպարանօք, զնացիւք եւ բանիւք. որչափ ծանունք եւ պարկեշտք ի բարս. որչափ հեղք եւ խոնարհք յընտանութիւնս. քանի մեռուցեալք եւ ողորմածք. զիարդ սակաւս զժամանակաւորաց հոգային. որպէս եռացեալք եւ փոյթք ի հոգեւորս:

Տես թէ որչափ էր նոցա ատելութիւն ընդդէմ յոռութեանց, եւ քանիօն նախանձ եւ եռանդն առաքինութեան:

Տես եւ արա ըստ նմին օրինակի: Արա եւ ուստ ընդ նոսա, յայնժամ եւ ընդ նոսա լիցիս մեծ յարքայութեան երկնից:

Գ Լ Ո Ի Խ Թ.

Աստուծոյ մահաւան:

Ա. Ո՞վ է մարդ որ կեցցէ եւ ոչ տեսցէ զմահ: Արդարեւ իսկ ոչ դք, որդեակ. նա եւ փորձով իսկ ուսար՝ թէ չիք դք չիք ուրեք որ հանապազ կեցցէ:

Արդ եւ դու եւս, դու թէպէտեւ քահանայ իցես, թէպէտ յաստուածոց անտի իցես եւ յորդուցն Բարձրելոյ, սակայն իբրեւ զայլս ի մարդկանէ մեռանի-

ցիս, եւ յաւուր՝ յորում ոչ կարծիցես, եւ ի ժամու՝ յորում ոչ գիտիցես. նա եւ այնմ եւս չես տեղեակ՝ թէ զհարգ եւ սրգունակ մեռանելոց իցես:

Որդեակ, մերձենայ առ քեզ երազընթաց ընթացիւք նա՝ որ նստի ի վերայ գունատ ձիոյ՝ որ մահն անուն յորջորջի, եւ ի սակաւ ժամանակի գտցիս ի մէջ սպանելոց:

Թերեւս ոչ տեսանես զնա, ոչ ակն ունիս, համարիս թէ տակաւին հեռի կայցէ, եւ սակայն քայլիւ միով եւեթ բաժանեալ անջրպետեալ կաս դու ի նմանէ:

Ի մօտոյ իսկ առ ոտն կոխեսցէ զքեզ. եւ զինչ օգուտ իցէ քեզ յայնժամ, եթէ զաշխարհս ամենայն շահեալ իցես, եւ զանձնէ քումէ չիցես ինչ հոգացեալ առ ի փրկել:

Բ. Ո՛հ. սրբէս բացցին յայնժամ աչքքո՞, յորժամ լիցես զհեծեալն զի ահագին բարբառովն գոչիցէ՝ թէ հասեալ է վախճան ի վերայ քո, հասեալ է վախճան ի վերայ քո:

Յայնժամ երկայնաձիգ աւուրք կենաց երեւեսցին քեզ իբրեւ զստուեր երազ անցեալ:

Յայնժամ մեծութիւնք եւ արարք, պատիւք եւ փառաւորութիւնք, փափկութիւնք եւ հեշտականութիւնք երեւեսցին քեզ սնտիք եւ ընդունայիք:

Յայնժամ լիցիս խոստովան թէ ան-
մտութիւն իցէ յայնպիսի բարիս զյոյս
իւր դնել, զոր յետ ժամու միտջ զայ
մահ եւ յակամայ իսկ բառնայ:

Յայնժամ ի միտ առցես թէ իմա-
տութիւն իցէ յերկինս եւեթ գանձել
քեզ գանձս:

Յայնժամ հեծեսցես եւ ողբասցիս
վասն կորուսանելոյ քո զայնչափ անչափ
շնորհս, եւ վասն ընդդէմ կալոյ քո այն-
չափ սրբոց ազգեցութեանց:

Յայնժամ ցաւեսցէ քեզ վասն ոչ
գործովք բարեօք հաստատուն զքո
ընտրութիւնդ գործելոյ, եւ կամ վասն
չցանկանալոյ քո ի ծագ մեծի կա-
տարման:

Յայնժամ յարիցեն մեզք քո, եւ ե-
ղիցին առաջի աչաց քոց բանակ մի մեծ
յոյժ, եւ անկցի ի վերայ քո ահ եւ եր-
կեւղ:

Յայնժամ եւ ի վերայ արդարու-
թեանց քոց խռովեսցիս եւ զարհուրե-
ցիս յոյժ, զի ոչ գիտես թէ սիրոյ իցես
արժանի եթէ ատելութեան:

Յայնժամ ոչ միայն վասն քոց կե-
նաց եւեթ տատամնիցիս, այլ եւ վասն
զի համարս տալոց ես թէ զիարդ խնամ
կալար ոչխարացն՝ որոց հոգ քեզ յան-
ձրն էր:

Յայնժամ բազում գործք քո երեւ-

եացին քեզ մնասակարք, որ երբեմն վասն անխորհրդութեան քո սղիղք եւ լսւք քեզ երեւէին:

Ի բազումս ի գործոց քոց նշմարեացես զցանկութիւն մարմնոց, զցանկութիւն աչաց եւ զամբարտաւանութիւն աստի կենացս եւ կամ թէ լոկ մարդկեղէն իմն յօժարութիւն. ի սակաւս գացես կատարելութիւն:

Գ. Յայնժամ տեսցես, սրգեակ, զուայտութեանցն անկարգութիւն, զընդունայնութիւն հանդերձիցն, զգեղսութիւն կահուց եւ կազմածոց, զքատարկութիւն աւուրցն,

Զթերութիւնս աղօթից, զխնայութիւն յոգորմութիւնս, զանհնարին հոգընչից, զյանցանս ընտանութեանց,

Զտենչանս անտի ցանկութեանց, զչարակնութիւնս եւ զատելութիւն հակառակութեանց, զթուլութիւնս եւ զմեղկութիւնս ի բարեպարիշտ կրթութիւնս, զխոստովանութեանց պակասութիւնս, զանհազութիւնս ի մատուցանելն պատարագս:

Գայցեն ի միտս քո այնչափ անչափ ոչխարք տգէտք՝ զորս ոչ ուսուցեր, այնչափ մողորեալք՝ զորս ոչ խնդրեցեր, այնչափ մեղաւորք՝ զորս ոչ կշտամբեցեր, այնչափ երկչոտք եւ վատասիրտք՝ զորս ոչ քաջալերեցեր:

Այնչափ անկեալք՝ զորս ոչ կանդ-
նեցեր, այնչափ հիւանդք՝ զորս ոչ դար-
մանեցեր, այնչափ բարի բարի գործք ի
խաշինա՝ զորովք զանց արարեր, եւ այն-
չափ գործք յուիք՝ որոց թոյլ ետուր:

Զինչ ասիցես յայնժամ, հէքդ եւ
տառապեալ. այսօր իսկ ասա, սրդեակ,
եւ լիցիս անկասկած:

Գ. Ասա. Ո՛վ մահ, բարի է դատա-
ստան քո: Զոր յայնժամ յանձին զգայի՛
այժմ իսկ կամիմ զգալ. զոր ինչ յայն-
ժամ գործէի, արդ կամիմ գործել.
հրաման տաց վասն տան իմոյ՝ մինչ կեն-
դանի իցեմ, գուցէ ոչ կարիցեմ ի մե-
ռանելն իմում:

Յամենայն իսկ ազգէ չարեաց պահե-
ցից յայումհետէ զանձն իմ, եւ ոչ ինչ
գործեցից՝ որ կարիցէ յայնժամ ահագին
ժամուռ տազնապել զիս:

Մինչ դեռ ժամանակ կայցէ՝ գործե-
ցից զբարին, սերմանեցից, հնձեցից,
ժողովեցից, զի յորժամ գայցէ Տէր
խնդրել զհամար տնտեսութեան իմոյ,
ծառայ հաւատարիմ երեւեցայց խնդու-
թեամբ եւ առեալ բերից զորայս իմ:

Ե. Սակայն, մի լիցիս, սրդեակ, նման
մարդոյ՝ որ պշուցեալ հայիցի ընդ երեսս
իւր՝ որ ծնանիցին ի հայելուջ, զի հայե-
ցեալ տեսանէ զինքն եւ զանց առնէ եւ
անդէն մռանայ թէ որպիսի ոք էր:

Այսինքն՝ մի լիցի քեզ բաւական՝ մի անգամ կամ երկիցս զկեցուցիչ զայս մտածութիւն մահուան որոճել ի միտս, եւ դնել ուխտ սրբական կեանս այնուհետեւ ընծայեցուցանելոյ, եւ ապա անգէն նոյնհետայն մտանալ :

Յանկ զմահ յեղյեղեսջիր ի միտս եւ միշտ նորոգեսջիր զկամս կանխելոյ քան զմահ, ոչ եթէ ի հանդերձելումն, այլ այժմէն իսկ եւ գործովք :

Երանի, արդարեւ իսկ երանի որ զժամ մահուան իւրոյ հանապազ առաջի աչաց ունիցի :

Չայս ճարտար գիտէին սուրբքն իմ, եւ վասն այնորիկ զամենայն հնարս հնարէին ածել ի միտս զմահուն յիշատակ, ոմն զոսկերս մեռելոց առաջի աչացնկատեր, մեւս ոմն ի գերեզմանս հայեր, եւ այլ ոմն անկեալ դնէր ի դագաղս :

Զ. Իսկ քեզ որ քահանայդ ես՝ չպարտի նշան ինչ նորօրինակ՝ առ ի յաճախազոյնս զմահուն յիշատակ ի միտս քս ածելոյ :

Զի հազիւ ուրեմն անջրպետ ինչ ժամանակի կայ քեզ յաւուրն, յորում ոչ տացի քեզ առանձինն յիշատակ յուշարար մահուան :

Քանզի երբեմն կոչիս երթալ պատրաստել զօրհասականն ի մահ, երբեմն օգնել այնմ որ յոգիս պարզել ապա-

ստան իցէ, մերթ ի թաղել զմեռեալս, մերթ առ ի զկտակ գնացելոյն ընդ գրով արկանել եւ երբեմն ի կատարել զպաշտօն վասն ննջեցելոց :

Յորժամ զանգակ հնչեցուցանիցի՝ զյուզարկաւորութենէ ազգ առնէ . յորժամ յեկեղեցի մտանիցես՝ զգերեզմանս եւ զշիրիմս կոխես . եթէ զգիրս սրբոց ժամուցն պաշտաման բանայցես՝ աղօթք վասն ննջեցելոց քեզ ընդ առաջ ելանեն . եթէ պատարագ մատուցանիցես՝ պարտիս առնել յիշատակ զննջեցելոց :

Միանգամայն իսկ ասացից՝ ամենայն ուրեք մահ քեզ յանդիման լինի, քանզի այսպէս ուրեմն կարգեալ սահմանեցի . եւ վասն էր արդեւք :

Չի որովհետեւ վասն բարձրութեան աստիճանի պաշտաման քո՝ առաւել քան զայլս ի վտանգի կաս, եւ նմին իրի իսկ հարկ է զի յաճախագոյնս խորհրցիս զվախճան կատարածի քո, յայն սակս կամեցայ զի ստէպ գտցին քեզ խթանք ի նուիրական պաշտամանն, որ զկեցուցիչ խոկումն մահուան եւ զյիշատակ ի միտս քո ամիցեն :

Է. Ապա մի փակեցես զաչս մտաց քոց եւ կամ ի բաց դարձուցանիցես, յորժամ մահուն պատկեր յանդիման քեզ լինիցի, որ թէպէտ եւ տխուր իսկ է՝ այլ կարի կարեւոր :

Մի խտտացուցեա զականջս որտի քո
ի չլսել զձայն նորա, այլ մանաւանդ թէ
ուշին դիր ձայնի նորա, ընկալ եւ թաքս
ի ծոցի քում զբանս նորա, զի ընդ եր-
կեւղ իմ բեւեռեալ կացցէ մարմին քո :

Ոչ ապաքէն, սրգեակ, անմիտք եւ
անհանձարք իցեն քահանայ քնայնորբիկ
որ հանապաղ ի մէջ մեռելոց շրջիցին,
սակայն եւ խորհին իսկ ոչ զմահուանէ,
եւ առ ընդելու թեան՝ ոչ ինչ ամենեւ-
ին նորա յաճախադոյն սպառնալեացն
զգան :

Ամենայն ուրեք մահ ընթացակից է
նոցա, եւ սակայն այնպէս իմն կեանս
կեան՝ որպէս թէ չիցեն երբեք մեռա-
նելոց, զկորստականս աշխարհիս շահեալ
ստանան, իբր այն թէ բնաւ չիցեն իսկ
կորնչելոց, եւ թէպէտ եւ անկեալ զնի-
ցին հիւանդացեալք եւ մերձ ի մահ
իցեն, սակայն եղբօրն որ ասիցէ՝ թէ Հրա-
ման տուր վասն տան քո զի մեռանիս,
ոչ հաւատան :

Ո՛հ. որպիսի կեանք նոցա, սրգեակ,
եւ որպիսի մահ. կեանք արդարեւ ըստ
մարմնոց, եւ մահ՝ գրեթէ միշտ իսկ՝ առ
ի չգոյէ յառաջագոյնն պատրաստու-
թեան՝ յանկարծական :

Քաւ ի քէն, սրգեակ, քաւ այնպիսի
մտացութիւն քոյոյ վախճանի եւ այնր
ողորմ պտուղ : Հանապաղ պարտ է քեզ

մեռանել մտօք իբրեւ զՊաւղոս՝ եւ յայն-
ժամ ցնծասցես ընդ նմա՝ յորժամ ա-
պրեսցիս ի մարմնոյ աստի մահու :

Գ Լ Ո Ի Խ Ժ .

Սասն վերջնոյ դասարանի :

Ա . ՅԵՏ մեռանելոյ , սրդեակ , ննջե-
ցես ի հող երկրի , այլ զարթիցես ,
յարիցես եւ եկեսցես ի ձորն Յովսա-
փաթու , յորժամ անդ նստայց դատել
զամենայն ազգս շուրջանակի :

Անդ տեսցես զիս ի քում մարմնի ,
եւ ես քննեցից զսիրտ քո եւ զերիկա-
մունս :

Լուսաւորեցից զճածուկս խաւարի քո ,
յայտնեցից զխորհուրդս սրտի քո , կըշ-
ուեսցիս ի կշիռս , եւ հատուցից քեզ
լստ գործոց քոց :

Բ . Յայնժամ եղիցի , սրդեակ , վախ-
ճան ամենայն իրաց , հատուցումն ամե-
նայն արդարութեան եւ համօրէն յան-
ցանաց վրէժխնդրութիւն :

Ի միտ առ զոր ասեմս , եւ իմաստու-
թեամբ անձին հոգ տարջիր , զի յայնմ
աւուր բարկութեան՝ անկասկած իցես
եւ երանելի :

Գ . Ասացի քեզ բազում անգամ ,
սրդեակ , արհամարհեա զերկրաւորս ,
քանզի անցանէ աշխարհ եւ ցանկու-
թիւն նորա :

Մի սիրեր զաշխարհս եւ մի որ ինչ
յաշխարհի է, զի անցանէ վայելչութիւն
աշխարհիս այսօրիկ:

Կամիս, սրգեակ, պահել զայս պա-
տուիրան՝ զոր քեզ բազում անդամ
ասացի. կամիս յաղթել վատթարու-
թեան բնութեան քո՝ որ ուժգին ձգեալ
ածէ զքեզ ի մարմնաւորս:

Կալ ստեպ յուշի զայն յետին ժամ,
յորում արարածք եւ տիեզերք համօրէն
քակեալ եւ լուծեալ ի ջերմութենէ
կործանեսցին:

Գ. Բազում անդամ այսպէս իսկ
նկարեա ի ներքս ի սրտի քում՝ թէ
նշանս ահագինս յարեգակն եւ ի լու-
սին եւ յաստեղս նշմարիցես, եւ շարժ-
մունս մեծամեծս յերկրի՝ յորում բնա-
կեալդ ես, եւ բարբառ ահեղ իբրեւ
ծովու եւ խռովութեան եւ թէ զյետին
փողն լսիցես:

Արդարեւ իսկ յայնժամ հին մարդն
քո գօսացի ի կարծեաց դատաստանի՝
որ եկեսցէ ի վերայ քո, եւ մի իշխեսցէ
այնպէս սաստիկ ցանկալ հակառակ հո-
գւոյ:

Արդարեւ ոչ ասիցես թէ լաւ է մեզ
յայսմ աշխարհի լինել, արասցուք մեզ
աստ օթեւանս քաղցր եւ հեշտական,
յորժամ միտ գիցես թէ չէ աշխարհս
այս քաղաք կայուն:

Արդարեւ ոչ իբրեւ ճշմարիտ բարութիւնս համարիցիս զամենայն թագաւորութիւնս աշխարհի եւ զնոցին փառաւորութիւնս, յորժամ ածիցես զմտաւթէ այն ամենայն ի կորուստ զնայցեն :

Արդարեւ ոչ յաղթեսցիս ի փառասիրութենէ, յորժամ զայնմ օրէ խորհեսցիս՝ յորում ամենայն ոք խոնարհեսցի :

Արդարեւ ոչ ցանկասցիս զանձել ի վերայ երկրի, յորժամ միտ դիցես եթէ ամենայն ինչք եւ մեծութիւնք ի միում վայրկեան ժամանակի եւ ի քթթել իսկ ական ատականեալ չիք լինիցին :

Արդարեւ ոչ շնորհեսցես ինչ մարմնոյ, յորժամ զմտաւ ածիցես՝ եթէ անհնարին թշնամի լինիցի յաւուր դատաստանի մարմինն՝ զոր դիրգ եւ քնքուշ սնուցեր :

Հայեաց ի վախճան, որդեակ, եւ զամենայն երկրաւորս համարեսցիս իբրեւ զկղկղանս, եւ զայնմանէ իմն եւ եթ փոյթ յանձին ունիցիս զի զերկինս շահեսցիս :

Հայեաց ի վախճան, եւ ասիցես՝ Յիրաւի, Տէր, ծանեայ, զի ամենայն ինչ ընդունայնութիւն է, այլ այն չէ սշնայնութիւն՝ յորժամ սիրեացէ ոք զքեզ եւ քեզ ծառայեսցէ եւ զանձն եւ զայլս սուրբ գործեսցէ :

Երանի այնմ միայն՝ զոր դտանիցես յայնմ ժամու արարեալ այնպէս :

Ե. Նկարեցիր բազում անգամ ի միտս քո, որդեակ, թէ տեսանիցես առ ընթերք քահանայս յարուցեալս ի շիրմանց, զոմանս յուրախութեան, ի փառս, յանօսութեան, ի լուսաւորութեան, յարագութեան, յանապականութեան, քանզի սուրբք են, եւ զոմանս զազիրս, արհամարհս, սգաւորս, մուկնեալս եւ զատամունս կրճտիցեն, զի չարք էին:

Երկիր եւ դողա ի յետնոց աստի, եւ յառաջնոց անտի յօժարեսցիս դիմել յառաքինութիւն, եւ յայնպիսի տեսլենէ դրդեալ եւ գրգռեալ, ասա իմաստութեամբ ցանձն քո՝ Ո՛վ անձն իմ, տես թէ որչափ բարի լինիցի քահանայի յորժամ զլուծն տարեալ իցէ:

Տես թէ քանի լաւ իցէ երիցու՝ յորժամ արացէ եւ ուսուցէ:

Տես թէ որպիսի ինչ փառք մնան նոցա՝ որոց կեանք եւ վարք յիմարութիւն համարեալ է առաջի ամպարչտաց:

Տես թէ զիարդ համարեսցին ընդ որդիսն Աստուծոյ, եւ ընդ սուրբս է վիճակ դոցա:

Ո՛ երանելի երիցունք, կրկին պատուով պսակեալք: Ընթասցուք, անձն իմ, զհետ նոցա՝ որպէս եղջերու յաղբերս ջուրց:

Ընթասցուք զհետ նոցա համբերութեամբ ի նեղութիւնս, ի վիշտս, ի չարչարանս, ի դանս, ի բանաս, ի խռովու-

Թիւնս, յաշխատութիւնս, ի հսկմունս,
ի պահս, ի սրբութեան, ի գիտութեան,
յերկայնմտութեան, ի քաղցրութեան,
ի Հոգի սուրբ, ի սէր առանց կեղծաւո-
րութեան:

Ընթացուք փառօք եւ անարդու-
թեամբ, գովութեամբ եւ պարսաւանօք:

Ո՛վ անձն իմ, զբանն ճշմարտութեան
զոր կալան՝ կալցուք եւ մէք, զզէնս ար-
դարութեան՝ որովք մարտեան ընդ աջ-
մէ եւ ընդ ահեկէ՝ ստացուք եւ մէք,
մարտիցուք, ընթացուք, ընթացուք
անձն իմ:

Ապա թէ ոչ կամիցի տակաւին անձն
քո, եթէ չառնուցու յանձն աշխատել
զսուրբ աշխատութիւն, դու հաստատուն
կաց եւ ասա՝ Տես, անձն, ո՛ւր տարեալ
հասուցանէ հեղդութիւն եւ կամակո-
րութիւն անօրէն քահանայի:

Տես թէ քանի ահագին եւ սոսկալի
իցէ յետ մեղանշական կենաց յառնել,
եւ ապա յետ այնորիկ ի ձեռս Աստու-
ծոյ կենդանւոյ անկանել:

Տես թէ զիարդ անօրէնութիւն քա-
հանային ի նմա են, որպէս զամպարըշ-
տութիւնս իւր եւ զայլոց ամպարշտու-
թիւնս յանձին բարձեալ բերէ:

Որ յայսմ աշխարհի խոյ ի գլուխ հօ-
տին էր, ի յարութեան նոխազ է ի
գլուխ դատապարտելոց:

Ո՛վ անձն իմ, խտորեացուք ի շարաց
աստի, խուզեացուք զպատուիրանս Աս-
տուծոյ մերոյ եւ արացուք զկամս նորս
յանձինս մտադիւրս եւ ի սիրտս կա-
մակարս :

Զգուշացուք յորոգայթից սատա-
նայի, ի ցանկութեանց փնասակարաց,
որք ընկզմեն զմեզ ընդ սոտս ի կորուստ :

Զ. Սկարեսջիր դարձեալ բազում
անգամ ի միտս քո, սրդեակ, եթէ ար-
դէն իսկ տեսանիցես զնշան իմ երեւեալ
յերկինս, զխաչ իմ փայլատակեալ ի
վերուստ, եւ ասա՛ Ահա կշիռն յորում
յայնժամ կշուեցայց. երանի ինձ եթէ ի
կշռոցի անդ գտայց ընդ Քրիստոսի
բեւեռեալ :

Երանի ինձ եթէ զխաչն զհետ Յիսու-
սի տարեալ իցեմ. լիցի ինձ նա յայն-
ժամ բարեկամ եւ խնայեցոց :

Երանի ինձ եթէ ի ձեռն խաչի լիեալ
իցեմ նմանող պատկերի Արդւոյն Աս-
տուծոյ : Յայնժամ մատեայց արդարեւ
առ Քրիստոս գատաւորն մեծաւ աչա-
լուրջ համարձակութեամբ :

Բայց վայ ինձ եթէ մեղօք իմովք
զՅիսուս վերստին ի խաչ հանեալ իցեմ :

Վայ ինձ եթէ զարիւնն՝ որ վասն իմ
հեղաւ ի խաչին՝ խառնակ համարիցիմ :

Վայ ինձ եթէ կեանս վարելով ըստ
մարմնոյ՝ թշնամի խաչին եղէց :

Ո՛վ անձն իմ, ուրասցուք զմեզ, բարձ-
ցուք զխաչ մեր եւ երթիցուք զՏեա
Յիսուսի, շարչարեցուք այժմ՝ ընդ նմա
եւ ի յարութեան հաղորդ փառայն լի-
նիցիմք :

Է. Ակարեսջիր ստէպ ի միտս քո,
որդեակ, եթէ տեսանիցես զիս զԱրդի
մարդոց եկեալ ամպովք երկնից եւ զօ-
րութեամբ եւ փառօք բազմօք :

Եւ համարեսջիր եթէ կայցեն քահա-
նայք առաջի իմ, ոմանք ընդ աջմէ նրա
տեալք յաթռուս եւ դատիցին զաղղոս
Ժողովրդեան իմոյ, իսկ կէսք յահեկէ՝ ընդ
սատանայի եւ ընդ հրեշտակաց նորա :

Հայեաց տես զգիրս բացեալս առ ի
դատել զմեռեալս ըստ այնմ՝ որ գրեալ
կայցէ ի նոսին :

Լուր թէ սրպէս չիցէ ինչ ի ծածուկ
որ ոչ յայտնեսցի, եւ գաղանի որ ոչ
ծանիցի :

Լուր զգատաւորի առ սուրբ երիցունս
զքաղցր բանս . Ո՛ր հնեալք Հօր իմոյ,
բարեկամք իմ, որ արարէք զամենայն
զոր պատուիրեցի ձեզ :

Ծառայք հաւատարիմք, որ զծա-
նրութիւն աւուրն բարձէք եւ զաօթ, որ
զիս որ յանդամս եւ ի փոքրկուճս իմ
քաղցեալս էի եւ ծարաւեալ եւ հիւանդ
եւ մերկ եւ բանտարդել՝ այնչափ անչափ
աշխատութեամբք, քրտամբք, բանիւք,

օրինակօք, աղօթիք եւ խորհրդովք
կերակրեցէք, արբուցէք, բժշկեցէք,
զգեցուցէք եւ ազատեցէք :

Եկայք, որդիք սիրեցեալք, ժառանգ-
դեցէք զպատրաստեալ ձեզ արքայու-
թիւն իսկզբանէ աշխարհի :

Ոչ արդեւք անիցես աստ, սրդեակ,
թէ բարեաւ մնա երկիրդ, բարեաւ մնա-
ցէք եւ ամենայն ինչք աշխարհի, քան
լիցի ինձ եթէ յայսմ հետէ զաշխարհա-
կան իրօք զբաղիցիմ : Աստուծոյ միայ-
նում զինուորեցայց ճշմարիտ աստուած-
պաշտութեամբ եւ հաւատարիմ սպա-
սաւորութեամբ :

Աղէ տես անձն իմ, զի թէպէտ եւ
աշխատութիւնն զարհուրեցուցանիցէ
ինչ, սակայն քանի առաւել հրաւիրեալ
յորդորէ վարձուցն հատուցումն :

Ը. Քայց եւ զայն եւս լուր, սրդեակ,
թէ զինչ ինչ յայնժամ առ քահա-
նայս կամակորս ասացի :

Ո՛ր անիծեալ որդիք կորստեան, որ
զանուն կենդանուոյ ունէիք՝ եւ սակայն
մեռեալ էիք : Ամաչեցէք արդ եւ յա-
մօթ լերուք :

Լուարուք՝ յետուստ ձեր արկեալ զե-
րեսօք ձերովք. զխտացէ ժողովուրդն
թէ սրչափ ողորմեցայ ձեզ, զխտացէ
ամենայն սուն իմ թէ սրպէս լի էիք
նենգութեամբ եւ խաբէութեամբ :

Ծանիցէ զսեղանազերծ տաճարա-
կապուտ անօրէնութիւնս ձեր, զիտաս-
ցէ զի իմ է վրէժխնդրութիւն եւ ես
հասուցից:

Երթայք քան զամենայն ժանտո
ժանտազոյնք եւ քան զամենայն անի-
ծեալս անիծեալք, երթայք, մեկնե-
ցարուք յինէն ի հուրն յաւիտենական:

Ո՛հ. սրդեակ, արդարեւ առ բազումս
ի քահանայից ձգեսցի այն ահագին
վճիռ. մի՞թէ եւ դու ի նոցանէ՞ իցես:

Երկիր, սրդեակ, երկիր, քանզի ար-
դարն հաղիւ կեցցէ յայնմ աւուր:

Երկիր, եւ եթէ խիթիցէ ինչ զքեզ
յիմիք սիրա քո, վաղվաղակի եւ ա-
ռանց ամենայն յազաղութեան, մինչ
դեռ լոյսդ ի քեզ է՝ կանխեա առաջի
իմ խոստովանութեամբ, ապաշխարու-
թեամբ եւ ամենայն գործովք բարեօք:

Գ Լ ՈՒ Խ ԺԱ.

Վասն դժոխաց:

Ա. ԳՈՒ զիտես, սրդեակ, եթէ մե-
ղաւորք երթիցեն ի հուրն յաւիտենա-
կան, զի անդ այրեսցին նոքա ի սգման
մինչեւ յաւիտեան ընդ սատանայի եւ
հրեշտակաց նորա:

Գիտես դու զայս եւ հաւատաս իսկ
եւ քարոզես ոչխարաց իմոց ըստ իմում
հրամանի զահաւոր զայն ճշմարտութիւն:

Բայց եւ զայն եւս զիտես դու, սր-
դեակ, զի ոչ եթէ վասն զանօրէն ոչ-
խարս եւեթ պատժելոյ կարգեալ իցէ
այն տանջանաց տեղի, այլ եւ վասն քա-
հանայից կամակորաց, այլ եւ վասն չա-
րաց հովուաց մանաւանդ շինեցաւ :

Քանզի վասն արուսեկի եւ վասն նորին
ընկերացն արարաւ եւ սահմանեցաւ, զի
անդ հզօրք հզօրագոյնս տանջեսցին :

Ո՛ր արուսեակդ նորածին, որ առ բար-
ձրութեան պաշտաման քո յերկնից ես
երկնաւոր, երկիր՝ դուցէ ընդ առաջնոյն
արուսեկի անկեալ կործանեսցիս, եւ
յետոյ ուրեմն ընկեսցիս ընդ նմա ի լիճ
բորբոքեալ :

Դու որ մեծատունդ ես զանձուք եր-
կնից, երկիր՝ դուցէ ի չար անդր արկեալ
զնտա ի կիր՝ մեռցիս, եւ ընդ մեծատան
ի դժոխս թաղեսցիս :

Դու՛ որում մեծագին եւ պատուական
քանքաքք քահանայութեան իմոյ եղեն
յանձն, երկիր՝ դուցէ ընդ անպիտան ծա-
ռային ընկեսցիս ի խաւարն արտաքին՝
ուր եղիցի լալ եւ կրճել ատամանց :

Բ. Ո՛ւր է, սրդեակ, ո՛ւր է Յուդաս,
ո՛ւր եւ քահանայքն այնոքիկ՝ որ նախն
նմանող եղեն, եւ իբրեւ զնա մեռան ի
մեղս իւրեանց :

Ո՛ւր : Թաղեսցան ի դժոխս, եւ այն-
չափ խորագոյնս անկեալ ընկզմեալ կան

անդ, որչափ բարձրագոյն պարտ եւ պատշաճ էր լինել նոցա յերկինս :

Այնչափ մեծաւ ամօթով լցցին անդէն, որչափ յերկրի մեծապատիւ մեծարեցան :

Այնչափ եւս առաւել անարգեսցին անդ, ծաղը լիցին եւ մանրեալ խորատակեսցին ի սատանայէ, որչափ առաւել յերկրի աստ յայսմիկ պատուեալ եղեն ի հրեշտակաց եւ ի մարդկանէ :

Այնչափ աւելի արբցեն անդ նոքա զլեղի վիշապաց եւ զլծոյնս իծից, որչափ եւս առաւել ընկալան ի սեղանի յարենէ իմմէ անարժանութեամբ :

Այնչափ դժնդակագոյնս ի հնոյ օձէն խայթեսցին եւ պատառեսցին անդէն, որչափ պարտ իսկ էր նոցա յերկրի աստ ի ձեռն սրբոյ սպասու պաշտաման լինել նմա թշնամի եւ վնասակար :

Այնչափ աղքատագոյնք եւ մերկագոյնք լինիցին անդ, որչափ առաւել աստ առանց ինչ վաստակելոյ զկարեւորան եւ զաւելորդս ընկալան յոչխարաց իմոց :

Այնչափ առաւելագոյն պրեսցին անդ, որչափ եւս վասն որբութեան վիճակի իւրեանց ի սովորական հոգոց եւ զքաղանաց ազատեալք՝ հանգստագոյն եւ բարեկեցիկ կեանս կեցին յաշխարհի :

Այնչափ եւս սաստիկ խթանօք բորբոքելովք Ակեսցին եւ տագնապեսցին

անդ նորա, որչափ բազում ոչխարս վասն
իւրեանց ծուլութեանն եւ հեղգութեան
զանց արարեալ կորուսին:

Այնչափ աւելագոյն քաղցու եւ ծա-
րաւով տանջեսցին, որչափ առաւել ի
բարութիւնս անցուցին զաւուրս իւ-
րեանց:

Այնչափ եւս ժանդահոտ ձիւթով
եւ ծծրմբով ծածկեսցին անդ, որչափ
ի բարձր, ի հոգեւոր եւ ի սրբական վի-
ճակի իւրեանց պաշտամանն կեանս վա-
րեցին ըստ մարմնոց:

Այնչափ առաւել ունայցեն անդ եւ
գութեսցեն իբրեւ զշունս մուկնեալս,
որչափ լւեցին աստ ի գահոյսն Աւետա-
րանի:

Այնչափ ահագինս աշխատ լիցին անդ
լեւելք նոցա աղմկօք եւ աղաղակօք, որ-
չափ նուազագոյնն կամեցան յատենի
անդ ունին ապաշխարողացն մատու-
ցանել:

Այնչափ ճիւղալս եւ գազանս անհե-
ղեղս եւ սոսկալիս տեսցեն անդ, որչափ
սակաւս արկին զաչս իւրեանց ի վերայ
հօտին իմոյ, որչափ սակաւս թէ ընդ
երեսս ոչխարացն հայեցան:

Այնչափ յորդագոյնք եւ առատա-
գոյնք իցեն անդ արտասուք նոցա, որ-
չափ դուն ուրեք եւ անօսր յարտասուս
գարձի զմեղաւորան ջանացան յորդորել:

Այնչափ առաւել թողեալ եւ լքեալ լիցին անդ նոքա, որչափ նուազագոյն յերկրի աստ զոչխարսն լքեալս եւ տխրեալս մխիթարեցին :

Այնչափ սաստկագոյն անդ տանջանք եւ քերանք նոցա, որչափ սակաւ վշտակից եւ օգնական վշտաց խաշանցն եղեն :

Այնչափ առաւելագոյն կեղեքեսցին եւ պատառեսցին մարմինք նոցա, որչափ բազմաց ոգւոց՝ իւրեանց չար օրինակօքն եղեն սպանիչք :

Այնչափ սակաւ լիցին անդ լսելի հեծութիւնք նոցա, որչափ սակաւս կամեցան յերկրի աստ զկարեւոր աղօթսն առնել, եւ որչափ ցրտագոյնս եւ անհոգութեամբ զգործ իմ կատարեցին :

Միանգամայն իսկ ասել՝ այնչափ խիտարս զգաւազանս արդարութեան իմոց բնկալցին անդ, որչափ նուազագոյն զպատուիրանս իմ՝ զոր քարոզեցին ժողովրդեան, պահեցին, եւ որչափ եւս առաւել քան զայլս Հոգւոյն սրբոյ հակառակ կացին :

Գ. Այդպէս է, սրդեակ. մարդիկ իմ էին, բարեկամք իմ, պաշտօնեայք իմ, պարարտացեալք եւ ստուարացեալք ի բարերարութեանց իմոց, եւ անկուշեցին զիս եւ մատնեցին զիս, եւ զՀոգին իմ թշնամանեցին եւ զանձն իմ առ սոսն հարին :

Առաւել քան յայլոց անօրինաց խրն-
դրեմ վրէժս ի նոցանէ, եւ առաւել եւս
խնդրեցից. միւր բաժակի սրբամտու-
թեան իմոյ ի վերայ նոցա ոչ սպառեացի:

Ամենայն զբօսանք եւ ալիք բարկու-
թեան իմոյ անցանեն ի վերայ նոցա եւ
անցցեն եւ մնասցեն ի յաւիտեան:

Դ. Ո՛հ որդեակ, երկիր յինէն որ կա-
բող եմ զոգի եւ զմարմին կորուսանել
յայսմ գեհենի:

Ահաւասիկ առաջի քո կեանք եւ մահ,
երկինք եւ դժոխք: Ընտրեա:

Ո՛րդեակ, միթէ կարիցես բնակել ընդ
Տրոյ՝ որ ծախեալ սպառէ, դու՛ որ եւ
լկանաց անգամ թրթրոյ, եւ կայծական
Տրոյ եւ ասղանն խայթուածոյ չկարես
ժուժալ:

Եւ սակայն բնակեացես, եթէ ի բա-
րութիւնս կամեցիս զաւուրս քո ան-
ցուցանել: Զի այն իսկ է ընդարձակ
ճանապարհն՝ որ տանի ի կորուստ:

Բնակեացես եթէ չկամիցիս բռն
լինել բնութեան, քանզի բռնք եւ եթ
զարքայութիւն երկնից յափշտակեն եւ
ի դժոխոց զերծեալ ապրեսցին:

Բնակեացես եթէ կայցես եւ մնայցես
զատարկ, վասն զի առանց վաստակոց
չիք վարձուց հատուցումն, այլ խաւար
արտաքին:

Բնակեացես եթէ ոչ սուրբ լինիցիս,

զի սուրբք միայն երթիցեն ի կեանսն
յաւիտենականս եւ ի յաւիտենական
հրոյն զգուշացեալ պահեսցին :

Ե. Արդեակ, զգոյշ լերանձին քում,
միտ դիր անձին քում. իմ իմիք ար-
ժանի իցես : Ի ժամու՝ յորում ոչ զի-
տիցես՝ եկից ես Արդի մարդոյ :

Եթէ վաղիւ իսկ գայցեմ, եթէ վա-
ղիւ մեռանել քեզ հասանիցէ՝ յո՞ եր-
թիցես : Տացէ պատասխանի սիրա քո :

Եթէ այսօր արժանի դժոխոց իցես,
վաղիւ երկնից զնարդ կարիցես լինել
արժանի :

Արդեակ, վաղուի օրն չէ ստոյգ, եւ
ուստի իսկ զիտես թէ ծնանիցի քեզ
վաղիւն :

Գ Լ Ո Ի Խ Ժ Բ .

Վասն հեծումիսն շահանային ի դժոխս :

Ա. ԱՌԻՐ, սրդեակ, զքահանայ զեղ-
բայր քո զկորուսեալ, այլ չասեմ թէ
ողորմեաց նմա, զի չէ մարթ եւ չէ իսկ
հնար այնուհետեւ թէ կարիցէ ինչ օգ-
նել նմա գթութիւն քո, քանզի չեք
ի դժոխս փրկութիւն :

Լուր. Տանջիմ ի տապ հրոյ : Զի է,
սրդեակ, հիմ ոչ ասիցէ թէ ի տապոյ
հրոյ. արդարեւ վասն այնորիկ՝ զի բաց
ի հրոյն տապոյ, եւ այլ եւս տանջանա
ցաւոց կրէր նա անդէն ի տապ հրոյն :

Եւ ճշմարտիւ իսկ խոնարհեցո զունկն
քո եւ լուր զնա: Այն անմտութեան
իմում. անօրէնութեան եւ կորստեան
շաղղօք լցայ:

Այն ինձ եղուկ եմ ես. զնացի ընդ
անկոխ անապատ, եւ զճանապարհս
Տեառն՝ զոր այլոց ցուցի՝ ոչ չողայ:

Այն ինձ. զի՞նչ շահ եղեւ ինձ հպար-
տութիւնն, եւ զի՞նչ մեծութիւն ամ-
բարտաւանութեանն եղեւ ինձ նպաս-
տաւոր:

Անիտ եմ. անցին իբրեւ զստուեր
խաբեպատիր բարութիւնքն՝ զորս սի-
րեցի:

Այն ինձ հէք եւ տառապեալ. ոչ
երբէք տեսից այսուհետեւ զերեսս պա-
տուական Հօր իմոյ, որ յերկինսն է: Այս
է հանդիստ իմ, եւ ոչ երբէք հասից
ի նա: Ծարաւիմ՝ եւ ոչ երբէք արբից,
քաղցնում՝ եւ ոչ կերայց երբէք:

Ոչ այլ ինչ կայ մնայ ինձ յաւիտեան՝
բայց սուգ եւ աղաղակ եւ ցաւ:

Այն ինձ. վայն ինձ. կորուստ իմ՝
գործ ձեռաց իմոց է, պտուղ է անօ-
րէնութեանց իմոց:

Ո՛վ անձն իմ. ո՞նտխանձ արար զքեզ
չհնազանդել պատուիրանացն Աստու-
ծոյ իմոյ՝ զոր այլոց ուսուցանէի, եւ ոչ
հնազանդել շնորհաց՝ որ գրդէր զիս
առանց դագարելոյ:

Չայլոց մեղս թողի բազում անգամ,
եւ մեղք իմ պահեալ են յաւիտեան:

Բազում անգամ ընկալայ զգառն Աստուծոյ զմարդասէր, բազում անգամ եւ այլոց մատակարարեցի, եւ յաւիտեան թշնամի ինձ արարի զնա:

Զննջեցելոց հոգիս բազում անգամ ի ձեռն նուիրական զոհից եւ պատարագաց հանի արտաքս ի հրոյ քառութեան, եւ զիս ի ձեռն նոցին իսկ պատարագաց թաղեցի ի հուրն յաւիտենական:

Ի ձեռն պատժոցն դատապարտելոց՝ զայնչափ անչափ ժողովուրդ Աստուծոյ ըստ իմում պաշտաման զարհուրեցուցի, եւ զիս անփութութեամբ եւ անօրէն գործովք իմովք ի տանջանս յայնուսիկ մատնեցի:

Ո՛հ. թէ գիտացեալ էի. թէ իմացեալ էի. թէ կանխաւ գլեաթինսն տեսեալ էի: Վայ ինձ. վայ ինձ:

Արդար ես, Տէր, եւ ուղիղ դատաստան քո. չեք ինչ զոր պարտ էր քեզ առնել վասն փրկութեան իմոյ՝ եւ ոչ արարեր: Աորուստ իմ, գործ ձեռաց իմոց:

Բ. Միտ դիր, սրդեակ, եւ լուր տալաւին: Հայր Աբրահամ՝ ողորմեաց ինձ, եւ առաքեա զՂազարոս, զի թացցէ զծագ մատին իւրոյ ի ջուր, եւ զովացուցէ զլեզու իմ:

Գուք Առաքեալքդ, դուք քահանայք սուրբք, զորոց զտեղի յաջորդեալ կարայ, առաքեցէք զուշտարս իմ՝ որ ի ձեռն սպասու պաշտաման իմոյ հասին ի ժողովս ձեր, զի օգնեսցեն ինձ :

Զինչ տացի յայնժամ պատասխանի, սրդեակ : Ընդ : Յիշեա զի ընկալար անդէն զբարիս քո ի կեանն քում, եւ սոքա զխաչս եւ զբարչարանս : Արդար եւ իբաւ է զի սոքա այժմ մխիթարեսցին, եւ դու պապակեսցիս եւ չարչարեսցիս : Աիհ անմատոյց է ընդ մեզ եւ ընդ քեզ :

Ո՛ կսկիծ, ս՛ յաճախութիւն ցաւոյ չեք այլ բնաւ յոյս օգնութեան, ոչ մխիթարութեան ինչ ակնկալութիւն, ոչ տեղի սպաշխարութեան եւ ոչ տեսիլ փրկութեան, այլ մեծաբեռն ծանրութիւն հիքագոյն մշտնջենաւորութեան եկեալ հասեալ կայ ի վերայ :

Ո՛ որդն դժնդակ, ահաւասիկ զորս փրկեցի, եւ յաւիտեանս եղիցին երանելիք . յանցանօք իմովք կորեայ եւ տանջեցայց յաւիտեան :

Գ. Միտ դիր, սրդեակ, եւ ընդ յետ ամենայնի : Հայր Աբրահամ, դուք փառաւորեալ բնակիչքդ երկնից սուրբ քահանայք, աղաչեմ զձեզ արձակեցէք զմեզ զմի որ ի նոցանէ առ եղբարս իմ առ քահանայս որ տակաւին կեն-

դանի են յերկրի, որպէս զի տայցեն նոյա վկայութիւն, զի մի եւ նոքա դայցեն յայտ տեղի տանջանաց: Չի թէ ի մեռելոց որ երթիցէ առ նոսա՝ ապաշխարիցեն:

Չինչ առնի պատասխանի: Լճոր: Եթէ Մովսէսի եւ մարգարէիցն ոչ լսեն, եւ ոչ թէ ի մեռելոց որ յառնիցէ՝ հաւանեցին:

Որդեակ, լուար աւասիկ խորհուրդ ստիպի: Այսպիսի է կամակորութիւն անօրէն քահանայի, որպէս զի ոչ թէ եւ ի մեռելոց իսկ որ յարիցէ՝ գայ ի զղջումն եւ յապաշխարութիւն:

Եւ յարդեանց իսկ իրացն յայտ է, որդեակ. ոչ քահանայապետքն եւ դպիրք տեսին զՂազար զյինէն յարուցեալ ի մեռելոց: Այժ իսկ եւ կարի քաջ:

Եւ սակայն քանզի ոչ բանից իմոց հաւատային եւ ոչ գործոց իմոց, նմին իրի եւ ոչ ի տեսանել անդ զմեռեալն զայն յարուցեալ՝ հաւատացին յիս, այլ ընդ հակառակն՝ եւս իմն առաւելագոյն թշնամիք ինձ եղեն:

Գիտէ եւ ճանաչէ իսկ զհաւատա քահանայ կամակոր, եւ ընդդէմ՝ դառնայ հաւատոց որ սպառնայ. լցեալ է շնորհօք, եւ շնորհաց՝ որ յինքն հրաւիրէ՝ չառնու յանձն հնազանդել:

Առաջնայ, խտանայ, եւ ի կուրու-
թեան իւրում եւ ի խստութեան մե-
ռանի. եւ սպա ուրեմն երթայ ի տեղին
տանջանայ :

Երկիր այսուհետեւ, սրգեակ, դար-
ձեալ ասեմ երկիր, զի մի բնաւ երբեք
նմին նմանող լինիցիս :

Այսօր իսկ թէ զձայն Տեառն լսիցես,
մի խստացուցաներ զսիրտ քո, այլ տես
թէ իցեն անօրէնութիւնք ի ճանա-
պարհս քո, եւ եթէ իցեն՝ անդէն առ-
ժամայն ի բաց արա :

Արի եւ մնտ յանձուկն ճանապարհ
որ տանի ի յաւիտենական բարութիւնս :

Գ Լ Ո Ի Խ ԺԳ .

Ասան փարայ երկնաօրայանայ :

Ա. ՈՐԳԵԱԿ, ելի յերկինս, եւ յաւի-
տեան ընդ աջմէ Հօր իմոյ նստիմ :

Ե՛լ եւ դու, սրգեակ, սու քեզ թեւս
իբրեւ զազաւնւոյ եւ թռանիջիր :

Ի տան Հօր իմոյ օթեւանք բազում
են : Օթեւան մի սահմանեալ է եւ վտան
քո. կանխեալ յառաջեցի քան զքեզ,
զի պատրաստեցից քեզ զայն տեղի :

Այս է հանգիստ քո յաւիտեանս յա-
ւիտենից. ընտրեա զայն զի բնակեցիս
յետոյ անդէն ի նմին եւ հանգիցես ընդ
իս ի միասին :

Ե՛կ, սիրեցեալդ իմ, ի պարտէզ իմ՝
եկ, ես եղէց վարձք քո մեծ յոյժ:

Բ. Ո՛հ. սրդեակ, եթէ լուսաւորեալ
էին աչք սրտի քո, եթէ զխտէիր թէ
զինչ իցէ յոյս կոչման իմոյ, եւ զինչ
մեծութիւնք փառաց ժառանգութեան
իմոյ ի սուրբս:

Եթէ ծանուցեալ էր քո զերկինս՝ յոր
կոչեմն զքեզ, յոր ճեպեմ զքեզ մտա-
նել, դու իսկ արդարեւ կանխէիր քան
զիս, եւ յօրէ աստի յայտմանէ մինչեւ
ցվերջին շունչ կենաց քոց աղաղակէիր,
եւ առանց ամենեւին դադարելոյ եւ
սաստիկ ցանկութեամբ ձայն բարձեալ
զոչէիր:

Հայր բարի, եկեսցէ ինձ արքայութիւն
քո. Տէր, տուր ինձ զջուր նորա՝ զի մի
այլ եւս ծարաւեցից:

Տէր, բաց ինձ զդրունս արքայութեան
քո. քանզի ցանկայ եւ փափաքէ յոյժ
անձն իմ ի դաւիթս քո:

Գ. Գիտես, սրդեակ, թէ քանի
քաղցր իցէ մարդոյ՝ որ երկայնժամանա-
կեան աշխատութեամբ վաստակեալ
իցէ՝ հանգչել:

Գիտես, եթէ որչափ հեշտական իցէ
հիւանդի՝ ի դառնադառն եւ ի կսկծա-
կան ցաւոց ազատանալ:

Սակայն որչափ եւ ցանկալի եւ հեշ-
տական քեզ հանգիստն այն թուիցի,

այլ եւ ոչ իսկ պատկեր այնր հանգրտեան է՝ զոր եսն իմոց զօրականաց պատրաստեցի :

Աարճ է հանգիստ աշխարհիս այսորիկ , եւ հազիւ հազիւ թէ զզօրութիւնս տկարացեալս բաւական իցէ վասն նորոգ ինչ աշխատութեանց կազդուրեցուցանել :

Այլ իմ հանգիստ՝ յաւիտենական է , եւ չէ իսկ հնար թէ շարժմամբք ինչ ամբոխեալ վրդովեացի :

Թերի է հանգիստ այսր աշխարհի , եւ չառնէ զըք ազատ ի մարդկեղէն ազեացի :

Իսկ հանգիստ իմ ամենեւին իսկ կատարեալ է , եւ ի բնաւ իսկ ցաւոց , ի սղոյ , յաղաղակէ եւ յանձկութենէ ազատ եւ ի վեր զսուրբս իմ յարդարէ :

Հանգիստ աշխարհիս այսորիկ թեթեւ իմն սփոփանք են պանդխտութեան մարդոյն :

Այլ իմ հանգիստ՝ մշտնջենաւոր պարապութիւն է հոգւոյն՝ որ ցնծայ , եւ ուրախութիւն ընդ անձն իմ՝ որ ամենեւին երանեալս եմ :

Ո՛հ . սրբեակ , յորժամ ժամն այն երջանիկ հասանիցէ՝ յորում մտցեսս դու յայն սուրբ հանգիստ , յամենայն կարօտութենէ , յերկիւղէ եւ ի պատժոց պատուհասից ճշմարտիւ եւ կատարեալապէս ազատ լինիցիս :

Ոչ իցէ քեզ այլ եւս պատերազմ ընդ մարմնոյ եւ ընդ արեան եւ ընդ աշխարհակալս խաւարի, ոչ այնուհետեւ բազում նեղութեամբք պարտ իցէ յառաջադէմ լինել:

Ոչ երկիցես այնուհետեւ ի մեղաց, ի նեղութեանց, յանձկութեանց, ի սուվոյ, ի հալածանաց եւ ի սրոյ:

Ոչ ունիցիս յայնժամ զհոգս եկեղեցեաց, ոչ գոչիցես յայնմ հետէ թէ ո՞հիւանդանայ եւ ոչ ես հիւանդանամ. ո՞գայթագղի, եւ ոչ ես տապանամ: Քանզի մեկնեալս եւ հեռացեալս տեսանիցես յայնժամ զառաջինսն:

Ոչ ապաքէն, սրդեակ, արժանի քոց վաստակոց իցէ հանդիստն այն: Ապա բարձ՝ յուսով այնր հանդստեան, զլուծիմ ի վերայ քո, եւ քաղցր եւ թեթեւ քեզ երեւեսցի:

Գ. Վիտես, սրդեակ, թէ զինչ իցէ ի սաստիկ ցանկութիւնս լիով յազել:

Արդարեւ իսկ ոչ, սրդեակ. զի այն յագութիւնս յերկրի ոչ ուրեք գտանի, վասն զի յետ առաջնոց ցանկութեանց շիջանելոյ՝ ցանդ նորոգ ցանկութեամբ տանջի սիրտ մարդոյ:

Այլ զայն գոնեայ զիտես, սրդեակ, թէ որպիսի ինչ իցէ՝ յորժամ քաղցեալ ոք իցէ՝ եւ կերիցէ ցյազ, կամ ծարաւի՝ եւ ջուր ըմպիցէ, եւ կամ առն

արծաթասիրի՝ մեծանալ, եւ հպարտի՝
ի բարձ ելանել, եւ առն փափկասիրի՝
զբօսնուլ եւ ուրախ լինել : Այս ամե-
նայն առաջի մարդկան անմտաց անուա-
նեալ կոչի հեշտականութիւն :

Եւ սակայն եթէ գտանիցի ոք՝ որ ա-
մենեւին իսկ յամենայն իրս զորս եւ ցան-
կանայցէ՝ լիագոյնս վայելիցէ, ո՛չ ապա-
քէն երջանկութիւն նորա՝ զստուեր սր-
բոցն երջանկութեան առաջի քո նկա-
րիցէ :

Ոչ, սրբեակ, արդարեւ իսկ ոչ. զի
ակն ոչ ետես, եւ ունին ոչ լուաւ եւ ի
սիրտ մարդոյ ոչ անկաւ՝ զսր պատրաս-
տեցի ես սիրելեաց իմոց :

Անդ անձն որ ծարաւի իցէ՝ արբեացի ի
պարարտութենէ տան իմոյ, անդ զուսս
փափկութեան իմոյ ըմպիցէ :

Անդ ուտէ ի քաղցր փայտէն կենաց,
անդ լսէ զձայն քնարահարաց՝ զի հար-
կանիցեն զքնարս իւրեանց եւ երգիցեն
երգս նորս առաջի աթոռոյն Աստուծոյ :

Անդ փայլեն արդարքն իբրեւ զարեզ-
ակն, անդ ուրախ լինին իբրեւ զյաղ-
թօղս որ աւար հարեալ իցեն՝ յորժամ
բաժանիցենն զկապուտ եւ զկողոպուտ :

Անդ ոչ իբրեւ ընդ հայելի օրինակաւ,
այլ դէմ յանդիման ցուցից նոցա զիս՝
որ եմն ամենայն բարութիւն :

Ո՛հ. սրբեակ, եթէ ծանուցեալ էր

քո զայն ամենայն՝ որ այժմ ծածկեալ են յաչաց քոց, այլ յայտնի լիցին քեզ՝ յորժամ լուսով իմով տեսցես լոյս, [Թէ գիտացեալ քո . . . :

Եւս բազում ինչ ունէի ասել քեզ, այլ ոչ կարես հանդարտել այժմիկ, քանզի տակաւին չլինիս հասու :

Բաւական լիցի քեզ արդ, սրդեակ, զոր հաւատասն, շատ իցէ քեզ գիտել [Թէ կեանք յաւիտենականք կան պահին քեզ, եւ [Թէ ի կեանսն յաւիտենականս առնի մարդ ճշմարտիւ երանելի, եւ [Թէ քահանայք՝ որ վարս սրբականս ընծայեցուցին յայսմ աշխարհի, առաւել քան զայլն ամենեսին մեծապայծառ պատկառ պատկիցին :

Ե. Աւրախ լեր, սրդեակ, ուրախ լեր, զի հաճեցայ տալ քեզ զարքայութիւնն զայն :

Աւրախ լեր, ե[Թէ աղքատ հոգւով իցես. երանելի ես, զի քո է արքայութիւն իմ :

Աւրախ լեր, [Թէ հեզ իցես. երանելի ես, զի ժառանգեսցես զերկիր երկնից :

Աւրախ լեր, [Թէ սգայցես զմեզս քո եւ զմեզս եղբարցն. երանելի ես, զի յաւիտեան մխիթարեսցիս :

Աւրախ լեր, ե[Թէ փութով քով քաղցեալ եւ ծարաւի իցես արդարութեան. երանելի ես, զի յագեսցիս :

Աւրախ լեր, եթէ զխորհուրդ ողորմածութեան իմոյ՝ բազում խնամով առ ապաշխարողս մատակարարիցես. երանելի ես՝ քանզի եւ դու եւս ողորմութիւն գտցես:

Աւրախ լեր, թէ սուրբ սրտիւք զիւրնդունիս, եւ ուղիւ սրտիւք զփառս իմ միայն խնդրիցես. երանելի ես՝ զի զիս տեսցես:

Աւրախ լեր, եթէ զխաղաղութիւն սիրոյ ի մէջ ոչխարաց իմոց հաստատել ջանայցես. երանելի ես՝ զի ընդ որդւոց իմոց յերկինս ցնծասցես:

Աւրախ լեր, թէ հալածանս վասն հաւատոց եւ վասն նախանձու կրիցես. երանելի ես՝ զի քո է արքայութիւն իմ:

Աւրախ լեր, եթէ նախատիցեն զքեզ մարդիկ, եւ ասիցեն զամենայն բան չար զքէն սուտ՝ վասն իմ, երանելի ես, ցրնծա, սրգեակ, զի վարձք քո բազում են յերկինս:

Այնիւ, ծառայ բարի, գարձո զմեղաւորս, վաստակեա հաւատարմութեամբ յայդւոջ իմում, յայնժամ եւ ես Տէր այգւոյն եւ հովուապետս եկից ընդ առաջ քո եւ եղից ի գլուխ քո զանթառամ փառացն պսակ:

Ջ. Ո՛հ. սրգեակ, ածջիր ստէպ զմրտաւ զայն ժամ հեշտական, յորում գրունք երկնից բացցին քեզ:

Այնմ ակն կալ ջիր, նմին տուր ողջոյն,
նմին փափաքեաց, գոչեա առ ցանկու-
թեան թէ վայ է ինձ՝ զի ընդերկար ե-
ղեւ պանդխտութիւն իմ:

Խոնարհեցո զսիրտ քո առնել զար-
գարութիւնս իմ, վասն այնր պատուա-
կան հատուցման:

Արդարեւ իսկ առաւել եւս ուրախ
լիցիս եւ ցնծասցես դու յորժամ զայ-
ցես եւ պսակեսցիս, որչափ ուրախ լի-
նէր նա՝ որ ի խաւարչտին բանտէ կա-
պանաց արտաքս ելանէր՝ զի ի բարձ
թագաւորութեան հասանիցէ:

Գ Լ ՈՒ Խ ԺԴ .

Վասն Վերի-Բանորն սաստաճապաշարս-
Տեբ Յիսուս Բրիտանս:

Ա. ԳՆՈՒ ո՞վ ես, որդեակ: Ապաքէն
պաշտօնեայ Օծելոյ իմոյ եւ ճատակա-
րար խորհրդոց նորա:

Ո՛հ. որպիսի սիրով պարտիս դու սի-
րել զնա, որ զայնչափ սէր եցոյց քեզ:

Քանի հոգաբարձութեամբ պարտ է
քեզ ուշ ունել բանից եւ պատուիրա-
նաց Արքայի քո, զի կատարեսցես զայնս
եւ տեսցես զի եւ ամենեքին կատա-
րեսցեն:

Ո՛րչափ ճգամբք արժան է քեզ աշ-
խատ լինել, զի յամենայնի նմա հաճոյ
լինիցիս:

Բ. Ո՛ր մարդ Օժեւոյ իմոյ, ի բաց թօ-
թափեալիւր զամենայն, եւ զՅիսուս մի-
այն ի հոգւոջ, ի սրտի եւ ի գործս կրեա-
լիւր հանապազ, եւ ցանդ առ քեզ պա-
հեալիւր:

Միտս ետու քեզ, որդեակ, զի յա-
մենայն բանս եւ ի գործս վարեացէ
զքեզ: Եւ յի՞նչ ինչ բնաւ պարտիցի
միտքն ուղղել զբանս եւ զգործս քո՝
այլ ի պաշտօն Յիսուսի եւ ի սպասաւո-
րութիւն նորա:

Եւ ո՞ այն ոք իցէ՝ որ բաւական իցէ ի
ամին զմիտս քո լուսաւորել, բայց նա՛ որ
ինքնին իսկ իմաստութիւն իմ է, լոյս
ճշմարիտ, Որդի իմ սիրելի՛ ընդ որ հա-
ճեցայ:

Ո՛րդեակ, զնա՛ հարց, նմա լուիջիւր,
այս ինքն՝ զնորին սուրբ վարդապետու-
թիւն քննեալիւր ցանկ եւ հանապազ, զի
ճրագ ստից քոց լիցի բան նորա եւ լոյս
շաւղաց քոց:

Զի յորժամ յանուն նորա աւետա-
րանիցես, ոչ եթէ զքո՛ այլ զնորա զՆւ-
ետարան քարոզես, քանզի ոչ դու ի-
ցես որ խօսիսդ՝ այլ նա որ բերանով քով
բարբառիցի:

Ո՛հ. եթէ ի ձեռն ընթերցուածոց եւ
մտածութեանց բանից նորա ի սիրտ քո
ածել զնա կարիցես եւ ճշմարտիւ ճա-
նաչել զՅիսուս Քրիստոս, շատ իսկ ու-

սեալ լիցիս յայնժամ եւ վասն անձին
քո եւ վասն այլոց :

Եւ արդարեւ իսկ վարդապետութիւն
նորա անցանէ զանցանէ քան զամենայն
վարդապետութեամբք սրբոց : Այս այն
գիտութիւն է՝ որում շրթունք քահա-
նային զգուշացին :

Գ. Արդեակ, ետու քեզ սիրա՝ զի
սիրիցես, եւ զո՞ դք պարտիցիս սիրել յա-
մենայն սրտէ, բայց զնա՝ որ այնչափ ինչ
արար քեզ՝ յորժամ յիւր սպասաւորու-
թիւն ընկալաւ զքեզ :

Եւ յո՞ դք յարել սերտագոյնս, այլ
յմրդին Աստուծոյ յորթն ճշմարիտ՝ ոյր
եող ուս :

Եւ զնորդ բերցես պտուղ՝ եթէ ոչ ի
ձեռն սիրոյ կայցես մնայցես յորթն :

Եւ կամ ո՞րպէս կարիցես կենդանի լի-
նել, եթէ ոչ սիրեսցես զնա՝ ընդ որում
մարմին մի ես եւ անդամ յանդամոց
նորա :

Ո՛ երանելի անդամ : Սիրեսջիր զգլուխ
քո, եւ մի բնաւ այլով իւիք հողւով՝
այլ նորա հողւովն պահեսցես զկենդա-
նութիւնն :

Սիրեսջիր զգլուխ քո, եւ մի առցես
երբէք յանձն մեկնել ի նմանէ ոչ հա-
լածանօք, ոչ սրով, ոչ սովով, ոչ զօ-
րութեամբ ինչ իւիք եւ ոչ շարշա-
րանօք :

Սիրեալիք զգլուխ քո, եւ զոր օրինակ
անդամն բնածին իմն յօժարութեամբ
յամենայնի հաւատարիմ ծառայութիւն
հարկանէ մարմնոյն, այնպէս եւ դու՝
Յիսուսի յամենայնի ամենայն յօժար
ութեամբ ծառայեսցես, զամենայն ինչ
ի փառս նորա առնելով :

Սիրեալիք զգլուխ քո, եւ որպէս ան
դամն տայ զանձն վտարանդի եւ առնու
յանձն զի վասն մարմնոյն առողջութեան
ի բաց կտրեսցի, նոյնպէս եւ դու ցանկ
կազմ եւ պատրաստ լինիլիք վասն Յի
սուսի զո՛հ լինել :

Կեաց, անդամդ, ի կենաց զլսոյ քոյ,
չնչեա հոգւով նորա, ուրախ լեր ուրա
խութեամբ նորա եւ ցաւեսցէ քեզ
ցաւովք նորա :

Կեաց սիրով ի Յիսուս եւ Յիսուս ի
քեզ : Ո՛հ. սրչափ ինչ օգտեսցիս նու
վաւ : Ո՛րպէս սրբեսցիս նովաւ : Չիարդ ի
ձեռն նորա եւ զայլս սրբեսցես : Ո՛րպէս
զսպաս պաշտաման քո պատուեսցես :

Գ. Աամիս հաճոյ լինել ինձ, սր
դեակ, եւ լինել ինձ սիրելի. արա ըստ
օրինակին՝ որ ցուցաւ քեզ ի լերին :

Յամենայն ի գործս քո նմանող լեր
Որդւոյ իմու՛մ սիրելւոյ՝ ընդ որ հա
ճեցայ : Չնտա հրաւիրեցի յառաջագոյն՝
զորս յառաջն ծանեայ թէ կերպարանա
կից լինելոց են պատկերի նորա :

Արդ հանապազ առաջի աչաց քոյ լիցի կեանք նորա, զի ձգեացիս կապանօք սիրոյ նորա եւ զհետ հասոյ իւզոց նորա ընթացիս :

Տես զսէրն զոր սիրեաց զիս : Գիտաց նա զի ընդ զոհս եւ ընդ պատարագս մարդկան ոչ հաճիմ, եւ էջ յերկիր՝ զի անձամբ իւրով՝ փոխանակ անիրաւութեանցն զորս ի մարդկանէ ընկալայ, արասցէ ինձ հատուցումն :

Տես զնորա զառ մարդիկ սէրն. զմեզս նոցա կրեաց ի վերայ փայտի : Տես զիտնարհութիւն նորա. ունայնացոյց զանձն՝ զկերպարանս ծառայի առեալ :

Տես զհնազանդութիւնն. եղեւ հնազանդ մահու շափ, զհաճոյսն իմ արար հանապազ : Տես զողորմածութիւնն. շրջեցաւ բարիս առնելով եւ բժշկելով զամենեւեան :

Տես զապաշխարութիւնն. պահեաց զքառասուն տիւ եւ զքառասուն զիշեր : Տես զպարկեշտութիւնն. այնչափ էր պարկեշտութիւն նորա՝ մինչեւ զարմանային առաքեալքն՝ զի ընդ կնաջն Սամարացւոյ խօսէր :

Տես զմարդասիրութիւնն. ելաց ի վերայ գերեզմանին Ղազարու, եւ զայրին Նայինայ մխթարեաց : Տես զազքատութիւնն. ոչ ունէր ուր զիցէ զգլուխ իւր :

Տես զԵսանդն եւ զփոյթն. զիարդ
փութամ մինչեւ կատարեացի գործն՝
զոր սկսայ վասն փառացն Հօր եւ վասն
փրկութեան մարդկան : Տես զաստուած-
պաշտութիւնն . հանէր զգիշերն ի գլուխ
յաղօթան Ատուծոյ :

Տես զտեսչութիւնն հայրենի . զի մի
նօթիս արձակիցէ ի տունս իւրեանց՝
բազմացոյց զհացսն եւ զձկունս յանա-
պատի :

Տես թէ սրչափ սիրելի եւ քաղցր էր .
զի ամենէքին ցանկացին զնա տեսանել :
Ամբօխ բազում զհետ նորա զնացեալ
զմիմեանս կոխէին : Զակքէօս վասն
բազմախումբ գումարութեան ժողո-
վորդոցն՝ եւ ի վերայ ծառոյ՝ զի տեսանի-
ցէ զնա :

Տես զհեզութիւնն . զնացեալ կինն
արձակէ, զՅուդա զմասնիչն համբուրէ,
վասն թշնամեաց աղօթս առնէ : Տես
զսրտին զուղղութիւն . ոչ խնդրեմ զփառս
իմ , այլ զՀօրն որ առաքեացն զիս :

Տես զմեծաքանչ առատութիւնն .
առէք եւ կերայք զմարմին իմ . արբէք
զարիւն իմ : Տես զհամբերութիւնն ի
վիշտս . Հայր՝ եղիցին կամք քո . իբրեւ
որսջ առաջի կտորչի անմնունչ եկաց :

Դա է Որդի իմ սիրելի , ընդ որ հա-
ճեցայ . դա է Քահանայապետ մեծ , օրի-
նակ եւ կանոն քահանայից : Երթ , սր-

դեակ, զհետ զայնր կանոնի, եւ խաղա-
ղութիւն իմ իցէ ի վերայ քո:

Լիջիր նմանող եւ նախանձաւոր Օծե-
լոյ իմոյ՝ եւ հաճեցայց ընդ քեզ: Չայն
ճանապարհ կալջիր հանապաղ, զայն
ճշմարտութիւն ցանգ նկատեսջիր, զայն
կեանս կեցջիր միշտ եւ առանց դադա-
րելոյ:

Ե. Ո՛հ. Յիսուս, Հովիւ բարի որ յեր-
կրի երեւեցար եւ ընդ մարդկան շրջեցար,
տուր զի ցանկ ի պատուիրանս քո խոր-
հեցայց, եւ լի եղէց վարդապետութեամբ
քով սրբով:

Տուր զի միշտ զերախտիսն քո յուշի
կալեալ, առաւել քան զառաւել վա-
ռեալ բորբոքեցայց սիրով քով: Տուր
զի յաճախագոյնս զքո կատարելութիւնս
ածեալ զմտաւ՝ նմանագոյն եւ կերպա-
րանակից եղէց քեզ որ ըստ օրէ:

Ո՛վ անձն իմ. ամենայն ուրեք զՅի-
սուս օրհնեսջիր, ամենայն ուրեք զՅի-
սուս սիրեսջիր, ամենայն ուրեք զՅիսուս
պաշտեսջիր, մատո՛ զքեզ ամենայն ու-
րեք Յիսուսի, ցանգ Յիսուսի փափա-
քեսջիր, մինչեւ փշեցես զհոգի քո ի
Յիսուս, եւ ընդ Յիսուսի թագաւո-
րեսցես ի յաւիտեան. Եղևցի եղևցի:

Գ Լ Ո Ի Խ Ժ Ե .

Վասն թի պարտ է հանապազ զչարչարանս
Տեառն Բրոյ Յիսուսի Բրեւոյսի յիշէլ :

Ա . ԱՅՍ , սրգեակ , առաջնորդ հա-
ւատոց եւ կատարիչ՝ զամօթ առ ոսն
հարեալ՝ տարայ խաչի , զի դու յիս հայ-
եսցիս , եւ ի փայտէ անտի կենաց յոր
կախեցայ՝ զՀոգին սրբարար յանձն քո
ձգեսցես հանապազ :

Արդարեւ ասեմ քեզ . եթէ ուշի ու-
շով եւ ջերմ եռանդամբ ի չարչարանս
իմ խորհել հոգ ի մտի ունիցիս , անդ
զամենայն՝ որ ինչ օգտակար եւ կա-
րեւոր քեզ իցեն՝ գտցես առատապէս :

Ապա բաց ինձ զսիրտ քո , եւ թոյլ
տուր ինձ որ խաչեալս եմ՝ մտանել ի
նա , եւ ի խուն ինչ ժամանակի լիցիս
ուսեալ սքանչելի օրինակաւ :

Բեւեռեսջիր զաչս սրտի քո ի խաչն
իմ , եւ ի սակաւ ժամու ձգեսցիս ի
նմանէ :

Բ . Աւբունի , վարդապետ ազնուա-
զոյն , խօսեաց զի լուիցէ ծառայ քո :

Ե՛կ առ իս առ աղքատս , եւ վառեա
զսիրտ նորա , լուսաւորեա զաչս նորա ,
եւ արա զի տեսցէ :

Գ . Աճա դամ , սրգեակ , խոնարհեցո
զունկն քո , լուր այրդ բարեբարոյ , սիրե-
ցի զքեզ եւ մաանեցի զանձն իմ վասն քո :

Ո՛հ . եթէ առնաիր ի միտ զբանս

զայս, վաղվաղակի իսկ առնէիր պատաս-
խանի՝ թէ Տէր, դու զիտես զի սիրեմ
զքեզ :

Ապա ի միտ առ, սրդեակ, սիրեցի
զքեզ եւ մատնեցի զանձն իմ վասն քո,
զԱրարիչս՝ վասն արարածոյդ, զՀայրս՝
վասն անառակ որդւոյդ, զԱստուածս
վասն դոյզն մարդոյդ,

Զթշնամանեալս՝ վասն թշնամանչիդ,
զերախտաւորս՝ վասն ապախտաւորիդ,
զիս որ ամենեւին երանեալս եմ՝ վասն
քո հիքի եւ տառապելոյ :

Գ. Տէր, զի արարեր բնդ իս. զիտեմ
զի հայր քո հանապազ լսէ քեզ : Եթէ
ասէիր բանիւ, արդարեւ իսկ առժա-
մայն բժշկէր զհոգի իմ եւ թողոյր զան-
օրէնութիւն մեղաց իմոց :

Ապա վասն էր այնչափ ճգամբք եւ
աշխատութեամբք խնդրեցեր զիս, այն-
պիսի մահուամբ փրկեցեր զիս :

Ե. Որդեակ, այնու փառաւորեցայ,
եւ այնու փառաւորեցաւ Հայր իմ յիս :

Տես եւ ծանիր թէ զինչ է լայնու-
թիւն եւ երկայնութիւն եւ բարձրու-
թիւն եւ խորութիւն առաւելութեան
սիրոյն իմոյ առ քեզ :

Աարող իսկ էի բանիւ, կարող էի լե-
զուաւ զքեզ ազատել, եւ սակայն կա-
մեցայ գործով, կամեցայ յայտնագոյն
կամօք փրկել զքեզ :

Կամեցայ զանձն իմ դնել վասն քո, զի դու գիտասցես թէ չեք եւ չեք իսկ բնաւ սէր մեծ՝ քան զիմ սէր առ քեզ :

Կամեցայ ոռոգանել զքեզ արեամբ իմով ի խաչին, զի դու յիմէ բարերարութենէ դրդեալ եւ դրդուեալ՝ զամօթի հարցիս՝ զի զայնպիսի Փրկիչ ոչ սիրես :

Կամեցայ՝ առաջի քո կալ խոց եւ վիրաւից վասն անօրէնութեանց քոց, զի դու իմասցիս՝ եթէ քանի եւ սրչափ ցաւս ինձ պատրաստիցեն մեզք քո ի ծածուկս սրտի :

Կամեցայ զվէրս յանցանաց քոց ի մարմնի իմում կրել, զի դու ի դուժ եկեալ դադարեցիս այնուհետեւ մեզս ի վերայ մեղաց, վէրս ի վերայ վիրաց յաւելուլ :

Միանդամայն իսկ ասել, կամեցայ, սքահանայ, այսպէս վասն քո չարչարել, զի քեզ թողից օրինակ՝ զի զհետ երթայցես հետոց իմոց :

Զ. Օնոսա, սրդեակ, յառաջագոյն հրաւիրեաց Հայր իմ, զորս յառաջն ծանեաւ՝ թէ կերպարանակից լինելոց են պատկերի Որդւոյն իւրոյ :

Արդ նայեաց յերեսս իմ, զի զայն ապա յանձին քում ցուցանիցես, եւ այնպէս ի փրկութիւն հասանիցես :

Տես զիս ի յետին պահու անդ մահուան ընդ երկար յաղօթս կացեալ, եւ

ուսիր ստէպ եւ առանց ձանձրանալոյ
աղօթս առնել :

Տես զի զգառն բաժակ ի ձեռաց Հօրն
ընդունիմ, եւ ուսիր աշխատութեանց,
հակառակութեանց եւ ամենայն խստա-
գոյն իրաց սրբոյ Պաշտամանն համբերու-
թեամբ եւ հպատակութեամբ տանել :

Տես զիս զի ի խոր արամութեան
լքեալ թողայ Քռաքելոց որ ի քուն
լիեալ ննջէին, եւ ուսիր ի վիշտս եւ ի
տառապանս, թէպէտ եւ առանց մխի-
թարութեան իցես, հաստատութեամբ
զնացս ցուցանել :

Տես զիս զի ի Յուդայէ մասնեցայ, եւ
ուսիր համբերել սուս եղբարց :

Տես զիս զի գիրկս արկեալ փարեցայ
զՅուդայիւ, եւ ուսիր մի զլանալ թըշ-
նամեաց զհամբոյր խաղաղութեան :

Տես զիս զի կապեալ ածիմ Պրու-
սաղէմ, եւ ուսիր կապանաց եւ թշնա-
մանաց վասն իմ հանդուրժել :

Տես զիս զի ոչ ընդդէմ դառնայի
այնոցիկ՝ որ կապէինն զիս անիրաւու-
թեամբ եւ տանէին բերէին. այլ թողի
իբրեւ զգառն անմեղ որ ոչ բանայ զբե-
րան, եւ ուսիր ի կաղոյ եւ ի կռուոյ
անձնապահ լինել :

Է. Արթ ընդ իս, որդեակ, Պրուսա-
ղէմ, եկ զկնի իմ, եւ անդ եւս ուսուցից
զքեզ :

Ահաւասիկ քահանայապետք Աննա եւ Կայիափա ի մահ խնդրեն զիս . երկիր դու , որդեակ , զի մի՛ քանզի քահանայ ես , մեղուցեալ՝ առաւել եւս քան զայլս զայրացուցես զիս , եւ առաւել քան զայլս զփառս իմ՝ աղարտեսցես :

Աւասիկ հաստատութեամբ կամ առաջի հալածչաց իմոց . ապա մի երկրն չիր յայնցանէ՝ որ զմարմին սպանանեն , եւ զհոգի ոչ կարեն սպանանել :

Ահաւասիկ ի ծառայէ քահանայապետին ապտակ յերեսս առեալ՝ համբերի , առք դու համբերութեամբ զճնօտ . քո այնմ՝ որ հարկանիցէ զքեզ , եւ միտ դիր հաւաստեալ , մի՛ գուցէ՝ որ արբանեկենն քեզ , իցեն որդիքն անիրաւութեան՝ որ իւրեանց դայթակղանօքն զիս սպանին :

Ահաւասիկ ի մէջ սուտ վկայից որ ամբաստանենն զիս՝ լուռ եւեթ կամ . եւ դու , որդեակ , մի՛ յորժամ զրկիցեն զքեզ , թշնամանիցեն , ծաղր առնիցեն եւ չար խօսիցին՝ զայրասցիս :

Ահաւասիկ այնչափ շարշարանս կրեմ եւ ի քունն ոչ լինիմ , այլ զզիշերն ուղջոյն տքնեալ կամ ի մէջ այնացիկ՝ որ այսպանեն զիս եւ գան հարկանեն . դու գոնեայ , որդեակ , յորժամ հանդիսս մարմնոյ քում տալ հատանիցէ՛ ի չափու կալ զանձն քո :

Ահաւասիկ Պետրոս , որ երբեմն մեծ-

անձն եւ հաստատագոյն քան զամենեւին, ի սրահի քահանայտեոացն երիցս զիս ուրանայ. դու, սրդեակ, որչափ եւ մեծ իցես, որչափ եւ յամբի եւ ի հաստատութեան զանձն համարիցիս թէ իցես, նոյնչափ եւս առաւել երկիր, զի մի եւ դու յորժամ դէպ ինչ ուրեք տայցէ՝ անկեալ կործանեսցիս:

Ահաւասիկ ընդ Պետրոս որ ապաշխարեացն՝ առանց ամենեւին յապաղութեան հայիմ՝ զթութեամբ. եւ դու, սրդեակ, առ այնտիկ՝ որ մուրեցանն եւ ապա դառնան այսրէն՝ լիջիր քաղցր եւ մարդասէր:

Ահաւասիկ երկչոտն Պիղատոս՝ զիս զանպարան չիշխէ ազատել, այլ զահի զերկիւղի հարեալ՝ մասնէ. դու, սրդեակ, մի լինիր դատաւոր, եթէ չիցես ձեռնհաս առաքինութեամբն զանիրաւութիւնս խորտակել:

Մի առնուցուս ակն հզօրի, եւ զգոյշ լեր զի մի՝ առահի կամ յանցաւորն ներողամտութեամբ յատենի՝ մասնեսցես շանց զիս որ ամենեւին սուրբ եմ:

Ահաւասիկ հանդերձ սպիտակ ազուցեալ իբրեւ յիմար ի Հերովդէ ի բաց արձակեցայ. եւ դու, սրդեակ, մի զանդիտեսցես՝ եթէ առ յիմարս ունիցին գքեզ վասն իմ եւ այնպէս հռչակ հարկանիցեն:

Ահաւասիկ ի վայր քան զԲարաբբա

եղայ, եւ դու, սրդեակ, սիրեսջիր չլինել
ճանօթ եւ առ ոչ ինչ համարել, առ
յանձն ամենեցուն օտից կօխան լինել:

Ահաւասիկ անհնարինս վասն քո խոշ-
տանգեցայ խարազանօք. դու, սրդեակ,
մեռո զանդամս քո որ են ի վերայ երկրի,
զի կենդանի կայցէ ոգին, սուգ առ եւ
ապաշաւեա վասն մեղաւորաց:

Ահաւասիկ փշովք պսակեցայ ան-
դթութեամբ եւ թշնամանօք, ահա այր
մի՞ որ ոչ գոյ տեսիլ եւ ոչ փառք. դու
գոնէ, սրդեակ, մի՞ ընդունայն փառօք
եւ վայելքութեամբ զտեսիլ քո զարդա-
րեսցես:

Ահաւասիկ ես հազիւ ուրեմն թէ շն-
չել կարող եմ վասն վերաց եւ խոցից,
եւ զխաչ չմերժեմ վասն քո բառնալ
եւ կրել. դու գոնեայ, սրդեակ, զլուծ
իմ՞ որ քաղցր եւ թեթեւ է, բարձ սի-
րով ի քո վերայ:

Ը. Այլ դեռեւս, սրդեակ, եւ ել ընդ
իս ի Գողգօթա. միտ դիր դարձեալ եւ
ուսիր:

Զինչ ցքեզ ասիցէ ճանապարհն քրք-
տամբ եւ արեամբ իմով ուռոգեալ, բայց
զայն իսկ՝ թէ սրտս եւ պատշաճ է
քեզ՝ վասն զհողիսն խնդրելոյ եւ շա-
հելոյ՝ մտազեւր ընդ ճանապարհս եւ ընդ
ցանդս ընթանալ արշաւել քրտնալից
աշխատութեամբ:

Չի՞նչ կանայքն որ արտասուեն, բայց՝
զի պարտիս խորհել դեզերել ի չար-
չարանս իմ եւ վշտակից ցաւոց իմոց
լինել, եւ զքո մեղս՝ որ պատճառք այնց
ցաւոց եղեն՝ առաւել քան զամենայն
լալ եւ սգալ:

Չի՞նչ մերկումն իմոց հանդերձից,
բայց՝ զի պարտիս կրել համբերութեամբ
զաղքատութիւն:

Չի՞նչ տարածելն իմ եւ բեւեռել ի
խաչի, եթէ ոչ զի զմարմին քո կարեօք
եւ ցանկութեամբ հանդերձ պարտիս ի
խաչ հանել:

Չի՞նչ բարձրանալ խաչին իմոց, այլ՝
թէ բազում նեղութեամբք պարտ իցէ
քեզ յարքայութիւն երկնից բարձրանալ:

Չի՞նչ բնակել իմ քացախ եւ լեղի,
բայց՝ զի ժուժկալութեամբ կեցցես եւ
մի ցանկասցիս ի սեղանս բազմախորտիկս
յղփացեալ յօրանալ:

Չի՞նչ աւազակն փրկեալ որ ընդաջ-
մէ իմմէ կայր, բայց՝ զի չէ պարտ քեզ
բնաւ ամենեւին հատանել զյոյս յո-
ղորմութենէ իմմէ:

Չի՞նչ մեղաւորն կորուսեալ որ կայր
առնթեր բարերարութեան իմոց, այլ՝
զի չէ պատշաճ ի զթութենէ իմմէ
յանդգնագոյն լինել:

Չի՞նչ աղօթքն իմ վասն խաչահա-
նուաց իմոց, եթէ ոչ զի եւ վասն ժան-

տաժուտ մեղաւորաց պարտ եւ պատշաճ
իցէ պաղատել, եւ մտադելը ներել կա-
րելոր եւ սաստիկ թշնամեաց :

Ձի՛նչ՝ առնելն իմ՝ յանձն զմայր իմ՝
բայց՝ զի պարտիցիս մեծաւ երկիրւղածու-
թեամբ մեծարել զնա եւ պաշտել վըս-
տահու թեամբ :

Ձի՛նչ՝ վասն քո մահն իմ, եթէ ոչ՝
զի եւ դու պարտիս վասն եղբարց զանձն
քո զնել :

Ձի՛նչ՝ արեգակն, եւ լուսին եւ քա-
րինք եւ երկիր որ սուգ առին ի վերայ
մահուան իմոյ, բայց՝ զի եւ քան զվէ՛մ
խստադոյն իցես՝ եթէ ոչ եւ դու ընդ
մահն իմ յուզեալ խըրտեսցիս :

Ձի՛նչ՝ թշնամիքն իմ որ զկուրծսն
բախեն, բայց՝ զի աղբելը յորդառատ
զղջման եւ շնորհաց իցէ խաչն իմ :

Ձի՛նչ՝ կողն իմ որ բացաւ տիգաւ
զինուորին, բայց՝ զի պարտ իցէ քեզ
մտանել յայն ի ձեռն սիրոյ եւ անգէն
կեալ :

Ձի՛նչ՝ Նիկողեմոս որ եբարձ զիս ի
խաչէ, պատեաց խնկովք եւ եդ ի նոր
գերեզմանի, բայց՝ թէ մեծաւ մաքրու-
թեամբ որտի պարտ եւ արժան է քեզ
զխորհուրդս իմ ընդունել եւ մատա-
կարարել, զփառաւորութենէ տան եւ
սեղանոյ իմոյ բազում հողաբարձու-
թեամբ փոյթ յանձին ունել :

Թ. Յայդ խորհեաց, սրդեակ, եւ ի դոյն կանխեսջիր, եւ լիցի քեզ խաչն իմ փրկութիւն, կեանք, պատուարան ի թշնամեաց եւ վերին քաղցրութեանց հեղումն եւ յորդութիւն:

Գ Լ Ո Ի Խ ԺԶ.

Վասն սիրոն երանգման բարեպաշտութեան աւերանելի կոյան Մարիամ:

Ա. ԱՅ իմաստութիւն յաւիտենական՝ որ ի բարձունս եմ բնակեալ, իբրեւ իջի յերկիր՝ կամեցայ ի ձեռն Մարեմայ յաշխարհ մտանել: Ի նորա ձեռն զմարդկան փրկութիւն գործեցի, եւ ի ձեռն նորա, սրդեակ, կարգեալ սահմանեցի տալ քեզ իմաստութիւն եւ սրբութիւն:

Որդի իմ ես. ես եղէց քեզ Հայր, Մարիամ՝ մայր: Տկար եւ անզօր ես. ես եմ Տէր որ զօրացուցանեմ. Մարիամ՝ խօսելի քո, զի յինէն օգնականութիւնս վասն քո խնդրեսցէ:

Մեղաւոր ես դու. ես զթած եմ եւ ողորմած. Մարիամ՝ մեղաւորաց ապաստան, յոյր ձեռն մարթ է քեզ հայցել եւ գտանել ողորմութիւն:

Յերկինս նկրտիս. Աստուած երկնից եմ, եւ նա դշխոյ երկնից, զի կարացէ նա քեզ մուտս յարքայութեան իմում ընդունել:

Քահանայ ես, սուրբ պարտիս լինել.

եւ համօրէն առաքինութեանց եւ սրբութեան վերին տուիչ, Մարիամ բաշխիչ եւ մատակարար:

Արդ՝ կամի՞ս, սրգեակ, շնորհաց հասանել եւ փառաց: Աարդա առ Մարիամ, զՄարիամ պաշտեա. ի ձեռն նորա ազօթից քոց լուայց. ցուցից նմա թէ եմ՝ սրդի, եւ նա քեզ ցուցցէ թէ մայր է:

Բ. Ղառն երկնից է մայր իմ: Ի ձեռն նորա տուրք եւ պարգեւք իմ իջաննն յերկիր, եւ ի ձեռն նորա տուրքք յերկրէ առ իս ելաննն:

Թուեա, սրգեակ, եթէ կարիցես, թէ սրչափ մեղաւորս ի ձեռն նորա դարձուցի, քանիք այնոքիկ են որ դարձեալն էին եւ ես ածի ի կատարելութիւն եւ սրբեցի, որչափոյք ի նորա ձեռն զպարգեւ զգաստութեան ընկալան, քանիք զյազլութիւն ի վերայ ախտիցն կարեաց, քանիք զերկնաւոր փառացն զպսակ:

Տես զԱւգոստինոս, զՅովհան Գամակացի, զԳերմանոս, զԱնակղմոս, զԲոնաւենատուրա, զԲեռնարդոս, զԴոմինիկոս, զԱինկենտիոս Փերրերեան, զՔսաւեր եւ զայլ եւս բազում քահանայս զժառայս Մարեմայ՝ որ այնպէս հոյակապք եւ նշանաւորք սրբութեամբ եղեն:

Ոչ ապաքէն ի ձեռն Մարեմայ սրբե-

ցի զնոսա : Միթէ ընդ այլ դուռն մտին նորա յարքայութիւն իմ՝ եթէ ոչ ի ձեռն Մարեմայ :

Թուեա թէ կարիցես եթէ սրչափ մեռեալս յարոյց պաշտպանութիւն նորա , սրչափ հիւանդս բժշկեաց , զորչափնյս թափեաց նա ի վտանգաց . զքանիս ի ծովու , զքանիս ի հուր , զքանիս ի պատերազմի , զքանիս ի սովու , զքանիս ի սրածութեան :

Թուեա , սրչափ թաղաւորութիւնս կանգնեաց հաստատեաց , սրչափ տէրութիւնս պահեաց , քանի՞ն զօրաց որ կարդացին առ նա՝ ետ յաղթութիւն , քանի հերետութեանց զրաւ արար :

Այսչափ իշխանութիւն ետու ես Տէրս Մօր իմում , այսպէս զՄայր իմ կամեցայ պատուել :

Գ. Ալ դու , սրդեակ , պարտիս պաշտուել յանկեղծաւոր սրտէ զՄայր իմ , ոչ եթէ պաշտպանութեան ինչ տենչանօք , այլ եւ գորովովք ճշմարիտն սիրոյ :

Մայր քո է , ապա պարտ է քեզ զնա պատուել : Մայր իմ է , տաճար իմ , սրբութիւն իմ , ապա պարտիս շուք եղեալ մեծարել զնա :

Աի շնորհօք է , ապա պարտ եւ պատշաճ է զի դու գովեսցես եւ օրհնեսցես զնա : Ողորմած է , ապա վստահ պարտիս ի նա լինել : Թագուհի սրբոյ է եւ Տի-

կինն քո, տպա պարտ է քեզ ծառայու-
թիւնն հարկանել նմա :

Հաճոյ է Հօր՝ որ սիրէ զդուտոր, հա-
ճոյ է որդւոյ՝ որ սիրէ զՄայր, հաճոյ է
փեսային՝ որ սիրէ զՀարսն : Ապա պաշ-
տեսջիր զՄարիամ, եւ Հօր եւ Որդւոյ
եւ Հոգւոյն սրբոյ հաճոյ լինիցիս :

Գ. Ո՛հ, սրգեակ : Մարիամ Մայր իմ
է, արդարեւ իսկ գեղեցիկ իմ, մերձա-
ւոր իմ :

Ես կամեցայ, ես պատուիրեցի զի երա-
նեսցեն զնա ամենայն ազգք, եւ զնա
երկիրզածութեամբ պաշտեսցեն, վասն
զի ես որ հօրս եմ՝ արարի նմա մեծա-
մեծս, ես կամեցայ, ես հրամայեցի, եւ
ըստ ամենայնի որպէս պատուիրեցի՝ այն-
պէս եւ կատարեցաւ :

Ոչ երբեք պակասեցին օրհնութիւնն
եւ պաշտօնն նորա յեկեղեցւոջ իմում :
Տես դու զաւուրս տօնականս վասն նորա՝
զիարդ յաճախազոյնք են եւ մեծաւ
շքով, զերզս օրհնութեանց ի պատիւ
նորա՝ թէ սրչափ բազումք իցեն :

Չնա ամենայն ուրեք բարձրացուցանեն
քարոզք, զնա մեծարեն ընդ բնաւ ժո-
ղովորդք, նմա պաշտօնատարք են ամե-
նեքին՝ որ ուղիղ են սրախք : Այսպէս
կամեցայ, այսպէս պատուիրեցի :

Քահանայ ես, զկամս իմ կատարեա,
զպատիւ Մարեմայ Մօր իմոյ ամենայն

ուրեք յառաջադէմ արա, զնա ընդ հա-
նուր բարձրացս, զնա օրհնեա, զնորա
պաշտօն՝ որչափ եւ ձեռնհաս իցես,
յանձն արա ամենեցուն:

Երանի այնմ քահանայի է՝ որ ծա-
ռայ Մարեմայ իցէ եւ ծառայս նմին ժո-
ղովիցէ: Երանի ժողովրդեան որ զնա
պաշտիցէ: Նորա ընկալցին օրհնութիւն
ի Տեառնէ, ի ցօղոյ երկնից եւ ի պա-
րարտութենէ երկրի, շնորհս աստէն
յայսմ աշխարհի եւ փառս ի հանդեր-
ձելումն: Մի կորիցէ ծառայ Մարիամու:

Ե. Ո՛ր կոյսդ երիցս երանելի: Ընկալ
զիս իբրեւ ծառայ, որ վաղ իսկ առ խա-
չին ընկալար զիս որպէս որդի: Յոյց թէ
Մայր իմ ես դու, արա զիս առ քեզ
բարեպաշտ:

Ո՛ր կոյսդ հզօր, որ զվիշապն ջախջա-
խեալ խորտակեցեր, մանրեա խորտա-
կեա զբիծս ախտից կարեաց իմոց,
խզեա զկապանս չարեաց իմոց:

Ո՛ր կոյսդ՝ յորոյ յակնարկենն երկնից
զանձքն մատակարարին, ընկալ շնորհս՝
զորս գիտես թէ ինձ լաւք իցեն, ընկալ
հաւատս հաստատունս, յոյս ամուր,
սէր հրեղէն, պարգեւ աղօթից, ընկալ
վասն իմ զգաստութիւն, խոնարհու-
թիւն, աշխարհատեցութիւն եւ փոյթ
զոգւոց:

Ո՛վ կոյս, օգնական քրիստոնէից

Յամենայն անձկութիւնս օգնեա ինձ,
յամենայն վտանգէ փրկեա զիս եւ ի
կեանս եւ ի մահուան: Չայս հանապա-
զօր օրհնելով խնդրեցից ի քէն, եւ քեւ
զլծշնամիս իմ հարից եւ արհամարհե-
ցից զյարուցեալսն ի վերայ իմ:

Զ. Ո՛վ Մարիամ. ծառայեսցեն քեզ
ժողովուրդք, պատուեսցեն զքեզ ա-
զնիք, երկիր պազցեն քեզ ամենայն
ազդք:

Տացէ ինձ Տէր զի զպաշտօն ծառա-
յութեան քո ընդ բնաւ տարածանել
մարթացայց, եւ զլծշնամիս քո վա-
նեալ վկանդել. Եղեցի եղեցի:

Գ Լ Ո Ի Խ Ժ Է .

Առան իրանդման հոգւոյն արա տոբոսաւ
ժողովանն:

Ա. Ե՛ս առնեմ զպաշտօնեայս իմ ի
հուր կիզելոյ, ասէ Հայր իմ:

Արդ կամիս, սրդեակ, լինել պաշտօ-
նեայ եւ քահանայ արժանաւոր: Չա-
նա, զի ցանկ առ աստուծոյսն վառեալ
բորբոքեսցի սիրտ քո: Ամենեւին իսկ
հրեղէն լինիջիր:

Ի հնումն պարտ եւ պատշաճ էր զի
հանապազ վառեալ կացցէ հուրն ի
տապանակին. այսպէս յայնժամ լինէր՝ որ
առակ օրինակի միայն էր:

Աստաին ուսիր, սրդեակ, զհուրն

սուրբ ի սրտի քում արծարծանել,
քանզի ոչ եթէ առական ինչ տա-
պանակ իցէ սիրտ քո, այլ բուն իսկ եւ
ճշմարիտ տապանակ Աստուծոյ քո:

Բ. Իջի ես, սրգեակ, յերկնից, զի
զփառս Հօր եւ զողոցն փրկութիւն հո-
գացայց, ոչ եթէ ի հարկէ ինչ տագնա-
պելոյ՝ այլ ի սիրոյ դրդելոյ: Էր ի սրտի
իմում հուր վառեալ, եւ պահասեալ
նուաղեցայ եւ ոչ կարացի հանդարտել:

Ձայն հուր եկի արկանել յերկիր, եւ
զինչ կամիմ թէ արդէն իսկ բորբոքեր:
Ձքեզ առաքեցի զի վառեալ բորբո-
քեսցես զայն, եւ զնարդ կարիցես բոր-
բոքել, եթէ դու կարօտ յայնմանէ ի-
ցես, եթէ դու ինքնին ցուրտ իցես:

Բորբոքեսցիս այսուհետեւ, սրգեակ,
բորբոքեսցիս ի փառս Աստուծոյ, բոր-
բոքեսցիս ի փրկութիւն ոգւոց: Ի բաց
յանձնէ թօթափեսջիր զցրտացելոյ սր-
տին զթմբութիւն, բորբոքեսցիս տեն-
չանօք, բորբոքեսցիս բանիւք, բորբոքե-
ցիս գործովք:

Գ. Արպէս եղջերու փափաքէ յաղ-
բերս ջուրց, այսպէս եւ դու, սրգեակ,
աստիկ իմն յօժարութեամբ մտաց յար-
բանեկութիւն Աստուծոյ եւ ի սպասս
սրբոյ պաշտամանն պարտիս ցանկանալ,
զի ուղղութեամբ զայն ամենայն վճարել
մարթացիս:

Բնաւ իսկ եւ ամենայն զհաւաւորու-
թիւն սրտի քո, որդեակ, իցէ ի գոր-
ծքս յայտասիկ սուրբս, համօրէն իղձք եւ
ցանկաւթիւն սրտի քո՝ այն լիցի զի
զայն ամենայն բարւոք կատարեցես :

Այն իսկ միայն իցէ ուշ եւ մտազիւ-
րութիւն քո ամենեւին, զի մի ինչ զանց
զայնոքիք արասցես՝ որ ի փառս իմ կամ
ի փրկութիւն ընկերին հայիցին :

Գ. Տէր, ի վեր իսկ քան զհրեշտա-
կացն է պաշտօն իմ, քանզի ոչ այսպիսի
ինչ սպասաւորութիւն յանձն արարեր
հրեշտակաց :

Ապա սուր ինձ, զի հրեշտակական
արագութեամբ, եռանդմամբ եւ լըրջ-
մտութեամբ ջան յանձին կալայց ընու-
զայն :

Տէր, աստուածեղէն իմն է պաշտօնն՝
որ ինձ հաւատացեալ է. ոչ եթէ ես
ինչ գործեմ զայն, այլ դու ինեւ ծա-
ւայիւ քով անարժանի :

Արդ շնորհեա ինձ, զի եթէ այնպիսի
պատուով արժանի համարեցար պա-
տուել զիս, ամենայն փութով եւ հոգա-
բարձութեամբ՝ որչափ ի կարի իմում
իցէ, ամենայն մեծարանօք որչափ եւ
ձեռնհաս իցեմ՝ յայնմ ի սուրբ ծառա-
յութեան վարեցայց :

Ե. Աղաչեմ, Տէր, աղաչեմ եւ փա-
րելի ասեմ, սուր ինձ զոսկի բորբոքեալ

սրբոյ եռանդան, զի փութով եւ եռանդամբ ծառայել քեզ կարացից:

Ո՛ր Յիսուս, սիրա վառեալ ատուածեղէն սիրով: Ա՛րկ ի սիրա իմ զկայծակունս այնր հրոյ՝ որ վառեալ բորբոքեալ է ի քեզ. արծարծեա յիս զհոգի բոցեղէն եւ հրեղէն, զբոշմեա ի ներքս ի սիրա իմ զսէր քո, զի արժանապէս զգործ քո ի զլուխ հանեալ կատարեցից:

Ո՛վ սէր, որ հանապազ վառիս եւ ոչ երբէք շիջանիս: Վառեա զիս:

Գ Լ Ո Ի Խ ԺԸ.

Վասն ցրտաւիտան եւ խաւաւիտան:

Ա. Վ՝ Ա՛Յ քեզ, սրդեակ, եթէ թուլացիս ի ծառայութեան իմում: Վայ քեզ: Փոխեցից զքեզ յայնժամ ի բերանոյ իմմէ:

Բարէ. եթէ առնուիր ի միտ թէ որ պիտի ինչ չար իցէ շինել հաճոյ սրտի իմում, նողկացուցանել զնա, եւ անպառեմն իբրեւ պիղծ ինչ եւ նողկ եւ զարշելի արտաքս ընկենուլ ի նմանէ, արդարեւ իսկ ոչ յայլմէ ինչ իմէքէ երկրնչէիր առաւել քան ի ցրտութենէ եւ ի մեղկութենէ եւ յանկանելոյ տակաւ անհոգութեամբ յառաջին եռանդամանէ:

Բ. Ո՛ր անհանձարութեան այնոցիկ՝ որ այնպէս իւրեանց յանցանօքն ի զօրու

Թե՛նէ շնորհացն պակասեալ գտանին
եւ առ փոքր փոքր կործանեալք՝ հուսկ
ուրեմն ատելի եւ զարշելի ինձ լինին :

Ո՛ հէքք եւ թշուառականք : Առ մե-
ծատունս ունին զանձինս եւ թէ՛ ոչ
կարօտ ինչ իւիք իցեն . եւ զայն չգիտեն
թէ չուառք են , աղքատք , կոյրք եւ
մերկք :

Գ . Այլ սակայն , որդեակ , որչափ բա-
զումք գտանին այնպիսիք ի մէջ քահա-
նայից իմոց . քանի յոլովք՝ որ զկարգ
կատարելութեան յանձն առեալ են ,
եւ ոչ զայլմէ իմեքէ նուազագոյն հոգ
յանձին ունին՝ որչափ զկատարելու-
թեանն հրահանդաց :

Արովայնի շնորհեն , սովորութեանց
աշխարհի զանձինս պատշաճեն , ի կո-
չունս ցանկանան եւ արձակերասանակ
զհետ պնդին , ջանան կուտել մթերել
ինչս , եւ ընդ կանայս նստեալ սիրեն
ծիծաղել :

Ի խօսս սնուտիս , նա եւ ի բանս բամ-
բասանաց ընդվայր լինին ժամավաճառ .
յրնգունայնութիւնս հարեալ հատեալ
երեւին ներքուստ եւ արտաքուստ , եւ
եթէ խուն ինչ ժամանակ յրնթեր-
ցուածս եւ ի խոկմունս սրբոց իրաց ծա-
խիցեն՝ հազիւ հազիւ :

Աշխարհամուք են , շնչաւորք , եր-
կրաւորք , ապերասանք , ամբարտաւան

իմն եւ ընդունայն գիտութեամբ այտուցեալք եւ տորումեալք, սիրողք ճախութեան, եւ սակայն ոչ երկնչին ինչ յանձանց իւրեանց, շմտանեն ի ներքս ի սիրտս իւրեանց՝ զի զանձանց զեղկութիւն եւ զչքաւորութիւն ծանուցեալ ի միտ առցեն:

Գ. Այն իսկ շատ է նոցա եթէ զկանոնական աղօթիւք ժամուց զանց ոչ առնիցեն, եթէ յորժամ աղաչիցին՝ զխորհուրդսն մատակարարիցեն, եթէ մատուցանիցեն պատարազս ի ժամանակի՝ յորժամ հարկ ի վերայ կայցէ, եթէ չտայցեն ինչ հրապարակաւ դայթազղութիւն, եթէ ոչ աղխաղխեալ եւ ծանրացեալ մահացու մեղօք զմտացն խիղճս նշմարիցեն:

Չպարտիմք, ասեն, ի մեծ եւս եւ յառաւելագոյն կատարելութիւն հասանել: Զփոյթ բարձրագոյնն աստուածպաշտութեան անուանեալ կոչեն կեղծաւորութիւն, եւ կամ աղաղակեն թէ ի կուսանս հաւատաւորս այն անկ իցէ: Զայլոցն զուղիղ խիղճս մտաց՝ երկչոտս եւ կասկածոտս յորջորջեն:

Այսպէս ի յոռութիւնս սովորականս զամենայն աւուրս կենաց իւրեանց անցուցանեն, մաքրութեան սրտի չունին ուչ. մեղկութեամբ եւ վարկպարազի, առանց ինչ ներքին յօժարութեան,

առանց փութոյ զաստուածեղէն պաշտամունսն կատարեն :

Ո՛վիճակ լի վտանգօք . եւ այնչափ խակ առաւելագոյն վտանգօք՝ որչափ շղնի ինչ միտ վտանգաց նորին :

Ե . Ո՛րդեակ , եթէ զայս օրինակ կեանս կեաս , սարսեւջիր եւ գողասջիր : կշուեցարի կշուորդի՝ եւ գտար զի սա-կաւ ունէիր : Երկիր ի բարկութենէ Ամենագօրին . անիծեալ որ առնէ զգործ նորա անփութութեամբ :

Արդ ճեպեա եւ փութա առանց յապաղութեան արծարծանել զչնորհանձն զոր ընկալար ի ձեռնադրութենէ :

Գոչեա առ աղբերն սիրոյ առ Յիսուս , որում գործ է ողորմել : Գոչեա եւ ասա՛ Մոլորեցայ իբրեւ զոչխար կորուսեալ . խնդրեա զճառայս քո , Տէր :

Չայն բարձեալ ասա՛ կեցօ զիս , Աստուած , զի հասին ջուրք յանձն իմ : Ապրեցօ զիս ի կաւոյ՝ զի մի ընկայց , եւ մի ընկղմեացեն զիս անգունդք խորոց , եւ ջրհոր մի կափուսցէ զբերան իւր ի վերայ իմ :

Աստուած , որ մեռուցանես եւ կեցուցանես , ողորմեա ինձ եւ կանգնեա զիս : Որտա ի վերայ իմ զդատաստանս քո . շարժեա ահիւ զամենայն ոսկերս իմ , զի գոնեայ ի ձայն բարբառոյ ահեղ փողոյ քո՝ ի ծանրարթուն քնոյ զարթեայց :

Վասն ռեւնիս եւ սարքի գիտաւորութեան :

Ա . Ո՛ր ԴԵԱԿ , առատ էր ակն իմ , եւ յայն սակս իսկ ամենայն մարմին իմ լուսաւոր :

Ոչ եթէ զփառս իմ խնդրեցի ես , այլ զփառս Հօր : Վասն նորա զամենայն զգործս իմ արարի , նմին իրի եւ նա հաճեցաւ ընդ իս : Օրինակ ետու քեզ , սրդեակ , զի որպէս ես արարի՝ եւ դու առնիջիր :

Զգոյշ լեր մի արատցես զարդարութիւն քո առաջի մարդկան՝ զի երեւեսցիս ի նոցանէ , եւ կամ վասն այլոյ ինչ իրիք երկրաւոր վախճանի՝ զի շահս ինչ կամ դելր անտի գտանիցես :

Անձին ծառայեսցես յայնժամ , ոչ Հօր՝ որում եւեթ պարտիս ծառայել . ոչ ունիցիս վարձս յերկինս : Չանձն քո խնդրեսցես , եւ գտցես զանձն քո , այլ առ քո եղեռանէ : Գող լիցիս եւ զփառս Հօրն անձին քում զբաւեսցես ըստ օրինակի նմանութեան արուսեկին :

Ո՛րդեակ , միթէ վայել իցէ արժանի իցէ զբռնի պարծել ի նկարս նկարչին , եւ կամ եղեգան՝ ի գիրս դպրի :

Եւ զի՛նչ ես դու , ո՛ մարդ սնտտի , այլ գործի անարգ , զոր Հայր իմ՝ ըստ իւրոց կամաց եւ հաճոյից արկանէ ի կիր :

Բ. Այեւջիւր անձին քում, սրդեակ, յամենայնի դիր ի մտի քում վախճան սուրբ, եւ մի տացես թոյլ քոց մտաց՝ որ դիւրաւ իսկ գթէ եւ անկանի՝ քայքայել եւ խոտորել ի սրբոյ դիտաւորութեանէ այնր վախճանի :

Աչ ննջէ դեւն : Իշխան է նա ընդունայնութեան ճարտար եւ խորամանգ, հանապազ յածեալ շրջի եւ խնդրէ՝ զի մեղմով սպրդեալ ի ներքս մտանիցէ, եւ ի գործս իսկ սուրբս միջամուխ լինիցի :

Զգոյշ լեր, սրդեակ, չեք հուր առանց ծխոյ : Ասան այնորիկ եթէ երբեք առ սէր նախանձու փառացն Աստուծոյ եւ փրկութեան ընկերին առնել ինչ ի մտի դնիցես, ուշ կալ՝ զի մի յայլ իմն ընդունայն ցանկութիւն գովութեան շրջիցէ զմիտս քո սատանայ :

Ա՛ցեց կերիչ . ս՛ ուտիճ կրծող : Ա՛րչափ գործս բարիս ապականէ հանապազօր սնապարծութիւն :

Գ. Տես, սրդեակ, զդարանս նենդութեան թշնամւոյն . քանի որոգայթս թագուցեալ ծածկէ քեզ ի ճանապարհի՝ յորում շրջիսդ :

Անդէն զառաջինն ի սկիզբն գործոյն՝ զդիտաւորութիւնն ջանայ ապականել, ի յառաջադէմն լինել՝ ընդունայնապարծ իմն անձնհաճութիւն հնարի ի ներքս մուծանել, եւ ի վախճանի՝ ձանձրոյթ

արկանէ : Ապա արթուն լեր այսուհետեւ , դարձեալ ասեմ , արթուն լեր :

Գ . Քանի . որչափ տառապեալս պատրէ հանապազ եւ արկանէ ի թակարդս հրեշտակն այն խաւարի :

Քանի թշուառականս ածէ նա առ սուրբ կարգս եւ առ խորհուրդս տառուածականս , իբր ոչ եթէ զի զհայն զերկնաւոր՝ այլ զերկրաւոր , ոչ եթէ զի շնորհս՝ այլ զի շահս ստասցին ,

Ոչ զի զԱստուծոյ պատիւ , այլ զպարծանս , ոչ զողոցն փրկութիւն , այլ զի գանձս եւ արծաթ կթիցեն ,

Ոչ եթէ զի սուրբ սրաիւ եւ մարմնովինձ ծառայեսցեն , այլ զի փափկացին , մեծացին , բարձրացին եւ զեղխեսցին ի հայրենական ժառանգութենէ իմմէ եւ ի տրոց ողորմութեանց ժողովորդեան իմոյ :

Արչափոյք են՝ որ վասն սորին իսկ այսորիկ ի սրբութիւնն մտանեն , քանիք վասն այնոր յեկեղեցի յաճախեն , պատարագս մատուցանեն եւ երգեն սաղմոսս :

Արդեակ , մի զհետս ոտից նոցա կոխեսցէ ոան քո : Զվերինն խորհեաջիր , եւ մի զայն որ յերկրի աստ է : Մի զայլինչ՝ բայց զհաճոցն Աստուծոյ եւ զընկերին փրկութիւն նկատեա եւ խրնդրեսջիր , եւ ի ներքին աղատութեան վայելեսցես :

Ո՛րդեակ, նախանձաւոր լեր փառաց
երկնաւոր Հօրն՝ իբրեւ սրդի քաջ եւ ա-
ռաքինի: Ջշահ եւ զօգուա նորա դի-
տեսչիւր հանապազ, որպէս ծառայ հա-
ւատարիմ:

Չայն բարձ եւ առա յամենայն մտաց՝
թէ Խոնարհեցո զսիրտ իմ, Աստուած, ի
ծառայութիւն քո եւ մի յազահութիւն:

Ե. Եր հօր ի պատերազմի եւ մար-
տիչիւր արութեամբ ընդ հնոց օձին: Այ-
գուց պատերազմեսչիւր. առաւօտուց
կանխեսչիւր առ Աստուած, զամենայն
խորհուրդս, զբանս եւ զգործս մատո ի
փառս նորա, եւ յայտնապէս իսկ զա-
մենայն վախճան կամակոր որ մեղմով իմն
եւ գազտ սպրդել ի ներքս մարթայցէ՝
ի բաց յանձնէ պարուրեսչիւր:

Այն իսկ լիցի քեզ վահան ամրա-
կուռ ընդդէմ դարանաց թշնամոյն:

Եւ եթէ դայցէ նա, եւ ի ձեռն ընդ-
ունայնապարժ հպարտութեան յինքն
կորզել զքո գործս հնարեսցի, տացես
պատասխանի՝ թէ անազան յոյժ եկիր,
վաղ իսկ ամենայն ինչ ի փառս Աս-
տուծոյ նուիրեցաւ, զքնաւ նա ժառան-
դեալ կալաւ, չմնաց ինչ քեզ բաժին:

Չ. Պատերազմեսչիւր զօրն ողջոյն, եւ
գարձեալ բազում անգամ, որչափ եւ
ձեռնհաս իցես, Աստուծոյ մատո զգործս
համօրէն:

Ասա ցնա. Տէր, կամիմ՝ զայս առնել՝
զի քեզ հաճոյ եղէց եւ զփառս քո յա-
ճախեցից, զի զհաճոյս քո կատարեցից,
եւ յայն սակս իսկ կատարեալ իմն օրի-
նակաւ որչափ եւ կարիցեմ՝ կամիմ
զայն գործ վճարել:

Արթուն լեր եւ տքնեսջիր. եւ եթէ
տեսանիցես զանափառութեան զօճն՝ զի
նենգաւ մատուցեալ առ քեզ զայ, մա-
տիր եւ դու եւ զգլուխ նորա ջախջա-
խեա: Մինչ դեռ փոքրիկ օճն իցէ՝
սպան զնա:

Գոչեա. Ոչ եթէ վասն քո, ողի շար,
զայս գործ սկսայ, եւ ոչ քո վասն զայդ
կատարեցից: Ի մեծ փառս Աստուծոյ
սկիզբն արարի, ի մեծ փառս Աստուծոյ
հանից զայն ի գլուխ: Ի բաց կաց յի-
նէն, ժանտ մարտեցուցիչ:

Է. Ակեսջիր դարձեալ եւ յետ գոր-
ծոյն վճարելոյ, քննեա զանձն քո, եւ
եթէ հարեալ յօճէ զքեզ գտանիցես,
անդէն իսկ եւ իսկ զվէրս հպարտու-
թեանն՝ ի ձեռն դեղոց դարմանոյ խոնար-
հութեան բժշկեսջիր: Արի եւ զգեցիր
զօրութիւն առաւելագոյն քան զառա-
ջինն:

Զամենայն զգործս քո առաջի աչաց
իմոց արա, որպէս թէ յանդիման քո
տեսանիցես զիս: Եւ եթէ տկար զանձն
քո գտանիցես, վաղվաղակի ի թիկունս

օգնականութեան կոչեալիք զիս, ես եկից
եւ զօրացուցից զքեզ :

Այսպէս, սրդեակ, այսպէս մարտի-
ջիւր, եւ ի սակաւ ժամանակի լիցի ակն
քո առատ եւ ամենայն մարմինդ լու-
սաւոր :

Գ Լ Ո Ւ Խ Ի .

Պատն հրահանգաց հիմնականն արատինուիւանց :

Ա. ՈՂ եթէ տերեւս, այլ պատուս
ի թղեննոջ խնդրեցի. եւ իբրեւ ոչ գաի՝
անիծի զթղենին եւ չորացաւ :

Յուսումն քո, սրդեակ, եղեւ այն եւ
զրեցաւ, զի գիտացես թէ ոչ զկեր-
պարանս առաքինութեանցն՝ այլ զու-
ղեղն եւ զարգասիս իրացն ի քէն պա-
հանջեմ :

Միթէ մարթ ի՞նչ իցէ հաճոյ լինել
ինձ որմ բուեալ, եթէ բրեցից զորմն եւ
գաից ընդ նովաւ սակերս մեռելոց :

Ո՛հ, սրդեակ, մի այնչափ սրբեացես
զարտաքինս բաժակի քո : Մի շատ լիցի
քեզ երկայնել զքղանցս հանդերձի քո :

Գիտեա, զի ես Հոգի եմ, եւ որոց
երկիր պագանենն ինձ՝ պարտ եւ պատ-
շաճ է հոգւով եւ ճշմարտութեամբ եր-
կիր պագանել : Քանզի մարդիկ զերեսս
տեսանեն, իսկ ես ի սիրտ հայիմ :

Բ. ՍԵՐ, սրդեակ, խոնարհ պարտ
է քեզ լինել : Այլ մի լիցի քեզ բաւա-

կան զաչս ի խոնարհ ունել, հանդերձ դուզնաքեաց զանձամբ արկանել, զպարզ եւ զպարկիշտ կերպարանս յանձին բերել: Եթէ այտքիւք շջեացիս, եւ տանել արհամարհանաց չկամիցիս, ընդունայն է խոնարհութիւն քո. հպարտութիւն է այդ:

Համբերող պարտիս լինել: Այլ չէ բաւական լինել գառն յարօտս, այլ եւ յորժամ ի սպանդ վարիցիս՝ գառն պարտ է լինել: Եթէ նեղութիւնս չառնուս յանձն կրել՝ վայրապար է համբերութիւն քո. անհամբերութիւն է այն:

Պարտիս լինել հնազանդ: Այլ չէ քեզ բաւական հեղոց վարդապետաց հնազանդել եւ խտաց զլանալ զհպատակութիւն, եւ կամ յիրս ինչ հաւանել եւ յայլ իրս ընդդէմ ոգորել:

Եթէ ի նեղի եւ յանձուկ սահմանի չառնուս յանձն կալ, ի զուր է հնազանդութիւն քո. ապօտամբութիւն է այդ եւ ոչ հնազանդութիւն:

Պարտիս սիրել զաղքատութիւն: Սակայն չէ բաւական չափովն ունել, այլ եւ չքաւորութիւն եւս հարկ է կրել: Եթէ չկամիս ունել ինչ կարօտութիւն, ընդ վայր եւ ունայն է աղքատութիւն քո. ցանկութիւն է այդ:

Պարտ եւ պատշաճ է քեզ վասն քոց մեղաց ապաշխարել: Այլ չեցէ քեզ

բաւական խոտտովան լինել եւ ղթիկունս
կորացուցանել, հարկ է եւ սրտիւ մար-
մոքել եւ զղջանալ հոգւով, զվաթա-
րութիւնս ուղղել եւ զմարմին նեղել :
Առանց ուղղելոյ ի զուր է ապաշխարու-
թիւն քո, եւ առանց շարշարանաց եւ
նեղութեան՝ ոչ ինչ մեռուցումն քո :

Ապա ուրեմն պարտիս առաքինու-
թեամբք բարգաւաճել : Բայց մի շատ
համարիցիս զազգս ազգս առաքինու-
թեանցն ընտրել, այլ եւ զվաստակոցն
առաքինութեանց փոյթ պարտ է յանձին
ունել : Չիք որ ուրեք որ կարիցէ յաղթող
լինել առանց ճակատու պատերազմի,
նոյնպէս եւ ոչ զառաքինութիւն մար-
թի որ մշակել՝ առանց բուռն լինելոյ :

Գ. Տես զՄարիամ զՄայր իմ : Ապ իսկ
ընդ աջմէ իմմէ ի հանդերձս ոսկեհուն
զարդարեալ եւ պաճուճեալ, այլ սա-
կայն ամենայն փառք նորա ի ներքոյ էր :

Տես զԱարօղոս զժառայ իմ : Աչ տե-
րեւս եւեթ, այլ եւ պտուղս սրբու-
թեան եբեր :

Չգատա եւ ցածուն յորջորջէր, այլ
եւ հաստատեալ եցոյց թէ է իսկ ցա-
ծուն, զի աղջկանն որ մուրեցուցանելն
կամէր զնա՝ ի զաղփաղփուն տիս երի-
տասարդութեան՝ արութեամբ եւ քա-
ջութեամբ յաղթեաց :

Համբերող անուանէր, սակայն եւ համ-

բոյր եւ հեղ զանձն եցոյց , քանզի քաղ-
ցրութեամբ ժուժկալեալ տարաւ այնմ՝
որ եհարն զնա :

Հաստատուն կոչէր , այլ եւ հաստա-
տուն զանձն ընծայեցոյց , զի հակառակ
սպառնալեաց եւ իշխանութեանց՝ եկե-
ղեցական իրաւանցն պաշտպանէր :

Համարէր յամենեցունց թէ լի իցէ
փութով եւ աստուածպաշտութեամբ ,
այլ եցոյց իսկ թէ փութով եւ աս-
տուածպաշտութեամբ լի իցէ , զի մինչ
դեռ ախա ժանտ ընդ կողմանս այնոսիկ
տոչորէր՝ նա զկեանս իւր դնէր , զի կա-
րիցէ ախտաժետացն զխորհուրդս եւ
զմխիթարութիւնս մատակարարել :

Գ. Իսկ դու ո՞վ ես , սրգեակ : Գու
որ զանուն կենդանւոյ ունիս , ո՞չ ապա-
քէն հանապազ մեռեալ ես : Ո՞չ թե-
րեւս եւ թեթեւ իսկ շունչ զառաքի-
նութիւն քո զընդունայն՝ դիւրաւ եւ
առանց ամենայն աշխատութեան տա-
պալեալ կործանէ :

Ո՞չ եւ ի դէպս իսկ փոքունս գթէ
զգատութիւն քո , եւ խոնարհութիւն
քո ի դոյզն ինչ բանս կսկծելիս : Ո՞չ
ապաքէն անկանի համբերութիւն քո ի
վիշտս թեթեւս եւ համեստութիւն քո
ի դոյզն դրուատիս :

Ո՞չ քայքայի ժուժկալութիւն քո ի
կոշունս եւ սէր քո ի չքաւորութեան :

Ո՛չ կորնչի արհամարհութիւնդ ընչից՝ յորժամ դէպք ինչ շահու ընդ առաջ ելանիցեն եւ անմեծարգութիւն քո՝ յորժամ այլք պատիւ տայցեն:

Ո՛չ զամօթի հարեալ կորանայ նախանձ եւ փոյթ քո՝ առաջի հզօրաց: Ո՛չ շրթամբք պատուես զիս, եւ սիրտ քո հեռացեալ մեկուսի է յինէն: Լեր արթուն եւ աես թէ իցե՞ն գործք քո կատարեալ առաջի իմ:

Ե. Տէր, Հոգի ուղիղ նորոգեա ի փորի իմում, հոգևով պետութեամբք քով հաստատեա զիս, զի հաստատուն առաքինութեամբ պնդեցից զսիրտ իմ, եւ սրբութեամբ ճշմարտութեան՝ զչինուած փրկութեան իմոյ կանգնեցից, մի գուցէ՝ յորժամ երեւեցայց առաջի քո դատաւորի՝ ասիցես զիս.

Ոչ ամենայն որ ասէ զիս՝ Տէր, Տէր, մտցէ յարքայութիւն իմ, ոչ զիտեմ զքեզ, ոչ երբեք ծանեայ զքեզ, ի բաց կայ յինէն, բաժին քո ընդ կեղծաւորս լիցի. անդ եղիցի լալ եւ կրճել ատամանց:

Գ Լ Ո Ի Խ ԻԱ.

Վասն խոնարհութեան:

Ա. Ա՛Յ թագաւոր թագաւորաց եւ Տէր Տէրանոց՝ հեզ եմ եւ խոնարհ սրբապիւ: Կամիս, սրդեակ, կամիս գալ

զկնի իմ: Ասմին լինել աշակերտ իմ: Զայս ուսիր յինէն, սմին նմանեսջիր, լեր խոնարհ:

Ամէն ասեմ քեզ, եթէ ոչ դարձցիս եւ լինիցիս իբրեւ զմանուկ, ոչ մտանիցես յարքայութիւն իմ:

Զաշխարհ շինեցի, սքանչելիս դործեցի, բազում եւ ազգի ազգի նորանշան զարմանալիս արարի, սակայն չասեմ քեզ, սրդեակ, թէ արա եւ դու նոյնպէս: Այլ զոտս աշակերտացն լուացի ես Տէրս եւ վարդապետս, եւ զայսմանէ ասեմ թէ օրինակ ետու քեզ, զի եւ դու նոյնպէս արասցես:

Որպէս առաքեաց զիս Հայր, եւ ես առաքեցի զքեզ: Ապա զոր օրինակ ես ի Հօրէ, առաքեալ՝ զխոնարհութիւն բանիւք եւ դործովք ուսուցի քեզ, զնոյն օրինակ եւ դու առաքեալ յինէն՝ զխոնարհութիւն պարտիս առնել եւ ուսուցանել, զի տեսցեն զքեզ ոչխարքն՝ սր քեզ յանձն են, եւ ունիցին ինչ ի քեզ՝ որում նմանող լինիցին, եւ յորժամ քեզ նմանեսցին՝ եւ ինձ եւս լինիցին նմանողք:

Բ. Ո՛րդեակ, նախամեծար քան զայլս ընտրեցար. զգոյշ լեր մի գուցէ զբարերարութիւն օրհնութեանն զոր ընկալար՝ շրջեսցես շահել այնու պարծանս, զգոյշ լեր մի տիրեսցես վիճակացն:

Հպարտութիւնն եւ ինձ եւ հրեշտակաց եւ մարդկան ատելի է, բայց սակայն այն իսկ է որ զմիտս այնոցիկ՝ զորս յաստիճանն բարձր հան վերացոյց Հայր իմ՝ դիւրաւ իմն դրաւեալ ըմբռնէ, եթէ ոչ խնամովք եւ զգուշութեամբ սկիցեն:

Տես թէ որպէս արուսեկին՝ հրեշտակացն իշխանին յաղթեաց հպարտութիւն, եւ անդուստ յերկնից ի վերուստ ի խորս դժոխոց կործանեաց:

Տես թէ զհարդ զաշակերտս իմոյ խոնարհութեան փորձեաց հպարտութիւն՝ մինչ դեռ եւ ես իսկ ընդ նոսա էի: Եղև հակառակութիւն ի մէջ նոցա, թէ ո՞վ ի նոցանէ համարիցի մեծ. նա եւ երկուք իսկ ի նոցանէ ցանկացան նստել յարքայութեան Հօր իմոյ՝ մին ընդ աջմէ իմմէ եւ միւսն ընդ ահեկէ:

Արդ՝ միթէ յապահո՞վս կարծիցես զքեզ, որդեակ, ի հպարտութեանն փորձութենէ: Ա՛հ, որչափ մեծ ոք իցես՝ խոնարհեցո զանձն քո յամենայնի: Մի մեծամտեր՝ այլ երկիր:

Գ. Յիշեա, որդեակ, զի մարդ սնտաի ես, հող եւ մոխիր: Եւ զինչ իցէ քո՝ զորմէ պարծենն կարիցես: Զինչ ունիս յանձնէ քումն՝ բայց չարիս: Եւ զինչ ինչ բարի իցէ քո՝ եթէ ոչ յինէն: Ապա ուսա՞ի այն պարծենն քո:

Այլ իցէ եւ բարի ինչ իցէ քո եւ մեծատուն զանձն կարծիցես, տես մի-
թէ օրէն իցէ վայել իցէ քեզ զլուխ
ամբառնալ եւ զանձն բարձրացուցանել,
յորժամ ես Աստուած աստուծոց հա-
նապաղօր ի քո ձեռս գող իմն մինչեւ
յոչինչ անդր զանձն իմ խոնարհեցու-
ցանեմ, եւ չգարչիմ ի ձեռս մեղաւո-
րաց անարժանից շրջել:

Նորա վերստին ի խաչ հանեն զիս
անձանցն, եւ առնեն առակ նշաւակի,
եւ ես լուռ եւեթ կամ: Ի դէպ իցէ
ընդ այնպիսով խոնարհ գլխով՝ գաա-
նել անգամ հպարտ:

Տուր, սրգեակ, տուր հողոյ զբերան
քո, մերձեցի ի հող անձն քո առ
ամօթոյ եւ պատկառանաց:

Գ. Այս ամբարտաւանից հակառակ
կամ, տամ շնորհս խոնարհաց: Արդ
կամիս, սրգեակ, կամիս յառաջադէմ
լինել եւ զայլս եւս ամել ի յառաջա-
գիմութիւն. լիջիր խոնարհ:

Ես ի ձեռն տկարաց աշխարհիս՝ զհզօրս
սովոր եմ յամօթ առնել: Ես ի ձեռն
ձկնորսաց աննշանաւորաց՝ զաշխարհ
ստացայ ինձ ի ժառանգութիւն:

Գարձեալ միւսանգամ ասեմ, լեր
խոնարհ, եւ զանձն ապրեցուցես եւ
զայնոսիկ՝ որ քեզն լիցեն: Ապա թէ
ոգի ինչ մեծամտութեան ի գործս քո

սարդեալ մտանիցէ, ոչ վաստակս ար-
ժանեաց ունիցիս եւ ոչ պտուղս արասցես:

Մի այսուհետեւ յանձն քո դրաւի-
ցես զփառս, այլ զամենայն Աստուծոյ
մատուցիր:

Հայեաց ընդ հրապարակախօսան որ
կարի իմն յիւրեանց ճարտարաբանն
խօսողութիւն եւ յիմաստութիւն պան-
ծացեալ իցեն, եւ պատիր եւ սեթեւ-
եթեալ բանիւք մարդկեղէն ճարտա-
րութեան յօրանայցեն:

Չիցեն նոքա արդանդք անորդիք եւ
ստինք ցամաքեալք: Չեն յանձին հա-
րեալ պարծին, այլ ի զուր եւ ընդ վայր:
Ես եմ, որ աճեցուցանեմ եւ զփառս
իմ այլում ոչ տաց:

Մի այդպէս, սրդեակ, մի այդպէս,
այլ յամենայնի համարեսցիր զանձն ծա-
ռայ անպիտան:

Եւ այսպէս ի ներքս ի միտս քո հաւ-
անեալ խօսեաց, խրատեա եւ վաս-
տակեա իբրեւ զբարւոք զինուոր, եւ
յայնժամ քեզ՝ որ յանուն իմ զու-
կանդ արկանես՝ տացի բազմութիւն
ձկանց յոյժ:

Մինչ դեռ նոքա՝ որ յանձանց իսկ
կամեցան որսալ ձուկն, եկեալ խոստո-
վան լիցին զիւրեանց ընդունայնութիւն
եւ ասիցեն թէ զամենայն զիշերս աշ-
խատ եղեաք՝ եւ ոչ ինչ կալաք:

Ասան զաննն խոնարհիցոցանելոյ :

Ա. ԳՆԻՏԵՄ, Տէր, եւ խոստովան լինիմ, զի եթէ ամպարհաւածել եւ պարծել կամիցիմ՝ դու կայցես ինձ հակառակ :

Եւ զայն եւս զիտեմ, զի թէ անարգեցից զիս եւ ի բնաւ իսկ պարծանաց մեկուսի կայցեմ, եւ յոչինչ անդր իջանիցեմ, եւ դառնայցեմ ի հող՝ որպէս եւ եմն իսկ, լիցին ինձ յայնժամ սեպհական շնորհքն քո եւ լոյս քո մօտ սրտի իմում :

Արդ տուր զի ծանեայց զէութիւն իմ, եւ անուան քում՝ ոչ եթէ ինձ տաց փառս :

Տուր զի առից ի միտ զթշուառութիւնս իմ, եւ զոչեցից հոգւով խոնարհութեան թէ Աստուած իմ՝ ամաչեմ եւ պատկառեմ ամբառնալ զերեսս իմ առ քեզ :

Տուր զի տեսից զկարօտութիւնս իմ եւ ի մերկութեան իմում հառաչեցից եւ ասացից՝ Աստուած իմ, հայեաց ընդ իս՝ զի աղքատ եւ տնանկ եմ ես :

Բ. Տէր, սիլ է մարդ զի յիշես դու զնա : Մարդ եմ եւ մարդ տառապեալ, կանանցածին, իբրեւ զկաւ ստեղծեալ եւ մածուցեալ իբրեւ զպանիր, կարծա-

կեաց եւ սակաւօրեայ եւ լցեալ բազում
տառապանօք :

Մարդ եմ , եւ ունիմ ինձ զերբ՝ հայր
եւ մայր , եւ զորդն՝ քոյր :

Մարդ եմ , որ իբրեւ զխոտ՝ այսօր է
եւ վաղիւ ի հնոց արկանի , որ իբրեւ
զճաղիկ ծաղկեալ՝ թօթափի , իբրեւ
զմրրիկ՝ որ առ սակաւ մի երեւեալ
ապականի :

Մարդ եմ տկարութեամբ զգածեալ ,
շուրջ պատեալ տգիտութեամբ եւ խա-
ւարաւ , ի շարիս միտազոյն , յամբ եւ
անբաւական առ բարին , իբրեւ զտե-
րեւ հողմաշարժ առանց հաստատու-
թեան , լի թերութեամբք , եւ այնպէս
իմն նեղեալ ստէպ ցանկութեամբք , զի
ցանկ մարտուցեալ եւ ընդ մեծաբեռն
ծանրութեամբ հեծեալ ստիպիցիմ բո-
ղոք բառնալ թէ Ընդէր , Տէր , ընդէր
եղիր զիս քեզ ոսոխ եւ իցեմ ինձ
բեռն :

Ահաւասիկ որպիսի դք եմ , Տէր ,
ահաւասիկ որպիսի ինչ ժառանգու-
թիւնս իմ : Ապա զի՛արդ չգարչիս բա-
նալ ի վերայ իմ զաչս քո :

Գ. Բայց որ առաւելն նկուն առնէ
զիս այժմ եւ խոնարհեցուցանէ առաջի
քս , Տէր , այն իսկ է՝ զի Անօրէնու-
թեամբ յղացաւ եւ ի մեղս ծնաւ զիս
մայր իմ :

Յանսկեղութեան հաստատեալ էր քո
զմարդն, եւ ես՝ մինչ չեւ ծնեալ՝ զան-
մեղութիւն կորուսի :

Այլ դու գթացեալ յիս, ոչ ծած-
կեցեր զերեսս քո յինէն, ձգեցեր զձեռն
քո առ իս : Ի քեզ անկայ ես յարգան-
դէ եւ ոչ մերժեցեր թէ իցես Աստուած
իմ յորովայնէ մօր իմոյ : Յայնժամ եղէ
քեզ հաճոյ եւ սիրելի :

Բարէ. Իցիւ կացեալ մնացեալ իմ
յանսկեղութեան անգ՝ զոր ի ձեռն մկր-
տութեան ստացայ : Այլ ո՛հ. հազիւ
ուրեմն թէ գտայ բաւական խորհելոյ՝
եւ անարժանս խորհեցայ. հազիւ թէ
ցանկանալ ձեռնհաս էի՝ եւ զարդե-
լեալն ցանկացայ, հազիւ հազ թէ կա-
րէի գործել՝ եւ յանցանս գործեցի :

Նմին իրի անօրէնութիւնք իմ բա-
զում եղեն քան զհեր զլսոյ իմոյ : Մե-
ղայ, զինչ արարից քեզ, ո՛ պահա-
պանդ մարդկան : Ո՛ւր թաքեայց յերե-
սաց սրամտութեան քո :

Ամենայն համօրէն արարածք քո բա-
զում հաւաստեալ օրինաց քոց հնա-
զանդեցան : Արեգակն ծագեաց, աս-
տեղք փայլեցին, երկիր բխեաց եւ բու-
սոցց, ջուր հոսեաց, տունկք աճեցին,
եզն ծանեալ զստացիչ իւր որպէս եւ
հրամայեցերդ իսկ. այլ ես զքեզ ոչ
ծանեայ, խոտորեցայ ի պատուիրանաց

քոյ, մեղայ քեզ եւ զչար առաջի քո
արարի :

Գ. Ամաչեցի արդարեւ եւ յամօթ
եղէ, ընկեցի զիս առ սաս քո, ո՛ր Հայր
ողորմութեանց, ներումն խնդրելով ի
քէն եւ թողութիւն :

Իցեմ թերեւս ցօղեալ մշակաւ քով
եւ սուրբ եղեալ : Սակայն եւ այնպէս
չկարեմ ասել թէ գիտեմ եւ հաստա-
տուն իսկ եմ, քանզի ոչ գիտեմ եթէ
սիրոյ իցեմ արժանի թէ ատելութեան :
Եւ զնորդ կարիցեմ բնաւ յայնպիսում
անձկութեան եւ ի տարակուսի ամպար-
հաւածել եւ պանծացեալ պարծել :

Տէր, առաւել լուս զիմ յանօրէնու-
թենէ իմմէ եւ ի մեղաց իմոց սուրբ
արա զիս :

Ե. Ի քեզ իսկ վստահ եմ, Աստուած
իմ, որ լուար Քանանացւոյն, զմա-
քսաւորն դարձուցեր, որ արձակեցեր
զկինն մեղաւոր, ի Պետրոս զթութեամբ
հայեցար եւ աւազակին խնայեցեր :

Ի քեզ յուսացայ, եւ յուսով քով
խնդացեալ համարիմ թէ հասեալ իցեմ
ողորմութեան քում, եւ ջնջեալ իցես
իբրեւ զամպ զանօրէնութիւնս իմ :

Այլ թէպէտ եւ այսպէս իսկ լիեալ
էր, սակայն զն՛նչ եւս պատճառք կային
ինձ պարծելոյ : Ո՛չ ապաքէն ի քէն է
եւ ի քէն իսկ միայնոյ թողութիւն : Ոչ

եթէ ես ինչ՝ այլ դու սրբեցեր զիս. եւ որչափ եւ սրբեալ իցեմ, սակայն ո՞չ այն իսկ ճշմարիտ է հանապազ՝ թէ լիեալ էր իմ երբեմն անսուրբ եւ աղտեղի մեղաւոր:

Ո՞չ միշտ իսկ ստոյգ իցէ՝ թէ այսրէն իսկ եւ իսկ յառաջինն մեղս նա եւ ի վատթարագոյնն եւս զահապէժ դարասոս անկանէի՝ եթէ ոչ քո իսկ շնորհք կարճեալ նահանջէին զիս: Խոնարհութիւն իմ ի միջի իմում է, Տէր:

Տուր, Տէր, տուր զի ծանեացց զնկնութիւն իմ առաւել քան զառաւել, եւ ածեալ զմտաւ զամենայն ամս իմ ի դառնութիւն անձին իմոց, եւ ի մեծէ տկարութենէ իմմէ երկուցեալ՝ կացից եւ մնացից հանապազ խոնարհեալ առաջի քո:

Զ. Բայց ահաւասիկ, Տէր, ահաւասիկ սատանայ խնդրէ զիս զի խարբալեացէ: Ածեալ դնէ առաջի աչաց իմոց զամենայն բարիս զոր դործեցի, եւ զբարիս՝ զոր ի քէն ընկալայ:

Հիմ, ասէ, խոնարհիցիս, վասն էր խռովիսն, զմէ՞ ամաչիցես: Քարուք վերակացու լինիս ո՞ երէցդ. կրկին պատուոյ արժանի ես: Յարդարութիւն ուսուցանես զբազումս, ծագեսցես եւ փայլեսցիս իբրև զաստեղս յաւիտեանս եւ եւս:

Առնես՝ զոր ինչ պատուիրեաց քեզ

Տէր, ապա բարեկամ նորա ես: Զհաւատան պահեցեր, զգործան վաղ իսկ կատարեցեր. այսուհետեւ կայ մնայ թեզ արդարութեան պասին:

Արդ աւասիկ, Տէր, հրեշտակն խաւարի՝ ի հրեշտակ լուսոյ կերպարանեցաւ ինձ: Նզովեալ. ոչ լուսոյ նմա:

Գիտեմ, Տէր, զի եթէ առանց քոյոյ գթութեան քննեցայց, արժանի պատժոց գացին գործք իմ՝ մինչ ես վարձուց հատուցմանց արժանի զայնս համարիցիմ:

Գիտեմ, զի ուր առաւելուն տուրքն, աճեն եւ արոցն համարք, եւ նմին իրի իսկ այնչափ եւս առաւել խոնարհիմ եւ կազմ եւ յօժար ի ծառայել պարտիմ լինել ի պարգեւացն, որչափ զի աւելագոյն հարկ ի վերայ կայ ինձ համարս տալոյ:

Ո՛հ. իցիւ, Տէր, ոչ էր իմ այնչափ եւ այնպիսի պարգեւօք քոյոցն շնորհաց չարաչար վարեալ եւ կամ բնաւ անգործ իսկ թողեալ զնոսին: Երանի թէ չէր իմ զանց արարեալ զքոյովք ազգի ազգի թելադրութեամբք: Ոչ եթէ պարծանաց ինչ այլ խոնարհութեան պատճառք եւ բարուրք են պարգեւքն քո:

Արդ քաւ լիցի ինձ պարծել զինէն, այլ ի սկարութիւնս իմ, զի բնակեացէ յիս զօրութիւնն քո:

Տուր, Տէր, զի ցանկ եւ միշտ անարգեցից զանձն իմ, եւ հանապազ սիրեցից անժանօթ լինել եւ առ ոչինչ համարել:

Գ Լ Ո Ւ Խ Ի Գ .

Վասն հաբուսիեան հրացն իղճի:

Ա. Տէ՛ր, որ յարգանդէ Հօրն յաւիտենից յառաջ քան զարուսեակ ծնար, Տէր՝ որում երկնից երկինք ոչ կարեն բաւական լինել, Տէր՝ որ այնչափ սուրբ ես, որպէս զի սքանչացեալ զարմանայ եկեղեցի՝ զի չգարչեցար յարգանդէ կուսին՝ որ ամենեւին իսկ անարատ էր, Տէր, զորոյ շեղել արժանի Յովհաննէս լուծանել զխրացս կօշկաց:

Գու ընարեցեր զիս մատակարար Խորհրդոցն քոց, զի յամենայն աւուր ի սեղանի քում սպասաւորեցից ձեռօք իմովք, զի հանապազօր առ իս եկեսցես եւ օթեւանս արասցես, զի առից եւ կերայց զմարմին քո, եւ այլոց եւս բաշխեցից:

Ո՛ր անարբութեան իմում. ո՛ր իմում անարժանութեան: Յո՞ւ երթայց ես յողոյ քումէ, եւ կամ յերեսաց քոց ես յո՞ւ փախեայց:

Ի բաց գնա յինէն, Տէր, զի այր մեղաւոր եմ ես: Քանզի ոչ է քո միաբանութիւն ընդ Բելիարայ, ոչ նմանու-

Թիւն է տաճարի քո՝ մեհենաց, ոչ է հաւասարութիւն լուսոյ քո ընդ խաւարի իմոյ :

Եւ զհարդ մարթ իցէ բնաւ բերանոյ իմոյ լինել բաւականն սուրբ, ձեռին իմոյ լինել մաքուր բաւական, եւ սրտի իմոյ լինել անարատ բաւական յայնպիսի աստուածեղէն արբանեկութիւն :

Բ. Սրդեակ, ոչ է քեզ պարտ եւ պատշաճ՝ ընդ իմ արժանաւորութիւն հայեցեալ՝ վազվազակի ի կոր կործանել եւ խռովել :

Եմ իսկ ես երիցս սուրբ, եւ դու կաւ : Այլ գիտեմ զհաստուած քո, գիտեմ զի ոչ զհրեշտակ զոք՝ այլ զմարդ ունիմ ինձ սպասաւոր :

Իբր ոչ եթէ սրբութիւն ամենեւին կատարեալ պահանջեմ ինչ ես ի քէն, այլ փոյթ մեծ յոյժ այնմ հասանելոյ խնդրեմ ի քէն : Արա որչափ ինչ ի քեզ է եւ արասջիր բազում հաւաստեալ, եւ եթէ պակասեացէ ինչ յետ այնորիկ՝ ասացից բանիւ եւ զամենայն լցեալ կատարեցից :

Գ. Այլ քեզ, սրդեակ, եթէ՛ որչափ ինչ ի քում կարի իցէ ոչ արացես, եթէ՛ բիծ ինչ եւ արատ յանձին ունիցիս եւ ի սպաս իմ մատչիցիս եւ հաց ինձ նուիրեսցես : Զանուն իմ պրզծիցես, զսեղան իմ անարդիցես, դա-

տաստանս անձին քուժ ուտիցես եւ
բմալիցես :

Արդարեւ իսկ ասեմ քեզ, փոյթ
յանձին կալջիր մեծաւ հոգաբարձու-
թեամբ վասն մայրութեան մտայն խրղ-
ճի : Զանա զի հանապազ անմեղ ձե-
ռօք եւ սուրբ սրտիւ յօրհնութիւն եւ
յողորմութիւն սրբութեանն սրբոց մեր-
ձեացիս :

Անձն քո լիցի ի ձեռս քո յամենայն
ժամ, զի մի վատթար ցանկութեամբ
եւ խորհրդովք աղտեղեացի, զի մի
կամակոր բանիւք արատեացի, եւ յոռի
գործովք ապականեացի :

Գատեսջիր զանձն քո՝ զի մի դա-
տեացիս, եւ եթէ աղտով ինչ խիք
նսեմացեալ եւ շլացեալ զոսկի սգւոյ
քո նշմարիցես, եթէ վասն իմոց շնոր-
հաց ի բաց մեկնելոյ՝ այլագունեալ
զայն տեսանիցես, սրդեակ, մի մտցէ
արեզակն ի վերայ մեղաց քոց . անց
զնա փութանակի յաղբերն Սիլովամայ՝
զի արեամբ Գառինն լուսացիս :

Երթ, ցոյց զքեզ քահանայի, եւ
զնուէր արտասուաց եւ սրտի զղջացե-
լոյ, զոր ոչ արհամարհեմ երբեք, մատո
խոնարհութեամբ . այսպէս թէ անկցիս՝
ոչ խորտակեացիս, զի ես եղից զձեռս
իմ ի վերայ :

Գ. Ա՛՛՛՛՛՛՛, Տէր, կա՛՛՛՛՛՛՛ զձեռանէ իմմէ

զաջոյ, եւ ի խորհուրդս քո առաջնորդեա ինձ՝ զի մի անկանիցիմ՝

Ես ասացի ի բարեկենդանութեան իմում թէ ոչ սատանեցայց յաւիտեան, երգուայ եւ հաստատեցի, զի պահեցից զամենայն իրաւունս արդարութեան քո: Այլ սակայն եթէ դարձուցանիցես զերեսս քո յինէն՝ անդէն եղէց խոովեալ եւ մեղայց եւ ամենեւին իսկ անսուրբ եղէց:

Տես, Տէր, զտկարութիւն իմ, հայեաց յօգնել ինձ: Կայց հանապազ ընդ աջմէ իմմէ, զի մի եղէց սրպէս զանօթ կորուսեալ, այլ ցանկ անմեղութեամբ շուրջ եղէց զսեղանով քով:

Գ Լ Ո Ի Խ Ի Գ .

Ղանն յամախաբոյն խոսորդանութեան:

Ա. ՈՐԴԵԱԿ, որ կրես զանօթս իմ, որ ուտես զհաց իմ եւ բաշխես, սուրբ արա ստէպ զանձն ի քոց մեղաց եւ առաւել եւս լուա յանօրէնութենէ քումէ զանձն քո:

Միտք եւ խորհուրդ սրտի քո ի խնամս չարի հաստատեալ են, եւ եթէ ոչ ստէպ յաղբելըն շնորհաց եւ սղորմութեան ընթացիս՝ չմարթի քեզ անարատ յիմում ճանապարհի լինել:

Չկարես առանց բժոյ պատարապ ինձ մատուցանել եւ զայլ եւս սպասս սրբոյ պաշտամանն կատարել:

Չայս եւ դու իսկ գիտես, սրգեակ,
զոյն ուսուցանես դու քոյ ոչխարաց,
այս ինքն՝ թէ յաճախագոյն խոստովա-
նութիւն եւս քան զեւսականօրէնութիւն
ջնջիցէ, ի մեղաց ի բաց դարձուցանիցէ,
ի չարեաց պահիցէ, զօրացուցանիցէ ի
բարին եւ զարթնութիւն արծարծիցէ,
ի ճանապարհի իմում հաստատուն
պահիցէ, ընդդէմ փորձութեանց հզօ-
րագոյն գործիցէ, զխաղաղութիւն սուրբ
ի միտան հեղուցու, զեռանդն աճեցու-
ցանիցէ, եւ սրբագոյն եւ կատարելա-
գոյն օր ըստ օրէ զմարդն յարդարիցէ:

Դու գիտես, դու իսկ ուսուցանես
զայն՝ թէ որ զխոստովանութենէ անփոյթ
առնիցէ՝ տակաւ ի խոնարհ անկանի եւ
նուազագոյն զիւր յանցանան առնու ի
միտ եւ մեղմով իմն ընդէլնու ընդ մեղս .

Օր քան զօր տկարագոյն լինի ի պա-
տերազմի՝ զոր մղիցէ ընդդէմ թշնա-
մեացն ոգւոյ, գիւրագոյն անկանի յու-
րոգայթս սատանայի, դժուարաւ յառ-
նէ, եւ որչափ եւս զխոստովանութիւնն
յապաղիցէ, առաւելագոյն եւս յամե-
ցուցանել կամիցի:

Բ. Օր ուսուցանեսդ, սրգեակ, դու
իսկ ինքնին նախ պահես: Ստէպ լեջեր
խոստովան, գիտացեալ զի եւս իմն կա-
րելոր հարկ ի վերայ կայ քեզ սրբով
խոստովանութեամբն վարելոյ, վասն զի

զգուշագոյն եւ սրբագոյն պարտ եւ պատ-
շաճ է քեզ քան զայլսն լինել :

Քանզի սատանայ աւելագոյն թշնամի
քեզ է, զի յամենայն ժամ կազմ եւ
պատրաստ պարտիս գտանել՝ առ սրբու-
թեամբ զուրբսն մճարելոյ :

Ապա եթէ առանց զանձն փորձելոյ,
առանց կարեւորն սրբութեան մատչի-
ցիս, յետ սակաւ միոյ ի քուն ողւոյ եւ
յանհնարին կուրութիւն մտաց կործա-
նեսցիս :

Քանզի վասն սորին իսկ պստրիկ բա-
զումք անզօրք են եւ տկարացեալք եւ
յոլովք ննջեն, որպէս զի թէ յաճա-
խագոյնս ի սրբում խոստովանութեան
զանձինս քննէին, արդարեւ իսկ ի դա-
տելն իմ զնոսա՝ չլինէին հարեալք այն-
պիսի կուրութեամբ :

Գ. Վառ իսկ, սրգեակ, բազում ան-
գամ տեսեր զայնպիսիսն, որ անդէն
զառաջինն ի սկզբան անդ իւրեանց կե-
նացն քահանայութեան՝ սուրբք էին եւ
յամենեցունց դրուատիս ընդունէին, եւ
այա ուրեմն դարձան եւ եղեն անօրէնք,
մինչ եւ զատուեր անգամ եւ զնշմարանս
իւրեանց առաջնոյ առաքինաւոր կենացն
ոչ ունէին :

Ուստի՞ այն, ասացեր թերեւս, սր-
գեակ, եւ ուստ ուստէք : Անտի իսկ՝ զի
զխոստովանութենէ անխոյթ եղեն :

Ոսոխն սատանայ քանզի գիտէր թէ մեծ յոյժ են տոհմականք ստէպն խոստովանութեան, ամենեւին զամենայն հնարս հնարեցաւ ի սրբոյ սովորութենէ անտի յետս զնոսա կասեցուցանել:

Եւ զի՞ իսկ պիտոյ, ասէ, յիւրաքանչիւր եւթնեակս եւ կամ գոնեայ ի հնդետասան աւուր խոստովան զմեզն լինել: ՁԱնանիա ձանձրացուցանէք եւ շարշարէք, եւ զանձինս ձեր տանջեալք վայրապար:

Տեսէք. բարւոք կեանս կեայք. յանցանք ձեր հանապազորդեայ՝ դոյզն իրք են: Կացէք մնացէք դուք, մինչեւ մեծ իմն ինչ պատահիցէ՝ յայնժամ գնացէք եւ շատ իսկ է:

Եւ այնպէս զառաջինն խաբեաց զնոսա. եւ զի՞ իսկ բնաւ եղեւ այտի. բայց՝ զի կարի իմն ի սրբութիւն անդր իւրեանց յուսացեալ ապատտան եղեն եւ վաղ իսկ ի շնորհաց անտի որ ի սրբոյ արձակմանէ ծնանիցին՝ վրիպեալ գրտան. յորմէ եւ դիւրաւ իսկ անկան:

Արդարեւ յետ առաջնոյ անկմանն՝ վաղվաղակի առանց յապաղութեան ցառովք յարուցեալ կանգնեցան, եւ ձեպեալ ընթացան առ Անանիա եւ բժրչկեցան:

Այլ յետ սակաւ ինչ ժամանակի այսրէն միւսանգամ փորձեցան եւ ան-

կան վերստին: Չինչ յայնժամ արար սատանայ: Տաղտուկ իմն եւ զարշ զխոտովանութիւնն երեւեցոյց:

Անսացէք, ասէ, ունիք դեռ եւս ժամանակ. չէ օրէն եւ չէ իսկ համարձակ ձեզ առանց կանխազոյն խոտովանութեան մատուցանել պատարագ: Բայց չկայ իսկ ինչ հարկ ի վերայ վաղիւ պատարագ մատուցանելոյ:

Արդ յապաղեցին: Յայնժամ ուրեմն արդելք խափանիչք եկին ի վերայ եւ ասպա ի հարկէ իսկ եհաս պատարագել:

Գումարեցաւ կուտեցաւ ժողովուրդն, եւ վասն ժամանակին կարծութեան չկարացին այլ եւս զանձինս քահանայի ցուցանել:

Խոնարհեցուցեալ խոնարհեցուցին զանձինս, եւ զղջացան իսկ արդարեւ, այլ թերակատար օրինակաւ. եւ զղջումն թերակատար առանց խոտովանութեան զանօրէնութիւն չկարաց ջրել:

Ապա մնաց պահեցաւ անօրէնութիւնն: Եւ սակայն մատուցին նոքա պատարագ, յորմէ յայտ է թէ սեղանակապուտ հաղորդութիւնն եղեւ, եւ այնու իմն զօրացեալ հաստատեցան ի շարիս:

Իսկ իբրեւ պատարագն կատարեցաւ, ոչ եւս այնուհետեւ զայնմանէ խորհեցան թէ առ Անանիա պարտ իցէ երթալ:

Յորժամ զերկրորդ պատարագն կամեցան մատուցանել, կրեցին ինչ տակաւին անձկութիւնս մտացն խղճի, այլ յերրորդումն զգացին եւ ոչ ինչ:

Ապա յետ այնորիկ հաճեցան ընդ գործս չարութեան իւրեանց, եւ չվեհերեցին ինչ այնուհետեւ եւ չցանդիտեցին զզեղծ կեանս ընդ մեծի պաշտամանն միաբանել:

Թերեւս յետ երկայնաձիգ ժամանակաց՝ հին ինչ կանոն ի խոստովանութիւն կոչեաց զնոսա: Չինչ ինչ յայնժամ գործեցին:

Թողին զԱնանիա զտառջին, ստոյ մարգարէի ելին ի խնդիր, որ ասաց խաղաղութիւն՝ մինչ ոչ գոյր խաղաղութիւն, որ եղ զլսադիրս գլխոյ, եւ զտառապեալ քահանայսն զայնոսիկ առանց ինչ ուղղութեան եթող կեալ ի յանցուածս իւրեանց:

Տես թէ զիարդ անկան, որպէս փրշրեալ խորտակեցան որ զանց զխոստովանութեամբ արարին:

Գ. Տես, որդեակ, մի գուցէ նոյնպիսի ինչ եւ քեզ դիպիցի: Յորժամ եկեալ հասանիցէ ժամանակն խոստովանութեան՝ զոր կանոն սրբականն կենաց քեզ սահմանիցէ, մի յապաղիցես եւ մի օր յօր առնիցես:

Մի ասիցես թէ սուրբ իսկ եմ, չեմ

ինչ այնու կարօտ : Զի որ ասիցէ որ՝
եթէ մեղս ինչ ես ոչ ունիմ, զանձն
խարէ, եւ ճշմարտութիւն ինմա ոչ գոյ :

Արպիսի որ եւ իցես՝ չես ինչ քան
զտուրբս իմ՝ սրբագոյն եւ քան զամե-
նելին կատարեալսն՝ կատարելագոյն :

Անց, սրգեակ, ընդ զիրս վարուց կե-
նաց նոցա, եւ տեսցես զի ստէպ եւ յա-
ճախագոյնս իսկ սրբով խոստովանու-
թեամբ վարելին նորա :

Քանզի արդարոց եւ ստուգաց գործ
է հանապազ երկնչել, եւ որչափ առա-
ւելագոյնն արժանի սիրոյ իցեն՝ նոյն-
չափ եւս աւելի՝ զի մի պարտաւոր ա-
տելութեան գտանիցին՝ զարհուրեալ
դողան :

Եթէ արդարն հազիւ համարի թէ
կեցցէ. դու ս՞ իցես՝ զի առանց ստէպն
խոստովանութեան յամրի եւ յապա-
հովի զանձն կարծիցես :

Ե. Այս իսկ, սրգեակ, եթէ հովիւ
բարի իցես, հոգ ի մտի ունիցիս՝ զի մի
ոչխարքն քո զանց զփրկարարն գործով
խոստովանութեան առնիցեն, եւ եթէ
յուրացեալ ծուլասցին՝ խթիցես, կըշ-
տամբեսցես եւ սպառնասցիս :

Այլ եթէ դու իսկ ինքնին ի գլխո-
վին անփոյթ առնիցես, ս՞ միտ գնիցէ,
ս՞ պահիցէ, ս՞ կշտամբիցէ : Աչ որ, ոչ
ուրեք :

Եթէ ի թերութիւնս ինչ անկանի-
ցին ոչխարքն քո, դու բողբ բառնաս,
դու յանդիմանես. ապա թէ եւ դու
եւս դայթազդիցիս եւ գթիցես, ո՞վ որ
յայնժամ ուղղիցէ, այլ քո իսկ Անանիա:

Եթէ ոչ այնմ քահանայի ցուցես
զանձն քո, ոչ որ խրատ քեզ տայցէ
եւ կշտամբեալ յանդիմանեսցէ զքեզ:
Զի որ կարեւոր բարեկամքն են՝ դուն
ուրէք եւ անօտր իշխեն զայն առնել, եւ
յոռիքն՝ չկամին:

Տես թէ որչափ եւ քանի վտանգք
մօտ առ կուրծս կայցեն քեզ, եթէ
զխոստովանութեամբ զանց արարեալ
անցանիցես:

Գ Լ Ո Ի Խ Ի Ե .

Ասան ներելի մեղաց:

Ա. ՈՐԳԵԱԿ, մի անարգիցես զա-
կաւս, առ ի փոքր փոքր կործանեսցիս:
Ի ծանունց յանցանաց երկնչիս, այլ թե-
րեւս ի մանունց չարեաց չզանգիտես:

Մողորիս, որդեակ. սակաւ սակաւ
ինչ է հուրն, ապա թէ արհամարհիցի՝
եւ զանտառս անգամ հրդեհէ: Թեթեւ
թեթեւ իմն է հիւանդութիւնն, այլ
եթէ անփոյթ առնիցի, տակաւ աճէ եւ
վիաս հասուցանէ:

Միթէ յանկարծակի՞ յակա՞ն թօթա-
փել կործանին շինուածքն: Ո՛չ ապա-

քէն, որդեակ, զառաջինն՝ փեռեկումն
իմն ծերպից դործի, անտես առնի, սպր-
դեալ մտանէ ի ներքս ջուրն, խախտին
շաղախքն եւ վէմք քակտեալ քայքայ-
ին ի միմեանց, եւ որմք առ սակաւ սա-
կաւ կործանին եւ ապա ուրեմն եւ տունն
աւերեալ տապալի:

Տես թէ որչափ վտանգ ի վերայ կայ-
ցէ՝ յորժամ զսակաւսն ոք անարգիցէ:
Եթէ մասն այն որմոյն՝ որ անկաւ զառա-
ջինն՝ անտես չէր լինեալ՝ այլ իսկ եւ իսկ
վազվազակի նորոգէր, կայր մնայր տա-
կաւին տունն: Բայց քանզի զգոյզն վնա-
սուք արհամարհեցին՝ չէ արդ տունն ի
միջի:

Նմին իրի իսկ ասաց եւ ոմն ուրեմն ի
ճարտարացն իմաստնոց, զարմանալի իմն
է եւ համարձակիմ իսկ ասել թէ չէ
երբէք յականջալուրս եկեալ. թուի իմն
ինձ երբեմն՝ թէ ոչ այնչափ մեծաւ փու-
թով եւ հոգաբարձութեամբ ի մեղաց
մեծաց պարտ իցէ զգուշանալ, որպէս ի
փոքունց եւ ի դուզնաբեայց:

Չի առ խորշել ի մեծաց մեղաց՝ բնու-
թիւն իսկ ինքնին մեղացն դրդէ, այլ
վասն փոքունցն՝ քանզի մանուկք իսկ են՝
ծուլացեալ անխէթ կամք եւ անկաս-
կած, եւ յորժամ պախարակինն՝ չկարէ
չմարթի այնուհետեւ միաքն յարուցեալ
քաջութեամբ ընդդէմ խիզախել նոյին:

Բ. Տեա, որդեակ, որ զնեբեկեզքն հեղ-
գացեալ զանց առնես, տես զՋուրն որ
մեղմով ընդ ծակս եւ ընդ ծերպս նա-
ւին ի ներքս մտանիցէ: Գիւրին է անդէն
ի սկզբան մինչ սպրդէն ի նաւ անդր
սկսանիցի՝ արդեբուլ զայն եւ արտաքս
թափել, ապ՝ եթէ անհագ լինիցիս, ի
սակաւ ինչ ժամանակս զողջոյն իսկ զյա-
տակ նաւուն ընուցու:

Ձինչ խտիր իցէ նաւակոծութեանն,
յորժամ միով յաղթ արեզք սուզանիցի
նաւն, եւ կամ թէ տակաւ ջրոյն ի ներքս
մտեալ՝ լցցէ զնաւն, եւ յետոյ ուրեմն
իջեալ մխրճիցի:

Ապա փախիր այսուհետեւ ի թեթեւ
յանցանաց, յաճախագոյնս մատիր ի
քննութիւն զի դիտեալ տեսանիցես ե-
թէ գործեալ իցես ինչ յանցանս, ստեպ
երթ ի խոստովանութիւն զի զայնս ի
բաց ջնջեսցես, գուցէ բազմացեալ ի մա-
հացու ինչ մեղս պատրաստիցեն զքեզ:

Այլ ասիցես թերեւս՝ ներելիք են,
չառնեն զիս Աստուծոյ թշնամի, չպար-
տիմ խորչել յայնցանէ վտանգաւ յաւի-
տենականն մահուան:

Այս իսկ, որդեակ, եւ կարի քաջ. եւ
ես իսկ չպարտիմ քեզ շնորհս բազումս
օգտակարս եւ օճանս զօրեղս եւ աղդա-
կանս մատուցանել, եւ առանձինն ինա-
մով պահել զքեզ եւ պատասպարել:

Արդ եթէ իմում բարեկամութեան այդպէս անփոյթ իցես, որպէս զի յատելութենէ իմմէ եւեթ զարհուրեալ դողայցես, երկիր՝ դուցէ ի բաց հանից ի քէն զշնորհսն բարձրագոյնս եւ զհօրօք օգնականութիւնս :

Գիւրաւ անկեալ սայթաքեսցիս յայնժամ ի լպիրժ եւ ի զաղփաղփուն կեանս աշխարհիս այսորիկ, եւ ի մէջ վատթարագոյն թշնամեաց շրջեալ, եւ յառանձինն իմոյ պաշտպանութեանն վահանէ մերկ եւ թափուր դտեալ, դիւրագոյնս վերս աուցես : Միթէ կարիցենս յուսալ, եթէ ունիցիմ ինչ ես հոգ զքէն, յորժամ դու այդպէս նուազագոյն զինէն հոգայցես :

Գ. Տէր, քանիցս ասացի՝ խաղաղութիւն խաղաղութիւն եւ ոչ եղել խաղաղութիւն, թերեւս եւ այժմ իսկ ասեմ՝ եւ ոչ գոյ : Արչափ մեզս ներելիս գործեցի դիտութեամբ եւ լիով կամօք եւ գործեմ եւս տակաւին :

Արդ միթէ կարիցեմ ասել եթէ սիրեմ զքեզ : Սիրիցէ՞ որ արդեւք զքեզ ջերմն սիրով՝ որ այդպէս յաճախագոյնս զքեզ տրտմեցուցանիցէ կամ թէ գէթ ոչ զանգիտիցէ տրտմեցուցանել զքեզ :

Տուր, Տէր, զի սիրեցից զքեզ ջերմագոյնս, յամենայն իսկ եւ ի բնաւ ազգէ շարեաց բազում պնդութեամբ զդուշացեալ :

Գ Լ Ո Ւ Խ Ի Զ .

Պատն զԵԻՐԻԼԷ Ժողո ապուշխարելոյ :

Ա . ՈՐԴԵԱԿ , որ կամիցի առողջ լինել մորմոքեացի : Բազում մեղք ներելիք առնին խոստովան եւ սակաւք սրբին , քանզի պակասէ իմն նոցա ճշմարիտ զղջմանն ցաւ եւ ստոյգ ուղղութեան յառաջագրութիւն :

Ի ցամաք սովորութենէ մատչին ի նոցին խոստովանութիւն . կամել կամին զանձինս ուղղել , այլ ոչ կամին ճշմարտութեամբ , զի չարկանեն ինչ ջան ի դործ առ ի զայնս արմատաքի ի սրտէ խլելոյ :

Եթէ փափաքիցիս ճշմարտիւ սուրբ լինել , ճշմարիտ ատելութիւն եւ չկամութիւն յանձին բերջիր : Ա՛ռ դու կշիռ ի ձեռս՝ ոչ զմարդկան՝ որ սուտ է , այլ զկշիռ սրբութեան իմոյ , եւ ի նմին զքո՞ յանցանս կշռեա :

Տեոցես դու յայնժամ թէ որչափ իցեն՝ թէպէտ եւ փոքր իսկ իցեն , տեսցես թէ եւ ինձ չէ հաճոյ , դառնացուցանէ զիս , նուազեցուցանէ իմն զիմ բարեկամութիւն , զչոզի սուրբ տրտմեցուցանէ , կարճէ զեռանդն սիրոյն , զջերմութիւն եւ զգիւրութիւն բարեպաշտութեան ի բոց բառնայ , յամեցուցանէ զգնացս ի փրկութեանն ճանապար-

Հի, եւ անզգայս գործէ, արդեւ եւ խա-
փան լինի զի մի շնորհս ընկալցիս :

Ո՛հ. եթէ անցեալ էր այն ամենայն
ի սիրտ քո. զի արդ դառնապէս զմեզս
թեթեւս լայիր : Եթէ տեսեալ էր քո
զսուրբս իմ թէ որպիսի ինչ արտասուս
վանս սոցին նման թերութեանց հե-
ղին, արդարեւ իսկ ոչ կարէիր ի լալց
եւ ի ցաւոց ժոյժ ունել :

Բ. Սաստատունն ինչ յառաջագրու-
թիւնն դիր ի մտի ոչ թերակատար կա-
մօք՝ այլ յանկեղծաւոր կամաց : Այնց
յանցանաց մանաւանդ ուշ կալեալ սկեռ-
ջիր, որ ընտանիքն եւ ընդելական քեզ
իցեն՝ զորս իբրեւ զջուր ըմպիցես, եւ
ասա թէ ոչ եւս արարից միւսանդամ :
Եթէ եկեսցէ երբեք թշնամին՝ արու-
թեամբ վարեցայց, մարտեայց եւ յող-
թեցից : Չայս թէ արացես՝ լիցիս
սուրբ, եւ սրբեալ՝ ուղղեսցիս :

Ասան զի երկուք վահանօքս այսոքիւք,
այսինքն՝ երկիւղիւ մեղաց եւ հաստա-
տունն յառաջագրութեամբ ամբացեալ
արթուն կացցես : Յորում ժամու եւ
եկեսցէ թշնամին՝ դիմակալ լիցիս նմա,
եւ մի թողցես գոնեայ դիտութեամբ
եւ լիով կամօք հատանել ական ի քում
տան :

Գ. Սակայն եւ այնպէս, սրբեակ, մի
յուսայցես՝ եթէ բնաւին իսկ յամե-

նայն թերութենէ կամ յանցանաց կարիցես զգուշանալ: Քանզի մեծ է քսակարութիւն, հանապազ ի խնամն շարին հաստատեալ է:

Այսօր լիցիս խոստովան զմեզս քո, եւ վաղիւ թերեւս այսրէն ի նոյնս անկցիս: Այժմ՝ դիցես ի մտի խորշել, եւ թերեւս յետ միոյ ժամու ի վերաց անցանելոյ՝ զործեսցես, որպէս թէ շէիլ իսկ բնաւ եղեալ ի մտի:

Զգոյշ լեր, սրգեակ, զի մի վասն այնպէս դիւրաւն անկանելոյ՝ զանց զխոստովանութեամբ եւ զապաշխարութեամբ մեղաց ներելեաց առնիցես:

Միթէ զկտաւիս՝ այնու զի միւտանգամ ի կիր արկեալ ազտեղեսցին՝ անփոյթ առնիցես լուանալ: Արդարեւ իսկ ոչ:

Այնպէս եւ դու, քանզի մարմինս ակար է քո, որչափ եւ սրբեալ իցես, փոքր մեւս եւս եւ ոչ լիցիս առանց մեղաց: Այլ համբերութիւն յանձին բերջիր, մի խոսկեցիս, հանդարտութեամբ եւ խոնարհութեամբ ի հիւանդութենէ այտի՝ յառողջութիւն, եւ ի մեղաց թէպէտ եւ ի թեթեւ իսկ մեղաց անց երթ յապաշխարութիւն:

Ընթա ստէպ եւ բազում անգամ ի խոստովանութիւն: Եթէ ուղղութեամբ զքո մեղս լիցիս խոստովան, հաւատարիմ եմ եւ արդար՝ զի թողից զայնս

քեզ, չասեմ թէ մինչեւ յեւթն ան-
գամ, այլ մինչեւ յեւթանասնեկին եւթն:
Քանզի ողորմութեան իմում չէք թիւ
եւ համար, եւ դանձ բարութեան իմոյ
անպառ է:

Գ Լ Ո Ի Խ Ի Է .

Սասն արեղ պարարտի մարտացանելայ:

Ա. ԱՆՆԱՍԻԿ, սրդեակ, ես ընդ
քեզ եմ հանապազօր լինել զոհի փառս
Հօր, եւ մատչել փան մարդկան փրկու-
թեան:

Գու քահանայիմ ես, դու զոհիչ իմ
եւ առանձինն իմն յայն զոհ եւ նուէր
ընտրեալ եւ կարգեալ: Ապա փոյթ յան-
ձին կալ այնպէս իմն սուրբ ի մեղաց
դանձն պահել, որպէս զի հանապազօր
բաւական իցես պատարազ մատուցանել:

Զհայր իմ պարտիս պատուել եւ
զփառս նորա յառաջադէմ առնել: Եւ
զինչ պատուականագոյն եւ փառաւո-
րագոյն կարիցես բնաւ նմա մատուցա-
նել, քան զամենասուրբ նուէր սեղանոյ
իմոյ: Որովհետեւ անցանէ զանցանէ այն
պարգեւ քան զամենայն լրութեամբ:

Արծաթ, ոսկի, ականք պատուա-
կանք, երկիր, երկինք, եւ աշխարհ համո-
րէն՝ առ համեմատութեամբ այնր աս-
տուածեղէն նուիրի՝ են իբրեւ սակաւ մի
աւազ:

Ոչ եւս կամի Հայր իմ՝ պատարագս
Տինա, ոչ որթս, ոչ դառինս, այլ մար-
մինն հաստատեաց ինձ, ընդ այն հաճի
նա, ընդ այն ախորժէ, վնոյն սիրէ, մտա-
դեւր հայի նա յերեսս Օծելոյ իւրոյ :

Մատո, սրդեակ, մատո հանապազօր
զՈրդին՝ Հօր, զԱստուած՝ Աստուծոյ,
զԼոյս՝ Լուսոյ : Ո՛հ. սրչափ ուրախու-
թեամբ, քանի փառօք զՀայր իմ ընու՝
յորժամ մատուցանիցես, յորպիսի ու-
րախութենէ, յսրչափ փառաց վրիպե-
ցուցանես զնա, եթէ պատարագել հեղ-
գայցես :

Բ. Օ, որ օրինակ այր Աստուծոյ ես,
այնպէս եւ միջնորդ ես մարդկան, զի
զոհս եւ պատարագս վասն մեղաց նոցա
մատուցես : Ահաւասիկ ի ձեռս քո է
ողջակէզն, որ քան զամենայն ողջակէզս
սրբագոյն է եւ հզօրագոյն :

Չիք ինչ պարտիք՝ որ ոչ այնու հա-
տուցանել մարթիցի, չիք ինչ շնորհ
զոր չկարիցեմք այնու ընդունել, եւ ոչ
հիւանդութիւն ինչ՝ որ ոչ յառողջու-
թիւն դառնայցէ :

Բա՛բէ, յորպիսի օղնականութեանց
եւ ի նպաստից զոչխարսն՝ որ քեզ յան-
ձնեալ իցեն, նա աւանիկ զբովանդակ
իսկ զհօան Հօր՝ մերկ եւ թափուր թո-
ղուցուս, յորժամ զպատարագէ անիոյթ
առնիցես :

Մատո, սրդեակ, մատո ստէպ պատարագս, եւ իջցեն ի վերայ ոչխարացն քոյ տուրք պատուականք, դարձք, ուղղութիւնք, թողութիւնք, զօրութիւնք, եւ պարգեւք ազնուագոյնք համօրէն առաքինութեանց: Եթէ սիրիցես զոչխարսն, մի զանց արասցես տալ նոցա զայնչափ եւ զայնպիսի բարիս:

Նմանեա Յորայ ծառայի իմոյ, եւ զոր օրինակ նա հանապազօրդ վասն մեղաց որդւոցն զոհս մատուցանէր, նոյնպէս եւ դու վասն իմոյ ժողովրդեան՝ որ քեզն յանձն իցէ՝ մատո օր ըստ օրէ պատարագս ի քաւութիւն եւ ի շնորհացն ընդունելութիւն:

Գ. Սուրբ եւ կեցուցիչ է խորհուրդն աղօթս վասն ննջեցելոց առնելոյ՝ զի արձակեսցին ի մեղաց: Եթէ աղօթիւք օձան ինչ գտանիցեն, սրչափ եւս առաւել պատարագան՝ որ առանց իսկ չափոյ զամենայն աղօթիւք եւ զգոհիւք գլէ: Եթէ ողորմութիւն՝ գհուրն շիջուցանիցէ՝ որով քաւինն, սրչափ եւս արիւնն իմ:

Տես, սրդեակ, թէ քանի՞օն դիւրին իցէ քեզ զտանջանս նոցա ամօքել, մանաւանդ թէ եւ ազատել իսկ զնոսա ի տանջանացն, եւ հանել յերկինս որում ցանկանն, եւ զհրեշտակս՝ վասն նոցա յերկինս մտանելոյն ուրախ առնել, ա-

ուսելուէ զդասս սրբոց եւ զԹիւ Համա-
րոյ փառաբանչացն Աստուծոյ բազմա-
ցուցանել :

Արդ տես Թէ սրչափ խիստ սրտիւ
իցես, եթէ չկամեցեալ պատարագել՝
յայնպիսի օգնականութեանց զննջե-
ցեալսն վրիպեցուցանիցես :

Ողորմեա նոցա, սրդեակ, բազումն
չարչարին, օգնեա նոցա ի ձեռն Հանա-
պազօրդ պատարագաց : Արդարեւ իսկ
ոչ լիցին նոքա ապաշնորհք եւ ոչ մո-
ռասցին զքեզ, յորժամ եկեացեն յար-
քայութիւն իմ եւ տեսցեն զգործս բա-
րիս այնոցիկ՝ որ կեանս ի վերայ երկրի
վարիցեն :

Գ. Այլ եւ դու, սրդեակ, սրչափ
շնորհօք կարօտ ես, զի զքո փրկութիւնն
գործեսցես : Քանի օգնականութեամբ,
զի ըստ պատշաճի եւ շահեկանութեամբ
զպաշտօն քո ընուցուս :

Ապա Հանապազ մատիր ի սեղան բա-
զնի իմոյ . անդ գտցես զերկնաւորն ան-
դեղեայ, որով զգուշացեալ պահեցիս
ի մեղաց, որով ախտք եւ կարիք քո
ցածուցեալ նուաճեսցին :

Անդ առցես զդեղն աչաց ազգոյ յոյժ,
որով աչք մտաց քոյ լուսաւորեսցին,
եւ զգարման զօրեզ, որով զօրացին ի
քեզ առաքինութիւնքն, որով Հասասա-
տեալ եւ ամբացեալ ընդդէմ սասա-

նայի, իբրեւ զառեւծ մունչող՝ ահագին
եւ սոսկալի նմա լինիցիս :

Ընկալ զայն հանապազօր, քանզի
հանապազ իսկ օգուտ է քեզ : Մի նող-
կասցի սիրտ քո ի կերակրոյ այտի սրբոյ :
Եջ փութանակի, քանզի ցանկանալով
ցանկացայ զայս պատէք ուտել ընդ քեզ :

Ընկալ զիս ուրախութեամբ ի սուն
քո, զի լիցի նմին փրկութիւն : Զայս
արա հանապազօր առ իմոյ յիշատակի :

Ե. Հայեաց, սրդեակ, յօրինակս սրբ-
բոց իմոց, յորս փայլեալ շողան ճշմա-
րիան կրօնք, սէր եւ աստուածպաշտու-
թիւն :

Զիարդ Ամբրոսիոս, Կարողոս, Սաղէս,
Քուսեր, Ալինկենաիոս եւ այլ եւս բա-
զումք հանապազորդեցին մատուցանել
օր ըստ օրէ պատարագ :

Եւ որպէս ի ձեռն հանապազորդ զո-
հիցն այնոցիկ ընկալան կորուսելոցն
ղգարձ, որոց անկանէինն՝ զգուշութիւն
զի մի անկցին, եւ անկելոցն ետուն յառ-
նել վերստին եւ պատապարել, եւ այ-
նոցիկ որ կանգունն կային եւ արդարոց՝
զհանապազորդութիւն :

Քանի շնորհս եւ օգնութիւնս շահե-
ցան նորա հանապազ եւ անձանց իսկ
իւրեանց, սրովք զօրացեալք շողան յա-
ռաքինութենէ յառաքինութիւն մին-
չեւ ի լեառն իմ սուրբ :

Զ. Սակայն, սրբեակ, յորժամ զնոցին սովորութեանց զհետ երթայցես, երթ եւ զաստուածպաշտութեան նոցա զկնի: Մատո հանապազօր պատարագ, այլ մատո սրբութեամբ:

Նախանձ տան Հօր իմոյ եկեր զիս: Սեղան իմ է սեղան Աստուծոյն զօրութեանց: Ապա զգոյշ լեր մի անարգեսցես զայն, զգոյշ լեր մի գուցէ ի շահասիրութենէ մանաւանդ՝ եւ ոչ ի ճրմարիանս աստուածպաշտութենէ ի սեղան իմ մերձեցիս:

Անդ եմ ես եւ տեսանեմ, միտ դիր զի մի առանց ինչ պատրաստութեան մատչիցիս, եւ մի արագ արագ, մի շտապաւ, մի վարկպարագի սպասաւորեսցես: Անիծեալ որ անհոգութեամբ սպաս արկանէ ինձ Աստուծոյ վրէժխնդրի:

Լուա այսուհետեւ ի մէջ անմեղաց զձեռս քո, լեր ազատ յամենայն պղծութենէ մարմնոյ եւ հոգւոյ, զամօթի հարեալ վասն քոյոյ անարժանութեան, քաղցեալ առ ցանկութեան, վառեալ եւ բորբոքեալ ի սէր, լի հաւատովք եւ փստահութեամբ շուրջ եղիջիր զսեղանով իմով: Ա՛ս եւ կեր, սնու եւ անք, ի քեզ բնակեցայց եւ դու յիս:

Գ Լ Ո Ի Խ Ի Ը .

Ստան անարժանութեամբ պարտաբաժնաբան-
ցանկոյ :

Ա . Եղ առ իս , սրդեակ , եւ հանգու-
ցից զքեզ : Այլ մինչ մատչիսն առ իս՝
պատրաստեա զանձն քո :

Ես եմ ահարկու Տէր , մեծ եւ ահեղ
ոյցժ , ատելի են ինձ եւ ամպարչտեալն
եւ ամպարչաութիւն նորա , զնա որ ան-
արժանութեամբ մատչիցի՝ դատիմ եւ
դատապարտ առնեմ զրոշմեալ ի վերայ
նորա ի ձեռն Մարմնոյ եւ Արեան իմոյ
զանէ՛ծս բարկութեան իմոյ ամենազօրն
զօրութեան :

Փորձեա այսուհետեւ , սրդեակ , զանձն
քո , եւ ապա ի հացէ իմմէ կերիցես եւ
ի բաժակէն արբցես , զի մի դատաա-
տանս անձին քում ուտիցես եւ բնայիցես :

Փորձեա զանձն քո , հարց զսիրտ քո ,
ի միտ առ զչաւիղս քո , եւ եթէ ճա-
նապարհ անօրէնութեան իցէ ի քեզ ,
մի իշխեսցես ըստ սեամս սրբութեան
անցանել պղծութեամբ , այլ յամօթ
լեր առաջի իմ ի վերայ անարժանու-
թեան քո , եւ թէպէտ եւ զղձացեալ
եւս թուիցի քեզ թէ իցես , սակայն
առանց կանխագոյն խոստովանութեան
ի սեղան անդր մի մերձեսցիս :

Բ . Սրդեակ , ես եմ թագաւոր քո
հեզ , որ այնչափ երախտօք եւ բարե-

րարութեամբ լցի զքեզ, եւ դու համ-
բուրելով մատնես զիս: Ես Աստուած
քո եմ, եւ դու սատանայի՛ որ զսիրտ
քո բմբռնեալ ունի՛ մատնիցես զիս:

Ես փրկիչ քո, եւ դու վերստին ի
խաչ հանես զիս անձին քում: Ես սուրբ
եմ ամենեւին, եւ դու յանսուրբ դերեզ-
մանի ազտեղութեան մտացն խղճի դնի-
ցես զիս:

Ընկեր, վասն որոյ եկեալդ ես: Լաւ
էր քեզ եթէ բնաւ չէիր իսկ ծնեալ:

Գ. Քաւ լիցի յինէն, Տէր, այնչափ
անօրէնութիւն: Լաւ է թէ կցեսցի լե-
զու իմ ի քիմս իմ, մոռացի զիս աջ
իմ, բարձ մանաւանդ զհոգի իմ յինէն,
եւ ոչ թողցես զիս գործել այնպիսի ինչ
ոճիրս անօրէնութեան:

Լաւ իսկ է առաւել զի մեռայց ես
անարդ արարածս, քան թէ զԱրարիչն
իմ այնպէս արհամարհանօք առ ոտն
կոխիցեմ:

Ո՛վ Տէր ազնուագոյն. Աստուած աս-
տուծոց, Տէր տերանց: Ո՞ իցէ որ այս-
պէսն մատնիցէ զքեզ:

Գ. Եւ ո՞ իցէ, սրգեակ. երանի՛ թէ մի
ոք միայն կամ երկու: Այլ բարէ, որ-
չափոյք են՝ որ ոչ մի անգամ, այլ հա-
նապազօր այնպէս մատնեն զիս եւ ի
խաչ հանեն:

Հանապազ մատչին ի սեղան իմ

ամբարտաւանք, ցանկասէրք, զեկք, ազահք եւ այլոց եւս յանցանաց պատժապարտք:

Գործազիւ, սրդեակ, անմարուր ձեռօք շօշափեն, առնուն անսուրբ բերանով եւ ընդունին ի պիղծ սիրտ իւրեանց, եւ զարին նորոյ ուխտին խառնակ համարին եւ պղծիմ ի մէջ նոցա:

Աարող իսկ էի, սրդեակ, փրկել զիւ ի ձեռաց նոցա, փայլատակունս եւ նեաս ի նոսա արձակել, ցրուել եւ կոտորել զնոսա, սակայն կորնչէին յայնժամ, եւ ոչ կամիմ զմահ ամպարչտին: Իցէ թէ դառնային եւ կէին ուղղութեամբ...:

Ո՛վ ազգ թելք: Մինչեւ յերբ եղէց ընդ ձեզ: Մինչեւ յերբ մնորիցիք սրտիւ: Մինչեւ ցերբ ոչ խնայիցէք յիս: Զոր առնելոցն էք՝ արարէք վաղվաղակի:

Բայց սակայն դարձցի ողորմութիւն իմ յարդարութիւն ընդդէմ ձեր: Երգուայ ի բարկութեան իմում, մի մտջիք ի հանգիստ իմ:

Գ Լ Ո Ի Խ ԻԹ.

Վասն պատրաստութեան պատրաստի:

Ա. Ո՛ր ԴԵԱԿ, պատրաստեա ինձ վերնատուն, զի առ քեզ արարից զզատիկն, եւ ի տան քում պարտ է ինձ ազանել:

Թագաւորի եթէ երբէք երթալ ուրէք հասանիցէ՝ տեղի փառաւոր, նոյն

պէս եւ բարեկամի որ դալոյն իցէ՝ աղ-
նուագոյն վայր պատրաստի :

Ես եմ, որդեակ, թագաւոր քո հեղ,
ես սիրեցեալն քո, որ արածիմ ի մէջ
շուշանաց, ես Աստուած քո՝ զոր եր-
կինք երկնից ոչ գտան արժանի ժա-
ռանդել :

Արդ որչափ զիս առ սէր քո խոնար-
հեցուցանեմ, յոչինչ անդր քո իջանե-
լով, նոյնչափ զարթո զքեզ վառեալ
բորբոքել ի սէր :

Մի լիցի քեզ բաւական մարբութիւն
տաճարի սրտի քո, այլ եւ զոսկի սիրոյ,
եւ զկնդրուկ սրբոյ բարեպաշտութեան ի
ձեռն ջերմեռանդն ամփոփման մտաց
յանձին քում ժողովեսջիր :

Յայնմ ճանաչի սէր ջերմ այնր՝ որ
իւրում սիրելոյ առպնջական լինիցի, յոր-
ժամ ազնուագոյն եւ գեղեցիկ վայր նմին
պատրաստիցէ :

Բ. Ո՛հ. թէպէտ եւ չիցէք դուք
ցուրտ, այլ եւ ջերմ եւս չէք : Ո՛ անխր-
տիրք եւ մեղկացեալք, որ չունիք ինչ
հոգ զայցելութենէ իմմէ, որ ի տանէ եւ
յառանին դործոց՝ առանց ինչ պատ-
շաճ ժամանակի ի վերայ անցանելոյ, ան-
դէն վաղվաղակի ի պատարագ անդր
գառնայք. զի՛նչ ասացից ձեզ :

Ահաւասիկ սեզանք ձեր յառաւօտուց
կարգեալ պատրաստին վասն ձերոց կոչ-

նականաց, եւ խորտիկք զօրն ողջոյն Հանդերձին, եւ ինձ որ առ ձեզ դամ՝ եւ ոչ զչորիւր ինչ մասն միոյ ժամու զվերնատուն ձեր պատրաստէք :

Եւ սակայն որ ի կոչունս ձեր գան սեղանորդքն, թերեւս եւ սիրեն իսկ ոչ զձեզ եւ ոչ պատուեն, այլ ես սիրեմ զձեզ ճշմարտութեամբ :

Նորա գան առ ձեզ, զի ի ձերոց խորտակաց կերիցեն, իսկ ես դամ առ ձեզ՝ զի յիմէ անտի ուտիցէք :

Նորա եկեալ սպառեն զգոյս ձեր, իսկ ես դամ, զի աճեցուցից զձեզ եւ յաւելից ի մեծութիւնս ձեր : Սակայն դուք զնոսա պատուէք եւ զիս անգօսնեալ անպատուէք :

Որդիք մարդկան. մինչեւ յերբ էք խտտասիրտք : Ընդէր սիրէք զնանրութիւն եւ խտտէք զըարութիւն իմ : Տաղակաց եւ դարչի անձն ձեր յինէն իբրեւ ի թեթեւ եւ ի դոյզնաքեայ կերակրոյ :

Ո՛վ անմիտք : Ո՞ նախանձ արար զձեզ : Ո՛ գաղջքդ՝ չկարեմ ձեզ Հանդուրժել : Արդ իսկ Հանդերձեալ եմ՝ փոխել զձեզ ի բերանոյ իմմէ :

Գ. Արի, սրգեակ, արի վաղվաղակի, զի մի ցրտացեալ մեղկասցիս ընդ նոսա, այլ ճեպեա եկ ընդ առաջ իմ :

Ե՛կ, եւ զմտաւ ածեալ զմեծութիւն իմ եւ զքո՞ նկնութիւն, աղաղակ բար-

ձեռք դռնէս ընդ հարիւրապետին՝ թէ
չեմ արժանի:

Ե՛կ, եւ ընդ Զակքէի այրեալ եւ ա-
ղանձնեալ սիրով՝ ընկալ զիս խնդալից
ի տուն քո, վստահ լիեալ հաստատու-
թեամբ՝ թէ լիցի քեզ իմով այցելու-
թեամբ փրկութիւն:

Ե՛կ, եւ ընդ արդարոյն Աբելի կար-
գեալ յարդարեաջիր զնուէր քո գեղեցիկ
գիտաւորութեամբ:

Թէ զայս այսպէս առնիցես՝ լիցի ողջա-
կէզ քո պարարտ եւ տացէ փառս Հօր,
պատիւ սրբոց, ուրախութիւն երկնից,
օգուտ Եկեղեցւոյ, քեզ փրկութիւն,
արդարոց շնորհս, մեղաւորաց դարձ, օգ-
նականութիւնս կարօտելոց եւ հանդիստ
ննջեցելոց:

Գ Լ Ո Ի Խ Լ .

Վասն Բոհոմիէան յեդ պարարտի:

Ա. ԼՅ Բանն յաւիտենական, մար-
մին եղեալ բնակեցի ի քեզ, սրդեակ,
ես հաց կենդանի՝ որ յերկնից իջի: Ես
լոյս ճշմարիտ, ես լի շնորհօք եւ ճշմար-
տութեամբ, լի իշխանութեամբ եւ զօ-
րութեամբ, ես՝ որ ողորմութեանն չիք
թիւ եւ համար, ես ընդ քեզ եմ, եւ
վարձք իմ ընդ իս են:

Ես ընդ քեզ եմ, զի ապրեցուցից
զքեզ, զի զերծուցից զքեզ ի ձեռաց

չարաց եւ փրկեցից զքեզ ի ձեռաց ժանտից :

Ո՛հ. եթէ գիտէիր դու զպարգեւան Աստուծոյ, եւ ո՞վ է որ հանդուցեալ է ի սրտի քում, ապաքէն լինէր սիրտ քո որպէս մտ հալեալ առաջի երեսաց իմաց, եւ ամենայն զօրութիւնք հոգւոյ քո զմայլէին զարմացմամբ, եւ աչք քո յարտասուս սիրոյ եւ շնորհակալութեան հարկանէին :

Չիք ինչ ընդ այն երկմտել՝ եթէ առ յագութեան՝ ոչինչ զայսր աշխարհիս ցանկացեալ՝ հրաժեշտ ամենայնի տայիր :

Չեք ինչ ընդ այն տարակոյս՝ եթէ առանց ձայնի եւ գոգ իմն առանց ինչ զգայութեան վերացեալ եւ յափշտակեալ՝ ի սէր իմում լռեալ հանգչէիր :

Առանց իսկ երկմտութեան գիրկս արկեալ փարէիր բոլորով սրտիւ զքոյսովն սիրելեալ, եւ առ խնդութեան՝ ողջ բովանդակ առանց ինչ մասն ի բաց հանելոյ նմա զանձն մատուցանէիր :

Արդարեւ յայնպիսւոյ մարդասէր Հօրէ՛ ամենայն պարգեւաց առաքինութեանց վստահութեամբ ակն կալեալ սպասէիր :

Արդարեւ իսկ յայնպիսւոյ հօր Թաղաւորէ զամենայն օգնականութիւնս շնորհաց ընդդէմ քոյ թշնամեաց խընդրէիր :

Ապաքէն գՅիսուս՝ որ ի քեզ բնակէ եւ քո իսկ լիեալ է, իբրեւ զնուէր ինչ պատուականագոյն՝ մեծաւ եռանդամբ Հօրն երկնաւորի բնծայէիր :

Չկայ ինչ երկմատութիւն՝ եթէ զբնաւ զունդս ոգւոցն սրբոց կոչէիր՝ զի փառս բնդ քեզ սիրելոյ քում ի բարձունս առաքեացեն :

Չիք ինչ տարակոյս՝ եթէ վասն սրբոց կերպարանաց Մարմնոյ եւ Արեանն Քրիստոսի սպառելոյ՝ ցաւէր քեզ սաստիկ յոյժ, զի ի նուիրական կերակրոյ անտի յայնմանէ եհաս քեզ վրիպել :

Բ. Չիք, որդեակ, ազգ այլ այնչափ մեծ, որոյ իցէ աստուած մօտ ի նսաս, որպէս ես մերձ եմ առ քահանայան իմ :

Ապա զհարգ է զի բազումք ի նոցանէ իբր այն թէ զառաւելութիւն սիրոյ իմոյ խոտեալ, կամ թէ զսնէ ոչ որպէս վայել եւ արժան է՝ մեծարեալ, եւ ոչ սակաւ ինչ վայրկեան ժամանակի զիս՝ որ ի սիրտս նոցա մտեալ նստիմ՝ սրբովք օրհնութեամբք կամիցին պատուել :

Հազիւ ուրեմն մեկնին ի սեղանոյ իմմէ, եւ անդէն իսկ եւ իսկ յեկեղեցւոյ արտաքս ելանեն եւ դէմ եղեալ երթան յիրս աշխարհականս : Մինչ դեռ տակաւին կերակուրք նոցա ի բերանի իւրեանց իցեն, եւ նոքա մոռանան զԱս-

տուած բարի որ կերակրեացն զնոսա : Ո՛ր
ապաշնորհք : Ո՛ր որդիք լուսոյ, սակաւ
խմաստունք քան զորդիս խաւարի :

Որդիք աշխարհիս այսորիկ՝ յորժամ
թագաւոր ոք կամ ճոխ յայց նոցա ե-
լանիցէ՝ ունին զնա, զի մի փութանակի
մեկնեացի ի նոցանէ, ողջոյն տան նմա,
խնդակից լինին, մատուցանեն նուէրս,
պաղատին, խնդրեն, ուրախ լեալ՝ զի
մարթացան խօսել ընդ իշխանին բե-
րան ի բերան, եւ ցուցանել սէր եւ մե-
ծարանս եւ զպիտոյս կարեաց իւրեանց
բանալ նմա եւ ի վեր հանել, եւ նորա
զի զմահկանացու զիշխանն պատուեցեն
եւ զեղծանելի վարձս ընկալցին :

Որդիք լուսոյ, անմիտք եւ հեղգա-
փրտք ի հաւատալ : Արք Նինուէացիք
յարիցեն ընդդէմ՝ ձեր յաւուր յետ-
նում, զի մինչ շրջեցաւ ընդ նոսա Յով-
նան եւ քարոզեաց՝ զղջացան. եւ արդ
աււասիկ մեծ քան զՅովնան է աստ :

Գշխոյն հարաւոյ յարիցէ եւ դատա-
պարատեցէ զձեզ, զի եկն ի ծագաց եր-
կրի լսել զիմաստութիւնն Սաղոմոնի,
եւ ահա մեծ քան զՍաղոմոնն է աստ :

Արք Երուսաղեմացիք յարիցեն ընդ-
դէմ՝ ձեր, զի զիս որ շրջէի ընդ նոսա,
կամեցան թագաւոր կացուցանել, եւ
արդ ես թագաւոր թագաւորաց, Աս-
տուած ձեր՝ ի ձերում միջի եմ, եւ դուք

մեկնեալ երթայք եւ թողուք զիս առանց պատուոյ միայն միայնակ :

Գ. Որդեակ, միթէ կամիցիս եւ դու յինէն ի բաց երթալ : Քաւ լիցի, սրդեակ, քաւ լիցի :

Յորժամ զսեզանն թողուցուս, դարձառ իս, զի լսիցես զիս՝ որ զբանս կենացն յաւիտենականաց ունիմ, զի ճաշակեսցես եւ տեսցես՝ զի քաղցր եմ, զի ճմլեսցի սիրտ քո ի քեզ՝ մինչ խօսիցիմն առ քեզ :

Ամենեւին իսկ ամենայն եռանդամբ երկիր պագ ինձ Տեառն Աստուծոյ քում որ եկեալ եմ ի սիրտ քո, եւ երգեալնդ հրեշտակաց եւ ընդ հրեշտակապետաց օրհնութիւնս փառաց իմոց, եւ մի մեկնեսցիս յինէն, մինչեւ ի ձեռն քոց օրհնութեանց՝ զօրհնութիւն իմ արժանի լիցիս ընդունել :

Գ Լ Ո Ի Խ Լ Ա .

Վասն հրաւորական աղօթից :

Ա. ԱՅՍ դորձ է քո, սրդեակ, աղօթից եւ պաշտաման եւ բանին հպատակ լինել : Ես զգիշերն ողջոյն հանի յաղօթս, զի դու ուսցիս յաղօթս կալ եւ անդադար աղօթս առնել :

Մարդիկ, որ յօգոյ անտի ծծեն զկենդանութիւնն, ցանկ օգոյ ցանկանան, զի անտի ոգի կլանիցեն : Գու որ քա-

Հանայդ ես՝ եւ յերկնից պարտիս կեալ,
յերկինս փափաքեաց անհանգիստ եւ
առանց դադարելոյ, զի զհողին եր-
կնաւոր յանձն քո ձգեոցես:

Ո՛րդեակ, իբրեւ զի կարեւոր է, զի
ես ուղղեցից զամենայն զգնացս եւ զգործս
քո ի պաշտաման՝ զոր յանձն առեր
կատարել: Զհարդ մեծ է պաշտօնն այն,
որպէս սուրբ, քանի՛ ճգնական:

Ապա կալ զաչս մտաց քոց հանապազ
ամբարձեալս առ Հայր՝ որ բնակեալն է
յերկինս, առ իս՝ որ ընդ աջմէ նորա
նստիմ, զի անտի ստէպ օգնութիւն քեզ
հասանիցէ, զինորոգեսցես զզօրութիւնն,
եւ առցես թեւս իբրեւ զարծւոյ, զի
ընթացիս եւ ոչ վաստակեսցիս, զի
չըջեսցիս եւ ոչ պարտասեսցիս, զի հաս-
տատեսցին շաւիղք քո ի ճանապարհի
իմում եւ մի գայթաղեսցին գնացք քո:

Բ. Այսպէս ի ձեռն աղօթից ձգեաց
յանձն իւր ոգի մեծ սրբութեան Յա-
կովբոս՝ զոր Առաքեալն ընտրեալ էի:
Քանզի ծունդք նորա ի ստէպ աղօթիցն
իբրեւ զուղտու կաշացեալ էին:

Այսպէս եւ Մարտինոս որ ոչ ի կեանս
եւ ոչ ի մեռանել իւրում թուլացոյց
երբէք զհողի իւր որ անյաղժն եղեւ
յաղօթից:

Այսպէս Կարողոս՝ զր թէպէտ եւ
գործք մեծամեծք էին, սակայն եւ այն-

պէս ժամն երիս եւ չորս՝ մանուանդ թէ
զաւուրս ողջոյն, նա եւ զգիշերս ան-
գամ՝ յորժամ ազատ ամենեւին գաա-
նէր՝ յաղօթս ծախէր:

Ո՛րդեակ, զնոյն եւ դու կարող ես՝
զոր սոքա վճարեցին: Ո՛հ, թէ ունէիր
միտս, թէ ճաշակէիր՝ տեսանէիր եթէ
որչափ քաղցր է Տէր այնոցիկ՝ որ աղօթս
առնիցեն:

Գտանի այնոցիկ՝ որ խնդրենն զնա,
բանայ՝ որոց բախենն, եւ որոց հայցենն՝
տայ: Ճաշակեա եւ տես:

Գ. Ո՛րդեակ, յարիցէ ընդ քեզ ա-
ղօթքն, գիշերի սկիցէ յանկողնի, ասա-
ցէ ընդ քեզ սաղմոսս ի պաշտաման,
կանխեսցէ յառաջ քան զքեզ յեկե-
ղեցի եւ եկեսցէ զկնի, ընդ քեզ նաոցի
յորժամ ուտիցես եւ բնպիցես, եւ յեա
սակաւիկ մի կերակուր առնոյ՝ մատու-
ցէ գոհութիւն:

Գարձցի ընդ քեզ յաշխատութիւն
աւուրն, լիցի ընդ քեզ ի սենեկի, սրբ-
բեսցէ զքեզ յերեկոյի յաղտեղութեանց՝
զոր ի տղմոյ աշխարհիս յանձն քո ձգեալ
իցես, յորժամ ի քուն լինիցիս՝ կա-
փուսցէ զաչս քո, եւ ցանկ հանապազ
ընդ քեզ բնակեսցէ:

Գ. Տեսանես, որդեակ, զի ոչ զայն
ինչ աղղ եւեթ աղօթից պատուիրեմ
քեզ աստ՝ որ բերանով եւ մտօք միան-

զամայն ըստ կանոնականն օրինաց կատարիցի, այլ եւ զայն եւս յայնր վերայ, որ ի ծածուկ ի սրաին լինիցի:

Անդ, անդ դրօք փակելովք պարտիս կալ յաղօթս առ Հայր քո: Անդ մարթիս, սրգեակ, յամենայն ժամանակի եւ ի տեղւոջ՝ զմիտս քո ամբառնալ առ իս, զքեզ եւ զքոյսն եւ զամենայն ինչ ինձ մատուցանել, հայցել ինչ յինէն, փարել զինեւ սիրով, խոնարհեցուցանել զքեզ առաջի իմ, եւ երկիր ինձ պաղանել:

Այս լիցին քո աղօթք առ Աստուած կենաց քոյ, սոյն յամենայն ի գործս եւ ի պաշտաման լիցի քո ընկեր եւ կցորդ անբաժին:

Ե. Այս իսկ է, սրգեակ, այս է Զուրն՝ որ եղիցի աղբեր ջրոյ բղխեցելոյ ի կեանան յաւիտենականս:

Եթէ զայն Զուր կամիցիս ունել, եկ ցուցից քեզ զաղբերն բուրաստանաց եւ զակն ջրոյ կենդանւոյ՝ թէ ուստի բխիցէ:

Աղբերն այն եւ Զրհորն՝ մտածութիւն իմոց պատուիրանաց է, որ վասն պարտ եւ պատշաճ է քեզ ժամանակս ինչ սահմանել օր ըստ օրէ:

Ապա փոյթ յանձին կալ այսուհետեւ հանապազօր ընտրել քեզ առանձինն ճշմարտութիւն ինչ կենարարն

վարդապետութեան, զնել առաջի աշաց, խորհել ճշդիւ գտակաւ առաջի իմ, յանձն քո շրջել զնոսին, եւ ի մասն ծութենէ անտի՝ պայման ինչ կամ կարգ գործելոյ անձին հաստատել:

Անդ գացես զջուրն, եւ եթէ արբցես զայն, ամենայն մարմին քո պանչելապէս իմն եւ քաղցրութեամբ ուողեսցի, այս ինքն՝ համօրէն գործք քո սրբեալք եղիցին, վասն զի տացէ պտուղ ի ժամանակի իւրում:

Զ. Մի այսուհետեւ, սրդեակ, զանց զմտաւորական աղօթիւք առնիցես, ապա թէ ոչ յետ ոչ բազում ժամանակի դարձցիս եւ լիցիս աղ անհամ, եւ ճրագ առանց բոցոյ եւ առանց լուսոյ:

Քանզի վասն այնորիկ ապականեցաւ ապականութեամբ ամենայն երկիր, զի ոչ գոյ մարդ որ խորհի ի սրտի:

Գ Լ Ո Ի Խ Լ Բ.

Վասն այլ եւ այլ ազգաց հրատարականն
աղօթից:

Ա. ԻԻՐԱՔԱՆՁԻԻՐ ոք զիւր շնորհս ունի յԱստուծոյ, ոմն այսպէս եւ ոմն այնպէս:

Ոչ ամենեքին, սրդեակ, զնոյն օրինակ կարող են ի մտաւորական աղօթս: Են ոմանք՝ որոց տուեալ է ի բարձրագոյն կատար նկատութեանն հասանել,

այլ այն՝ ոչ ումէք ինչ սահմանեալ է, նոցա պահեալ է՝ զորս Հայրն իմ յայն ձգեալ իցէ:

Իսկ դու, սրբեակ, եթէ ոչ առանձինն յայն կոչեալ եւ ձգեալ տեսանիցես զանձն քո, մի զբարձրագոյն ինչ իրաց խորհել կամիցիս, այլ կաց ի միամտաց ճանապարհի, եւ անարժան զանձն համարեսցիր ի բարձրագոյնսն ելանելոյ:

Եթէ սակաւս եւ եթ ի մտածութեան անդ կարիցես խորհել, ճշգրտագոյնս արա զսակաւն զայն՝ եւ բազում օգտեսցիս:

Բ. Մի զայն ասիցես, սրբեակ, թէ չկարեմ, չգիտեմ կալ յաղօթս: Եթէ չկարիցես զբարձրագոյնս եւ զաստուածականս նկատել ընդ Յովհաննու, սակայն կարող ես գտնեայ ընդ Մագդաղենացւոյն առ ոտս իմ անկանել, եւ զղջալից սրտիւ եւ հոգւով խոնարհութեամբ խնդրել զթողութիւն քոց մեղաց, որովք բազում անգամ զիս ի ցատումն ամեր:

Եթէ ընդ Պաւղոսի թռչել յերրորդ երկինս չմարթիցիս, այլ կարող ես ընդ նմա կալ առ խաչին իմում՝ ի խաչ հանելով զմարմին կարեօք եւ ցանկութեամբք հանդերձ:

Եթէ չունիս թեւս զարժւոյ որ յաստեղս ձախրիցէ, այլ բաւական ես ու-

նել գոնէ զթեւս միամիտն աղանուոյ բունելոյ ի քարածերպս, մարթիս գոնեայ խորհել զվերս եւ զձաղանս իմոց չարչարանայ :

Վատահ լեր, որդեակ, զի աւելագոյն սրբութիւն գացես դու ի խորհել անդ զչարչարանս իմ, քան ամենայն համօրէն իմաստունք եւ փիղիսոփայք՝ որ զբարձրութիւնս երկնից նկատիցեն :

Գ. Թէպէտ եւ չկարիցես առնել աղօթս եւ մտածութիւնս առանց մտացն այլուր աղամողելոյ, սակայն արա եւ մատո ինձ :

Լիջիր այր հաճութեան, զպատրաստութիւն սրտի քոյ լուիցէ ունին իմ : Լիցին ինձ ընդունելի եւ լումայքն այնոքիկ՝ զորս ըստ քում կարի, ի գանձանակն իմ արկանիցես :

Գիտես, որդեակ, եթէ զիարդ օրհնեցի զայրին՝ որոյ երկուս լումայս եւեթ էր արկեալ. ապա մի կասեցես բնաւ՝ յորժամ միտք քո առանց ինչ քոց կամաց ցնորեալ այսր անդր աստանդեսցին, այլ զոր միանգամ սկսարն՝ մատո յառաջ, դեգերեաց կայ առաջի իմ, եւ զժամ եւ զժամանակ աղօթիցն մի ընդ մէջ հատանիցես :

Հաճոյ են ինձ կրթութիւնք քո՝ յորժամ դու այդպէս քոյովք տառապանօք ինձ ծառայեսցես :

Գ. Արդ մի յուսահատ լինիցիս, այլ անկեալ խոնարհութեամբ յերկիր, ծանիր զանձն առաւելագոյն մխիթարութեան անարժան:

Ասա վստահութեամբ եւ միամտութեամբ. Տէր, սաստիկ իսկ ցաւ է ինձ ընդ այն՝ որ ինչ իմովք յանցանօքն պատահեաց, զի թերեւս պատճառս իսկ մտացն քայքայմանց տուեալ իցեմ:

Բայց որչափ ինչ ի քոց կամնաց եկեալ հասանիցէ ի վերայ, ճանաչեմ զարդար եւ զարժանաւոր պատիժ պատուհասի մեղաց իմոց, որ պատժիցէ զյանցանս իմ եւ զանխութութիւնս զանցեալն եւ զայժմուս:

Յայն սակս իսկ եւ զխաչս զայս եւ զցամաքութիւն եւ զմտացն թափառանս եւ զթարթափանս սրտի իմոց տառապելոյ՝ մտադէւր եւ յօժարութեամբ ի ձեռաց քոց ընդունիմ:

Ե. Ահաւասիկ, սրգեակ, պայման քոյոյ չափոյն պատշաճ եւ յանկաւոր: Ա՛ռ զգիրս եւ կարգա, յայն իբրեւ ի ցուպ յեցեալ ոգի քո՝ դիւրագոյն եւս կայցէ յակաստանի, եւ եթէ մեկնեալ երթայցէ՝ վաղվաղակի այսրէն յետս դարձցի:

Այս ինքն՝ պատկառ կաց այնմ բարեպաշտ ընթերցուածոյ, եւ յընթեռնուլն՝ յարեաց ի վճիռս իւրաքանչիւր, եւ յետ

ասկաւ ժամանակի լուսաւորեացին միտք
քո եւ գրգռեացի յօժարութիւն, որո՞-
ճալով իմն եւ յեղեղելով ի միտս զոր
ինչ ընթեռնուան, ոչ եթէ գիտելոյ ինչ
կամ ուտանելոյ աղաղաւ, այլ նախանձու
եւ սիրով առաքինութեան:

Այսպէս ընթերցիր, այսպէս ճաշա-
կեսջիր, այսպէս կերիջիր եւ սնանիցիս:

Բայց զոր ուտեսն՝ որո՞ճեա յաւուրն,
նորոգեսջիր զգատաստանս եւ կրկնեսջիր
այսրէն զյառաջադրութիւնս՝ զի հո-
րագոյնք լինիցին, եւ զսիրտ քո սրբովք
իմն ըղձիւք առաւել քան զառաւել
վառեալ բորբոքեսջիր:

Գ Լ Ո Ի Խ ԼԳ.

Ղասն շամանակի մրտաորական արջիկց:

Ա. ՈՐԴԵԱԿ, ընդ առաւօտս կան-
խեալ խօսեսջիր ընդ իս եւ ես եղէց
քեզ օգնական:

Ո՛ քահանայ. կուտեա փայտս ընդ
առաւօտս աւուր աւուր, զի այրեացի եւ
հանապազ վառեալ կայցէ հուրն ի վե-
րայ սեղանոյ իմոյ:

Աղօթք որ այգուցն լինիցին՝ զխաւար
ի բաց փարատեն, եւ զհողի բանան առ-
տուածեղէն լուսոյն, զերախայրիս խոր-
հրդոցն եւ գործոց աւուրն՝ նուիրեն ինձ
Տեառն բարձրելոյ, որում նախ, եւ
յառաջ քան զամենայն եւ ի վեր իսկ

քան զամենայն ինչ պարտին ծառայել
արարածք համօրէն :

Ո՛րդեակ, եթէ գանձ քո իցեմ ես,
ապա յիս իցէ ընդ առաւօտն սիրտ քո :

Բ. Եւր, սրդեակ, լուր եւ զհեթա-
նոսս իսկ : Մինչ դեռ, ասէին, վարդա-
գոյն յառաջարձակ լոյսն ընդ երկին ծա-
ւալիցի, պարտ եւ պատշաճ է խօտակից
ընդ դիսն լինել, եւ նախ զառաջինն ընդ
Արամազդայ : Արդ միթէ իմաստուն
նուազագոյն իցես դու քան զորդիսն
խաւարի, որդիդ լուսոյ :

Տես զհարդ արեգակն վաղ քաջ ընդ
առաւօտն ծագեալ՝ պատմէ զփառս իմ :
Ո՛չ ապաքէն անամօթագոյն իբք իցեն՝
զի նորա եկեալ գտանիցէ զքեզ դա-
տարկ յանկողնի, եւ յառաջ իսկ քան
զքեզ կանխեալ հասանիցէ յիմ ար-
քանեկութիւն :

Ո՛րդեակ, կանխեա նախ քան զարեգ-
ակն յօրհնութիւնս քո : Յառաջ քան
զծագել արեւու պարտ էր ժողովրդեան
իմոյ ժողովել զմանանայ, զի ի ծագել
ճառագայթից արեգականն՝ ջրեալ
հալէր : Նոյնպէս եւ աղօթք անազան՝
չունին ինչ գոյութիւն եւ ազդեցութիւն :

Կանխեսջիր այսուհետեւ քան զժամ
յառնելոյ եւ դիջիր զոր ինչ ի մտին դնե-
լոց իցես :

Գ. Ազատագոյն եւս են առաւօտուց

Թեւք աղաւնւոյ, դիւրագոյնս սլացիս
առ իս :

Ակն առաւօտին յատակադոյն է եւ
քաջատես. զոր ակնն՝ աշխարհական ինչ
տեսլեամբ մթացեալ ոչ նշմարիցէ, նա
քաջ տեսանէ :

Ունկն առաւօտին սուր եւս է. զոր
ինչ ունկնն՝ երկրաւորաղմկան ծանրա-
ցեալ՝ ոչ իմանայ, նա լսէ :

Սիրտ այգուն սրբագոյն է եւ կակղա-
դոյն, զորոյ զճաշակ՝ սիրտ սկախաւն
փոշուով աշխարհիս շաղախեալ՝ ոչ առ-
նու, նա այնմ զգայ :

Ապա սուր զսիրտ քո առաւօտել առ
իս՝ որ զքեզն արարի, եւ յանդիման մեծ-
վայելութեան իմոյ պաղատեաց առաւօ-
տուց, եւ ես հոգւով հանձարոյ լցից
զքեզ, եւ բխեցից ի վեր զբանս իմաւ-
տութեան իմոյ, աղօթիւք խոստովան
եղիցիս ինձ՝ եւ ես ուղղեցից զխոր-
հուրդս քո :

Գ. Այլ զի յորդորագոյն եւ յօժարա-
գոյն գացիս առ իս այգուցն, որդեակ,
դիշերի իսկ պատրաստեա զանձն քո :
Զսր ինչ ընդ այգն խորհելոց իցես, մինչ
չեւ ի քուն մտեալ՝ ընթերցիր յառա-
ջագոյն, եւ յորժամ զարթիցես՝ անդէն
յուշ լիցի քեզ, եւ դիւրագոյն եւս տա-
ցես ինձ զսիրտ քո եւ զանդրանիկս մտաց
քոյ ինձ նուիրեսցես :

Արի փութով, եւ որպէս փափաքէ եղջերու առ վշտին ծարաւոյ յաղբերս ջուրց, այնպէս փափաքեսցէ եւ անձն քո ի պաշտել զիս: Հոգւով եռացելով անկցիս առաջի իմ, եւ ասացից ց. քեզ թէ Ահաւասիկ հասեալ կամ:

Յետոյ ուրեմն կացեալ յանդիման իմ՝ տեսցես եւ զեղուցուս, զարմացիս եւ ընդարձակեսցիս ի սրտի քում:

Երբեմն զամօթի հարեալ շառագունեսցիս վասն իմոյ սրբութեան եւ քոյոյ անօրէնութեան, եւ երբեմն խոնարհեսցիս՝ առ զեղեցկութեան իմոյ եւ քո սգեղութեան:

Մերթ զանձն ունայնացուցանիցես վասն մեծութեան իմոյ եւ քոյոյ թշուառութեան, վասն իմոյ բարերարութեան եւ ապախտաւորութեան քո, եւ մերթ բարբառեսցիս արութեամբ՝ վասն քո առ իս վստահութեան:

Մերթ սուր առցես արագ արագ հալառակ թշնամեաց անձին քո, եւ երբեմն հանդիցես ի սէր իմում, եւ ուրախ լիցիս յիս օրհնութեամբ:

Ահաւասիկ, սրդեակ, զնարդ մօտ կամ այնոցիկ՝ որ ընդ առաւօտս կանխեալ խօսիցին ընդ իս: Մատիբ այսուհետեւ առ իս ընդ այզն ընդ առաւօտն՝ եւ առցես զլոյս:

Վասն այնչելութեան ամենասուրբ Հոգւորդութեան:

Ա. ՈՐԴԵԱԿ, ես եմ Աստուած քո
եւ ամենայն ինչ քո: Ես՝ որ ունիմ ա-
թառ յերկինս, կամ մնամ առ քեզ ի
տաճարի իմում յերկրի, զի երբ եւ կա-
մեսցիս՝ դացես յիս կեանս եւ ընկալցիս
փրկութիւն ի Տեառնէ քումէ: Ոչ նոյն-
պէս արարի, որդեակ, ամենայն ազգաց:

Եթէ ի Հեռաւոր եւ ի բացական զաւ-
առս անհաւատից բնակեալ էիր դու,
եւ պատմէր ոք քեզ՝ թէ կայ ուրեք ժո-
ղովուրդ՝ զի Աստուածն ճշմարիտ ընդ
նոսա բնակէ, որպէս զի յամենայն իսկ
ժամու մարթի իւրաքանչիւր անխափան
եւ անարգել առ նա մերձենալ, եւ բե-
րան ի բերան խօսակից ընդ նմա լինել,
արդարեւ իսկ աղաղակ բարձեալ դո-
չէիր՝ Երանի ժողովրդեան՝ որոյ այսպէս
Տէր Աստուած է նոցա:

Եւ յափշտակեալ մտացո՞ւ ասէիր թէ
երթայց եւ ես առ այն ժողովուրդ եւ
տեսից զտեսիլն զայն մեծ:

Որպէս սիրելի են յարկք Աստուծոյս
այսորիկ. ցանկայ եւ փափաքէ անձն իմ
ի դաւիթս նորա. յարեայց եւ երթայց
առ նա:

Ե՛լ, անձն իմ, յերկրէ քումէ, յազգէ
քումէ, եկ եւ տեսցուք զբանն որ եղև,

եկ եւ մատուցուք նմա պատարագս ոսկի եւ կնդրուկ եւ զմուռս :

Բ. Ա՛րդեակ, ահաւասիկ կամ առ դրան քում: Ոչ եթէ ընդ լերինս կայ քեզ առաջի թռուցեալ անցանել, ոչ զծով հատանել, ոչ զերկիր քո թողուլ եւ ոչ զաղդ քո լքանել, զի այնպիսում երանութեան հաղորդ եւ հաւասարորդ լինիցիս :

Ոչ դրունք ընդդէմ ելանեն, հանապազ եւ յամենայն ժամ կազմ եւ պատրաստ կայ ամենայն. աչք իմ ամբարձեալ են, ականջք իմ ուղղեալ եւ սիրտ իմ բացեալ :

Եկ, համարձակ է քեզ յինէն կուսէ, եկ, ցանկամ տեսանել զքեզ, զի ցրնծամ եւ ուրախ լինիմ ես ի քեզ :

Եկ, համբերելով համբերեմ քեզ, զի նայեցայց առ քեզ եւ լուայց աղօթից քոց: Եկ առ Տէր քո, եւ տուր նմա զաղօթս քո :

Եկ առ աղբերն կենաց որ բխէ ի կեանս յախտենականս եւ տացի քեզ առանց ինչ զնոց զինի եւ կաթն:

Եկ առ նա՝ որ զհաց յանապատի բազմացուցանէ, եւ որպէս ի ճարպոյ պարարտութենէ լցցի անձն քո :

Եկ եւ լցից զքեզ բարութեամբք, եւ չափ շնորհաց բարւոյք եւ թաթաղուն եւ շարժուն եւ զեզուն տաց ի գոգս քո :

Գ. Ո՛րդեակ, թէ մարդ լսի էիր, ա-
սէիդ ցքեզ՝ եթէ եկ եւ պառ երկիր,
քանզի դրեալ է թէ Տեառն Աստուծոյ
քում երկիր պառցես եւ զնա միայն
պաշտեսցես :

Այլ քահանայ ես, այր Տաճարի, այր
Սրբութեանց, այր Սեղանոյ, այր Աս-
տուծոյ, քո է ընդ աստիճանս եւ ընդ
սեղանն լալ :

Քո է ի բարկութեան իմում կալ ի
միջի եւ հաշտեցուցանել. քո է վասն
ամենեցուն յանցանաց պաղատել :

Քո է երկնից բունն լինել զի ցօղեա-
ցեն ի վերուստ եւ ամպք տեղասցեն ի
վերայ ժողովրդեան զպատուական շնորհս
պարգեւաց իմոց. քո օրհնել զԱստուած
եւ փառաւոր առնել զՏէր :

Ո՛ որդեակ, ո՛ քահանայ, ո՛ պաշտօ-
նեայդ մեծի Արքայի, միայն թողու-
ցուս զնա :

Ո՛ բարեկամդ փրկչին քո, ունիցի ինչ
դառնութիւն անակցութիւն նորա կամ
ցաւս հազորդութիւն կենաց նորա :

Ո՛ աշակերտ, փախչիցիս յազնուա-
դոյն վարդապետէ քումէ :

Դ. Ո՛վ Տէր, ո՛վ Աստուած, եթէ ար-
ժանիցէ ասել՝ ծախիչ անձին. վայ ինձ,
եթէ այսչափ եւ այսպիսի կայծակամբք
կուտելովք՝ ցրտացեալ գտանիցիմ առ
քեզ եւ չառնուցում յանձն մերձենալ :

Բարէ. ո՞րք երբեք ուրեք լուաւ այս-
պիսի ինչ: Ինձ՝ որ չեմ իսկ արժանի ե-
թէ մտից ընդ յարկաւ քով, [թոյլ տաս
յարքունիս քո մտանել, նա աւանիկ եւ
յորդորես իսկ եւ ստիպես:

Արարից, Տէր, զկամս քո: Երթայց,
այց արարից տեղւոյն՝ ուր եղեալ իցես,
Թագաւոր իմ եւ Աստուած իմ:

Տէր, զհարդ կամ ո՞րպէս մարթ եւ
հնար իցէ ինձ յայնպիսւոյ աստուած-
պաշտութենէ: Հրաժարել, յորժամ յի-
շեմն զի ամենեքին առհասարակ առ քեզ
ընթանային, մինչ դու յերկրի աստ ե-
րեւեալ ընդ մարդկան շրջէիր:

Յորժամ խորհիմն զի ամենեքին դայ-
ին առ քեզ ի գիւղից գիւղից Գալի-
լեայ, Հրէաստանի եւ Երուսաղէմի:

Յորժամ ընթեռնում զի այնպէս
ամբօխ բազում խոնեալ կայր զքեւ,
մինչեւ հարկ իսկ լինել զառաստաղ
յարկի տանն քակել, եւ ընդ այն զան-
դամալոյճն առաջի քո իջուցանել:

Այո իսկ, Տէր, յամենայն եւ ի բնաւ
երեկոյի եկից ընդ Մարեմայ Մազդաղե-
նացոյ տեսանել զգերեզմանն, յորում
կենդանի մարդկութիւն քո աստուա-
ծեղէն եւ աստուածութիւն քո մարդ-
կեղէն՝ խոնարհութեամբ եւ սիրով հան-
դուցեալ դադարէ:

Անդ անկեալ ի վերայ երեսայ իմոց

երկիր պաղից, պատմեցից ինձէն զանօրէնութիւնս իմ, օրհնեցից զանուն քո օրհնութեամբ եւ բարձր արարից զքեզ գովութեամբ, խնդրեցից եւ ընկալայց, բախեցից եւ բացցի ինձ :

Ի վայրի աստ գալարւոջ հովուեսցես զիս, Աստուած իմ, եւ ինձ ինչ ոչ պահասեսցէ :

Անդ զճանապարհս արդարութեան քո ուսայց, անդ ուսայց ոչ երկնչել ի չարէ, անդ ընդ ցպով եւ ընդ գաւազանս քով մխիթարեցայց :

Անդ զօրացայց հակառակ ընդդէմ ամենեցուն որ նեղենն զիս, անդ ողորմութիւն քո շուրջ եղիցի զինեւ, զի զհետ իմ եկեսցէ զամենայն աւուրս կենաց իմոց՝ մինչեւ բնակեալ իցեմ ի տան քում յերկնաւոր ընդ երկայն աւուրս :

Գ Լ Ո Ւ Խ Լ Ե .

Ասան երեկոյեան քննութեան :

Ա. ԴԱՏԵԱ զանձն քո, սրդեակ, զի մի գատեսցիս :

Ընդ երեկոյս քննեա զվարս քո : Յանդ իսկ եւ հանապազ պատրաստ պարտ է քեզ լինել . զի յորում ժամու ոչ կարծիցես, գամ ես սրդի մարդոյ :

Թերեւս յայտմ գիշերի զողիդ ի քէն ի բաց պահանջեցից . տես, միթէ պատրաստ իցէ համար անտեսութեան քո :

Եթէ կայցես կենդանի մինչեւ ի վազիւ, ի սեղան իմ պարտիս մերձենալ. ահա, իցես արդեւք սուրբ եւ մաքուր ամենեւին:

Ապա կալ ի ձեռս քո զպղի քո: Խորհեսցիր հաւաստեալ եթէ զխարդ կայցէ, զինչ ինչ խորհրդով, զինչ ցանկութեամբ եւ զինչ արդեամբք գործեալ իցէ. զինչ հակառակ իմ, զինչ ընդդէմ ընկերին եւ զինչ ինչ հակառակ անձին քո գլխովին:

Ոչ աշխարհական փոշւովն աղտոյղեալ պղծեցաւ: Ի բաց թօթափեսցիր զայն փոշի ցաւովք եւ նորոգ յառաջադրութեամբ:

Եղբայք, եթէ եւ մահացու ինչ մեղքք, որ քաւ եւ մի իսկ լիցի, յանգունդս խորոց իջեալ իցէ ոգի քո:

Որդեակ, աշխարեսցիր եւ պիղծ համարեսցիր յայնժամ զմեղս, եւ զիր ի մտի արագ արագ խոստովան լինել եւ ուղղել զանձն, զի արեգակն մի մտցէ ի վերայ յանցանաց քոց եւ մի ես խնդրեցից վրէժս ի մէջ խաւարի:

Ոհ. որչափցք յանկարծահառ մահումբ յափշտակեալ ելանեն ի կենաց: Քանիք ողջք եւ առողջք մտին յանկողին, եւ ի նմին իսկ գիշերի իջին ի դժոխս, վասն զի առանց ինչ ստրջանաց ի մահացու մեղս ննջեցին:

Այն քեզ, եթէ շերկնչիցիս ննջել
յայնմ վիճակի՝ յորում մեռանել շիշ-
խիցես: Ո՛ր դիտէ. միթէ քունն այն՝ զոր
յայնպիսում մահաբեր վիճակի ննջիցես,
ո՞չ իցէ եւ վասն քո սկիզբն յաւիտենա-
կան մահունն:

Բ. Եւ զարգանայի իմաստութեամբ,
հասակաւ եւ շնորհօք ի Հօրէ եւ ի
մարդկանէ:

Եւ դու, որդեակ, պարտիս զարգա-
նալ օր ըստ օրէ. եթէ ոչ աճեսցիս՝
պակասեսցիս, եւ զիարդ բնաւ մար-
թայցես զարգանալ, եթէ զպակասու-
թիւնս քո ոչ նկատեսցես, ոչ խոկաս-
ցիս եւ ոչ աճիցես յուղղութիւն:

Գարձ այսուհետեւ ընդ երեկոյս ի
սիրտ անդր քո եւ ի խոյզ արկեալ
ճշդիւ գտակաւ զանձն քո քննեօջիր:

Զմտաւ աժ, տես թէ ուստի դաս,
յո՛ երթաս, զիարդ կամ որպէս կեաս,
զինչ գործես եւ զինչ յանձն քո ընդ-
ունիս, որչափ ինչ հանապազօր զար-
գանաս կամ թէ նուազեալ գտանիս,
որպիսի խորհրդովք առաւելադոյն տազ-
նապիցիս, յորոյ կարեաց փաշաման կրի-
ցես, որովք փորձութեամբք սասակա-
զոյնս ի դիւէն ըկիցիս:

Զսոյն զայս սուրբք իմ, մինչ դեռ
յերկրի աստ կէին, առնէին բազում
անգամ, եւ յայն սակս իսկ այնպէս

յառաջագէմ յառաքինութիւնս նկրու-
տէին :

Հանապազ զիւրեանց թերութիւնս
ի քնին արկեալ եւ նկատեալ, օր ըստ
օրէ ուղղէին զայնս եւ նուազեցուցանէին :

Որչափ եւ յաճախագոյնս անկանէին
առ տկարութեան, նոյնչափ եւ արագ-
արագ վաղվաղակի պատասպարեալ յառ-
նէին, եւ եւս իմն արութեամբ ի մարտ
պատերազմի զանձինս պատրաստէին եւ
պնդագոյնս ժտէին յինէն զօրաւիզն
օգնականութեան :

Այսպէս թէպէտ եւ արդարք իսկ էին,
այլ արդարագոյն եւս լինէին, եւ մինչ
սուրբք էին՝ առաւելոյն տակաւ ի սրբու-
թեան, ուստի եւ յորժամ թեթեւ իմն
գթէին՝ խթան առաքինութեան լինէր
այն նոցա մանաւանդ եւ ոչ խոչ կամ
խութ կատարելութեան :

Ըստ նմին նմանութեան արասջիր եւ
դու, սրգեակ, յորժամ ամենայն ինչ
դադարեալ լռիցէ եւ յաղմկոյ գործոց
ազատ եւ թափուր միտքն իցեն, աւել
ածեալ մաքրեա զհոգի ք :

Գ. Տէր, յանցանք իմ ի քէն ոչ
ծածկեցան, եզիր զոան իմ ի պաշար-
ման, պահեցեր զամենայն զգործս իմ
եւ յարմատս ոտից իմոց հասեր :

Առաքեա զոյս ք եւ զճմարտու-
թիւն ք, ծանեայց զիս՝ որպէս եւ դու

իսկ ճանաչես զիս, եւ ծանուցեալ զիս՝
հանապազօր կշտամբեցից զիս եւ ուղ-
ղեցից :

Մինչեւ լիեալ անբիծ ի ճանապարհի՝
որչափ եւ տկարութիւն իմ բաւել կա-
րիցէ, եղէց կատարեալ, որպէս եւ Հայր
իմ երկնաւոր կատարեալ է :

Գ Լ Ո Ի Խ Լ Զ .

Աստուծոյն իւր ընկերացուստից :

Ա . Մ Ի Տ զիր, սրբեակ, ընթերցուա-
ծոց եւ վարդապետութեան : Ջոր օրինակ
հաւ ի թռչել արարաւ եւ մարդ յաշխա-
տել, այնպէս եւ դու որ քահանայդ ես՝
յուսումն եւ յաստուածապաշտութիւն :

Համարիցիս արդեւք եթէ յամբի եւ
յապահովս իցես, յորժամ յետ վկա-
նանական պաշտամունս կատարելոյ եւ
զմտաւորական աղօթս ի դլուխ հանե-
լոյ եւ զպատարագն մատուցանելոյ՝ զմը-
նացեալ ժամանակն ի դատարկութիւն,
ի թափառանս եւ յիրս մնտիս եւ
ընդունայնս ծախիցես :

Ոչ այդպէս, սրբեակ, ոչ այդպէս .
չթունք քո զգուշացին դիտութեան,
եւ եթէ դու զգիտութիւն մերժեցես՝
մերժեցից եւ ես զքեզ :

Ժամ եւ ժամանակ ետու քեզ, իբր
ուչ եթէ զի կորուսցես, այլ զի հատուա-
ցես ինձ զայն տակտեօք ի դատաւ

ստանի : Ամէն ասեմ քեզ , ոչ երանիցես
անտի՝ մինչեւ հատուցանիցես զյետին
նաքարակիտն :

Բ . Եւր արդ , որդեակ , եւ խոնար-
հեցո զունկն քո , եւ մուս զժողովուրդ
քո եւ զտուն հօր քո :

Ա՛ռ բնկալ զուսումն վարդապետու-
թեան իբրեւ զայն որ վարէ եւ սերմանէ ,
մատիր առ նա եւ ժողովեա քեզ զպը-
տուլս նորա բարիս :

Չօրէնս ի քումէ բերանոյ խնդրեսցեն ,
ապա զօրէնս իմ եւ զամենայն դիրս օգ-
տակարս ի վարդապետութիւն յեղյե-
ղեսջիր , եւ զբանս իմ ճաշակեսջիր :

Պարտ եւ արժան է քեզ զհակառա-
կորդս ճշմարտութեան կշտամբեալ
յանդիմանել , ապա ուսիր զկաթուղիկէ
ճշմարտութիւնս եւ զպատասխանա-
տուութիւնս :

Պարտիս պաշտաման բանին հպատակ
լինել եւ միտ դնել մխիթարութեան ,
ապա հարց զաւագս , քննեա զլրոյցս
երիցանց իմաստնոց եւ յառակս նոցա
զբաղնուցուս :

Չմեղս պարտ է քեզ արձակել կամ
կապել եւ զհոգեւորական խօթութիւնս
բուժել , ապա խնդրեա իմաստութիւն
յիմաստնոց եւ խորհուրդ ի խորհրդա-
կանաց՝ որոց զխորինս եւ զզաղանիս
յայտնեցի :

Ուսիր զի իբրեւ յինէն եւ ոչ եթէ
իբրեւ ի քէն զգուշացուցես զոչխարս
իմ :

Ուսիր զի իբրեւ գայլն գայցէ եւ ցր-
բուել եւ յափշտակել զոչխարան կամի-
ցի, մի լիցիս գու իբրեւ շուն համրա-
ցեալ՝ որ ոչ կարիցէ հաջել :

Ուսիր զի մի՛ մինչ առաջնորդն լինիս
կուրին, եւ գու կոյր իցես եւ ընդ նմա ի
խորխորատ անկանիցիս :

Ուսիր զի օրինաց Պատարագի եւ կար-
գաց Խորհրդոցն պաշտամանց քաջ տե-
ղեակ լիցիս :

Ուսիր. եւ զի՞ իսկ կայ քս եւ առաւ-
պեւաց : Ոչ եթէ վասն այնորիկ ինչ ա-
ռեր զսպասաւորութիւնդ զի մարդկան
արբանեկեացես՝ այլ սեղանոյն Քրիստոսի :

Տես այսուհետեւ զի զայն ժամանակս՝
յորս ազատ յեկեղեցւոյ լինիցիս՝ յըն-
թերցուածս ծախեացես :

Գ. Վիտութիւն որ ի ձեռն բարե-
պաշան ընթերցուածոց եւ նուիրական
ուսմամբ լինի ստացեալ՝ գանձ անսպառ-
է, եւ որ վարեցանն այնու՝ հաղորդք
եւ կցորդք աստուածեղէն բարեկամու-
թեանն եղեն :

Տես զՊաւղոս, հայեաց Ճմբբոսիս,
տես եւ զԹովմաս, զԲեդա եւ զայլս եւս
բազումս, որպէս ուսման եւ ընթեր-
ցուածոց պատկառ կային անհանդիստ :

Ո՛ր քահանայ, եթէ առանց գրոց, առանց ուսման եւ ընթերցուածոյ կայցես եւ մնասցես՝ ես իսկ արդարեւ նման զինուորի՝ ոյր զէն չգուցէ, նման ձիոյ՝ որ առանց սանձի իցէ, նաւ առանց զեկի, դպիր առանց գրչի, թռչուն առանց թեւոց, կոյր առանց առաջնորդի:

Գ. Խնդրեա եւ վասն քո իսկ անձին, որդեակ, զգիտութիւն սրբոցն եւ զգիտութիւն փրկութեան, լեր ի խնդիր կատարելութեան՝ որ կարի կարեւորն է քեզ. զայս ամենայն գտցես դու ի հանապազորդ ընթերցուածս բարեպաշտութեան:

Անդ գտցէ ճարակ ոգի քո, անդ նորոգ եւս խթանօք օր ըստ օրէ դրդեալ յորդորեցի ի դործս ազգի ազգի բարութեանց:

Մի հարեւանցի իմն բազում ինչ ընթեռնուցուս, այլ սակաւս ուշ ի կուրծս:

Յորժամ ընթեռնուան՝ զուղեղ ընթերցուածոյն ի սրտի քում մթերեալ պահեսջիր, զի այսրէն յեղյեղեալ ի միտս որոճեսցի, եւ որոճելովն՝ որ ինչ զազիր իցէ քո՝ ուղղեալ յարդարեսցէ, եւ որ գեղեցիկ ինչ՝ առաւելագոյն եւս պճնեալ զարդարեսցէ:

Ե. Աամիս, որդեակ, կամիս բազում ինչ շահել: Աամիս վառեալ բորբոքել ի սէր առաքինութեան: Աամիցիս սաս-

տկազոյնս եւս յաստուածպաշտութիւնս նկրտել. ընթերցիր զվարս Հարցն քոց՝ զսրբոց քահանայապետից եւ զքահանայից :

Հայեցեալ յօրինակս եւ յերս գնացից նոցա՝ նմանող լիցիս հաւատոցն : Իբրեւ զի զօրաւոր են օրինակք, արդարեւ իսկ հզօրագոյն եւս քան զպատուիրանս են :

Չարմասցիս եւ ասացես՝ եւ սոքա մարդիկ էին իբրեւ զիս, տկարք իբրեւ զիս, եւ միտագոյնք ի խնամս շարին իբրեւ զիս : Այլ արդ աւասիկ զնարդ համարեցան ընդ որդիսն Աստուծոյ եւ ընդ սուրբս է վիճակ նոցա : Չիցեմ եւ ես ձեռնհաս զսր սոքայն զործեցին՝ վճարել :

Եկ անձն իմ եւ գնասցուք ընդ նոսա ի շաւիղս Տեառն, զի ընդ նոսա ելցուք ի տուն Աստուծոյ Յակոբայ :

Այսպէս խոկալ զսրբոցն վարս՝ զգնատիտս շնորհաց կցորդ արար, զԱողոմբանոս ած ի սրբութիւնս եւ զանթիւ զանհամար մարդիկ դարձոյց եւ տարաւ յերկինս :

Զ. Ընթերցիր, սրդեակ, ընթեռնուին՝ եթէ տգէտ իցես՝ ուսուցէ զքեզ, եթէ դատարկ իցես՝ կշտամբեսցէ, եթէ թմբրեալ՝ սթափեցուսցէ, եթէ նքնջեալ՝ զարթուսցէ :

Եթէ մոլորեալ իցես՝ յուղղութիւն

ածիցէ, եթէ սայթաքեսցիս՝ կանգնեսցէ, եթէ ծիծաղեսցիս վայրապար՝ խուճապեսցուցէ երկիւղիւ, թէ սգայցես՝ մխիթար լինիցի, թէ խոնարհ իցես՝ գովեսցէ զքեզ, եթէ հպարտացեալ ամպարհաւաճեսցիս՝ դսրովեսցէ :

Տկար իցես՝ զօրացուցէ զքեզ, յանձնապաստան՝ ի կոր կործանեսցէ, խոսվեալ իցես՝ հանդարտեսցուցէ, արևբեալ՝ զուարթ արասցէ, ժանտագործ՝ դատապարտեսցէ, աստուածապաշտ իցես՝ արդարացուցէ :

Է. Խոնարհեցո զսիրտ իմ, Աստուած, ի վկայութիւնս քո եւ մի յազահութիւնս, դարձս զաչս իմ զի մի տեսից զնանրութիւն :

Արա զի սաստիկ զբանս քո սիրելով՝ քննեցից զայն բոլորով սրտիւ, զի եղիցին ճրագ ստից եւ լոյս շաւղաց իմաց :

Գ Լ ՈՒԽ ԼԷ.

Ասան զսարբ Գիրս ընթեանայ :

Ա. ԱԸՄԻՍ, սրգեակ, ուսանել զիմաստութիւն եւ զխրատ : Աամիս ընդունել զդարձուած սբանից, ի միտ առնուլ զարդարութիւն ճշմարիտ եւ ուղղել զիրաւունս : Աամիս ստանալ զխորագիտութիւն եւ զհանձար :

Աամիս իմաստունդ իմաստնագոյն լինել : Աամիս հանձարեղդ զաւաջնորդու-

Թիւն ստանալ եւ քան զձերս խմաստուն լինել :

Խոնարհեցո զսիրտ քո ճանաչել զԳիրս սուրբս, առաւել քան զզանձս քննեա զնա եւ իբրեւ զարծաթ ընտիր խնդրեա զնա :

Ի սակաւ ժամանակի մեծասցիս եւ տեսցես զի լաւ է զխուլթիւն Գրոց՝ քան զզանձս սակեց եւ արծաթոց, եւ թէ պատուականագոյն է նա քան զականա պատուականս, եւ ամենայն ինչ որ պատուական է՝ չարժէ զնա :

Ո՛րդեակ, անսա այսուհետեւ նորա խմաստութեան եւ նորա բանից մատուցունին քո, եւ մի պակասեցին յաչաց քոց :

Ասա ցուրբ Գիրս՝ թէ քոյր իմ ես դու : Բարեկամ քո կարգա զնա :

Բ. Աս Հայր քո եւ դու իմ որդի : Ո՛րդեակ, եթէ դու լաւ որդի իցես, եթէ իցեմ ես քեզ Հայր սիրելի, ապա քէն պարտ եւ պատշաճ է քեզ զիմ կցորդութիւն խնդրել եւ իմոց բանից ցանկանալ :

Ապա եկ ի մենութիւն Գրոց սրբոց անդ խօսեցայց, նրդեակ, անդ ընդ մարդկան լինիմ խօսակից :

Ոչ այնպիսի ինչ ահագին կերպարանոք՝ որով ետու Հրէից զպատուիրանս իմ ի լերինն Սինայի, այլ մեծաւ մեղ-

մական զգօնութեամբ, որպէս մանկուոյն
ի ձեռն Որդւոյ իմոյ զիրկս արկանէի:

Արդ ձեպեա փութա դու առ իս ի-
բրեւ զմի ի փոքրկանցն յայնցանէ, եւ
եթէ ոչ զերեսս իմ տեսանիցես, սա-
կայն դոնեայ զխրատս իմ ըւիցես:

Ես Տէր քո եւ դու ծառայ իմ, ի
Գիրս իմ կարգեալ եղի զպատուիրանս՝
զոր ետու քեզ:

Եւ պատուիրեցի քեզ զի խօսեացիս
նորօք ի նստել ի ասն եւ ի զնալ ի
ճանապարհի եւ ի ննջել եւ ի յառնել:

Պահեա զպատուիրանն, որդեակ, ըն-
թերցիր զոր ինչ գրեցանն, զի ի քովար-
դապետութիւն գրեցան:

Գ. Աս թագաւոր Տամօրէն տիեզե-
րաց, դու պաշտօնեայ իմ, յայն իսկ
առանձինն կարգեալ զի զբանս պատ-
գամաց՝ զոր ես ետու քեզ ի Գիրս
սուրբս՝ ծանուցես մարդկան, զի ու-
սուցես նոցա պահել զպատուիրանս զոր
պատուիրեցի, զի ըստ օրինաց իմոց դա-
տեսցիս զնոսա:

Ապա բաժին քո է, որդեակ, զիտել
զԳիրս իմ: Նա բարի է բերանոց քո, նա
ոսկի եւ արծաթ վիճակի քո:

Ե. Ընթերցիր զայն, որդեակ, եւ ոչ
մեղիցես, եւ յամենայն ճանապարհաց
չարաց արգելցես զուս քո, զի նա տայե-
քեզ յիշել զվասճան քո:

Ընթերցիր զայն, եւ ընթացիս ի ճանապարհս պատուիրանաց իմոց, զի լիցի նա քեզ ճրագ ստից քոց եւ լոյս շաղաց քոց :

Ընթերցիր զայն, եւ անձն քո լիցի ի ձեռս քո յամենայն ժամ, զի զօրէնս իմ ոչ մոռացիս :

Ընթերցիր զայն եւ բարի եղիցի քեզ, զի վկայութիւնք իմ ցնծութիւն են սրտի :

Ընթերցիր զայն եւ խոնարհեցուցէ զսիրտ քո՝ ընդ ամենայն աստուածպաշտութեամբ զպաշտօն քո վասն յաւիտենականն հատուցման, զոր քեզն խոստանայ :

Ընթերցիր զայն, եւ ի հրապարակախօսութիւնս քո լիցին բանք քո քաղցր քան զմեղր, ձայն քո իբրեւ զձայն իմ, զօրութեամբ եւ մեծվայելչութեամբ փշրեսցէ զմայրս ախտից չարեաց, շարժեսցէ զանապատս եւ զանձինս ամպարչտաց խոռվեցուցէ :

Իսկ զանձինս հաւատացելոց առաւել եւս հանդերձեալ պատրաստեսցէ եւ յառաւելագոյն կատարելութիւն աւծիցէ :

Ընթերցիր զԳիրս սուրբս, եւ ի դատաստանս քո յիրաւանց իմոց ոչ խտորեսցիս, զի զօրէնս իմ առաջի աչաց ունիցիս հանապազ :

Զ. Ապա եթէ յուսումն նուիրական
Գրոց ոչ պարապեացիս, սրդեակ, սր-
պէս հէք եւ աղքատ եւ կոյր մնասցես:

Հէք այնու՝ զի պարտ եւ պատշաճ է
քեզ ի ձեռն սրբոյ պաշտաման տալ պա-
տերազմ՝ ընդ իշխանութիւնս եւ ընդ
պետութիւնս, ընդ աշխարհակալս խա-
ւարիս այսորիկ՝ ընդ այսս չարութեան
որ ի ներքոյ երկնից, եւ սակայն զուպա-
ռազինութիւնն Աստուծոյ ոչ ունիցիս
առ ի դիմի հարկանել:

Ոչ ունիցիս զմէջս քո պնդեալ ճշմար-
տութեամբ իմով, ոչ զզրահս արդարու-
թեան, եւ ոչ զոտս ազուցեալս, եւ ոչ
զվահանն հաւատոց՝ առ ի զնեաս մուխս
չարին շիջուցանել, եւ ոչ զսաղաւարտն
փրկութեան եւ ոչ իսկ զսուսեր հոգւոյն:

Լիցիս եւ աղքատ, վասն զի մինչ այ-
լոց պարտ էր քեզ բողեւ հաց, անդամ
եւ վասն քո իսկ անձին ոչ ունիցիս
զհացն կարելոր:

Աացցես եւ կոյր, քանզի Գիբբ սուբբ
լոյս են մարդկան, եւ առանց այնց Գրոց՝
ամենայն քահանայ ի խաւարի մնասցէ:

Եւ յորժամ քարոզեսցէ՝ զհոգմն կո-
ծիցէ, զլսելիս մարմաջեցուցանիցէ, պատ-
մեսցէ առասպելս, իբրեւ յանձնէ իւր-
մէ խօսեսցի եւ ոչ եթէ իբրեւ յինէն:

Եւ յորժամ կացեալ յատենի դատ
արասցէ՝ առանց ինչ իրաւանց եւ ա-

աւանց արդարութեան դատեացի . կոյր
կուրի առաջնորդեացէ եւ ընդ նմա ի
խորխորատ անկանիցի :

Է . Վիտեմ, Տէր, զի եթէ ոչ օ-
րէնք քո խօսք իմ իցեն, կորեայց ի
խոնարհութեան իմում :

Վիտեմ, զի առանց հանապազորդ
զայնս ընթեռնելոյ, չմարթի ինձ առ-
տուածապաշտ կամ իմաստուն եւ կամ
թէ բաւականն ուսեալ լինել :

Քննեցից այսուհետեւ զվկայութիւնս
քո սքանչելիս, քննեցից զնոսա հանա-
պազօր, քննեցից առանց դադարելոյ :

Զօր ամենայն մատեայց յայն իջաւան
մտաց իմոց, զի կերայց ի նմա զբանս քո :

Զճշմարտութիւն խնդրեցից անդ եւ
ոչ զճարտարաբանութիւն, զօգուտ եւ
ոչ զնրբութիւն :

Ընթերցայց երկիւղածութեամբ, ըն-
թերցայց խոնարհութեամբ, ընթեր-
ցայց միամտութեամբ, ընթերցայց հա-
ւատարմութեամբ :

Իմաստուն արա զիս, Տէր, զի ի միտ
առից զբանս քո, երեւեցո զերեսս քո
յիս եւ ուսս ինձ ինքնին զարդարու-
թիւնս քո :

Քանզի գիտել գիտեմ զի գեղեցիկս
ճառեն զիրք քո, այլ եթէ դու լուս-
կայցես՝ ոչ զմիտս լուսաւորեացեն եւ ոչ
զսիրտ վառեալ բորբոքեացեն :

Վասն ասորոսաջիզին պաշտաման :

Ա. ՕՐՀՆԵԱ քահանայ Տեառն զՏէր ,
օրհնեա ծառայ Տեառն զՏէր : Ապց յա-
ղօթս հոգւով , կայ յաղօթս եւ մտօք ,
սաղմնս ասա հոգւով , սաղմնս ասա եւ
մտօք :

Տես մի դուցէ մինչ շրթամբք պա-
տուեսցես զիս , սիրա քս հեռացեալ մե-
կուսի իցէ յինէն , տես զի մի յերկա-
րեալ զաղօթող՝ վասն այնորիկ աւելի
դատաստան բնկալցիս :

Սուրբ , Սուրբ , Սուրբ եմ , ես Տէր Աս-
տուած զօրութեանց , լի են երկինք եւ
երկիր փառօք իմովք :

Ովասննա ի բարձունս աղաղակենս առ-
իս Հրեշտակք , եւ դու , սրբեակ , ասաս-
ցես ինձ ովասննա յերկրի : Իբրեւ զի
մեծ եւ սուրբ եւ աստուածեղէն պաշ-
տօն է քո :

Հաստ զօր պարտիսն , մի եւ զփոքրիկ
իսկ մասամբ այնր պարտեաց զանց արա-
րեալ անցանիցես , հաստ որպէս զիարդ-
պարտիող , ի դէպ ժամանակի , ըստ պա-
տշաճի , մտադեւր եւ եռանդմամբ կատա-
րեսջիր զպարտիս քո սուրբ , զգոյշ լեր զի
մի հարեւանցի եւ վարկպարզի արասցես :

Բ. Հողի յօժար է , սրբեակ , բայց
մարմին տկար : Ապա մինչ չեւ յաղօթս

կացեալ իցէ՛ պատրաստեա զանձն քո ,
եւ մի լինիր իբրեւ զմարդ՝ որ փորձիցէ
զՏէր :

Մտաց քոց՝ որ ընդ ազգի ազգի իրս
թարթափել սովորեալ իցէ՛ դիջիր սանձ
մտածութեամբ ինչ իւրք :

Զսիրտ քո յերկրաւորաց աստի առ
երկնաւորսն , յարտաքնոցն առ ներքինս ,
առ իս իսկ ուղղեսջիր :

Հայեաց ընդ քնարահարսն՝ զի մինչ
չեւ հարեալ իցեն , յառաջագոյն զլարս
նուագարանացն յարդարեալ պատրա-
ստեն , ապա թէ ոչ խառնաձայն ինչ եւ
շիտթ բարբառս արձակիցեն :

Ըստ նմին օրինակի եւ դու զմիտս քո
կարդեալ յարդարեսջիր : Ասա ցխոր-
հուրդս քո սնտախ եւ օտարս , մնա-
ցէք ասա՝ մինչեւ յաղօթս կացից . յետ
զգործսն Աստուծոյ կատարելոյ , եթէ
կարօտ ինչ ձեւք լինիցիմ՝ այսրէն միւս-
անգամ առից զձեզ :

Ասա ցիղձս քո . եկայք ցնծացուք ի
Տէր , եկայք աղաղակեսցուք առ Աս-
տուած Փրկիչ մեր , եկայք երկիրպագցուք :

Գ . Նայեաց յիս որ մօտ իսկ կամ ,
եւ առաջի աչաց իմոց՝ որ զխորս սրտի
քննեն , զպաշտօն քո կատարեա , որ-
պէս ծառայ առաջի աչաց Տեառն իւ-
րոյ , եւ որպէս աղախին առաջի աչաց
տիկնոջ իւրոյ :

Յիշեալ, զի Տէր խիստ եմ, անէծս
կարգամ այնմ՝ որ գործէ զգործ իմ
հեղգութեամբ:

Հայեաց տես որպիսի ինչ մեծարանօք
զնայցեն պաշտօնեայքն ընդ իւրեանց
թագաւորսն:

Եւ ես, որդեակ, թագաւոր եմ թա-
գաւորաց, Տէր տերանց, եւ գու՝ յոր-
ժամ զաստուածեղէն պաշտօնն կա-
տարես, ընդ իս՝ իբրեւ պաշտօնեայ իմ
եւ միջնորդ մարդկան, զճանունց քան
զամենայն իրաց խօսիս, զթողութենէ
մեղաց, զողոպտն արդարութենէ, զնոր-
հաց, զփրկութենէ եւ զփառաց յաւի-
տենականաց:

Իսկ արդ իշխիցես գու յայնչափ եւ
յայնպիսի սուրբ գործս՝ յայլ ինչ իրս
զքս միտս զբօսուցանել, զայնպիսի մե-
ծամեծ իրաց երազախօս բանիւք, ծայ-
րիւ շրթանց եւ զաչոզ այսր անդր յա-
ծելով ճառել, ուր հրեշտակքն օրհնեն,
պետութիւնք երկիր պագանեն եւ սար-
սեն իշխանութիւնք:

Երկիր, որդեակ, յարդարութենէ
իմմէ, գողա յերեսաց իմոց: Զիշխան
անպատիժ դք չկարէ թշնամանել, ապա
առաւել եւս զԱստուած:

Գ. Գիտեմ իսկ զի զոր օրինակ տե-
րեւ որ ի հողմոյ շարժիցի, այսպէս եւ
միայք մարդոյ ի թեթեւ ինչ շնչոյ գիւ-

լաւ իմն քայքայի եւ այլայլի ի մտա-
դրութենէ եւ յաճեալ թափառի, ե-
թէ ոչ այսրէն միւսանդամ ամփոփեացի
զգուշութեամբ:

Վասն սորին իսկ այսորիկ, սրգեակ,
պարտ եւ պատշաճ է քեզ արթուն կալ
յաղօթս եւ երբեք երբեք դրդեալ զար-
թուցանել զքեզ:

Միտ դիր այսուհետեւ, որչափ ինչ
ձեռնհաս իցես, մտաց եւ դիտաւորու-
թեան բանիցն, զի յորդորեացիս զհամ
առնուլ եւ զճաշակ:

Զփառս Երրորդութեան ի կատարա-
ծի Սաղմոսացն ասա յամենայն զօրու-
թենէ մտաց, որով եւ ամփոփեացին իմն
միտքն եւ նորոգեացին եւ առաւել եւս
վառեալ բորբոքեացին:

Յուշ լիցի քեզ զի զգործ Հրեշտա-
կաց վճարես, եւ այնպէս իսկ հաստա-
տեալ դիջիր ի մտի, եթէ ընդ նոսա
իսկ առաջի աթոռոյ իմոյ կայցես, եւ
ընդ նոսա երկիր պագ, օրհնեա, փա-
ռաւոր արա եւ սիրեսջիր:

Նկարեսջիր իմն ի միտս այնպէս՝ եթէ
ընդ իս յաղօթս կացցես ի պարտիզին
ձիթենեաց, եւ եթէ ի թմբրութիւն
ինչ հասանիցէ մտաց քոց անկանել,
լուր զիս՝ թէ ոչ կարացեր, սրգեակ,
ժամ մի արթուն կալ ընդ իս, արթուն
կաց եւ աղօթս արա:

Ե. Տէր, որ եւ ոչ իսկ կարեմ ասել
Տէր զՅիսուս, եթէ ոչ Հոգւովն սրբով,
իսկ զԻարդ մարթ իցէ ինձ առանց քոյ
չնորհաց կալ յաղօթս:

Արդ ուստ ինձ աղօթս առնել, դու
իսկ ինքնին բաց զչրթունս իմ եւ բե-
րան իմ երգեսցէ զօրհնութիւն քո:

Առաքեա զՀոգի քո, զՀոգի աղօթից
եւ խնդրուածոց, զի մի եղէց առաջի
քո իբրեւ զպղինձ որ հնչէ եւ իբրեւ
զճնճղայս որ զաւղանջնէ:

Տէր, կամիս եւ հրամայես զի օրհնես-
ցէ զքեզ անձն իմ եւ սաղմոս ասացից
քեզ մինչեւ եմ ես: Տուր ինձ զոր հրա-
մայես, եւ հրամայես զոր կամիս:

Գ Լ Ո Ի Խ ԼԹ.

Վասն հասարակաց պաշտամանց:

Ա. ԵՐԿԻՐ, սրդեակ, ի սրբութեանց
իմոց, տեսցէ զքեզ յերկիւղի ժողո-
վուրդ իմ, եւ երկիցէ եւ ինքն:

Իմ է սրբութիւնդ, սրդեակ, եւ ոչ
եթէ քո: Գու իսկ բազմիս անդէն զահ-
երէց երեւելի տեսլամբ, այլ ես ար-
դեամբք:

Գու ես անդ քահանայ եւ հովիւ ի
վերայ ժողովրդեան, սակայն եւ այնպէս
փոշի եւ կառ ես յաչս իմ:

Ունել ունիս դու իրաւունս մտանելոյ
եւ մտաշէլոյ, այլ չես արժանի այնպի-

տում պաշտաման, եւ թերեւս եւ քան զոչնարս եւս քո անարժանագոյն :

Ահագին է վայրդ այդ, որդեակ, տուն Աստուծոյ է, եւ դուռն երկնից : Ապա երկիր դու ի մտանելդ քում եւ սակերք քո ահիւ սասանեսցին :

Բ. Տես որպիսի սէր շնորհեցի քեզ, զի քահանայ իմ անուանեսցիս եւ իցես :

Մեծ մեծ եւ բարձրական պատիւ քո, որդեակ, սակայն ոչ եթէ նա ինչ սրբեսցէ զքեզ, այլ քեզ արժան է զայն սրբել :

Պատուեա այսուհետեւ զպաշտօն քո, պահեա զպատուիրանս եւ զկարգս՝ զոր ես պատուիրեցի քեզ զի արասցես : Յովա մի կամ նշանախեց մի ոչ անցցէ, մինչեւ ամենայն եղիցի :

Մինչ պատարագ մատուցանիցես, յորժամ զաստուածեղէն պաշտամունան կատարեսցես, յորժամ զխորհուրդս մատակարարեսցես՝ տեսցէ եւ սքանչասցի ժողովուրդն ընդ մեծարանս քո եւ ընդ պարկեշտութիւն ի պաշտաման իմում, եւ այնու իմն յաստուածպաշտութիւն յորդորեսցի :

Ոչ ինչ ի դիրս, ի շարժմունս, ի գնացս եւ ի ձայնս երեւեսցի, որ պարկեշտութեամբ, ծանրութեամբ, խոնարհութեամբ, վայելչութեամբ եւ երկիւղածութեամբ չիցէ լցեալ :

Ի յաւելումաճոյ սրբականն մտայ՝ ա-
մենայն ինչ յարտաքին կերպարանս
մարմնոյ ուղղեալ յարդարին :

Երանի թէ զսրբութիւն Յովհաննու
Մկրտչի ունէիր : Իցէ թէ տեսանէր ժո-
ղովուրդն զերեսս քո իբրեւ զերեսս հրեշ-
տակի, որպէս կանխաւ իսկ յառաջա-
գոյն ետես ի Ստեփանոս : Ձիարդ յայն-
ժամ զխորհուրդս իմ մեծարէր եւ
պաշտէր :

Գ. Այլ դնէք, քահանայք անկարգք,
որ զսեղան իմ անարդէք եւ զսրբու-
թիւն իմ, որ յանդուզն դիմօք, աչացն
թեթեւութեամբ, ամբարտաւան գնա-
ցիւք, անփութութեամբ կարգացն պաշ-
տամանց եւ երազ երազ զպատարագան
մատուցանելով՝ զժողովուրդ իմ գայ-
թակղեցուցանէք, մինչեւ յերբ անպա-
տուիցէք զիս :

Մինչեւ յերբ զհաւատս եւ զաս-
տուածապաշտութիւն ժողովրդեան իմոյ
առ ոտն հարեալ կոխիցէք : Մինչեւ
յերբ գոչեսցեն եւ աղաղակեսցեն ոչ-
խաբքն իմ ի սրտմտութեան իւրեանոյ՝
թէ ո՛ւր իցէ Աստուած նոցա :

Իսկ արդ միթէ մարթ ինչ իցէ հա-
ւատալ, թէ ի վերայ սեղանոյ նոցա
իջանիցէ նա. իցէ հնար կարծել՝ թէ
զնոսա որ զտաճար իւր ապականիցեն՝
ոչ ապականեսցէ :

Ընկճեա զանօրէնան զայնոսիկ պաշապան իմ Տէր: Եկեացեն ի վերայ նոցա անէծքն որ ի վերայ Նաբաղայ եւ Աբիուդայ հասին:

Ելցէ հուր ի խորանէ քումէ վկայութեան եւ կերիցէ զնոսա, եւ մեռցին առաջի քո: Մերժեն զհաւատս առ իւրեանց կենդանութեամբն, հաստատեացեն զհաւատս ի մեռանել իւրեանց:

Գ Լ Ո Ի Խ Խ .

Վասն հոգեւորական եկեղեցեաց եւ
սեղանաց:

Ա. ՆԱԽԱՆՁ տան Հօր իմոյ ուտէ զիս, զի սիրեմ՝ զնա. եթէ եւ դու սիրես զիս, սրգեակ, սիրեա զվայելութիւն տան իմոյ:

Հայեաց թէ սրպէս մարդիկ անձնասէրք՝ հոգ յանձին ունին վասն տանց իւրեանց, վասն սեղանոց, վասն սենեկաց, վասն մահճաց եւ վասն հանդերձից:

Հայեաց որպիսի ինչ շքեղութիւն եւ զարդ վայելութեան ի տունս տունս իցեն, որպիսի ինչ մաքրութիւն եւ հանդերձանք ի սեղանս, որպիսի մեծաապաս փառաւորութիւն ի սենեակս, ի մահիճս եւ ի հանդերձս:

Հայեաց թէ զի՛արդ մարք խնամ տանին որդւոց իւրեանց՝ զի մաքուրք յամենայնի իցեն եւ փայլեալք:

Եւ դու, օրդեակ, առնուցնա յանձն
զի կացցէ մնացէ տուն սիրելոյ քո
անմարութ, խախտւտ եւ խարխուլ, եզծ
զեզծ իբրեւ այր աւազակաց :

Եւ դու ժուժայցեն զի սեզան իմ,
առազաստ փեսայի անձին քո, աթոս
Արքայի քո, բազին՝ յորում հանապա-
զօր Գառնն անմեղ վասն քո մատչի
զոհ, իցէ ազտեղի եւ ցնցոտեօք դրուա-
զեալ :

Եւ դու հանդուրժեացն լինել անօ-
թոյ Սրբութեանն ազտով, փոշւով եւ
ժանգով ծածկեալ :

Ամաշեացեն եւ զամօթի հարցին այն-
պիսիքն՝ որ զայսպիսեաց անխոյթ արա-
րեալ թողուցուն :

Ո՛վ ազգ անհաւատ. մինչեւ յերբ
իցեմ ընդ ձեզ. մինչեւ ցերբ անսայ-
ցեմ ձեզ :

Բ. Իս եմ Աստուած, եւ չիք այլ ոք
բաց յինէն : Առ սեր իջի ես առ մարդիկ,
զի շջեցայց եւ կենակից նոցա եղէց, զի
բժշկեցից, օգնեցից նոցա եւ զամենայն
գտուրս իմ առատապէս մատակարարե-
ցից. այլ նոքա դարովեալ անարգեցին
զիս, եղէ ես առաջի նոցա իբրեւ ալ-
քատ եւ անանկ :

Գառ արա, օրդեակ, ընդ իս եւ ընդ
նոսա : Զի՞նչ ինչ առնել էր ինձ նոցա՝
եւ ես ոչ արարի : Զի՞նչ իցէ զոր պար-

տիցիմ առնել՝ եւ ոչ առնիցեմ: Այլ նորա մուանան զիս եւ ոչ ճանաչեն եւ անարգեն:

Նորա մարդիկ հաւատարբ իմ, առաջնորդք իմ եւ ծանօթք իմ, որ ընդ իս ի նոյն կերակուր քաղցրանան. նա աւանիկ՝ յիմարեցարուք երկինք վասն պստրիկ, եւ սոսկացէք յոյժ, եղէ ես առաջի նոցա երբեմն որդն եւ ոչ մարդ, նախատինք մարդկան եւ արհամարհանք ժողովրդոց:

Զհացս իմ ոչ հոգացան քահանայք իմ, եւ ապականեցան, եռաց ի նոսա որդն եւ եղեն նողկ, եւ ես ստիպեալ մեկնեցայ:

Տես, որդեակ, եթէ իցեն երբեք նախատինք ըստ նախատանացս լիեալ զայս ամենայն կրեցի ի տան սիրելեաց իմոց:

Գ. Որդեակ. լաւագոյնս եւ ազնուագոյնս ի քէն ակն ունիմ. լիցիս դու առ իս հաւատարիմ, երկիւղած եւ շնորհակալ առաւել քան զնոսա:

Ուշ դիր հաւատտեալ տան իմում, սրբեա ի բաց պարդեա զաղտեղութիւնս նորա, փոյթ յանձին կալ նորողել զաւեր նորա, զարդուց նորա՝ որչափ ինչ ի կարի քում իցէ՝ խնամ տարջիր: Զսեղանս իմ հոգացիս, ջանասցիս խնամել եւ տեսանել զկտաւոցն մաքրութիւն,

զվարագութիւնս եւ զզգեստուց զլրութիւնս
եւ զվայելութիւնս, եւ զսրբոց կահուց
եւ զկազմածոց զմեծապայծառ շքեղու-
թիւնս :

Միտ եղեալ նկատեսցես զանօթս
Սրբութեան իմոյ, զտեսցես եւ սրբես-
ցես, ծածկեսցես վայելուչս եւ բազում
խնամով թաքուցես : Ստէպ եւ յաճա-
խագոյնս զհացս իմ նորոգեսցես, եւ
զգուշացեալ պահեսցես վայելութեամբ :

Վստահ եմ, սրդեակ, զի վառեալ
բորբոքեսցիս նախանձու տան իմոյ, եւ
եթէ ոչ փառս եւ մեծութիւնս կարիցես
ածել իմում տաճարի, այլ գոնէ տացես
զմաքրութիւնս եւ զպայծառութիւնս :

Գ Լ Ո Ւ Խ Խ Ա .

Վասն քո-նոյ եւ նախանձու սքոյ :

Ա . ԵՍ Տէր նախանձաւոր եմ ոգւոց :
Ըստ պատկերի եւ ըստ նմանութեան ի-
մում արարի զհոգիս . իջի յերկնից զի
խնդրեցից զայնս եւ զկորուսեալն կե-
ցուցից :

Զհոգիս ուսուցի, լուսաւորեցի եւ
սրբեցի, արեամբ իմով զնեցի զնտա,
խօսեցայ ինձ, եւ լուացի, զամենայն ինչ
ի նոցին փրկութիւնս կարգեալ յարգա-
րեցի . նմին իրի իսկ եւ սասաիկ ցանկամ
զի յետոյ ուրեմն զարքայութեանն վայ-
ելութիւնս եւ զթագնս զեղեցկութեանն

ի ձեռանէ իմմէ ընկալցին : Տես թէ որ-
պէս եւ զիարդ սիրեմ զնոսա :

Ապա տուր ինձ , որդեակ , զՏողիս ,
եւ այլն ամենայն քեզ լիցի : Օգնական
իմ ես . լեր ընդ իս յամենայն զօրութե-
նէ քումէ գործակից նոցին փրկու-
թեան : ձգեա զնոսա առ իս :

Զայս թէ արասցես , զսիրտ իմ լըց-
ցես ցնծութեամբ , ուրախ արասցես
զՏրեշտակս իմ , կրկին պատուոյ արժա-
նի լինիցիս . զանձն քո ապրեցուցես ,
եւ ծագեացես իբրեւ զաստեղս յաւի-
տեանս եւ եւս :

Բ . Աթէ ոգիքն փրկեացին՝ զուխս
փափկութեան իմոյ արբցեն յաւիտեան ,
ապա թէ կորնչիցին՝ բաժին նոցա լիցի
յաւիտեանս ի լճին այրեցելոյ Տրով եւ
ծծըմբով , ուր եղիցի լալ եւ կրճել ա-
տամանց :

Իցիւ , որդեակ , գիտացեալ քո՝ թէ
որպիսի ինչ գործ իցէ լինել ինձ գոր-
ծակից յողոցն փրկութիւն . արդարեւ
իսկ քան զամենայն գործս աստուա-
ծեղէնս՝ եւս իմն աստուածեղէն :

Ես զերկինս եւ զերկիր արարի , իսկ
որ զՏողիսն փրկէ՝ զերկիր յերկինս շրջէ :

Ես վառեցի յերկինս զլուսաւորսն մե-
ծամեծս , այլ որ զմարտեալսն լուսաւորի-
ցէ՝ լուսաւորս սպայծառագոյնս լուցանիցէ :

Ես ստեղծի զմարդ , իսկ որ ապրեցու-

ցանկէն զնա՝ արդար եւ սիրելի ինձ զնա
յարդարէ :

Տես, սրդեակ, եթէ սրպէս սիրիցեմ
դքեզ : Մինչ իշխանութիւն զհոգիան
փրկելոյ տամ քեզ, տամ քեզ իշխա-
նութիւն մեծամեծս գործելոյ :

Գ. Արդ յետ այնչափ եւ այնպիսի
իշխանութեամբ զարդարեալ լինելոյ եւ
այնպիսի պաշտամամբ երեւելի դասնե-
լոյ, կայցես տակաւին շողեալ եւ պա-
տեալ յիրս աշխարհականս եւ ի նա-
նրութիւնս երկրաւորս :

Ի բաց թօթափեա, սրդեակ, զայլ
ամենայն հոգս. այն իսկ միայն լիցի քո
գործ՝ արբանեկել ինձ ի շահել զհոգիս :

Ծառայ իմ ես, զոր ինչ եւ ունիս՝
ինձ ունիս, զոր ինչ եւ ձեռնհաս իցես,
ինձ ես ձեռնհաս :

Երթ յիմ անուն, ուստ, աւետարա-
նեա, դարձո, խնդրեա, բնկալ, բժշկեա,
ած ի կատարելութիւնս եւ փրկեա զհո-
գիս. յայս իսկ առաքեցար, զոյն գոր-
ծեա, ծախես ջիր եւ առաւել ծախես-
ջիր զանձն վասն հոգւոյ :

Դ. Միրես զիս, սրդեակ : Յոյց ինձ
զսէր քո յարդեանցն գործոյ :

Որ սղորմի անանկին՝ ինձ ողորմի, որ
տայ աղքատին՝ ինձ տայ. որ միում ի
փոքրկանցս իմոց առնէ երախտիս՝ ինձ
առնէ :

Ապա որպիսի ինչ նուէր մատուցանիցես ինձ, եթէ զողոցն՝ որ յինէն գնեցան՝ զփրկութիւն հոգայցես :

Եւ արդարեւ իսկ կարի յոյժ առաւելագոյն է ողոցն փրկութիւն, քան զչամբել աղքատին կերակուր :

Ե. Տես թէ քանի՞օն դանձաւ արժանեաց դանձեացես քեզ յերկինս, եթէ յողոցն փրկութիւն թեւակոխեսցես :

Որ տայ բաժակ մի ջուր ցուրտ յանուն իմ՝ ոչ կորուսցէ զվարձս իւր, ապա որպիսի ինչ եղիցի վարձք քո՝ եթէ զհոգիսն տայցես ինձ :

Որ գայթակղեցուցանէ զեղբայրն, նորա յանցանացն պատժապարտ գտանի. եւ դու եթէ ի փրկութիւն զմարդիկ հասուցանիցես՝ բազորդ եւ բաժանորդ դարձին նոցա եւ սրբութեան եւ համօրէն բարեացն գործոց լինիցիս :

Զ. Քարոզեսջիր դու այսուհետեւ զբանն, հաս ի վերայ ժամու, յանդիմանեա, սաստեա, միսիթարեա ամենայն երկայնմտութեամբ եւ վարդապետութեամբ, զի զհոգիսն փրկեսցես, եւ ի վերայ ամենայն ընչից իմոց կացուցից զքեզ :

Բարէ. եթէ զմի միայն հոգի եւեթ բաւական էիր դու ապրեցուցանել, ո՞չ ապաքէն պարտ եւ պատշաճ էր քեզ վասն այնր զանձն քո մասնել, զոր օրի-

նակ մատնեցի ես զանձն իմ վասն քո :
Իսկ ո՞րչափ եւս առաւել՝ յորժամ զբա-
զումսն կարիցես կեցուցանել, պարտիս
սաստիկ նախանձու բորբոքել առ ի զայնս
փրկելոյ :

Ո՞րդեակ, մարթիցիս ժուժալ հան-
դուրժել՝ զի քոյսլ իսկ գիտութեամբ
կորիցէ եղբայրն, վասն որոյ եսն մեռայ :

Ահաւասիկ սատանայ ոչ ննջէ, այլ
իբրեւ զառեւծ փորոտայ որոտայ, հա-
նապազ շրջի զի գողասցի, սպանցէ, կո-
րուցէ եւ կլանիցէ, եւ դու ննջիցես եւ
ձեռն զձերբ ածեալ լնու եւեթ կայցես :

Ամէն, ամէն ասեմ քեզ, եթէ զոչ-
խարացն իմոց զփրկութենէ չունիցիս ինչ
հոգ յանձին, արիւն նոցա գոչեացէ առ
իս յերկրէ, եւ զարիւն նոցա ի ձեռաց
քոյ խնդրեցից :

Գ Լ Ո Ի Խ ԽԲ .

Վասն հովնախան գրնախիան :

Ա. Ո՞ՐԴԵԱԿ, ես եմ Հովնն քաջ եւ
ճանաչեմ զոչխարս իմ : Եթէ կամիցիս
զալ զկնի իմ, ծանիր հաւաստեալ զգէմն
կերպարանայ հօտի քո : Այնպէս ար-
թուն լինիջիր, զի որ պահապանդ ես
հօտին՝ գիտասցես զինչ ինչ զցերեկ եւ
զինչ զցայտ գիպիցի :

Եթէ ոչ սկեսցես՝ լիցիս առաջի իմ
իբրեւ վարձկան փախստական՝ որում չէ

փոյթ վասն ոչխարացն, եւ գայլն եկեացէ,
յափշտակեացէ եւ ցրուեացէ զոչխարսն :

Եւ յորժամ ցրուեալ վարատեացին,
դու անտեղեակ լինիցիս եւ ոչ երթիցես
ի խնդիր նոցա մինչեւ գտանիցես զնոսա,
եւ այնպէս եղիցին կերակուր գազանաց
անապատի :

Եւ անգա ուրեմն արիւն նոցա բողո-
քեացէ առ իս յերկրէ եւ ասիցէ՝ վայ
հովուին մերոյ որ զանձն իւր արածեաց
եւ զմեզ ոչ արածեաց . գազան չար
եկեր զմեզ՝ եւ ոչ հայեցաւ :

Հան, Տէր, զփրէժ արեան մերոյ, եղի-
ցին աւուրք հովուին մերոյ նուազ, եւ
զկարգ նորա առցէ այլ . տայէ համարս
վասն որդոց մերոց :

Ջնջեացի յերկրէ անուն նորա . մեղք
նորա մի ջնջեացին՝ փոխանակ զի ոչ յի-
շեաց սկել մեզ :

Բ. Ապա դու, սրդեակ, արթուն լեր
եւ սկեսջեր : Այլ զնարդ պարտիցիս
սկել : Ասլ քեզ օրինակ յազնուագոյն
մօրէ եւ ի հաւատարիմ հովուէ խաշանց :

Նա զթիւ իւրոց որդւոցն գիտէ, եւ
սա զիւրոց ոչխարաց :

Նա ի մէջ որդւոց իւրոց վաստակէ եւ
հանդչի, զի միշտ իսկ եւ հանապազ
զաչս իւր ի վերայ նոցա բացեալ ունի-
ցի, կամ թէ առ թեթեւ ինչ նշանակ
ի նոսա հայեացի :

Իսկ սա ի համար արկեալ թուէ մի ըստ միտջէ զոչխարսն՝ որ ի փարախ անդր մասնիցեն , փակէ զգուշութեամբ , այց առնէ ընդ այդն , եւ յորժամ արտաքս ելանիցեն՝ զհետ երթայ :

Կա զշարժմունս , զբանս , զգնացս , զկարիս , զառողջութիւն , զհիւանդութիւն , զվաստակս , զբարեպաշտութիւն , զչարութիւն , զնենգութիւնս , զհամեստութիւն , զըբութիւն եւ զամենայն ինչ զորդւոցն մեծաւ հոգաբարձութեամբ նկատեալ դիտէ , զի յամենայնի խնամ կարցի , յանձանձեացէ , խրատեացէ , ուղղեացէ , զօրացուացէ եւ ածցէ ի կատարելութիւն :

Եւ սա զոչխարսն որ ճարակիինն եւ որ սչն ճարակիցին , զողջսն եւ զախտութէտս , զպարարտսն եւ զվտիտս , զհաստատունսն եւ որ յօժարագոյն ի փախչել իցեն՝ բազում հաւաստեալ ուշ եղեալ նկատէ , զի յամենայնի որ ինչ անկ եւ ի դէպ իցէ՝ վճարել կարացէ :

Գ. Ըրգարեւ , սրգեակ , առաւել եւս պարախ դու սիրել զոչխարս իմ , քան մայրն զորդիս եւ հովիւ զոչխարս իւր :

Քանզի վասն իմ պարախ սիրել դու զնոսա եւ այնչափ՝ եւս առաւել՝ որչափ զի վասն այնորիկ արարի ես քեզ զնոսա յանձն՝ զի յառաւելութիւն սիրոյ քո յուսացեալ վստահ եղէ :

Ապաքէն, որդեակ, եթէ համարէի ոչ թէ սիրես դու զիս, չասէի քեզ եթէ արածեա զոչխարս իմ:

Ապա գոնեայ իբրեւ զայն մայր եւ զհովիւ սկեսջիր: Ապց մնա դու հաստատուն ի մէջ ժողովրդեան քո, եւ հազիւ ուրեմն՝ յորժամ հարկ ի վերայ հասանիցէ, մեկնեսջիր:

Ծանիր զթիւ համարոյ քոյոցն ոչխարաց այնպէս՝ որպէս զի եւ յականէ իսկ յանուանէ կոչել զնոսա մարթացիս:

Այնպէս իմն դէտակն ի վեր ամբարձեալ եւ զականջս քո ի վերայ նոցա ուղղեալ կացցես, զի զինչ գէպք եւ տայցեն՝ անդէն նկատեալ նշմարեացես, եւ անտի զբոյս բարուց իւրաքանչիւր ի միտ առցես:

Ճշդիւ գտակաւ այց արա հօտի քում, զի գիտացես հանապաղ՝ թէ զիարդ կայցէ անձն այսր կամ այնր անուան, զոր խրատ կամ դեղ դարմանոյ պարտիցէ մատուցանել, զովութեանն արդեւք եթէ պարսաւանաց կարօտիցէ, խթանի թէ կշտամբութեան:

Գ. Օայս թէ այսպէս առնիցես, տեսցես թէ ո՞չ ք աստուածապաշտքն իցեն, եւ զնոսա կատարեալս գործեսցես եւ յառաւելագոյն սրբութիւն ասիցես, եւ ո՞չ ք մեղաւորք եւ ամպարիշտք՝ եւ զնոսին յապաշխարութիւն կոչեսցես:

Տեոցես զգեխան եւ զշուայտաբարոյս,
եւ զուն եղեալ ջանայցես զդէպս ի բաց
ի միջոյ բառնալ, զզազփաղփուն երի-
տասարդութիւն ի պարուց եւ ի կա-
քաւուց յետս կասեցուցանել, զընդու-
նայնութիւն կարճել, զերթեւեկս վտան-
գազործս կտրեալ հատանել, զվտի
երգս եւ զցուցս արդելուլ, եւ խելօք
իմն եւ հնարիւք երգս նուիրականս փո-
խանակ ընդ այնոցիկ ի ներքս մուծանել:

Տեոցես՝ ոյք թշնամիք միմեանց իցեն,
եւ փոյթ արասցես զատելութիւնն շի-
ջուցանել եւ ընդ իրեարս հաշտեցու-
ցանել:

Ջազահան՝ յառատութիւն եւ յորո-
մածութիւն յորդորեցես. զանիրաւն
եւ զյափշտակողս, զվաշխս եւ զնեն-
գութիւնս ի բաց ջանասցիս հատանել:

Յամուսինան գժտեալս եւ պառակ-
տեալս՝ զխաղաղութիւն սիրոյ իմոյ հնա-
րեցիս տնկել:

Ջհայհոյիչան կշտամբեցես, զլրբա-
խօսիցն եւ զբամբասասիրաց զբերանս
կարկեացես:

Ջծնողս՝ որ ոչ զորդւոց իւրեանց հո-
գայցեն՝ յանդիմանեացես. զորդիսանհնա-
զանդս ծնողաց՝ սաստկակոծ արատցես:

Ջտգէտան թեւակոխեացես ուսուցա-
նել, եւ որ առ խորհուրդս եւ առ պաշ-
տամունս աստուածեղէնս գանդաղա-

գոյնք իցեն՝ եւ զնոսա ընդոտուցեալ
յօժարեցուցանիցես :

Զարբշուս եւ զցանկասէրս՝ ոպառնա-
լեօք սրամտութեան իմոյ երկեցուսցես :

Զվայրս հասարակաց՝ որ յուսութեանց
եւ անօրէնութեանց պատճառք լինի-
ցին , ի ձեռն քաղաքային իշխանու-
թեան խափանեցես եւ ի յօրինուա-
ծութիւն ւժիցես :

Եթէ մատեանք ինչ հակառակ հա-
ւատոց եւ ընդդէմ բարի վարուց սփռեա-
ցին , զնեցցին եւ ընթերցցին , եւ զայնս
եւս դուն գործեսցես բառնալ ի միջոյ ,
բնաջինջ առնել եւ այրել :

Տես թէ որպէս կարող իցես տքնու-
թեամբ եւ արթնութեամբ համօրէն
չարեաց դարման տանել , եւ բարիս մե-
ծամեծս հողալ , բնդ ամենայնի ամենայն
լինել , որպէս եւ վայել իսկ է պաշաօ-
նէին Աստուծոյ :

Ե. Այլ առանց տքնութեան որչափ
եւ բարեպաշտ եւ ուսեալ իցես , զինչ
օգտեսցիս , զինչ շահս ի վաստակելոյ
եւ յուսուցանելոյ շահեսցիս :

Վիցիս , որդեակ , իբրեւ զպղինձ որ
հնչէ , իբրեւ զճնձղայս որ զաւղանջնն ,
հարցիս ընդ լսելիս՝ այլ ի նպատակ անդր
ոչ հասցես :

Զկրօնից եւ զհրամանակարդ բանից
ձառեսցես , մինչ զբարուց արժան իցէ

խօսել, եւ խօսեացիս զբարուց՝ յորժամ
զկրօնից պարտ էր բարբառել :

Գեղս ցուցցես եւ տացես ընդդէմ
ախտից՝ որ շիցեն իսկ ի միջի, եւ ախտից
որ սպրդեալ ի ներքս մտանիցեն՝ թոյլ
տացես ճարակել եւ տոշորել :

Այս իցես բժիշկ ուսեալ, այլ անմիտ՝
որ ոչ զհիւանդն քննեալ եւ նկատեալ՝
զստամեքս զողջ եւ զառողջ դարմանէ,
ուր պարտ իսկ էր նմա՝ զկուրծսն հիւանդ
բժշկել :

Այսուհետեւ մեծաւ զգուշութեամբ
սկեսջիր ազարակի քում, զի մարթաս-
ցիս ի դէպ ժամու անկել՝ ուր ոչն դու-
ցէ, ուռոզանել՝ ուր երաշան իցէ, եւ ար-
կանել աղբ՝ ուր կայցէ անպտղութիւն :

Գ Լ Ո Ի Խ ԽԳ .

Ասան զհանխոսն ի հասարս իրիելայ :

Ա . ԲՐԴԵԱ, սրդեակ, մանկանց զհաց,
դոքա են ինձ առաւել քան զամենե-
սեան մեծարդիք եւ սիրելիք : Աժ զնոսս
առ իս, զի այնպիսեացն է արքայու-
թիւն երկնից :

Ի մանկանց որ բարւոք սնուցեալ եւ
կրթեալ իցեն՝ կազմի ժողովուրդ հզօր
եւ զգաստ . ի մանկանց որ քաջ խրա-
տեալ իցեն եւ երկիւղած՝ յարդարի
ընկերութիւն հաւատացելոց եւ ժողով
սրբոց :

Զոր օրինակ հունձք զսերմանց կախին, այսպէս եւ մարդկան սրբութիւն՝ զառաջնմէ կրթութենէ:

Սերմանեա, սրգեակ, զի հնձեացես. զսերմն աստուածպաշտութեան եւ սրբոյ երկիւղի արկ ի սիրտս մանկուոյ, ու ոգեա զայն ցօղով յաճախագոյն խրատուց եւ յորդորմանց. բողբջեալ ծաղկեացէ եւ տացէ պտուղ ի ժամու իւրում:

Կակուղ են իբրեւ զմամ սիրտք տղայոց, զկերպարանս՝ զոր եւ կամեսցիս՝ դիւրաւ ընդունին: Ապա դրոշմեա եւ տպաւորեա ի նոսա զձեւ կերպարանաց սրբութեան՝ եւ մնացէ հաստատուն:

Բ. Մի ամօթ համարիցիս, սրգեակ, լինել իբրեւ զմանուկ ի միջին նոցա եւ որպէս դայեակ որ յանձանձիցէ զորդիս իւր, քանդի եւ ոչ իսկ ես ամօթ համարեցայ լինել մարդ ի մէջ մարդկան, զի զքեզ փրկեցից:

Ոչ ամօթ ինչ համարեցաւ Պաւղոս լինել ընդ տկարս իբրեւ զտկար, ընդ ամենայնի ամենայն եղեւ, զի թերեւս զամենեսին ապրեցուցէ:

Եղիայի եւ Եղիշէի լիջիր նմանող: Զի զհոգի մանկանն դարձուցանիցեն՝ ոչ ամաչեցին ըստ փոքրկութեան մանկանն զիւրեանց անդամն ամփոփել, եւ զբերան իւրեանց ի վերայ բերանոյ մանկանն, զձեռնն ի վերայ ձեռայն եւ զոտս ի

վերայ ոտիցն եղեալ պատշաճեցուցանել. եւ այնպէս զանձինս ըստ մանկանն պատշաճելով՝ զհողի կենդանութեան հեղին ի նա :

Ըստ սմին նմանութեան եւ դու՝ թէպէտ եւ երեւելի եւ հոյակապ գիտութեամբ իցես, մի գարշեսցիս ըստ մանրկուոյն եւ ըստ անուամանցն բաւականութեան զանձն իջուցանել, զի Հողի շնորհաց հեղցես ի վերայ նոցա, եւ որոց շիջենն տակաւին բաւական հաստատուն կերակրոյ՝ կաթն ջամբեսցես, զի աճեսցեն եւ զարգացին ի փրկութիւն :

Գ. Ս՛ բարեգութ Յիսուս. ո՞ որ այսուհետեւ զամօթի հարցի խոնարհել աւփոքրիունս, յորժամ դու՝ որ Աստուած իսկ ես, տարածեալ քաղցրութեամբ զբազուկս քո եւ զիրկս արկեալ փարիցիս զմանկամբ :

Տուր ինձ զոմն բարեպաշտօն, որ ոչ զիւրն ինչ՝ այլ զքոյսն խնդրեսցէ, որ ամենեւին իսկ սիրով, խոնարհութեամբ եւ աստուածպաշտութեամբ լցեալ իցէ, սա առցէ ի միտ թէ քանի լաւ, սրչափ հեշտական, սրպէս պիտանի եւ փառաւոր դործ իցէ ի սուրբ հրահանգս մանկուոյ զանձն ծախել :

Գ. Ապաքէն ասղտկաց իմն եւ գարշի, սրդեակ, անձն ամբարտաւանից ի պաշտամանէ այսի, քանզի կորուսե-

լոյն յիմարութիւն է, այլ սրբոց պաշ-
տօնէից՝ զօրութիւն Աստուծոյ :

Ձի զի՛նչ մեծ կայցէ բնաւ՝ քան զհո-
գիան լուսաւորել, սրբել, կատարեալ
գործել եւ ապրեցուցանել : Եւ երբ ար-
գելք առաւելագոյն լուսաւորիցին, սրբ-
բիցին, կատարեալ յարդարիցին եւ հա-
տանիցեն փրկութեան, բայց եթէ՝ մինչ
զեւ մանուկ ուրեմն իցեն՝ ուսեալ կրթ-
ութեացին :

Բազում անգամ թերեւս, նրդեակ,
ի սրբոց բեմէ սրտապեր, այլ սրչափոյս
դարձուցեր : Մեծապայծառ իմն գործ-
գործեցեր, քան յորժամ ընդ մանրկ-
աւոյն գործեալ էիր. այլ ո՞ր այն տոհմա-
կանքն իցեն : Անկաւ սերմն յապառա-
ժի, եւ ընդ բուսանելն չորացաւ առ ի
չդոյէ հիւթոյ :

Սերմանեա, նրդեակ, յերկիր բարի,
ի սիրտս որ տակաւին յանմեղութեան
իցեն : Ահիցի արդարեւ միամտութիւն
քո լապտեր անդոսնեալ ի խորհուրդս
մեծատանց, այլ բուսցի, արասցէ պտուղ
հարիւրապատիկ, եւ զոր վարեան եւ
սերմանեա խոնարհութեամբ՝ ցնծու-
թեամբ հնձեացես :

Ե . Ուստ այսուհետեւ զմանկունս եւ
յաճախագոյնս իսկ . մի բարձրագոյնս
ինչ ճառեացես եւ մի բազումս, այլ
սակաւս, հեշտընկալս, զիւրահաստ,

լուսաւորս , բազում անգամ՝ եւ պէտպէս
օրինակօք յեղյեղեալ :

Մի ճոխագոյնս եւ տիրաբար , այլ քաղ-
ցրութեամբ՝ եւ սիրով , բայց յայնժամ՝
յորժամ խստապարանոյք իցեն եւ ողն-
դժնեայք . մի կարի ընտանեբար՝ այլ
խբրեւ զՏայր . մի ծաղու եւ կատակաւ ,
այլ համեստութեամբ՝ եւ երկիւղածու-
թեամբ :

Մի զուսումն վարդապետութեան եւ
զպատուիրանս եւեթ առաջի գնիցես ,
այլ եւ օրինակս եւս եւ պատճառս ըն-
ծայեցուցիր :

Մեծարեսցեն զքեղ , երկիցեն ի քէն ,
սիրեսցեն զքեղ , ուրախ լիցին ի լսել
զքեղ , եւ այնպէս բանք քո կակուղք
քան զձէթ՝ եղիցին որպէս սլաք , որ
մխեալ միանգամ ի սիրա՝ կացցեն
մնասցեն :

Զ. Այլ մի զուսմանէ նոցա միայն
փոյթ յանձին ունիցիս . եւ զն՝ իսկ իցէ
գիտութիւն առանց վարուց լաւութեան :
Ապա բազում հաւատաւեալ սկեսջիր վա-
րուց նոցա :

Բազում անգամ ի տարւոջ ժողու-
վեաջի ի մի վայր զՏօա քո փոքրիկ , եւ
ծանիր գտակաւ զկերպարանս նոցա :

Լուր զմանկանց խոստովանութիւնս ,
հարց զնստա , աեսցես բազում անգամ
զարութիւն կանխեալ քան զախ հա-

ասկի, եւ թէ երբեմն եւ այն ինչ ծնելոյ՝ պիտոյ է սանձ:

Գիցես յայնժամ՝ սանձս եւ կարճեսցի յարձակումն չարին. սպանցի օճն մինչ դեռ կորին իսկ իցէ: Զաստուած պաշտութիւն ի տեղւոջ ախտից տնկեսցես, ուղղանեսցես աղօթիւք եւ աճեսցէ:

Ապա թէ ոչ ցանկ ուշ կալցիս, եւ զխոստովանութիւնս մանկանց ոչ լուիցես, բուսցին փուշք, ելցեն եւ հեղձուսցեն զամենայն սերմն բարի, եւ այնպէս ի ժամանակի հնձոց ոչ գացի՝ բայց որոմն ի կապել խրճունս առ ի յայրել:

Գ Լ Ո Ի Խ ԽԳ.

Վասն զաղտորս Ի— զանասմանս հրահանփելոյ:

Ա. ԶԻՔ ակնառութիւն առաջի իմ, սրգեակ, ամենեքին ոգիք իմ են, ամենեքին իմով արեամբ գնեալ:

Ոչ գոյ մեծատուն եւ աղքատ առաջի իմ. երկոցուն եւս կայ եւ պահի նոյն եւ մի յաւիտենականութիւն, նոյն փառք՝ եթէ վրկեսցին, եւ դատապարտութիւն նոյն՝ եթէ ի կորուստ գնացեն:

Զնոյն Հայր ունին յերկինս, զնոյն Եկեղեցի մայր յերկրի, զնոյն հոգեւոր կերակուր ի խորհուրդս:

Մանաւանդ թէ աւետարանել աղքատաց առաքեաց զիս Հայր իմ. եւ

դու, սրդեակ, ի նոյն գործ առաքե-
ցար, ապա տես զի զպաշտօն քո կա-
տարեալ կալցիս :

Բ. Քարողես, ուսուցանես զհաւատա-
բայց ո՞չ ապաքէն բազումք այնոքիկ են՝
որք թաքչինն ի տապոյ քումէ :

Ո՞չ բազումք ի քոյ ոչխարաց յաղ-
տեղութիւնս աղքատութեան եւ ի յո-
ւուութիւնս հաւանրնկերս թաւալեալ
թաթաւեալ կան առանց հրահանգաց
կրթութեան :

Ո՞չ ապաքէն յորվագոյնք վասն իւ-
րեանց չքաւորութեանն եւ առ ի չգոյէ
վայելուչն հանդերձից՝ ընդ ամօթ հա-
րեալ պատկառեալ չիշխեն երեւել
յեկեղեցւոջ եւ ոչ յուսմունս հրահան-
գաց մօտ հասանել :

Ո՞չ բազումք վասն յանտառս եւ յա-
գարակս բացածիգս գտանելոյ եւ հեռի
ի տաճարէն լինելոյ, կամ թէ վասն հո-
գոյ խաշանցն չկարեն գալ ժողովել ի
պաշտամունս աստուածեղէնս, յայն
սակս իսկ կան մնան ամենեւին տխմարք
եւ շինականք ի խաւարի իւրեանց եւ ի
կոյրն գիշերի տգիտութեան :

Իսկ արդ՝ զի՞ ասես դու, հովիւդ, վասն
այոց ոչխարաց : Քարողեմ, ասես, եւ ու-
սուցանեմ զհաւատս, մատիցեն եւ լուի-
ցեն : Արդեակ, ոչ գտանեմ զգործս
քո կատարեալ :

Ոչ եթէ զայն ինչ միայն ատայի ցաւ
ուաքեալն իմ՝ թէ աշակերտեցէք, այլ
թէ դնացէք եւ աշակերտեցէք: Եւ ցքեզ
իսկ ասեմ, սրբեակ, ել ի ճանապարհս
եւ ի ցանդս, զխեղս, զկոյրս եւ զկաղս
խնդրեա, կոչեա եւ արա մտանել, զի
լոցի տունս իմ երկնաւոր:

Գ. Այլ ազդ տունեմ, ասես, եւ
խրատ տամ զի եկեսցեն եւ լուիցեն:
Միթէ իցէ բաւական, սրբեակ, ազա-
ղակել հովուի առ ոչխարսն մարտեալս:
Եւ ոչ բնաւ. այլ ընթանայ մինչեւ
գացէ զնոս:

Ես հովիւս քաջ՝ մինչ յաշխարհի սատ
էի, ոչ սպասեալ կացի միայն ոչխարացն
այնպիսեաց, այլ եւ սիրտ ի բերան խըն-
դրեցի ընդ անապատս:

Ոչ սպասեցի քեզ, սրբեակ, այլ ի
խնդիր ելի, եւ եթէ ոչ կանխեալ խըն-
դրէի զքեզ եւ ածէի, ո՞ր գտանէիր:

Ես ի ջրհոր Սամարացւոյն չորայ. անդ
ուսուցի զնա, անդ աւետարանեցի:

Տես սրպէս առաքեալքն իմ ընդ
չէնս եւ ընդ գեօղս եւ ընդ հիւլս դաշ-
տաց եւ ընդ անապատ ակղիս անցեալ
դնացին՝ զճճմարտութիւն վարդապե-
տութեանն, զլոյս շնորհաց եւ զխաղա-
ղութեանն օրհնութիւն ամենեցուն
հազարդերով:

Տես թէ զիարդ Բուռովես եւ Սաղե-

սեանն Փրանկիսկոս ընդ վախուտ եւ ընդ անկոխ ամառայո իբրեւ սողալով իմն հատեալ անցին, զի հասցեն առ ժողովուրդս անմատոյցս եւ քարոզեսցեն աղքատաց :

Գ. Ընթա, եւ դու, որդեակ, ընթա ձեպեա առ ոչխարս հեռաստանեայս, եւ լուիցեն ձայնի քում :

Յայց ել նոցա, որպէս ես արեգակնս այց արարի ի բարձանց, երեւել որոց ի խաւարի եւ ի ստուերս մահու նստէին. ժողովեա զնոսա եւ տացես նոցա կերակուր աւանձինն ի ժամու :

Ապա եթէ մեծ իցէ հօտ քո, մինչեւ չլինել քեզ բաւական միում միում իւրաքանչիւր յոչխարացն տգիտաց աւանձինն զօգնականութիւնս սրբոյ վարդապետութեանն հասուցանել, փոյթարա զի ի ձեռն իմաստնագոյն, զգօնագոյն եւ զիտնագոյն ոչխարաց՝ տգէտքն ուսցին :

Եւ դու եւս ինքնին հովուեսջիր եւ սկեսջիր ամենայնի, ստէպ համարս պահանջեա, եւ մի հանդիցես մինչեւ զիտացես թէ ի լոյս եւ ի սրբութեան շրջիցին եւ թէ ուսեալ եւ կրթեալ իցեն եւ աստուածապաշտ :

Բայց թերեւս ասիցես՝ թէ մեծ իմն աշխատութիւն է այդ. զի է զի խօսիսդ, որդեակ : Գաղարեա ի տրանջելոյ զօտաւ

ածեալ զիմ եւ զսրբոց իմոց զվաստակս
վասն հոգւոց փրկութեան :

Յամօթ լեր, Սիդոն, ասէ ծով, եւ
եթէ զպատճառն հարցանիցես թէ վասն
էր՝ լուր. վասն դոյզն ինչ իրս հայթայ-
թելոյ՝ երկայնաձիգ ճանապարհ հատա-
նի, իսկ վասն պատուականն ոգւոյ՝ թէ
քայլ մի ոտին յառաջ փոխի հազիւ
հազիւ :

Գ Լ Ո Ի Խ ԽԵ .

Վասն Գարուսիւն Բանին Ասորո՛ւնոյ :

Ա . Ս Ա՛Յ քեզ, սրգեակ, եթէ ոչ
աւետարանեսցես : Գոչեա զօրութեամբ
եւ մի խնայեար . բարձրացո իբրեւ զփո-
ղոյ զբարբառ քո . պատմեա ժողովրդեան
իմում զանօրէնութիւնս նոցա եւ զմեղս :

Յապաշխարութիւն կոչեա զնոսա,
ուստ նոցա պահել զամենայն որ ինչ պա-
տուիրեցի նոցա :

Եթէ ոչ զգուշացուցանիցես եւ կո-
րիցեն, զարիւն նոցա ի ձեռաց քոց խրն-
դրեցից . ապա եթէ դու զգուշացուցա-
նիցես եւ նոքա ոչ արասցեն՝ դու զանձն
քո ապրեցուցեր :

Խօսեաց, խօսեաց զվկայութիւնս իմ
առաջի նոցին իսկ թաղաւորաց, եւ մի
ամաշիցես, զի ոչ եթէ դու իցես որ խօ-
սիցիսն՝ այլ Հոգին Հօր իմոյ՝ որ խօսիցի
ի քեզ :

Բ. Աւար զհրամանն, սրդեակ, վայ
քեզ եթէ ոչ հնազանդեսցիս. տայցես
վրէժս ի սատակումն յաւխանից՝ յոր-
ժամ եկից ի դատել :

Աւար թէ որպիսի պաշտօն քեզ
յանձն լիեալ իցէ. տես թէ սրչափ բարձր
իցէ : Աստուծոյ օգնական կարգեալ ես,
վասն նորա պատգամաւորիս, որպէս եւ
Աստուծոյ բարեխօսութեամբ քեւ :

Ի ձեռն քո իբրեւ ընդ ջրմուղ զբան
իւր առաքէ եւ զշնորհս իւր եւ զարժա-
նիսն բաշխէ :

Եւ դու ծոյլ իցես կատարել զպա-
տուիրանն զայն սաստիկ եւ մեծարոյ :
Փակեալ կալցիս զշրթունս քո ի շա-
բաթս եւ յամսամուտս, ի կիւրակէս եւ
յաւուրս տօնականս : Քաւ լիցի, սրդեակ,
քաւ լիցի. քարոզեա զբանն, քարոզեա
առանց դադարելոյ :

Ոչ հացիւ միայն կեցցէ մարդ, այլ
ամենայն բանիւ որ ելանէ ի բերանոյ իմ-
մէ, տուր զհացս զայս իջեալ յերկնից
ոչխարացն՝ որ քեզ յանձն լեալ իցեն,
զի մի մեռանիցին, տուր յաճախագոյնս՝
զի աճեսցեն եւ զօրասցին :

Գ. Նախ արարի եւ ապա ուսուցի,
այսպէս քարոզեցի ես, սրդեակ : Արդ-
արա դու նախ այսուհետեւ, զի առակ
օրինակի լիեալ հօտին իմոյ՝ արածեսցես
զայն ի սրտէ :

Աղնուազոյն քարոզութիւնն լինիցի, յորում առաւել օրինակօք քան բանիւք ասիցես ցոչխարսն իմ՝ թէ նմանողք ինձ եղերուք՝ որպէս եւ ես Քրիստոսի. զնացէք՝ որպէս ունիքդ զմեզ ձեզ օրինակ:

Զհարդ առաքինութիւնս կարիցես յանձն առնել նոցա, յորժամ դու յայնցանէ թափուր իցես: Ո՞րպէս հատցես ի բաց զյոռութիւնսն՝ եթէ ի նստին կեցցես: Սուրբ, ցածուն, զգաստ, արդար, տղորմած եւ աստուածապաշտ լինիջիր, եթէ նոյնալիսիս եւ զայլսն կամիցիս յարդարել:

Մի զբանս քո յամօթ արատցեն գործք քո, մի գուցէ մինչ խօսիցիսն յեկեղեցւոջ տացէ քեզ ո՞րք եւ իցէ պատասխանի լռելեայն, թէ հիմ ապա զայդ ամենայն զոր ասեսդ՝ ինքնին ոչ առնիցես:

Գ. Մի պատիր բանիւք իմաստութեան մարդկան, այլ զօրութեամբ Աստուծոյ քարոզես, սրբեակ: Ոչ վասն այնորիկ ինչ առաքեցի զքեզ զի վարմացեալ սքանչասցին ընդ քեզ, այլ զի քեւ առ իս վարձցին:

Ոչ եթէ բանս ըստ մարմաջեղոյ լռելեաց, այլ որ թափ ընդ սիրաս մասնիցեն՝ խօսեցայ ես, մինչ դեռ ընդ մարդկան շրջի. ուրացիր զանձն քո, սրբեակ, եւ եկ զկնի իմ:

Խնդրեա զփառս իմ, խնդրեա զընկերին փրկութիւն, մի ինչ ասիցես՝ որ ոչ յայն վախճանս հայիցի. մի ինչ բարբառեսցիս՝ որ ի վեր քան զբաւականութիւն ժողովրդեանն իցեն:

Քարոզես զի լուիցեն եւ իմասցին, ոչ եթէ զի ընդունայն ինչ բարբառ արձակիցես. ապա խոտորեա ի պղծոց եւ ի նորաձայն բանից եւ ի հակառակութենէ եւ ի մոլարանուն գիտութենէ:

Ե. Ես եմ որ ուսուցանեմ զձեռս ի պատերազմ եւ զմատունս ի ճակատամարտ, ապա մի խիզախօք սուսերաւ քարոզութեան ի կռիւ մատչել՝ եթէ ոչ ուսցիս յինէն:

Ուսիր աղօթիք, կարգա զիս եւ եկեսցէ ի քեզ Հոգի իմաստութեան: Ուսիր ընթեռնելով, քննեա զԳիրս սուրբս, անդ գտցես նեռս:

Յիմմէ վարդապետութենէ անջիր՝ զոր ինչ մեկնեսն յեկեղեցւոջ, զի մի իբրեւ ի քէն զգուշացուցես զնոսա, այլ իբրեւ յինէն:

Լից այսուհետեւ զսիրտ քո պատգամօք իմովք, զի ի յաւելուածոց որաի բերան քո խօսեսցի:

Ուսիր մինչ չեւ ուսուցեալ, ապ՝ եթէ ոչ եղիցես ամպ անջրդի, եւ ոտինս ցամաքեալս մատուցես:

Զ. Յորժամ ի բեմ անդր ելանել

քեզ հասանիցէ, ած զմտաւ թէ անդ եմ ես, եւ թէ ես Բանն յաւիտենական ձայնիւ բարբառոյ քո վարիմ առ ի զհոգիսն փրկելոյ :

Եւ այսպէս՝ որպէս թէ մի իսկ իցես ընդ իս, ընդ Հոգւոյ իմում, ընդ սիրոյ եւ ընդ իշխանութեան իմում, խօսեաց որ ինչ անկ եւ վայել իցէ ողջամիտն վարդապետութեան :

Մի ձեռն յանձին հարեալ պարծեսցիս ընդունայն հաճութեամբ՝ եթէ ընդունելի ինչ բան քո լինիցի, եւ մի կարի իմն ամաչեսցես եւ կորացիս՝ յորժամ չլինիցի ընդունելի :

Առանց իմոց շնորհաց՝ չես իմիք ձեռնհաս. ապա զամենայն յաջողութիւն ինձ մատուցեալ, եւ զամենայն թերութիւն անձին քում դրեալ խոնարհութեամբ :

Որչափ եւ ճարտար քարոզեալ իցես, զի՞ իսկ բնաւ արարեր : Տնկեցեր, ջուր ետուր. ես միայն աճեցուցանեմ : Ապա աղաչեա զիս՝ զի հանից պտուղ ի քոց վաստակոց :

Է. Մի վհատիր, սրդեակ, եթէ սակաւ ինչ պտուղ ի քոց քարոզութեանց յառաջ եկեսցէ. դարման ի քէն պահանջեմ եւ ոչ բուժումն :

Եթէ ոչ ընկալցին մարդիկ զողջոյն քո, առ քեզ դարձցի եւ ոչ կորուսցէ զվարձս իւր :

Արդ մի այնու՛ զի պատուղ ինչ ոչ տեսանես՝ կասեսցես ինչ ի քարոզելոյ . յաճախագոյն այն է՛ զի ծածկեալ են պատուղքն եւ ոչ երեւին :

Նա թէ եւ հարեւր քարոզութեամբք զմի անձն միայն շահեսցիս ինձ, ո՛չ ապաքէն բազում իսկ է : Ասան զի հոգի մի ինձ այնչափ արժէ, որչափ արիւն իմ՝ զոր վասն այնր հեղի :

Աստուակեա առանց լքանելոյ, հանապազ ակն կալեալ առաւելագոյն տոհմականաց յիմմէ բարութենէ :

Թէպէտ եւ զամենայն գիշեր աշխատ լիեալ ոչ ինչ կալցիս, սակայն թերեւս ի միում նուագի ձգեսցես բազմութիւն ձկանց յոյժ . ապա յիմ անուն եւեթ արկ զգործիսգ, քարոզեա ամենայն համբերութեամբ :

Ը . Յետոյ ուրեմն՝ յորժամ զամենայն կատարեսցես, ասասջիր թէ ծառայ անպիտան եմ, զոր պարտն էի առնել՝ արարի :

Երկիր զի դուցէ որ այլոցն քարոզեցեր՝ դու ինքն անպիտան դտանիցիս :

Քանզի բազումք եկեսցեն եւ ասիցեն՝ Տէր Տէր, ո՛չ յանուն քո քարոզեցաք, զօրութիւնս բազումս արարաք : Եւ ասացից ցնոսա՛ եթէ ոչ երբէք գիտէի զձեզ :

Արդեակ, որչափ բազումք ի քարոզ-

չաց տանջին այժմ ի դժոխս, որ առաւել ճարտարախօսք եւ քաղցրաբանք քան զքեզ էին, եւ զյոյսվազոյնս յանառակ վարուց՝ յառաքինի եւ ի պարկեշտական վարս ձգեալ ամին աւելի քան զքեզ :

Այլ ինքեանք կորեան թշուառութեամբ. վանն էր արդեւք : Ասան այնորիկ իսկ մանաւանդ՝ զի ամպարհաւածութեամբ եւ ժպրհութեամբ յանդրգնեալք, զաստուածեղէն բարիս զոր ընկալանն՝ ոչ Աստուծոյ մատուցին, այլ յանձինս իւրեանց զբաւեցին :

Նմին իրի իսկ եւ Տէրն զնոսա որ մարդկեղէն դրուատեաց ցանկանային, եւ ընդունայնապարծ կարծեօք եւ տենչանօք անապարծիկն փառաց վերացեալ եւ սոնքացեալ էին, ի տեղի՝ յոր փափաքէինն հան վերացոյց, զի անտի ապա կործանեցին ի կորուստն յաւիտենից :

Գ Լ Ո Ի Խ ԽԶ.

Ասան զխոստովանութիանս լեւոյ :

Ա. ԱՌԵՐ զՀողի սուրբ, որդեակ, եւ դատաւոր ժողովրդեան իմոյ կացուցար. կապեոցես եւ արձակեացես, թողցես զմեղս եւ կալցիս :

Ահաւասիկ քեզ զերաւունս իմ շնորհեցի. որպիսի իշխանութիւն, որդեակ, քանի՞օն պատիւ : Այլ որպիսի ինչ պաշ-

տօն իցէ պաշտօնդ . արդարեւ եւ հրեշ-
տակաց եւս ահաւոր : Որպիսի ինչ ա-
րուեսա . ապաքէն արուեստից արուեստ :

Ոչ եթէ զախած՝ որ զմարմին սպա-
նանեն . այլ որ զհոգի եւ զմարմին կո-
րուսանեն ի գեհենի՝ պարտ է քեզ դար-
մանել : Ապա որպիսի ինչ գիտութեան
պարտ եւ պատշաճ իցէ զգուշանալ այն-
պիսւոյ բժշկի շրթունք :

Ոչ զմարմին ի մահուանէ՝ այլ զհո-
գիս պարտիս գու ի յաւիտենական դա-
տապարտութենէ ազատել եւ ապրե-
ցուցանել : Ապա որպիսի ինչ զթու-
թիւն պիտոյ իցէ ունել սրտի այնպիսւոյ
ազատչի :

Ոչ եթէ ի վերայ կուռոց եւ իրաւանց
ի մէջ մարդկան , այլ ի վերայ իմոց իսկ
իրաւանց ընդ իս եւ ընդ մարդիկ պարտ
է քեզ դատ առնել : Արդ որպիսի ինչ
ուղղութիւն եւ արդարութիւն պարտի-
ցին ունել միաք այնպիսւոյ դատաւորի :

Խնդրեազգիտութիւն ի գիրս ի ձեռն
ուսման , իսկ զիմաստութիւն հանձա-
րոյ , սղորմածութեան եւ արդարու-
թեան՝ ձգեա յերկնից ի ձեռն աղօթից :

Ես եմ Հայր լուսոյ , որ տամ ամե-
նայնի առատապէս . խնդրեա , սրդեակ ,
եւ ընկալցիս :

Բ . Մի ծրարիցես ի վարչամակի
զտաղանդն զոր քեզն ետու , գիտացեալ

Թէ ես այր մի ստամբակ եմ. եւ յայն
ուսկս իսկ մի զանց զահաւոր պաշտա-
մամբդ առնիցես:

Չէ արժան չէ օրէն քեզ ի բաց կալ
ի փրկութեանն դործոյ, այնու՝ զի է քո
իշխանութիւն փրկելոյ:

Արա որ ինչ ի ձեռին քում իցէ. ու
սիր, կաց յաղօթս, դործեա, արձակեա,
կապեա, որպէս զհարդ եւ լաւ թուես-
ցի քեզ առաջի իմ, եւ յետ այնորիկ
զամենայն ինձ արա ապաստան:

Ես գիտեմ զորս ընտրեցիդ. մարդիկ
են, ոչ հրեշտակք՝ զորս կարգեցի քա-
հանայս:

Գ. Եւ իսկ ծանրատաղտուկ եւ աշ-
խատեցուցիչ պաշտօնդ այդ, սրդեակ,
նմին իրի զգոյշ լեր զի մի յուլացեալ
անփոյթ առնիցես:

Վաստակաւոր եղէ ես ի մանկութե-
նէ իմմէ. ապա դոյզն ինչ է, եթէ զա-
ւուրս, զամիսս եւ զամս ի գործ ոգւոցն
փրկութեան ծախիցես. մինչ ես զա-
րիւն հեղի, զկեանս ետու:

Չեն ինչ զառաջինն ուրախութեան
այն հրահանգք՝ այլ տրտմութեան,
բայց ապա յետոյ որոց ընդենուցունն
ընդ այն՝ պտուղս խաղաղութեան եւ
անդորրութեան բերիցէ:

Անդ իսկ է արդարեւ վաստակ պտղա-
լից արդիւնաշատ. անդ ոչխարքն գտա-

նին եւ ածին յուրախութիւն երկնից
եւ ի ցնծութիւն հրեշտակաց :

Անդ աղոյք ի բաց պարզին . անդ վերք
գարմանս գտանեն , անդ մեղք ջնջին .
անդ անկերոցն՝ շնորհի այսրէն անմեղու-
թիւն , եւ գեղեցկութիւն ապականեալ
գառնայ վերստին :

Անդ հորդի երկնից սուրբ ճանապարհ .
անդ դժոխք փակին . անդ կապեալ կաշ-
կանդի սատանայ . անդ խաղաղութիւն
իմ տուեալ լինի . անդ կաթն տկա-
րագունիցն ջամբի . անդ ողջոցն բաշխի
կերակուր :

Անդ վատասիրտք զօրանան . անդ
հզօրք խրախուսին . անդ պիղծք սուրբ
լինին . անդ անիրաւք յարդարին առա-
քինիք . անդ թշնամիք հաշտին . անդ
չարախօսք ածին յուղղութիւն :

Անդ հայհոյիչք խրատին . անդ սե-
ղանաղերծք ի խորոցն անդրնդոց ելանեն
ի ծանծաղ . անդ տգէտք զգիտութիւն եւ
անիմաստք զիմաստութիւն ընդունին :

Անդ աղբեր բուրաստանաց եւ ակն
ջրոյ կենդանւոյ՝ բխեալ ի Ախրանանէ :

Ահաւասիկ , որդեակ , որչափ ինչ կա-
րես վճարել ի խոստովանութեան իմոց
ոչխարաց . արդ զնարդ շիցենք եղ մեղք՝
որ գիտեալ զբարի եւ ոչ առնես :

Գ . Առչեա այսուհետեւ զմեղաւորս
յապաշխարութիւն , եթէ զանց արաս-

ցես կոչել եւ լսել, եկեացէ դային եւ
ցրուեսցէ զոչխարոն, ցամաքեսցի սէր եւ
բազմացի անօրէնութիւն:

Ոչ գայի յայնժամ զգլխատութիւն
յերիտասարդսն, ոչ պարկեշտութիւն ի
մէջ ամուսնաց, ոչ ի վաճառականա ար-
դարութիւն, ոչ հաւատարմութիւն ի
ծառայս, ոչ իրաւունք ի տեսրս, ոչ հո-
գաբարձութիւն ի ծնողս եւ ոչ յորդիս
հնազանդութիւն:

Միանգամայն իսկ ասել՝ ի սակաւ ժա-
մանակի ոչ գայի ի բովանդակ իսկ հօ-
տին՝ ոչ ինչ աստուածպաշտութիւն, ոչ
ինչ հաւատք, ոչ ինչ կրօնք:

Ե. Ո՛ր քահանայ, դու մանաւանդ որ
զհօգ հոգւոց յանձին ունիս, տես եւ
կշռես թէ որպիսի ինչ բեռն ծանրա-
բեռն յանցանաց ի գլուխ քո կուտի-
ցես, եթէ անփոյթ արասցես կոչել
զոչխարս քո ստէպ եւ յաճախադոյնս
յատեան անդր, եւ զորս մատչինն՝ հեղ-
դայցես լսել, եւ կամ թէ լուեալ՝ ա-
ռանց փութոյ, առանց նախանձու եւ
առանց արդարութեան զիրսն վճարիցես:

Չինչ ինչ յայնժամ տացես պա-
տասխանի, յորժամ յատեան իմ կո-
չեսցիս եւ յինէն դատեսցիս, եւ ամ-
բաստան լիցին զքէն ոչխարքն քո եւ
ասիցեն՝ թէ կորեպք, վասն զի ոչ զոք
ունէպք որ արկանէր զմեզ յաւազանն:

Գ Լ ՈՒ Խ ԽԷ .

Վասն քննութեան զոր արժան է սանել է ստորե
տարինի ապաշխարութեան :

Ա . ՈՐԴԵԱԿ , ընր գթած որպէս եւ
Հայրն քո երկնաւոր գթած է , ուսիր
յինէն զի հեղ եմ սրտիւ :

Զեղէզն ջաղջախեալ ոչ բեկի , եւ
զպատրոյկն առկայծեալ ոչ շիջուցի , այլ
զոչխարն որ մոլորեալն էր՝ ուրախու-
թեամբ եւ հեղութեամբ ըստանձնեալ
ի վերայ ուսոց իմոց բարձի :

Կնոջ մեղաւորի որ սղբայր զյանցանս
իւր՝ գովութեամբ ետու թողութիւն :
Ի Պետրոս գթութեամբ նայեցայ , եւ
աւազակին որ դարձեալն էր՝ բացի
զդրախտն մարդասիրութեամբ :

Տես թէ սրպէս գործ իմ եղեւ հա-
նապաղ գթալ եւ խնայել :

Բ . Ապա տես , սրդեակ , թէ քանի
քաղցրութեամբ պարտ եւ արժան իցէ
քեզ՝ որ հազարապետդ ես խորհրդոց
իմոց , գնալ ընդ մեղաւորսն՝ յորժամ
յատեան անդր ապաշխարութեան մա-
տիցեն :

Ոմն ի հեռաւոր աշխարհէ ելեալ դայ ,
այս ինքն ամիսս բազումս եւ թերեւս
եւ ամս բազումս զԱստուած զարարիչ
իւր մոռացաւ , եւ չյիշեաց ինչ զանձին
զփրկութիւն , այլ յետոյ ուրեմն տասց

ի միտս իւր, յարուցեալ զնացից սու-
Հայր իմ: Եւ յարուցեալ եկն:

Ո՛րդեակ, ընկալ զնա ուրախութեամբ,
ընկալ հեզութեամբ. պարտ իսկ էր
քեզ բազում հոգաբարձութեամբ զմն-
լորեալն խնդրել, ապա ո՞րչափ եւս ա-
ռաւել զնա որ այսրէն դառնայցէ՝ ար-
ժան է չմերժել:

Ա՛յլ ոմն անօրէնութեամբ ծանրա-
ցեալ եւ իբրեւ ի խոր ինչ յատակս
վատթարութեանց սուղեալ ընկղմեալ՝
լի վիրօք եւ բազում աղտեղութեամբք
մերձենայ:

Ո՛րդեակ, մի սուտ նախանձու խոր-
շեսցիս եւ դարշեսցիս, մի յանդիմանեա-
ցես եւ մի անդէն ի սկզբանն սաստեցես:
Ա՛յլ ընդ հակառակն ասա սիրով իբրեւ
զիս՝ թէ եկ առ իս աշխատեալդ եւ
բեռնաւոր, եկ վստահութեամբ եւ հան-
գուցից զքեզ ի Տէր:

Արա բոտ օրինակի նմանութեան հօրն
անառակ որդւոյ՝ զոր քեզն ցուցի:

Տես, ո՞րդեակ, միտ դիր, եկն որդին
զոր սաստիկ յոյժ սիրէր հայրն, եւ որ
վատթարագոյնս փախստեայ զնացեալ
էր ի տար աշխարհ:

Որ յառաջն ի հայրենի տանն յորա-
ցեալ եւ յղփացեալ էր բարութեամբք,
եւ ապա կեցեալ անառակութեամբ՝
զինչս իւր վատնեալ:

Որ երբեմն պատմութեանս ազնիւս ազանէր. եւ այժմ կապերտիկ մի ցնցոտի զանձամբ արկեալ, ապաշնորհ լիեալ էր եւ ամսարիշտ եւ ժանտ :

Այա ուրեմն եկն. ետես զնա հայրն, ընթացաւ անկաւ զպարանոցաւ նորա, գիրկս տարածեաց, ոռոգեաց արտասուօքն, ամբարձ զնա ձեռամբ իւրով ի վեր, ած զնա մարդասիրութեամբ, ազոյց զպատմութեանն զառաջին, մատանեալ զարդարեաց զնա, հանգոյց զնա եղամբ պարարակաւ եւ երգովք մեծարեաց զնա՝ որ դարձեալն էր սղջանդամ :

Տես, սրգեակ, չսաստեաց նմա հայրն թշնամանեալ, եւ ոչ ցատման ինչ կամ թախծութեան նշանակ ընծայեցոյց :

Զի՞նչ ինչ յայտ սովին առակաւս կամեցայ առնել : Լուր, սրգեակ. սովիմբ ասացի ցմեղաւորսն՝ զի դարձցին առքեզ իբրեւ առ հայր առանց ինչ ահի եւ երկիւղի, եւ ցքեզ՝ զի ընկալցիս զնոսա առանց խտութեան :

Գ. Օանիր, սրգեակ, ծանիր թէ որոյ հոգւոյ իցես : Իբր ոչ եթէ վասն այնորիկ ինչ առաքեցի զքեզ՝ զի զոգիսն կորուսցես, այլ զի շահեսցիս եւ ապրեցուցես :

Եւ յայն սակս իսկ կացուցի զքեզ զմեղաւորդ ի վերայ նորա, զի գիտացեալքո թէ սրպէս ես քեզ սղորմեցայ, գի-

տառցես եւ զայն թէ զնորդ պարտ եւ պատշաճ իցէ քեզ՝ ողորմել նոցա :

Արդարեւ իսկ դուլ եւ պատուէր ետու քեզ հզօրագոյնս եւ իբրեւ զփողոյ բարձրացուցանել զբարբառ քո, եւ պատմել նոցա զանօրէնութիւնս նոցա. այլ ո՞ւր, այլ ե՞րբ, որդեակ :

Ո՞ւր. ի բեմս՝ ուր ուսուցես, ուր կուչեսցես, ուր զաներկեւղան ջանասցիս խուճապել :

Ե՞րբ. յորժամ խիստք իցեն, յորժամ ոչ դարձցին ի սիրտս իւրեանց, յորժամ չաժիցեն ինչ զգարձէ զմտաւ :

Յայնժամ ասացնտա ընդ իս. ծնունդք իժից. վայ ձեզ կեղծաւորաց. վայ ձեզ որ ծիծաղիքդ այժմ. վայ ձեզ որ ընդ լայն եւ ընդ ընդարձակ ճանապարհ գնայք :

Այլ յառենի անդ խոստովանութեան՝ յորժամ ի բժշկութիւն եկեսցեն, ասա, որդեակ, քաղցրութեամբ՝ ահաւասիկ կամ զի բժշկեցից զձեզ, զի թափեցից զձեզ ի բեռանց, զի ընդ թեւօք ժողովեցից զձեզ :

Ո՞ որդեակք, զորս դարձեալ վերստին երկնեմ, մինչեւ նկարեցի Քրիստոս ի ձեզ. եկայք զսիրտ սուրբ եւ զհոգի խոնարհ Աստուած մեր ոչ երբեք արհամարհէ :

Եկայք, զղջացարուք, եւ եթէ իցեն մեզք ձեր իբրեւ զճանձախարիթ՝ իբրեւ

ղծիւն սպիտակ արարից, եւ եթէ իցեն իբրեւ զորդան կարմիր՝ իբրեւ զսարսուրբ արարից: Որդեակ, եթէ լուիջիք ինձ՝ զբարութիւնս երկրի կերիջիք:

Ա. յապէս կակուղ լիցին բանք քո քան զձեթ, եւ լիցին որպէս սլաք:

Գ. Եւ ա եթէ, սրդեակ, սաստեսցես խոտիւ անդէն իսկզբանն եւ կամ յընթացս իսկ առանց ինչ հարկի, զինչ լինիցի:

Ոչխարն որ դարձեալ իսկ էր ի դուռն փարախի, կամ զարհուրեալ փախիցէ՝ համարեալ այսպէս՝ թէ դայլ եզիտ եւ ոչ հովիւ,

կամ առանց ինչ վստահութեան զիրսն վճարիցէ, եդեալ ի մտի թէ տիրող ես եւ ոչ հայր,

եւ կամ բնաւ եւ թաքուցէ իսկ զվէրս ծածկագոյնս եւ զվնասակարագոյնս, դահիճ մանաւանդ զպաշտօնեայն համարեալ եւ ոչ բժիշկ:

Եւ այնպէս կորիցէ քոյսվք յանցանօք եղբայրն քո, վասն որոյ ենն մեռայ, զոր առ քեզ առաքեալ էի, եւ քեզ վստահութեամբ յանձն արարեալ:

Ե. Լիցին այսուհետեւ բանք քո քաղցունք եւ մխիթարականք, բայց ըստ բանիցդ՝ եւ ուղղութեանն օրինակ զթաճ իցէ:

Յուշ լիցի քեզ, սրդեակ, զի եղբայրն

քո որ ապաշխարեացն՝ մարդ է եւ ոչ հրեշտակ, յիշեա զի ոչ արդարութեան որ վրէժ խնդրիցէ, այլ դժածն արդարութեան պաշտօնեայ ես դու:

Զգոյշ լինիջիր զի մի գգինի նոր ի տիկս հինս արկանիցես, մի կապերտ անթափ ի վերայ հնացեալ ձործոյ, եւ մի բեռինս ծանունս եւ դժուարակիրս ի վերայ ուսոցն դիցես, զոր թերեւս եւ մատամբ անգամ շարժել չկամիցիս:

Զ. Սակայն, սրդեակ, բռնադատեա զնոսս պահել զամենայն որ ինչ պատուիրեցի ես քեզ. պատուիրեսջիր զի կասեացին գործել թիւրս, սուր հրաման զի ուսցին ըստ պատուիրանայ բարիս առնել:

Մի համարեացիս թէ սղորմածութեան իցէ զմարդարիտս առաջի խողաց արկանել, կամ զհաց հրեշտակաց տալ այնպիսեացն՝ որ եղջերաւն խողից զուարճանայցեն:

Եւ մի կարծիցես թէ գթութիւն իցէ թողուլ զյանցանս նոցա՝ յորս բնաւ չիցէ ինչ ուղղութիւն, եւ արձակել զմեղս այնպիսեացն՝ որոց ապաշխարութիւն եւ զղջումն համարեացի զգօնութեամբ թէ պատիր եւ ընդունայն է:

Ի միտ առ, սրդեակ, զոր ինչ ասեմն: Մի թէ սղորմածութիւն հաշուիցիս զայն՝ եթէ ուրուք մատուցեալ զթեթեւագոյն

ինչ յանցանս քեզ յայտ առնիցէ եւ յայլմէ ամենայնէ անպարտ զանձն ցուցանիցէ, ուր այլք որ ի նմին վիճակի դատանիցին՝ ի ծանր ծանր մեղս անկեալ իցեն. եւ դու չառնիցես ինչ հարց եւ խնդիր, այլ զանց արացես եւ արձակեսցես:

Զինչ այդ, որդեակ. չէ այս զողիս ապրեցուցանել՝ այլ կորուսանել:

Ոչ բազում հիւանդք իցեն՝ որ ի յետին ճգնութեան անդ ասիցեն ցբժիշկն՝ թէ Բարուք կամ: Եւ եթէ եւ բժիշկն՝ նորա բանիցն հաւատացէ եւ ասացէ՝ թէ քաջ է, բարեկամ, արի, կեր, արբ. արդարեւ իսկ անկանէր հիւանդն այն ի կենաց: Եւ յորժամ մեռանիցի հիւանդն՝ դովեսցենս դու արդեւք յայնժամ զբժիշկն:

Ապաքէն դսրովեսցես իսկ եւ ասացես՝ պարտ էր նմա այլ եւս քննել, պարտ էր հարցանել:

Հարց այսուհետեւ, որդեակ, բրեա զորմդ, ասա քանի՞ ինչ պարտիս Տեառն իմում, զի մարթացիս ապա ածել զնովիմք՝ թէ հատո զոր պարտիսդ, խտտորեա ի չարէ աստի յայսմանէ, արա զայն բարի՝ որ քեզն հրամայեալ է. ապա թէ այլազգ ինչ առնիցես՝ ոչ կեցցես, եղբայր, այլ մեռցիս:

Է. Ողորմութիւն անուանեսցես զայն, եթէ եկեսցէ եւ մեւս ոմն եւ խոստովան լիցի առ քեզ՝ թէ լի իցէ կեղովք

քաջ քաջ հնացելովք եւ ընդ ոճիրս
ընդելեալ իսկ դու ասացես՝ ցաւք քեզ,
եղբայր, եւ իբրեւ տայէ պատասխանի
թէ ցաւէ ինձ, անդէն նոյն հետայն զանց
արացես եւ արձակեսցես :

Ձի այդ, սրգեակ, չէ ինչ այն զոգիսն
փրկել, այլ կորուսանել :

Յուցեր դու վիրաբուժի զփառեալ եւ
զնեխեալ վերս անդամոց քո : Պարտ եւ
արժան էր ի բաց զայն անդամ հասա-
նել՝ զի մարմինն պահեսցի :

Այլ նա չիչխեաց չհամարձակեաց
զնել քեզ զայն առաջի, եւ ոչ ասել թէ
կարեւոր է, այլ դարմանեաց եւեթ
զվերն եւ կապեաց :

Յետ սակաւ ինչ ժամանակի ի վերայ
անցանելոյ՝ եռաց ճարակեցաւ փուսն,
անբժշկական եղեւ ախտն, կայմնայ քեզ
մեռանել : Ձի՛նչ միտս ունիցիս զվիրա-
բուժէն :

Յայտ է թէ ասիցես՝ վստահ լիեալ
նմա զվերս իմ ցուցի՝ զի բժշկեսցէ : Եթէ
ասացեալ էր նորա թէ հարկ ի վերայ
կայ զվերն կտրել՝ հաւանէի իսկ : Չա-
սաց, չհրամայեաց, պարտապան է մա-
հուան իմոյ :

Չանունն փոխեսջիր, սրգեակ : Այս
այն քահանայ է որ չպատուիրէ մեղա-
ւորի որ սովորեալ իցէ, եւ չասէ թէ
Եղբայր, ձեռն քո դայթակղեցուցանէ

դ. քեզ, հաստ զնա եւ ընկեա ի քէն :
Ոսն քո, ակն քո դայթակղեցուցանէ
դ. քեզ՝ հաստ, խլեա, ընկեա ի քէն,
ապա թէ ոչ նորքք հանդերձ անկցիս ի
գեհէն հրոյն :

Այս ինքն է՝ եթէ ոչ զյանցմունս եւ
զպատուիրանազանցութիւնս յորս սո-
վորեալ իցես՝ ի բաց ընկեացես, մի թող-
ցի քեզ մի յայտ աշխարհի եւ մի ի
հանդերձելումն :

Ը. Արդարեւ, որդեակ, եթէ զօգուտ
ապաշխարողին խնդրիցես, եթէ զհոգի
նորա ողորմածութեամբ որպէս եւ պար-
տիող, կամիցիս ապրեցուցանել, պարտ
եւ պատշաճ է քեզ փոյթ յանձին ու-
նել՝ զի մի առ աչօք ինչ եւ վեր ի վե-
րոյ մեզքն ծածկեացին, այլ եւ ար-
դեամբք իսկ ի ներքուստ ի բաց ջնջեա-
ցին, բարձցին եւ անհետ լիցին :

Որում չէ իսկ մարթ թէ լինիցի,
բայց՝ յորժամ ճշմարտիւ իսկ ստրջացի
ապաշխարողն, եւ միամտութեամբ հրա-
ժարեացի ի յանցանացն, զսովորութիւն
եւ զմօտաւոր պատճառս մեղացն ի բաց
արացէ, զանիրաւ ինչսն այսրէն յետ
դարձուացէ, ընդ թշնամեացն հաշտեա-
ցի եւ զվնասն զոր այլոցն հասուցեալ
իցէ՝ տուժեացի

Եւ դարձեալ որպիսի ինչ ողորմածու-
թիւն իցէ այն, որդեակ, որ ամենեւին

իսկ կուրաբար, առանց ինչ կանոնի եւ
առանց խորհրդականն զգօնութեան իւ-
րաքանչիւր ում եւ պէտ ումէք եւ իցէ
թէպէտ եւ չիցէ իսկ պատրաստեալ
զերախտիս արձակմանն բաշխեցէ :

Ո՛ սուտ խաղաղութիւն, որ պատե-
րազմ ի սրտի թողու : Ո՛ խաբեպատիր
դեղ, որ թմբբութիւն ածէ եւ ոչ բժրշ-
կութիւն, սատակումն եւ ոչ կենդա-
նութիւն :

Ո՛ անիրաւ դատաստան, յորում
վասն զչարակամ առն զմիտս հաճելոյ,
իրաւունք իմ առնին վտարանդի :

Քանզի, սրդեակ, որ զմեղաւոր որ
չիցէ զղջացեալ եւ ոչ յանօրէնութենէ
իւրմէ դարձեալ կամ զխտութեամբ եւ
կամ վասն յանցաւորն տգիտութեան
անգիտացեալ արձակեացէ, զխաղա-
ղութիւն իմ տայ թշնամեոյ իմում որ
ատեայ զիս, եւ զանձն իմ ի ձեռս նո-
րա մասնէ՝ զի ի խաչ հանցէ :

Թ. Տես, սրդեակ, զիարդ երբեմն
տուն իմ լինի այր աւազակաց, տես սր-
պէս յանցանեն անդ քահանայք ան-
զգաստք :

Ո՛ նոր Պիղատոսք, որ հեղգութեամբ
եւ յանցաւորն ներողամտութեամբ մա-
սնեն զիս ամենեցուն որ խնդրիցեն :

Ո՛ մարգարէք անօրէնութեան, որ կա-
րեն կարկատեն զբարձկնեարդ ի ներքոյ

ամենայն արմկան ձեռին, եւ առնեն
գլխադիրս գլխոյ ամենայն հասակաց, եւ
այսու իմն զօրացուցանեն զձեռս անօրի-
նաց՝ չդառնալ ամենեւին յանօրէնու-
թեանց իւրեանց եւ ի ճանապարհաց
իւրեանց չարաց, եւ այնպէս զապաշ-
խարողսն իւրեանց առնեն ի խոստովա-
նութեան անդ որդիս գեհէնի կրկին եւս
քան զյառաջն :

Այս իսկ ընկալցին զանիրաւութիւն
իւրեանց ըստ անիրաւութեան նոցա.
նոյնպէս եւ անիրաւութիւն ստոց մար-
գարէիցն այնոցիկ եղիցի :

Արդարեւ հասցէ ի վերայ նոցա սրտ-
մտութիւն իմ. վասն զի ոչ զմարդկան
իրս դատիք դուք, այլ զՏեառն. եւ դա-
տաստան զոր դատիցինն՝ անդրէն ի նոսա
դարձցի :

Ժ. Որդեակ, սրդեակ, ի բաց լիցի ի
քէն այդչափ անիրաւ, այդչափ անու-
ղորմ, այդչափ ժանտ ողորմածութիւն :

Յուշ լիցի քեզ՝ զի ոչ եթէ արձա-
կելոյ եւեթ, այլ եւ կապելոյ եւս իշխա-
նութիւն եւ պատուիրան տուաւ քեզ :

Գուն դիր այսուհետեւ բազում հա-
ւաստեալ, զի ի պաշտաման քում ողոր-
մութիւն եւ ճշմարտութիւն պատա-
հեցին, արդարութիւն եւ խաղաղու-
թիւն համբուրեցին : Յայնժամ լիցիս
հաւատարիմ եւ իմաստուն հազարապետ :

Ասան իսկայ զժողովարան դարձնացանելոյ :

Ա . ՕՒՐԵՂՄ քո բարձի ի վերայ խաչին, օրդեակ, զի մեղաց մեռեալ կեցցես արդարութեան :

Ձի մարմին մեղացն խափանեսցի՝ եկի, վաստակեցի, քարոզեցի, շարչարեցայ, մեռայ :

Իսկ արդ կամիցի՞ս, օրդեակ՝ կամիցի՞ս լինել հովիւ ըստ սրտի իմում, աչխատ լեր հաւատարմութեամբ, զի ջնջեսցի անօրէնութիւն :

Չգեա, ըստ քում կարի, զմեղաւորս ի մկրտութիւն ապաշխարութեան, ի թողութիւն մեղաց :

Երթ առ նոսա, եւ զոր օրինակ հրեշտակք զՂովտ հանին արապքս ի Սողոմայ, հար բուռն զձեռանէ նոցա՝ որ զկորստեան ճանապարհն գնայցեն . եւ ջանա ածել այորէն ի շախիզս փրկութեան :

Բ . ՈՐդեակ, սիրես զիս : Ահաւասիկ սոքա վերստին ի խաչ հանեն զիս հանապազօր յանձինս իւրեանց, ընուն թշնամանօք, ապտակակօծ առնեն, ձաղկեն, փշովք պսակեն, եւ դու ցուրտ եւ անշարժ անտատան կացեալ հայիցիս յայդ ամենայն :

Լացին սուրբ կանայքն, իբրեւ տեսին զիս՝ զի ընդ խաչափայտիւ եւ ընդ վի-

բօք պարտասեալ երթայի ի տեղին Գող-
գոթայ, յուզեցան յանձինս իւրեանց
առ զպրուցս բարկութեանն, զի չէին
իշխան ազատել զիս. եւ դու, սրգեակ,
որ բաւականդ ես ի նորոց չարչարանաց
զերծուցանել զիս՝ ո՛չ առնիցես :

Եւ դու, բարեկամդ իմ, ո՛չ կացցես
վասն իմ հակառակ մեղաւորաց, որ
ամպարիշտ ձեռօքն հարկանեն զիս եւ
կեղեքեն հանապազ :

Քարձ, բարձ, որչափ եւ ձեռնհաս
իցես, զպղծութիւնս ամպարշտութեան,
գարձս զմեղաւորս, զի թողեալ լքեալ
զմեզս իւրեանց՝ խնայեացեն յիս :

Գ. Բարեկամք իմ եւ ծանօթք իմ մե-
կնեցան յինէն, թողեալ զիս՝ փախեան :

Ամպարշտութիւնք, գողութիւնք,
անամօթութիւնք, շնութիւնք, հայ-
հողութիւնք, արբեցութիւնք, նենգու-
թիւնք, խաբէութիւնք, յափշտակու-
թիւնք յաճախեն օր ըստ օրէ. անչափ
է թիւ համարոյ չարեացն, եւ քահա-
նայք իմ լուռ եւեթ կան :

Ո՛ բարեկամք իմ. զհարդ պատահե-
ցայք ինձ անողորմք : Քահանայքդ, ըն-
կալարուք զխրատ, զի մի բարկացայց եւ
կորնչիցիք ի ճանապարհացն արդարու-
թեան :

Գ. Ոչխարք իմ մոլորեցան ի ճանա-
պարհս դժոխաց, յանդունդս տանջանայ

Ճեպեցին, եւ զորս պահապանս կարգեցի հօտին իմոյ՝ նորա ոչ աղաղակեն, ոչ ընթանան եւ ոչ դարձուցանեն զոչխարսն:

Յրուեցան առաջի աչաց հովուացն, եւ եղեն կերակուր գազանաց:

Ո՛վ տարապարտաբօտք՝ որ ընդ վայր հարէք զխաշինս իմ. սրտմտութեամբ իմով յանդիմանեցից զձեզ, բարկութեամբ իմով խրատեցից զձեզ, տաց հուր եւ զորդունս ի մարմինս ձեր, եւ լացջիք դուք ի սգման մինչեւ յաւիտեան:

Ե. Ո՛րդեակ, սրդեակ, եթէ մարդիցի դք ի ճշմարտութենէ, դարձո զնա, ապրեցո զանձն նորա ի մահուանէ:

Արտասուեա ի վերայ նորա, բուռն հար զնմանէ, խրատեա, խորհուրդ տուր նմա, յորդորեա, ցոյց սէր, կալ զօտիցն, մի ամաշեր համբուրել:

Որոտա ի նա զգատաստանս իմ, ցոյց նմա զհուրն բորբոքեալ եւ զտեղին յաւիտենից:

Ստիպեա զնա յապաշխարութիւն, զօրէն բարւոյ բժշկի՝ որ ի գեղ դարմանոյ զհիւանդն ստիպիցէ:

Զ. Ապեաց դու ի Յովհաննէս յաշակերտն՝ զոր սիրէի, տես թէ սրպէս զպատանին որ յառաջ յանձն լիեալ էր Եպիսկոպոսի, եւ ապա առաջնորդ աւազակացն կացեալ՝ ի մէջ զինուց սրիկայիցն ընդ լերինս եւ ընդ խոխոմս խնդրեաց,

ած, դարձոյց, թէպէտ եւ ծերացեալ
իսկ էր ինքն եւ պլեւորեալ: Երթ առ
մեղաւորս եւ արա եւ դու ըստ նմին
օրինակի:

Գ Լ ՈՒ Խ Խ թ.

Յաղագս ինչ պարտ է ազօն առնել վասն
ճշտորաց:

Ա. ԽՆԻՐԵՑԻ ի Հօրէ իմմէ, եւ ետ
ինձ զՏէթանոսս ի ժառանգութիւն.
խնդրեա, սրդեակ, եւ տացէ քեզ զմե-
ղաւորս ի դարձ:

Ետ Ստեփանոսի որ խնդրեացն՝ զՊաւ-
ղոս, ետ եւ Մոնիկայ որ աղաչեացն՝
զԱւգոստինոս. խնդրեա եւ դու եւ ըն-
կալցիս:

Ամէն ասեմ՝ քեզ, զի զոր ինչ խըն-
դրիցես ի Հօրէ իմմէ յանուն իմ՝ տացէ
քեզ. հաւատա թէ առնուս՝ եւ եղիցի
քեզ:

Բ. Լուար, սրդեակ, զզօրութիւն եւ
զազդեցութիւն աղօթից: Երդուայ ես
Տէր եւ ոչ եւս զղջացայց:

Իսկ արդ եթէ իցեն ի հօտին որ քեզ
յանձն է՝ ոչխարք մոլորեալք եւ կամ
բնաւ կորուսեալք իսկ, զորս չկարացեր
ձայնիւ խրատու, պաղատանայ եւ կըշ-
տամբութեան դարձուցանել՝ աղօթս
արա:

Զօրինակն ետուր, զբանն քարոզեցեր,

կայ մնայ աղօթք. երեքին սոքա, եւ մեծ
քան զերկուսին՝ աղօթք :

Աղօթս արա այսուհետեւ զի առա-
քեցցէ Հայր իմ զմխիթարիչ Հոգին իւր,
որ խօսեցցի ի սիրտս նոցա, դարձուցցէ
զնոսա եւ խզեցցէ զկապանս նոցա :

Ձոր այլոց որ աղօթս արարին՝ շնոր-
հեաց բազում անդամ, զինարդ քեզ որ
ուխտիւք խնդրես՝ զլանայցէ : Աղօթս
արա վասն ամենեցուն, աղօթս արա
մանաւանդ քան զամենայն վասն մեղա-
ւորաց :

Գ. Բարեխօս եմ առ Հօրեւ Օծեալ
նորա. մտադեւր հայի յերեսս իմ :

Արիւն իմ քաջ ի բաց ազնուագոյն
խօսի առաջի երեսաց նորա քան զարիւն
Հաբելի :

Ահա, սրդեակ, ի քո ձեռս եմ, մատս
զարիւն իմ, մատս զմարմին իմ, մատս
զիս բովանդակ Հօր ի պատարագի ա-
մենայն գթով վշտակցութեան վասն
մեղաւորաց՝ զի դարձցին :

Մատս մանաւանդ վասն այնոցիկ՝ զորս
դիտիցես զի ծանր ծանր յանցանօք
բեռնաւորեալ իցեն, եւ դժնդակագոյն
կապանօք վարակեալ եւ կաշկանդեալ :

Մատս, ես եմ քաւութիւն մեղաց
եւ մեղաւորաց : Մատս, զայս սուրբքն
իմ հանապաղ գործեցին, եւ յայն սակս
իսկ այնչափ մեղաւորս դարձուցին :

Գ. Լ. Եւ առ իս յերկինս խօսելի
հոգի՝ Մարիամ մայր իմ. ի յաւիտենից
դք ոչ լուաւ՝ եթէ կարդաց դք առ նա՝
եւ լքեալ մերժեցաւ :

Արդ եթէ տաղնապետցիս ի վերայ
անորէնութեանց ժողովրդեան քո, դո-
չեա առ Մարիամ, մխիթարիչ է վըշ-
տացելոց :

Եթէ ցանկատցիս շնորհս առանձինս
ի դարձուցանել զամպարիշտս, կարդա
առ Մարիամ, օգնական քրիստոնէից
է եւ մայր աստուածեղէն շնորհաց :

Եթէ յուսահատք իմն թուիցին քեզ
մեղաւորքն, կարդա առ Մարիամ, ա-
պաստան է մեղաւորաց, եւ մայր ողոր-
մութեան, ընդ հովանեաւ պաշտպա-
նութեան նորա կացո զնոսա :

Չիք ինչ ազդ շնորհաց եւ օրհնու-
թեանց, զոր չկարիցէ նա նոցա ընդու-
նել, եւ զոր չպարտիցիս դու վասն նոցա
ակն ունել փտահութեամբ ի նմանէ :

Գ Լ Ո Ի Խ Ծ.

Վասն զհիսանդոս խնամելոյ :

Ա. ՀԻՒԱՆԻ Է՞ի եւ ոչ տեսէք զիս.
զայս, սրգեակ, հարից կշտամբութեամբ
յերեսս մարդկան յաւուր դատաստանի,
ապա սրչափ եւս առաւել քահանայից :

Յանցանք են ոչ մատուցանել հիւան-
դաց զմարմնական նպաստս կարեւորս,

քանի եւս աւելի զհողեւորականն չմատակարարել :

Վտանգի ի հիւանդութեան մարմինն , այլ յառաւելագոյն եւս վտանգի կայ հողի :

Մարմին ի հող դառնայ , այլ հողի անցցէ ի դատաստան , երթիցէ ի տուն իւր յաւիտենից :

Սակայն ահ մեծ է , սրգեակ , անկանել ի ձեռս Աստուծոյ կենդանւոյ , ապա որպիսի ինչ փութով պարտ եւ պատշաճ իցէ քեզ յելս զհողիսն պատրաստել :

Բարէ . եթէ անձն մի եւեթ քոյովք յանցանօք ի յետին տաղնապիանդ վրիպեալ ի սրբարարն շնորհաց դտանիցի , եթէ առ քոյոյ չփութոյդ զարձակումն , զսուրբ թոշակն եւ զօժումն վերջին ոչ ընկալցի , եւ վասն այնորիկ լցեալ եւ ծածկեալ յանցանօք առաջի իմ կացցէ եւ դատեալ պարտաւորեսցի , որպիսի յանցանս գործէիր , որպիսի վրէժխնդրութիւն մնայր քեզ յայնժամ :

Յաւիտեանս յաւիտենից անիծանէր զքեզ անձն այն կորուսեալ , եւ յաւիտեան ըկէր զքեզ եւ տանջէր :

Բ . Եւ յառհետեւ յորժամ լսիցես եթէ մի ոմն յոչխարացն կարի հիւանդացեալ է , ընթա առ նա :

Եւ յետ ցաւակից ցաւոյ նորա զանձն ցուցանելոյ , եւ մարդասիրութեամբ եւ

քաղցրութեամբ ի սիրտ նորա մտանելոյ, զպաշտօն քո մաստ նմա առաջի:

Եթէ ընկալցի զայն՝ կատարեա, ապա թէ ոչ ընկալցի եւ հիւանդութիւնն ի վտանգ անդր մերձենացէ, դեգերեաց կաց հաստատուն, պաղատեաց, կրտամբեա, ստիպեսջիր: Չիք եւ չիք իսկ բնաւ յապահովութիւն մեծ բաւական՝ ուր յաւիտենականութիւնն ի վտանգի կայցէ:

Ապա մի մեկնեսցիս, մինչ չեւ զսխարն ի վերայ ուսոց քոց ընկալեալ իցես:

Գ. Օհոգի շնորհաց կարդացեալ ի վերայ՝ լուիջիր զխոստովանութիւնն:

Օգնեա հիւանդին. զգոյշ լեր զի մի երկայնաձիգ բանիւք աշխատ արատցես զանձն նորա՝ որ վաղ իսկ ախտիւն տկարացեալ է, բայց սակայն զամենայն զկարեւորս հարց եւ քննեա:

Հարց մանաւանդ եւ տես եթէ իցեն ինչ մեղք ծածկեալ եւ թաքուցեալ յառաջին խոստովանութիւնն, որ ցայսօր իսկ զխիղճ մտաց նորա ծանրացուցանիցեն:

Ի բաց պարուրեա զամօթն սուտ. բրեա զորմն, եւ հան արտաքս զոսկերս մեռելոց:

Որչափ վերս գտցես բազում անգամ: Որպիսի գործս անօրէնութեան,

զորս եթէ ոչ իմաստութեամբ ի բաց կորզեցես, մինչեւ ցմահ պահեցեն ախտածէպքն առ իւրեանս, եւ ընդ անձինս նոցա եւ անօրէնութիւնք իւրեանց ննջեցեն ի հող :

Արպիսի ծառայութիւն մատուցանիցես, եթէ զպիղծն զայն եւ զգարչելի գաղանութիւն քակեալ խորտակեցես : Արպիսի մխիթարութիւն հիւանդին ջամբեցես : Քանի խոշո խափանիչս փրկութեան ի բաց բարձցես : Երանելի լիցիս, սրբեակ, եթէ զայդ արասցես :

Նա եւ զառանձինն ինչ մեղս կենաց՝ որչափ միճակ անձինն եւ իրացն հանգամանք ներեցեն, ջանա իմանալ :

Պատուէր տաջիր եւ փոյթ արա զի մերժեցին պատճառք մերձաւորք, գայթակղութիւնք բարձցին ի միջոյ, հաշտութիւնք միւսանգամ անկեցին եւ հատուոցին պարտիք :

Դիր ի վերայ թեթեւ ինչ ապաշխարութիւն հանդոյն հանգամանաց հիւանդին, խրատեալ եւ պատուիրեալ իսկ՝ զի յորժամ յառողջութիւն գառնայցէ, միւսանգամ նորոգ մատիցէ ի խոտավանութիւն, եւ զգիպող պատիժ պատուհասի հատուցմանն ընկալցի :

Դ. Յեա զխոտավանութիւնն լսելոյ՝ խօսեաց ի բոլոր սրտէ ի սիրտ նորա :

արձակեա սլաքս, զարթս ցաւս, թե-
լադրեա սարջանս, զբզուեա ըստ կարի
յարտասուս, վառեա զսէրն, սնկեա ի
միտս նորա զվստահութիւն :

Բազում մեղաւորք խոստովան լինին
ի մահուան, սակաւք ի փրկութիւն հա-
սանեն առ ի չգոյէ զղջման՝ որ թէ լիեալ
էր որչափ պարտ եւ պատշաճ է, յայն-
ժամ զհիւանդն զայն՝ թէպէտ եւ ամ-
պարշտագոյն եւս իցէ՝ ապաշխարող եւ
սուրբ յարդարէր :

Ապա զամենայն փոյթ ի մէջ առեալ
թեւակոխեսցիր, զի զհիւանդն՝ որչափ
եւ ձեռնհաս իցես՝ ի բարձրագոյն աս-
տիճան կատարեալն զղջման ամիցես :

Ե. Եւ իբրեւ զսպաս սրբոյ պաշտա-
ման քո կատարեսցես, մի թողցես վստ-
թացեալն զոր սրբով թոշակաւ հան-
գուցեր եւ օժմամբ սփոփեցեր :

Որդի ծնար Ասաուծոյ, ջանա սնու-
ցանել զայն որդի իբրեւ մայր խնամոտ .
առաւել քան զառաւել արդարացոյ զնա
եւ սրբեա որ պատրաստեալ իսկ է յա-
ռաջագոյն :

Ի հիւանդութեան առաւելագոյն
ճգնի սառանայ, քանզի գիտէ թէ խուն
ինչ ժամանակ ունի :

Երթ այսուհետեւ ստէպ ի տես հի-
ւանդին, զի զօրացուցես զնա ընդդէմ
գարանայ թշնամեցն, ի շնորհան Առ-

տուճոյ հաստատեացես, ի ցաւս նորա
օգնեացես, ի վարանան մխիթար լինի-
ցիս, եւ երբեք երբեք արձակեացես
եւս զնա :

Թեւադիր լեր նմա զի զարբոյ հաւա-
տոյ, զյուսոյ, զսիրոյ եւ զկատարեալն
զղջման գործս ցուցցէ. շնչեա ի սիրա
նորա զտենչանս յաւիտենիցն երանու-
թեան :

Յանձն արա նմա աստուածեղէն կա-
մացն հպատակ լինել, ի համբերութիւն
յորդորեա, եւ զՔրիստոսի Տեառն զկա-
շելութիւն մատո ստէպ :

Հայցեա վասն նորա զՏիրամօրն եւ
զարբոյ զբարեխօսութիւն. տուր նմա,
եթէ իցէ քեզ համարձակ, զսուրբ նե-
րողութիւնս :

Զ. Ապա եթէ վասն գործոց քոյ
յաճախութեան չկարիցես ստէպ ի հի-
ւանդ անդր մերձենալ, ջանա, սրգեակ,
զի այլ ոմն սուրբ եւ իմաստուն որ՝ զօ-
գնութիւնսն զոր վերագոյն ասացի՝ մա-
տուսցէ նմա, եւ յաճախագոյն զրոյց
տացէ քեզ զհանգամանաց հիւանդին,
զի գոնեայ ի մեծի վտանգի՝ գացիս
առննթեր հիւանդին :

Եւ եթէ ի կարօտութեան զհիւանդն
տեսանիցես՝ ընդ հոգեւորականան եւ
Ժամանակաւորս եւս խառնեաջիր լըջ-
մաութեամբ ըստ քում կարի :

Ո՛րդեակ, թէ զայդ արատցես, լիցիս
այր ողորմութեանց, բարձրացուցից
զքեզ յեկեղեցիս ժողովրդեան իմոց .
զի հիւանդ էի եւ տեսեր զիս :

Գ Լ Ո Ի Խ Ծ Ա .

Վասն մարդասեր ինձոց առ ընկերն :

Ա . ՈՂՈՐԴԱԾ ԵՒ ՂԹԱԾ ԵՄ, ՍՐ-
դեակ, երկայնամիտ եւ բազումողորմ,
քաղցր առ ամենեսեան, եւ զթութիւն
իմ ի վերայ ամենայն արարածոց իմոց :

Ո՛րդեակ, ոչ եկի զողիս մարդկան կու-
րուսանել, այլ կեցուցանել . եւ առ ի
փրկել՝ ոչ եթէ սուսեր ինչ՝ այլ քաղ-
ցրութիւն արկի ի կիր :

Կապանք իմ եղեն կապանք եւ զօդ սի-
րոյ, բեռն իմ փոքրագի, լուծ իմ քաղցր :

Կամիցիս, ՍՐԴԵԱԿ, կամիցիս զհոգիս
որսալ : Կամիս զնոսա ինձ ի հնազան-
դութեան կացուցանել . ցոյց քաղցրու-
թիւն, արար սէր :

ԲՈՒՆ Է իբրեւ զմահ սէր . ամենայնի
յաղթէ, զթանձրամիտս եւ զխստա-
սիրտս նուաճէ :

Տեսցեն զքեզ ոչխարքն թէ զամե-
նայն ինչ ի սուրբ եւ ի սեռն ցանկու-
թենէ փրկութեան անձանց նոցա եւ ի
մայրենի սրտէ գործիցես, եւ կամօք կա-
մակարութեան տացեն քեզ զանձինս
իւրեանց :

Բ. Իցէ՛ թէ ասէիր առ նոսա հո-
ղւոյն Պաւղոսի՝ եթէ վկայ է ինձ Աս-
տուած, որպէս անձկացեալ եմ առ ձեզ
ամենեսին զթովքն Քրիստոսի Յիսուսի:

Ո՛րդեակք, բերանք մեր բացեալ են
առ ձեզ, եւ սիրտք մեր ընդարձա-
կեալք: Ոչ ինչ նեղէք ի մէնջ, բայց
եթէ ի գութս ձեր նեղիցիք. իբրեւ ընդ
որդեակս ունիմ, ընդարձակեցարուք եւ
դուք:

Ո՛րդեակք, զորս դարձեալ վերստին
երկնեմ, մինչեւ նկարեցի Քրիստոս ի
ձեզ: Ո՞ հիւանդանայ եւ ոչ ես հիւան-
դանամ: Ո՞ գայթազդի, եւ ոչ ես
տապանամ:

Եթէ այսպիսի ինչ բանս ի որտէ բար-
բառէիր առ ոչխարսն, զհարդ խոնար-
հեցուցանէին զսեղիս իւրեանց: Ո՛րպէս
բանային զսիրտս. զհարդ զխրատսն ընդ-
ունէին: Զհարդ զպատուիրանս պա-
հէին: Ո՛րպէս զհետ քո ընթանային ի
շաւիղս ճանապարհաց իմոց:

Նոքին իսկ են ճշմարտիւ վարդապետք՝
որ յորժամ խստութեամբ խրատու եւ
հրահանդաց հայր իցեն, զիտիցեն եւ
մայր լինել աղեօք զթութեան:

Գ. Ապա լեր, սրդեակ, մայր զթած
իմոց ոչխարաց, ոչ կեղծաւորութեամբ
բերանոյ՝ այլ միամտութեամբ սրտի եւ
արդեանցն դործովք:

Ես շրջեցայ բարի առնել եւ բժշկել զամենեւին, եկ, սրգեակ, զկնի իմ:

Եթէ տեսանիցես զոչխարն զի ընդ բեռամբ աղքատութեան ճնշեալ հեծիցէ, թեթեւացս ըստ կարի հեզութեամբ զբեռն նորա ուսովք քովք եւ ողորմութեամբք:

Եթէ դացես զհիւանդն ընդ տառապանօք ակտինն արտմեալ եւ տխրեալ, ձեռն տուեալ կանգնեա զնա, օգնեա նմա խորհրդով եւ բանիւք մխիթարութեան սփոփեա:

Եթէ պատահեսցէ քեզ եւ այլ ոմն ընդ լծով մեղաց կքեալ եւ կորացեալ, իբրեւ զհայր անառակ որդւոյն անկիր զնորա պարանոցաւն, ընկալ քաղցրութեամբ զոչխարն կորուսեալ, եւ լուա արտասուօք մարդասիրութեան:

Եթէ կարճամիտ դք եկեսցէ՝ սրտապնդեա զնա խթանօք քաղցրականն խրատու. եթէ զպատահակ դք եւ զխրատապարանոց դտանիցես՝ ժուժկալ լեր համբերութեամբ, եւ դու հաստատունդ՝ տարջիր տկարութեանց այնք անհաստանոց:

Հակառակութեանց քոյոյն ոչխարաց ժուժկալեա հաստատութեամբ:

Մի յուսահատ լինիցիս, յարժամ ցորեան սերմանեալ իցես եւ փուշս հրնձեսցես: Ես, սրգեակ, անդստին ի մարց

մինչեւ ցիւաչ ոչ դադարեցի վաստակել
վասն զհոգիս փրկելոյ, եւ սակայն սա-
կաւք փրկին :

Գ. Մի իսկ եւ իսկ վաղվաղակի զա-
մենայն համօրէն յոռութիւնս խլել ար-
մատաքի կամիցիս. բռնն եւ սաստիկ
նախանձ ի կոճոպել զմոլորութիւնս՝ ա-
ռաւելագոյն եւս դառնացուցանէ զհո-
գիսն եւ ի չարիս հաստատէ :

Զոմանս պարտ է քակել մանաւանդ
տակաւ տակաւ, եւ ոչ ուժգին ի բաց
պատառել, զկէսս հարկէ թողացուցա-
նել առ ժամանակ մի եւ անտես առնել :

Զոմանս ի հոգւոց պարտ եւ պատշաճ
է նախ հնարիւք զթութեան փորձել,
քան զամօթ դառն կշտամբանաց վայ-
րապար կուտել ի վերայ :

Յիրաւի ուրեմն եւ կարի իսկ նմանա-
գոյնս ասաց մի ոմն ի յաջորդացն Պե-
տրոսի թէ Սուրբ Եկեղեցի ինչ ինչ սաս-
տկութեամբ ուղղէ, ինչ ինչ թողացու-
ցանէ հեզութեամբ, ինչ ինչ ընդ չտես
առնէ խորհրդով եւ հանդուրժէ, որ-
պէս զի բազում անդամ զչարն յորմէ
խորշի եւ գարշի՝ հանդուրժելով եւ ան-
տես առնելով կարճեցէ :

Ապա զամենայն հնարս հնարեաջիւ-
րայտահետեւ, զի նախ զսիրտն զքեւ
ածիցես քաղցրութեամբ, եւ ապա յե-
տոյ ուղղեցես զնոսին խրատուք :

Գ Լ ՈՒ Խ ԾԲ .

Ասան արտաբերան մտայ :

Ա . ՈՐԴԵԱԿ , առեր զհոգի սուրբ ի
զօրութիւն , մի լինիր այսուհետեւ կարճ-
ուղի :

Զօրացիր եւ մի երկնչիր , լեր քաջ ի
պատերազմի , եւ մարտիր արութեամբ :

Որչափ եւ տկար եւ անզօր իցես , յի-
շեա զի ես ընտրեցի զքեզ զի քեւ զհը-
զօրս յամօթ արարից :

Որչափ եւ խստապարանոցք իցեն՝
զորս նուաճեին պարտիս , սակայն յիշեա
զի արարի զդէմս քո հաստատուն առաջի
երեսաց նոցա :

Թէպէտ եւ համօրէն աշխարհ հակա-
ուակ քո զէնս առեալ ճակատեսցի , մի
զանգիտեսցես եւ մի խուճապեսցիս ի
յանկարծական երկիւղէ , ես որ յաղթե-
ցի աշխարհի՝ ընդ քեզ եմ իբրեւ հզօր
պատերազմող , վասն այնորիկ հալածեա-
ցին եւ իմանալ զհնարս ոչ կարասցեն :

Բ . Արդ , սրգեակ , քանզի կոչեցար
դու միանգամ յինէն հովուել զհոգիս , եւ
ոստիկան եւ յանձանձիչ օրինաւոր կար-
գեցար ոչխարաց իմոց , ապա մի ի մո-
ռացօնս արկանիցես զպատուիրանս իմ
եւ մի երկմտեսցես ի խոստմանէ իմիկ :

Տես թէ սր յուութիւնք սպրդեալ
մտեալ իցեն , զոր չարիս պարտ իցէ քեզ

Հարածական առնել, զոր բարիս տածել
եւ խնամել. եւ յետ իմաստութեամբ
զհնարս հայթայթանաց՝ որովք զայդ
ամենայն յարդիւնս կարացես ածել՝
իմանալոյ, արի եւ գործես :

Ասա համարձակ յթագաւորս՝ թէ Աչ
է օրէն : Ասա անիրաւ առաջնորդի՝ Գու
ես այրն այն : Ասա ցամաքաբիշան վերա-
ցեալ բարձրացեալ՝ Վայ քեզ, ի շարիս
մեռցիս, անցից եւ ահա ոչ իցես :

Ասա ցնտս որ անարժանս ի քէն
պահանջիցեն՝ Ինձ հնազանդել պարտ է
Աստուծոյ առաւել՝ քան մօրդկան :

Ասա ցայնոսիկ որ ոչն ընդունիցին
զբանս քս՝ Վայ քեզ Քորագին, վայ քեզ
Բեթոայիդա, ահաւասիկ զփոշի ոսից
իմոյ թօթափեմ ընդդէմ ձեր ի վիայ-
ութիւն :

Ասա ցկեղծաւորսն՝ Վայ ձեզ, որմք
բուեալք. հարկաներաց է զձեզ Տէր :

Ասա ցնտս որ ոչ երկնչին անարժա-
նութեամբ ի սեղան իմ մատչել, Ելցեն
արտաքս շունք, չէ օրէն ինձ տալ զՍրբ-
բութիւն՝ շանց :

Արձակեա նետս եւ փայլատակունս՝
զի զամենայն անօրէնութիւնս ցրուեսցես :

Խորտակեա զհպարտութիւն հարքս-
տաց, կարծես զմեծատանց զագա-
հութիւն, նուաճեա զապականութիւն
պղծոց :

Ի բաց փշրեա զատելութիւնս թշնամեաց, ցածո զմոլեղնութիւնս բարկացողաց, որոտա ընդգէմ հեշտութեանցն մարմնասիրաց:

Քակեա զերիտասարդացն զպարանցիկս եւ զխառնակեցիկ կեանս. բարձ ի միջոյ զգիրս ամպարշտութեան եւ զլրկտութեան, կարկեցո զցուցս խեղկատակութեան, հատ ի բաց զհայհոյութիւնս:

Գ. Այս իսկ յորժամ զճշմարիտն խօսիցիս՝ լիցիս թշնամի, եւ յարուսցէ սատանայ հալածանս հակառակ քո, բայց չես ի վեր ոք քան զիս, որդեակ, եթէ զիս հալածեցին, ապա եւ զքեզ հալածեսցեն:

Կարող ես արդարեւ լռելով եւ շնորհելով՝ թափել զքեզ ի հալածանաց. եւ այնու իսկ հաճոյ լիցիս մարդկան, այլ Քրիստոսի ծառայ ոչ իցես:

Յուշ լիցի քեզ զինս՝ որ ետդ պաշտօնեայ, ոչ եկն խաղաղութիւն արկանել, այլ սուր:

Մի այսուհետեւ թմբբեալ կացցես եւ մի ձեռն զձերբ արկեալ: Առ զսուսեր Հոգւոյն՝ որ է բանն Աստուծոյ, եւ մի խնայեր:

Գ. Եթէ ի ժողովրդոց իւրեանց հանցեն զքեզ, եւ եթէ եկեսցէ ժամանակ՝ զի սպանանել կամիցին զքեզ եւ ասիցեն.

Այրս այս ոչ խնդրէ զխաղաղութիւն
ժողովրդեան՝ այլ զչարիս, եկայք կալ-
ցուք զնա, ջնջեցուք յերկրէ զանուն
նորա. պաշտօն մատուցանիցեմք Աստու-
ծոյ՝ եթէ արկցուք զնա յարեւէ:

Յայնժամ դու, սրդեակ, լեր աներ-
կեւղ, կաց առաջի թագաւորաց եւ
դատաւորաց, եւ ընծայեցո զանձն քո
առաջի նոցա հաստատուն եւ անխա-
խուտ եւ ի բանաս եւ ի տանջանս եւ
ի մահուան, որպէս զի ցուցցես այնու՝
թէ մեռանել մեռանի ճշմարիտն քա-
հանայ՝ այլ ի պարտութիւն ոչ մատնի:

Ե. Սրդեակ, ամենայնի կարող ես
ինեւ որ զօրացուցանեմն զքեզ:

Պետրոս թողեալ անձին իւրում՝ ի
ձայն բարբառոյ աղախնոյն զիս ուրացաւ.
Պետրոս յինէն օգնեալ՝ արութեամբ եւ
քաջութեամբ զչարչարանս խաչի կրեաց:

Ապա մի երկնչիւր եւ մի ասիցես՝ թէ
մարդ եմ, եւ զի՛արդ այդպիսեաց ժու-
ժայցեմ:

Գիտասջիւր, սրդեակ, զի յայնմ ժա-
մու ոչ դու իցես որ քեզոյն տոկայցես,
այլ Հոգի իմ՝ որ տոկայն ի քեզ:

Ասա այսուհետեւ, արդարեւ իսկ, Տէր,
թէ հարկ իցէ՝ տաց զանձն իմ վասն
իմոց ոչխարաց:

Գիտեմ, Աստուած իմ, զի ոչ անհնա-
րինս հրամայես դու, այլ ձեռնկալու լի-

նիս ի հրամայելն քում, զի զոր ինչ հրամայեաղ՝ հանել ի գլուխ մարթասցուք :

Խոստացար, Տէր, եւ կատարեացես, յօգնել ինձ նայեացիս եւ յընկերել ինձ փութացիս :

Գիտեմ յո հաւատացեալն եմ եւ հաստատեալ եմ : Այո՛ կալայց զպաշտօն իմ կատարեալ, ոչ երկեայց ի շարէ՛ զի դու ընդ իս իցես :

Զ. Այսպիսի իսկ արութիւն մտաց վայել է իմում զինուորի, սրդեակ : Քաջ լեր, քաջ լեր. հեռի արա ի քէն զծուլամտութիւն վեհերստն Հեղեայ :

Մի լոկ ի շարիսն եւեթ հայեացիս եւ վհատեալ յոգւոց հանցես, մի մեղմագոյնս յանդիմանեացես եւ ասացես՝ թէ սրդեակք, ոչ բարւոք է գործդ զոր դուքդ առնէք :

Մի կարի իմն հեղութեամբ խրատեացես, երկուցեալ թէ գուցէ զայրացին եւ հետեացեն : Աշտամբեա, սրդեակ, կշտամբեա զսիստն խստիւ :

Քաջ լեր, քաջ լեր. մի կասկածեր եթէ գուցէ համբաւ եռանդան նախանձու քո՛ զխծբիծ եւ զթշնամանս քահանայիցն թուլամտաց յանձն քո ձգեացէ : Ոչ եթէ նոցա՝ այլ ինձ համարս տալոց ես :

Քաջ լեր, քաջ լեր. մի հայեացիս մի յաջ եւ մի յահեակ :

Մի ասիցես թէ զինչ խորհեացին, զինչ ասացեն թէ զայս շար արդելուցում եւ զայն բարի պահանջիցեմ: Այնմ միայն ուշ դիր՝ թէ զինչ ինչ պարտ իցէ քեզ առնել: Հարց նախ խորհուրդ յիմաստնոյ՝ եւ ապա գործեսջիր:

Սակայն եւ այն իսկ յուշ լիցի քեզ՝ զի հայր արժան է քեզ լինել եւ ոչ եւ թէ բռնաւոր, հովիւ եւ ոչ գայլ, բժիշկ եւ ոչ սպանիչ:

Արդ յիշեալ դու զհեզութիւն եւ զքաղցրութիւն նա եւ յորժամ հասանիցէ քեզ վառեալ բորբոքել նախանձու. մի արմատաքի տակակոտոր խլեսցես, այլ մանաւանդ ուողանեսցես. մի ցրուեսցես, այլ առաւել տածիչ լինիցիս. մի սպանանիցես, այլ մանաւանդ թէ աուողջացուցես:

Այսուհետեւ իմաստութեամբ եւ խորհրդով գործեսջիր, սրդեակ, այլ ի խորհրդոյ մարմնոյ՝ որ թշնամութիւն է յԱստուած, ամենեւին իսկ զգոյշ լինիջիր:

Գ Լ Ո Ւ Խ Ծ Գ.

Ասան խորագիտութեան իմ փանդութեան:

Ա. Լ ԵՐ խորագէտ իբրեւ զօձ, եւ միամիտ իբրեւ զաղաւնի. ահա քեզ, սրդեակ, զէնք. սոքիմք յաղթեսցես:

Սրբութեամբ՝ զանձն քո փրկեսցես.

խորագիտութեամբ եւ միամտութեամբ՝
զայլս սուրբ յարդարեացես :

Խորագիտութեամբ՝ նախանձն առնի
հուր համակ վառեալ . իսկ առանց խո-
րագիտութեան լինի մըրիկ կործանիչ :

Խորագիտութեամբ՝ հեղութիւնն առ-
նի օծութիւն առողջացուցիչ . առանց
խորագիտութեան՝ թոյն լինի ապակա-
նիչ :

Խորագիտութեամբ՝ խօսք քարոզչի
սրպէս սլաք թափ անցանեն . առանց
խորագիտութեան՝ լիցին բանք ընդ օդս
թռուցեալք :

Խորագիտութեամբ՝ զամենայն ինչ
օգտիւ վճարեացես . առանց խորագի-
տութեան՝ զբնաւ ի զուր եւ ընդ վայր
գործեացես :

Խորագիտութեամբ՝ իմաստնագոյնս
զճոխս պատուեացես , եւ պատուեալ շի-
նեացես . առանց խորագիտութեան՝ կամ
նոցա ծառայեացես , կամ դառնացու-
ցես զնոսա , եւ այնու իսկ վնասակարա-
գոյն յոյժ սրբոյ պաշտաման զքո թշնա-
միս գործեացես :

Խորագիտութեամբ՝ ամենեցուն , որ-
չափ եւ մարթ եւ հնար իցէ , հաճոյ լի-
ցիս . առանց խորագիտութեան՝ կամ
զխղճամիտն վասն կարի իմն բնութանու
թեանդ գայթաղեցուցես , եւ կամ
զմեղաւորս ի ձեռն տմարդի եւ շինակա-

նազոյն խստութեան ի քէն ի բաց հե-
ռացուցես :

Խորագիտութեամբ՝ զպաշտօն քո
փառաւոր արասցես . առանց խորագի-
տութեան՝ կամ առաւել քան զչափն
երկայնելով՝ ձանձրոյթ արկանիցես , կամ
թէ բնաւ վաղվաղելով՝ զՋերմութիւն
եռանդանն նուազեցուցանիցես :

Խորագիտութեամբ՝ զժանդաբեր թոյ-
նքս ի սրտից խոստովանողացն ի բաց
թօթափեսցես յաջողութեամբ , եւ զա-
ռաքինութեան զտերմն քաղցրութեամբ
ի միտան անկեսցես . իսկ առանց խորա-
գիտութեան՝ զսիրտս ապաշխարողայն
փակեսցես եւ տաղտուկ ի միտան ծնա-
նիցիս :

Խորագիտութեամբ՝ սքանչելազոյնս
հալուեսցին եւ յերիւրեսցին ոչխարքն
քո . առանց խորագիտութեան՝ օցաւալ
վարատեսցին , կամ յաղմկի եւ ի շփո-
թի կացցեն :

Բ . Արդեակ , խնդրեա յինէն խորա-
գիտութիւն . պատուականազոյն է նա
քան զականս պատուականս , եւ ամենայն
ինչ որ պատուական է՝ չարժէ զնա :

Հայցեա զիմոյ աթոռոյ զգարանակալ
իմաստութիւն , զի յամենայնի վարեսցէ
զքեզ :

Արօնեա զայն առ իմաստունս , եւ
գնեա քեզ զայն . երթ առ Անանիա ,

խորհուրդ ստէպ խնդրեա յիմաստնոյ,
նա պատմեսցէ քեզ՝ զինչ քեզ պարտ
իցէ առնել:

Չէ արժան քեզ, օրդեակ, իսկ եւ
իսկ վստահ լինել յանձն քո, գոյզն ինչ
լոյս ի քեզ է. յուզեալ շարժիս երբեմն
կարեօք՝ եւ համարիս թէ նախանձ իցէ:

Խնդրեա յառնէ երկիւղածէ ուսանել
առաւել քան զքոյ հնարագիտու-
թեանց զհետ երթալ:

Գ. I Եր միամիտ. յամենայնի յստակ
եւ անկեղծաւոր ցոյց զանձն քո. գոր-
ծեսջիր առանց սնգուրի եւ պաճուճա-
նաց, եւ խօսեաց առանց նենդութեան:

Հաւատա ինձ, զի միամտութիւն հզօ-
րագոյն է քան զամենայն խորամանկու-
թիւն եւ զհնարագիտութիւն:

Առչեա զռչխարան ի սրտէ, եւ ոչ բե-
րանով եւեթ, եւ եկեսցեն ժողովեսցին
ի ձայն բարբառոյ քո:

Աշտամբեա զմեղաւորս մի սաստկագոյն
եւ պատուհասագոյն բանիւք, այլ ցաւ-
ովք եւ վշտակից լինելով, յայնժամ լայ-
ցեն եւ զոփայցեն, յայնժամ դարձցին:

Գրդեա զկարճամիտսն մի իբրեւ տէր,
այլ որպէս զարծուի որ գրգռիցէ զձագս
իւր ի թռչել, եւ յայնժամ ճեպեսցեն
եւ ընթացին:

Գ. II Երանեալ միամտութիւն, որ
յազնուագոյն սրտէ բխեալ երանես, եւ

զունինդրացն եւ զտեսողաց զսիրտս ու
զլքես, եկ եւ տիրես յամենայն ի
զօրծս իմ:

Սովինք հաճոյ եղէց քեզ, Աստուած
իմ, որ սիրես զուղիղս սրտիւք, եւ հա-
ճիս ընդ բարութիւն անկեղծիկն ողւոյ:

Այսուիկ հաճոյ եղէց մարդկան, որոց
սիրտ հայրենի եւ տաինս մօր ընծայե-
ցուցից:

Գ Լ Ո Ի Խ Ծ Գ .

Վասն հիւր-բեռն:

Ա. ՈՐԴԵԱԿ, հեզութեամբ զպաշ-
տօնդ քո կատարեալ կալ, եւ յարանց
ընտրելոց սիրեացիս: Ես եմ Գառն Աս-
տուծոյ, շատ իցէ աշակերտին՝ եթէ ե-
ղիցի իբրեւ զվարդապետ իւր:

Ձառաքեալս իմ առաքելցի իբրեւ
զոչխարս ի մէջ դայլոց: Եւ զոր օրինակ
հեզութեամբ Գառին ի սպանդ վարե-
լոյ՝ մահու եւ դժօխոց յաղթեցի, նոյն
օրինակ եւ ոչխարացն հեզութեամբ՝
յաղթեցին աշխարհի առաքեալքն իմ:

Ես Տէր առաջնորդեցից հովուի հե-
զոյ: Հովուի հեզոյ ուսուցից զճանա-
պարհս իմ: Որպէս եղէ ընդ Մովսիսի,
զոր ի հեզութեան իւրում սուրբ արարի,
նոյնպէս եղէց ընդ նմա: Նովու ոչխարքն
իմ ձայնի իմում լուիցեն, սպրեացին եւ
ոչխարքն եւ հովուն ի միասին:

Բ. Ապա լեր, սրդեակ, հովիւ քաղցր
եւ հեզ : Զի մի արատեսցի պաշտօն քս'
լեր հեզ առ ամենեսին :

Ընկալ սիրով զոյգ հասարակ զազամն
եւ զանազատ, զմեծատուն եւ զաղքատ,
տուր նոցա խորհուրդ եւ լիջիր օգնա-
կան . ընդ այնպիսեաց՝ որ նեղիցեն եւ
ծանրանայցեն՝ մի խստիւ զնայցես, այլ
քաղցրութեամբ :

Ոչ մերժեցի ես զեկեալսն առ իս, այլ
զթութեամբ ընկալայ եւ լցի երախ-
տեօք : Զմանկտին ընկալայ, ժողովըր-
դեանն որ անճահս իմն խռնէր՝ ուսուցի,
զտառապեալս եւ զտնանկս մխիթարե-
ցի, հիւանդաց այց արարի եւ բժշկե-
ցի, զհամբոյր մատնչին ոչ մերժեցի :

Ուսիր յինէն ունել դութ, ողորմու-
թիւն, քաղցրութիւն, խոնարհութիւն,
հեզութիւն, երկայնամտութիւն :

Մի տրամագոյնս քան որչափ պիտոյ
իցէ՝ հայեսցիս յոք, մի բան ինչ խիստ
ասիցես, մի դառն պատասխանուով զտա-
ռապեալն տրտմեցուցանիցես, մի ընդ
անիրաւիչն զայրասցիս, մի հրաժարեսցիս
թողուլ հակառակորդին, յաղթեա բա-
րեան չարին :

Ամենայնի համբեր, ամենայնի ժուժ-
կալեա, մի ումեք մեղանչեր, զգոյշ լեր
ի կռուոց, զգոյշ լեր ի հակառակու-
թեանց :

Առաջնորդաց քոյ յամենայնի յօժա-
րութեամբ եւ հաւատարմութեամբ հնա-
զանդ լինիջիր, մի ինչ բնաւ նշմարանս
ապստամբութեան կամ անհնազանդու-
թեան ի սրտի պահիցես: Ձի որ հեղ
ժառայ է քրիստոսի՝ չգիտէ ընդդէմ
ողորել, իբրեւ կաւ ի ձեռն բրտի՝ որ ոչ
երբէք ասէ՝ թէ զի՞ առնես զիս այդպէս:

Գ. Օջարմացիր, սրդեակ, եւ նախան-
ձաւոր լեր հեզութեան Մարտինոսի: Ոչ
ոք ետես երբէք զնա բարկացեալ, ոչ
թախծեալ եւ ոչ ի ծաղր հատեալ.
միշտ մի եւ նոյն էր, հանապաղ երկնա-
ւոր իմն զուարթութիւն ի դէմնս բերէր:

Այնպիսի համբերութիւն էր նորա
ընդդէմ համօրէն անիրաւութեանց,
որպէս զի եւ ի գձուձ կղերաց զրկանս
կրէր անպատիժ անպատուհաս, եւ ոչ
վասն այնորիկ հան ընկէց զնոսա ի տեղ-
ւոյէն իւրեանց եւ կամ բնաւ ի սիրոյ
իւրմէ ուժացաւ:

Ոչ ինչ այլ ինչ էր երբէք ի բերանի
նորա՝ բայց քրիստոս, ոչ ինչ ի սրտի
նորա՝ այլ գթութիւն, խաղաղութիւն
եւ ողորմածութիւն: Բազում անգամ
եւ վասն մեղաց այնոցիկ՝ որ չարախօսք
եւ զրպարտիչք նորա երեւէին, սովոր
էր լալ եւ արտասուել:

Տես, սրդեակ, եւ զՍաղէս, ընդ ամե-
նայնի ամենայն եղևւ քաղցրութեամբ,

զի զամենեւեան շահեսցի: Տես եւ լեր նմանող:

Գ. Սակայն մի մոռացիս զայն, որդեակ, թէ առաջնորդ եւ յանձանձիչ ես դու հօտին իմոյ: Ոչ եթէ ճարակել եւեթ եւ բուծանել պարտ իցէ քեզ զոչխարսն, այլ եւ յանձանձել եւս եւ դարմանել, եւ յայն սակս իսկ եւ երբէք երբէք խրատել եւ յանդիմանել:

Ապա տես զի մի այդչափ հեզ իցես՝ մինչեւ զիրաւունս ճիշդն վարչութեան կորուսանիցես, եւ մի ճիշդ այնչափ՝ որպէս զի զքնաւ հեզութիւն քաղցրութեան ի բաց մերկանալ:

Բեր յանձին եւ զհեզութիւն եւ զխրատ այնպէս՝ զի մի ի զթոյ արգահատութեան կասեացես ինչ՝ յորժամ զխեռ ոք կշտամբեացես, եւ մի զխրատուն խատութիւն ամոքիցես՝ յորժամ զխօթամիտսն մխիթարեացես:

Ե. Ո՛վ Տէր, որ ինքնին իսկ քաղցրութիւն ես եւ հեզութիւն. զխարդ գեղեցիկ ես, սիրելի իմ, եւ բարենշան:

Յոյց ինձ զերեսս քո, աեսից զգթութիւն զիմաց քոց, զաչաց քոց զվայելչութիւն, զքաղցրութիւն շրթանց քոց, զբարութիւն քոց ձեռաց, զգեղեցկութիւն քոյոցն գնացից, եւ ի վեր քան զայս ամենայն զազնուագոյն սէր սրտի քո:

Տեսից զքեզ զԱստուածդ աստուծոց,

Հանապազ առաջի աչաց իմոց կալայց
զ.քեզ, զի յափշտակեալ ի քումէ յան-
բաւ սիրելու թե՛նէ՛ թեւակօխեցից զ.քո
հեղու թիւն զանձամբ առնուլ եւ նմին
նմանող լինել :

Գ Լ Ո Ի Խ Ծ Ե .

Յաճախ համբերութեան :

Ա . ԱՐԿ եղև ինձ շարշարել, սր-
դեակ, եւ այնպէս մտանել ի փառս իմ :

Վասն սորին իսկ այսորիկ յամենայն
ժամ ի տանջանա պատրաստ եղէ, վասն
այսր վաստակաւոր եղէ ես ի մանկու-
թե՛նէ իմմէ, զմին իրի եղէ այր ի հա-
րուածս եւ դիտացի համբերել ցաւոց :

Եւ քեզ, սրդեակ, պարտ եւ պատշաճ
է բազում նեղութեամբք մտանել յար-
քայութիւն իմ :

Յայն սակս ասացի քեզ, սրդեակ,
կամի՞ս զկնի իմ գալ . Ա՛ն զխաչ քո :

Արդարեւ իսկ, սրդեակ, ամենայն ինչ
հատտատեալ կայ ի խաչի, եւ եթէ գոյր
ինչ լաւագոյն առաւել քան զշարշարել
ցուցեալ իսկ էր իմ զայն քեզ գործովք
եւ բանիւք :

Ապա պիտոյ է քեզ համբերութիւն,
զի զկամս Հօր իմոյ արարեալ՝ հասցես
աւետեացն : Ապա համբերութեամբ
պարտիս ընթանալ ի պատերազմ որ
առաջի կայ քեզ :

Բ. Իսկ արդ՝ եթէ՝ քրիստոնեայ մի-
այն լինալ էր քո, ասէի ց.քեզ՝ սու,
որդեակ, զվահան համբերութեան եւ
միշտ կալ ընդ քեզ:

Չի կեանք եւ վարք քրիստոնէի՝ ե-
թէ ըստ Աւետարանի կեցցէ, խաչ եւ
մարտիրոսութիւն է:

Այլ քահանայ ես, առաջնորդ այնու-
ցիկ՝ որ յայսմ խաչի եւ ի մարտիրոսու-
թեան յայսմիկ կեանս պարտին վարել:
Ապա որչափ եւս առաւել պիտոյ է քեզ
համբերութիւն:

Առանց համբերութեան՝ զի՛արդ ի
համբերութիւն զոչխարս իմ յորդորես-
ցես, առանց համբերութեան՝ որպէս
աշխատութեանց, անձկութեանց, քրք-
տանց եւ տառապանաց սրբոյ պաշտա-
մանդ տոկալ հանդուրժել մարթայցես:

Առանց այնր՝ որպէս ընդդէմ աշխար-
հի եւ սատանայի մարտնչեսցիս: Առանց
այնր՝ զի՛արդ կարիցես դիմակալ լինել
զօրութեանցն ամպարշտաց ի քո վերայ
յարձակելոց:

Առանց այնր՝ արդարեւ իսկ ոչ լիցիս
յառաջադէմ, այլ պակասեալ դատնի-
ցիս. ոչ յողթեսցես՝ այլ յողթեսցիս:

Առանց այնր՝ մեղկացի ի սակաւ ժա-
մանակի ատուած պաշտութիւն քո,
ցրտացի եռանդն քո. ոչ կացցես ի
բարութեան, այլ իբրեւ զմրրիկ որ առ

ասկաւ մի երեւեալ՝ եւ իսկ եւ իսկ յու-
եւպէտ խափանչաց ապականի:

Առանց այնր՝ արկցես այն ձեռն զմա-
ճով, այլ հայիցիս յետս եւ վասն այնր
ոչ իցես յաջողեալ արքայութեան Աս-
տուծոյ:

Գ. Իսկ համբերութեամբ ինձ որ ի
խաչ ելի՝ լիցիս կերպարանակից. այնու-
յանկ իմոց կամոց հպատակ կացցես,
զհաճոյս իմ արատցես հանապաղ:

Այնու սքանչելապէս իմն զմեղս քո
քաւեսցես, այնու ընդդէմ փորձու-
թեանց լիցիս ամբացեալ:

Այնու եղիցես ճշմարիտ պաշտօնեայ
իմ, լաւ քան զհօր եւ քան զայր որ
առնուցու զքաղաք հօր, յատենի խոս-
տովանութեան եւ ի բեմբի՝ անխօնջ եւ
անվաստակ, ի վտանգս՝ աներկեւղ, ի
հալածանս՝ անշարժ եւ անխախուտ:

Ծիծաղեսցին զքեւ անօրէնք, եւ ոչ
ամաչեսցես, մարտիցեն ընդ քեզ եւ
դու գեր ի վերոյ լինիցիս:

Դ. Յուշ լիցի քեզ, որդեակ, չիք
իսկ բնաւ նեղութիւն՝ զոր իմ չիցէ ա-
ռարեալ:

Ապա որպիսի ինչ եւ նեղութիւն հաս-
ցէ ի վերայ քո՝ ժուժկալեա համբերու-
թեամբ, որպէս այն թէ տեսանէիր
զհայր քո զերկնաւոր որ իւրով ձեռամբ
պատուհասակոծ առնէր զքեզ:

Հեծէ թերեւս երբեմն բնութիւն քո տկար, այն մարդկօրէն իմն է. այլ տըրտընջել եւ քրթմնջել չէ օրէն:

Որդեակ, ժուժկալեա արութեամբ ամենեւին իսկ յանձն լինելով եւ լիով անխտրութեամբ, որպէս զի մի ի յաջողութիւն առաւել քան ի չաջողութիւն, յառատութիւն քան ի չքաւորութիւն, յառողջութիւն քան ի հիւանդութիւն, ի խաղաղութիւն քան ի հալածանս ի սրտի քում յօժարեսցիս եւ փափաքեսցես, ասելով յամենայնի՝ Տէր, պատրաստ է սիրտ իմ. Տէր, զի՞նչ կամիս զի արարից:

Ազնիւ, ծառայ բարի, ժուժկալեա տակաւին կատարելապէս, համբեր խրնդութեամբ ամենայն ուրախութեան արժանի համարեալ՝ յորժամ ի պէսպէս փորձութեանց ի մէջ անկանիցիս:

Գիտասջիր զի հանդէս՝ յօրինեալ գործէ զհամբերութիւն. իսկ համբերութիւն՝ գործ կատարեալ ունի:

Գիտասջիր զի որչափ եւս առաւել չարչարեսցիս, նոյնչափ անկասկածագոյնս եւ յապահովագոյնս յարքայութիւն իմ հասցես:

Ե. Աւասիկ քեզ, որդեակ, ճանապարհ ճշմարիտ որ տանի ի կեանս, դուռն՝ ընդ որ լինի մտանել ի քաղաքն վերին:

Ասիցես՝ անձուկ է ճանապարհն, նեղ գուռնն, խիստ է բանն . այլ եւս իմն խստագոյն լիցի լսել երբեմն զբանն զայն յետին՝ Երթայք յինէն, անիծեալք, ի հուրն յաւիտենական :

Խիստ է, սրգեակ, բանն : Եթէ վաստակն ահաբեկ առնէ՝ հրաւիրեալ կոչէ վարձուցն հատուցումն : Առժամայն յաճախութիւն թեթեւ նեղութեանս՝ զմեծութիւն յաւիտենականն փառաց դործէ ի մեզ :

Խիստ է բանն : Այլ, սրգեակ, ես նախ զայն պահեցի : Տես թէ սրպէս կախեալ զնաչէ՝ զբերան իմ ոչ բացի :

Խիստ է բանն : Այլ սուրբք իմ զայն պահեցին :

Հայեաց ընդ առաքեալս, ընդ մարտիրոսս, ընդ այնչափ սուրբ քահանայապետս եւ ընդ այնչափ քահանայս, տես սրչափ ինչ շարշարեցան, զհարդհորադոյնս փորձեցան, սրպէս ծանունս նեղեցան, զհարդ ընդ բազմապատիկ հանդէսս եւ ընդ հրահանգս անցին :

Երթ, սրգեակ, զհետ այնչափ բազմակոյտ վկայից, գիտացեալ՝ զի եթէ ընդ նոսս չառնուս յանձն շարշարել, ի բաց հրաժարիս եւ ի պակեւոյ ընդ նոսս :

Խիստ է բանն : Այլ սրչափ ճգունս չառնուն յանձն այնչափ արքունականք եւ վաճառականք վասն աշխարհի եւ

վանն ժամանակեան շահուց, այնչափ պատերազմողք՝ վանն սնտափ փառաց, այնչափ ամպարիշտք՝ վանն բուն իսկ չարեաց :

Նախանձաւոր լեր, սրդեակ, նախանձաւոր լեր եւ զամօթի հարջիւր զի ոչ չարչարիս դու վանն երկնից, ուր նոքա՝ այնպէս չարչարին վանն ոչընչի :

Զ. Տէր, եղիցին կամք քո : Աստ կիզեա, աստ կարեա. պատրաստ եմ եւ ոչ եմ խռովեալ :

Այլ դու գիտես, Աստուած իմ, հոգիս յօժար է, բայց մարմինս տկար :

Եթէ ի վեր քան զչափ եւ զպայման ամիցէ նեղութիւնն, եթէ ընդերկար տեւեսցէ, զնորդ կարիցեմ հանդուրժել :

Է. Սրդեակ, միթէ ո՞չ հայր իցեմ ես. ո՞չ իցեմ ես հաւատարիմ :

Արդարեւ ոչ արկից զքեզ ի փորձութիւն առաւել քան զկար քո, այլ արարից ընդ փորձութեանն եւ զելնն, զի համբերել կարասցես :

Աղօթս արա, սրդեակ, եւ համբեր. եւ տեսցես առանց երկմտութեան յիւրում ժամանակի զիմ օգնականութիւն եկեալ առ քեզ :

Գիտեմ ես զժամանակ եւ զպայման օգնելոյ եւ ազատելոյ զքեզ : Ապա մի մեհերեր այսուհետեւ ինձ յանձն առնել զքեզ ողջ բովանդակ :

Եթէ ընդերկար, ասեա՛, տեւեսցէ
բաւեսցէ նեղութիւնն : Ո՛րդեակ, թէ
միայն ոչ պակասեսցեն քեզ շնորհք իմ՞
զի՞ տաղտապիս, զի՞ զանգիտես :

Ո՛չ գոյզն ինչ է եւ սակաւօրեայ՝ որ
անցանէ ընդ ժամանակի : Զի՞նչ այն
ամենայն առ յաւիտենականութեամբ :
Անոս տակաւիկ մի եւ տեսցես զարա-
գահսան կատարած :

Գ Լ Ո Ի Խ Ծ Զ .

Ասան քայնախղութիան :

Ա . Ս ԱՅ մարդոյն այնմիկ՝ յոյր ձեռն
գայցէ գայթակղութիւն : Լաւ է նմա
եթէ կախիցի երկան իշոյ ընդ պարանոց
նորա եւ ընկզմիցի ի խորս ծովու :

Արդ որպիսի վրէժխնդրութիւն, սր-
դեակ, կայ մնայ քահանայի՝ որ տայցէն
գայթակղութիւն :

Որպիսի ինչ պատիժ պատուհասի
կրեսցէ նա՛ որում պարտ եւ պատշաճ
էր ըստ իւրում պաշտամանն պատմել
զարդարութիւնս իմ, եւ առնուլ զուխտ
իմ ի բերան իւր, յորժամ դիցէ գայ-
թակղութիւն յանդիման որդւոց Մօր
Եկեղեցւոյ եւ յանդիման ոչխարաց իմոց :

Եկեսցէ, սրդեակ, որ բարկութեան,
որ մեծ եւ դառն յոյժ :

Յայնժամ ժողովեսցեն հրեշտակք իմ
զամենայն գայթակղութիւնս, եւ արկ-

ցեն զնոսա ի հնոց հրոյ, եւ զքահանայից
զգայթակղութիւնս ընկեսցեն ի խորս
հնոցի :

Ո՛քահանայքդ. վայ աշխարհի ի գայ-
թակղութեանց ձերոց. բայց առաւել-
լագոյն վայ ձերոց գայթակղութեանց ի
բարկութենէ իմմէ :

Բ. Արդարեւ, որդեակ, մեծ եւս է
անօրէնութիւն քահանայի որ գայթա-
կղեցուցանիցէ՝ քան զմեղս Սողոմայ, որ
ի միում ի սակաւ ինչ վայրկենի կործա-
նեալ յատակեցաւ ի հիմանց :

Լուր զիարդ դարան գործէ ինձ, որ-
պէս մարտնչի ընդ իս անօրէնն այն :

Ի վերայ ժողովրդեան իմոյ կացուցի
զնա, եւ ասացի բամ՝ փոյթ արա զի ինձ
երկիր պագանիցեն եւ զիս միայն պաշ-
տեսցեն :

Իսկ նա իւրովք օրինակօքն զծառայան
իմ ի պարտուպատշաճ արբանեկութենէ
կորզեալ անջատէ եւ առնէ զի կողաքակ
լիցին յինէն չզինուորել ինձ, եւ տայ
մտանել ի զինուորութիւն բանսարկուն
սատանայի :

Անտի աճէ իմն թիւ համարոյ զօրացն
սատանայի թշնամւոյ իմոյ, եւ նա ի բազ-
մութիւն իւր խրախուսեալ՝ յանդգնա-
գոյնս եւս ի հակառակ իմ յարուցեալ
մարտնչի :

Նա աւանիկ նենգաւորն այն քահա-

նայ դաշինս միաբանութեան կռէ ընդ նմա հակառակ Բրիտանի Արդւոյ իմոյ, զնշանս յաղթութեան նորա յափշտակեալ եւ զձաղումնն առաջութաւ հարկանէ :

Զիշխան աշխարհիս արտաքս ընկէց Յիսուս . իսկ քահանայ շար զիշխան աշխարհիս թագաւոր կացուցանէ ի վերայ այնոցիկ՝ զորս իւրովքն գայթագղանօք ձգեալ ի մեղս ամէ :

Անարատ յարդարեաց Յկեղեցի իւր Յիսուս իւրով արեամբն լուացեալ զնա . զանդամս Եկեղեցւոյ իւրովք գայթակղութեամբքն արատէ եւ զեղծուցանէ քահանայ անօրէն :

Աչ այսչափ միայն, որդեակ, այլ եւ զՀոգին շնորհաց թշնամանէ եւ մարտ եւս ասց ընդ նմա գայթակղութիւն քահանայի :

Հեղի զՄխիթարիչս զայս յորդեղիրս, զի կացցէ եւ մնասցէ ընդ նոսա, իսկ նա քա անօրէնութեանոյն քահանայի նմանեալ՝ յորմէ եւ անիրաւութեանց ի վերայ հասեալ՝ զՀոգին զայն սուրբ մերժեն եւ ի բաց ընկենուն, զի ոչ բնակէ ի մարմնի վարեցելոյ մեղօք :

Տես որպէս նա սրում պարտ էր զհար Հոգւոյ իմոյ ի սիրտս սնուցանել եւ արժարժանել, ինքնին իսկ իւրովք գայթակղութեամբք զայն հար շիջուցանէ :

Ո՛ ժանտաժուտ քահանայ . վայ քեզ՝

ոյր գայթակղութեամբ շարիք այսպիսիք հասանեն :

Գ . Այլ քեզ որ կաող առանց մեծարանաց եւ աստուածալաշտութեան առաջի սեղանոյ իմոյ : Յանպատկառութիւն, յանհաւատութիւն եւ յանպարզտութիւն ածես զոչխարս իմ :

Այլ քեզ որ անսուրբդ ես : Այլ քեզ որ ընտանի կանանց իցես եւ իբրեւ այնպիսի իսկ ծանուցեալ իցես : Յանամօթութիւն եւ յանօրէն կենաց կցորդութիւն յօժարեցուցանես զոչխարսն իմ, եւ ի խոհերս պղծալից ցանկութեանց քոյովն օրինակաւ թաթաւեալ պարես :

Այլ քեզ որ ազահդ ես եւ փոյթ յանձին ունիս գանձս մթերեւոյ : Յարհամարհութիւն սրբոյ պաշտաման յորդորես զոչխարս իմ, եւ զընչաքաղցն զօրացուցեալ հաստատես ի կռոյն ծառայութեան :

Այլ քեզ որ կռիւս ունիցիս առանց ինչ հարկի : Ի կազս եւ յերկպառակութիւն գրգռես զոչխարս իմ :

Այլ քեզ որ ատելութիւնս եւ թշնամութիւնս ի սրտի քում եւ ի գործս արտաքինս սնուցանես : Զպատուիրան սուրբ սիրոյ ի բաց քակես քոյով օրինակաւ եւ զթշնամիս հակառակորդս պահես յատելութեան :

Այլ քեզ որ հպարտող ես եւ անձնա-
տուր ընդունայն պարծանաց : Զխոնար-
հուծիւն սուրբ եւ զհամեստութիւն ի
բաց խլես քոյովքն գնացիւք եւ զոչ-
խարսն դրդեալ արկանես ի անախա-
ռութիւնս վնասակարս :

Այլ քեզ որ սիրողդ համարեալ ես
շուայտութեանց : Զօրէնս ապաշխա-
րութեան՝ որչափ եւ ձեռնհաս իցես ,
վեր ի վայր հարեալ եղծանես գործովք
քովք . եւ զարբեցողս եւ զամենեսին որ
լսա մարմնոյ կեանս կեցցեն՝ արդարա-
ցուցանես ի շարիս իւրեանց :

Այլ քեզ որ շերկնչիս երգել ի խրա-
խունս զցուցս սիրոյ . եւ կամ յորժամ
այլք երգիցեն՝ գու ծափս հարցես եւ
կայթեցես : Այնու զբերանս ոչխա-
րացն բանաս համօրէն խեղկատակու-
թեանց , այնու իսկ ամենայն բանից
լիտեաց օգնական լինիս :

Այլ քեզ որ զայրանաս ընդ նոսա՝ որ
դառնացուցանենն զքեզ , եւ չզանգիտես
հայհոյութեամբք եւ նզովիւք կոչկոծել
գնոսա : Զհամբերութիւն եւ զհեղու-
թիւն ի բաց առնես յոչխարաց իմոց .
զճնողս եւ զտեարս ածես ի կատաղու-
թիւն ընդդէմ որդւոց եւ ծառայից ,
եւ զամպարիշտ մարդիկ ի բարկութեան
իւրեանց ի սովորութիւնս հայհոյու-
թեանց հաստատես :

Վայ քեզ որ ոչ ամաչես կախել զոր-
մաց տան քո պատկերս յայրատս, հո-
լանեալս, ամօթալիցս, եւ այնպէս դնես
առաջի աչաց ամենեցուն զայն՝ զոր եւ
անուանել անգամ չէր արժան ի մէջ
որբոց, եւ ինքնին զլխովին լինիս վար-
դապետ պղծութեանց :

Վայ քեզ որ յառաւօտէ մինչեւ յե-
րեկոյ յորսորդութիւնս անարժանա եւ
ի խաղս սնտոխս տաս զանձն վտարանդի,
որով ուսուցանես իմն թէ մարթ իցէ
վայրապար ժամավաճառ լինել եւ թէ
օրէն իցէ մարդոյ յայտմ աշխարհի ի
զբօսանս եւ ի փափկութիւնս հատանել :

Վայ քեզ որ խիստ իցես առ հայր եւ
մայր քո, առ այնոսիկ՝ որ ծնանն զքեզ :
Զգութ որդւոց եւ զմեծարանս բառնաս
ի միջոյ եւ յանդգնութեան նոցա եւ
ստահակութեանց տաճիչ լինիս :

Վայ քեզ որ չունիս ինչ փոյթ յան-
ձին զքոց ընդօժնաց, ոչ յանդիմանես
զյոռութիւնս նոցա եւ ոչ արգելուս,
որով անհոգութեան տեարցն եւ լրբենի
բարուց ծառայից սնուցիչ լինիս :

Գ. Արդեակ, քաւ ի քէն գայթա-
կղեցուցանել զոք յիմոցն զայս օրինակ .
մանաւանդ թէ զգոյշ լեր զի եւ ոչ զմի
ոք ի փոքրկանց իմոց գայթակղեցու-
ցես, չասեմ՝ մեղօք ինչ, այլ անգամ
եւ ոչ ստուերաւ իսկ մեղաց :

Ո՛րդեակ, եթէ այս նիշ կամ այն նիշ կերակուր օրինաւոր՝ զեզբայրն քո զայթակղեցուցանիցէ, ոչ կերիցես զայն յաւիտեան :

Է իսկ քո իշխանութիւն ուտելոյ եւ ըմպելոյ, այլ եթէ յայսպիսի ինչ հանգամանս եւ ընդ այնպիսեաց ուտելով եւ ըմպելով՝ զխիղճ տկարացն հարկանիցես, մի արասցես յայնժամ, ի Քրիստոս մեղանչես :

Ունիս իշխանութիւն զքոյր կամ զկին զոք ազգական առ քեզ պահելոյ, զայս ազախին ունելոյ, ընդ այնմ կնաջ խօսելոյ, այլ եթէ այնու զխիղճ տկարացն հարկանես՝ մի արասցես, ի Քրիստոս մեղանչես :

Ունիս իշխանութիւն զայն ամենայն որ քեզն պարտիցին՝ պահանջելոյ եւ զիրաւունս սովորութեան խնդրելոյ, այլ եթէ ի դէպս ինչ զայսն առնելով զխիղճ տկարացն հարկանիցես՝ մի արասցես, ի Քրիստոս մեղանչես :

Ունիս իշխանութիւն զկանոնաց՝ զոր ի սրբում ատենի ապաշխարութեան պահել արժան իցէ՝ խօսել ընդ բարեկամաց իմաստնոց, սակայն եթէ գտցի ոք ի միջն՝ զորոյ զտկար մտացն խիղճ հարկանէ այն խօսակցութիւն, մի արասցես, ի Քրիստոս մեղանչես :

Ունիս իշխանութիւն ընդ բարեկամս

քո ուրախ լինելոյ . այլ եթէ այս կամ այն ինչ զբօսանք զխիղճ տկարի հարկանիցէ՝ մի արասցես , ի Բրիստոս մեղանչես :

Ունիս իշխանութիւն զայս ինչ կամ զայն պատմելոյ , այսպէս եւ այնպէս բարբառելոյ . այլ եթէ յայնպիսի հանգամանս կարող իցէ պատմութիւնն այն կամ բանն՝ ասելութեան ինչ ստուերաւ կամ բամբասանաց կամ լկտութեան եւ կամ թէ որոյ եւ պէտ չարութեան եւ իցէ՝ զխիղճ տկարի ուրուք հարկանել , մի արասցես , ի Բրիստոս մեղանչես :

Ունիս իշխանութիւն զբաւոր ծոյլ եւ զխառնագնաց՝ առանց տրոց եւ ողորմութեան ի բաց մերժելոյ . այլ եթէ զայդ արարեալ՝ անողորմածութեան ինչ ստուերաւ զտկարի ուրուք զխիղճ հարկանիցես , մի արասցես , ի Բրիստոս մեղանչես :

Ունիս իշխանութիւն զայն որ խիստ եւ անխրատ մեղաւոր սաստկագոյնս կրչատամբելոյ . ոակայն եթէ առաջի տկարի ուրումն զայդ արարեալ՝ ցատման ինչ ստուերաւ զխիղճ մտաց նորա հարկանիցես , մի արասցես , այլում իմիք պատեհ ժամու սպասեաջիք :

Ունին երբեք երբեք հրահանգք բարեպաշտութեան յէկեղեցւոյ , յորո թերեւս չկայցէ ինչ քեզ հարկ գտանելոյ . այլ եթէ ի դալ գումարել ժո-

զովըդեանն՝ քո հեռաւորութիւն զխիղճ
տկարացն հարկանիցէ, երթ լեր առաջի-
կայ. զի թէ ոչ գտցիս անդէն, զեղբայրն
գայթակղեցուցեալ՝ մեղիցես ի Բրիստոս :

Ե. Ապա լիջիր յամենայնի խորագէտ
իրբեւ զօձ, զի մի եւ զմի զըք ի փոքրը-
կանց գայթակղեցուցես :

Ջանա հնարեսջիր զնորին հակառակն՝
զի լիցիս յամենայնի օրինակ հաւատա-
ցեւոյ բանիւք, գնացիւք, սիրով, հաւա-
տովք, սրբութեամբ :

Ի սոսին յամեսջիր. զայդ եթէ առնի-
ցես՝ եւ զանձն ապրեցուսցես, եւ զայ-
նստիկ սր զքեզն տեսանիցեն :

Գ Լ Ո Ւ Խ Ծ Է .

Աստ զգործութեան եւ յաժտութեան :

Ա. ՈՐԴԵԱԿ, սրդեակ, ահա սատա-
նայ խնդրեաց զքեզ խարբալել իբրեւ
ղցորեան :

Ջամենայն դք խնդրէ կլանել, այլ
զքահանայս իմ առաւել քան զայլսն
ամենեսին. նոքա են կերակուրք նորա
սիրելիք :

Ջամենեսեան փորձէ նա, այլ զքա-
հանայս իմ առաւել քան զայլս. զի յոր-
ժամ նոքա մեղիցեն՝ մեծ իմն անիրա-
ւութիւն գործի ինձ, մեծ մնաս Եկե-
ղեցւոյ իմում հասանէ եւ լինի գայթա-
կլութիւն մեծ յոյժ ժողովրդեան իմում :

Յամենայն իսկ եւ ի բնաւ յոռութիւնս
Զանայ հրապուրել արկանել զքահանայս
սատանայ, այլ մանաւանդ ի յո-
ռութիւնս ընդգիմակս զգաստութեան,
քանզի դժնդակագոյնք եւս են եւ պրղ-
ծագոյնք եւ ծանակագոյնք եւ ամպա-
լըշտագոյնք:

Արդ արթուն լեր, սրդեակ, զի մի դո-
ղոյ եկեալ զգանձն զոր բարձեալ բերես
յանօթ դիւրաբեկ ի քէն ի բաց կորզեսցէ:

Յածուն եւ զգաստ պահեսջիր զանձն
քո, ամենայն անսրբութիւն կամ պրղ-
ծութիւն կամ խեղկատակութիւն եւ
անուանեսցի իսկ ոչ ի քէն, որպէս եւ
վայել է սրբոյ:

Բ. Արտաքս ելցեն շունք եւ լիրբք ի
սրբութենէ իմմէ. քահանայ նուիրեալ
է ինձ, սուրբ իմ է. մի տեսցէ զապա-
կանութիւն:

Զմարմին իմ գործէ, ի ձեռս առնու
եւ ճաշակէ. ապա լիցի առանց արատոյ,
զմաքրութիւն սրտի եւ մարմնոյ կալցի
յանձին:

Եթէ անսուրբ եւ անպարկեշտ իցէ՝
զսրբութիւն իմ պղծէ, զմարմին իմ աղ-
տեղէ, առաւել քան զայլս պարտական
առնէ զանձն մարմնոյ եւ արեան իմոյ,
առաւել քան զայլն ամենեւին դա-
տաստանս անձին իւրում ուտէ եւ բնակէ:

Արհամարհեալ ուրուք երբեմն զօրէնան

Մովսիսի, առանց ողորմութեան պարտէր մեռանել: Իսկ որչափ սաստիկ պատժոց արժանի համարիցիս զայն՝ որ զիս այսպէս առ սոն հարկանիցէ:

Գ. Լշին էին ի մէջ առաքելոց իմոց հպարտք, փառասէրք, ազահք, բարկացողք, ուրացող նա եւ մատնիչ իսկ, եւ տարայ համբերութեամբ. այլ նշմարանս լիտութեան ոչ հանդարտեցի ի նոսա տեսանել: Քան զամենայն ատելի է ինձ այդ ապիրատութիւն:

Արդեակ, որդեակ, մի մնացէ ի քեզ Հոգի իմ՝ թէ մարմին իցես. ջնջեցից զքեզ յերեսաց իմոց, եթէ ապականեսցես զճանապարհս քո:

Սողոմ եւ Գոմոր եղեն օրինակ հրոյ որ պատրաստեալն է քեզ ի յաւիտեան, եթէ թոյլ տացես հրոյն պղծոյ զօիրս քո բորբոքել:

Գ. Եւս ո՞վ ես դու, որդեակ: Սուրբ անուանեալ կոչիս, հզօր քարոզիս յառաքինութեան, իմաստուն յորջորջիս. սակայն զի՞նչ կայ ի սրտի եւ ի ծածուկս մտաց: Ձի՞նչ գործեցեր ի ծածուկ:

Գիւրաւ կորնչի սրբութիւն, թէ ոչ բազում խնամով եւ հաւատաւաւ ի նարին պահպանութիւն սկեօցես:

Իսկ արդ դու զիարդ զնաս ընդ փորձութիւնան: Մերժես արդեւք զխորհուրդս, կարճես զցանկութիւնս:

Եղիբու ռխաւ ընդ աշս քս , զի մի հոյ-
եացիս ի կոյս : Ոչ զնորին հակառակն
անխաիր համարձակ զննես զկոյսս , եւ
դայթակղիս ի գեղ նոցա :

Խորշինս արդեւք եւ դարշինս ի կցոր-
դութենէ եւ ի խօսից արանց լիտեաց :
Ոչ ընդ հակառակն ի ծաղը հատանիս
ընդ նոսա առանց զգուշութեան :

Փախշինս ի վտանգէ դիպաց դիպաց :
Ոչ մանաւանդ սիրես շաղփաղփել ընդ
կանայս , նա աւանիկ եւ քծնել եւ փա-
ղաքշել :

Ե . Օհնչ եւ զառանին կենաց քոց
ասացից : Ոչ վտանգաւ հարկանէ քեզ
ճառայութիւն , յորոյ յաճախագոյնս
հայիս յերեսն : —

Ոչ աղջիկ մանկամարդ է , եւ ի վայր
քան զասման սրբոյ եւ իմաստնագոյն
կանոնի : Ո՛ր անհնարին վտանգիս . թէ ոչ
երկնշիցիս յայնմանէ՝ ի նմին կորիցես :

Չհարդ կարիցես սուրբ եւ ցածուն
մնալ , թէ ոչ կացցէ հանապաղ ընդ
մէջ քս եւ ընդ մէջ աղախնոյ քս որմն
մօտաւորութեանն Աստուծոյ , սրբոյ եր-
կիւղի , եւ զգուշագոյն արթնութեանն ,
եթէ ոչ սրբականն պարկեշտութիւն
զամենայն զհայեցուածս քս եւ զբանս
եւ զշարժմունս ուղղեացէ , եթէ ոչ քս
քահանայական ճոխութիւն՝ ցանկ յի-
րում ի վայելուչ ծանրութեան զաղա-

խինն զայն պահեսցէ եւ զանօդուտ խօսակցութիւնս կարճեսցէ :

Ո՛րդեակ, զգոյշ լեր անձին . անկան կործանեցան Գաւիթք, Սամիսոնք եւ Սողամնք :

Ո՛հ վտանգիս : Հաւատա ինձ զի փորձիւ ասաց Աւգոստինոս, թէ առաջի Աստուծոյ ոչ ստեմ՝ դառի զմայրսն Լիբանանու, զհոյժիւս հօտից զի ընդ ժանտագործ ախտիւս այսուիկ անկեալ ընկճեցան, զորոց զանկմանէն ոչ առաւելագոյն ինչ կասկածէի՝ քան զՅերոնիմեայ կամ զԱմբրոսիոսի :

Իսկ զի՞նչ եւս ասացից, ո՛րդեակ, զկուսանաց եւ զայրեացն մանկամարդաց՝ որ ընդ քո վարչութեամբն իցեն : Ո՛չ ընդ կերպարանօք զթութեան եւ կրթութեան՝ զօղեալ բունեալ կայ թոյն ընտանութեան եւ սիրոյ :

Երկիր, երկիր . ոչ եթէ սրբագոյն եւ հզօրագոյն եւ իմաստնագոյն ոք քան գնտա իցես, որ վաղ իսկ անկան . զարհուրեալիք ի խայթոցէ մեղաց . երկիր ի ցանկութեանն հրապուրանաց, երկիր ի խանձէ ժանտ ախտին :

Ձ . Աթէ ոչ ինչ գիտիցես զանձինքո՛, ո՛րդեակ, աուր ինձ գոհութիւն ի սրտէ . վասն զի ոչ ոք զօրէ լինել ժուժկալ՝ բայց եթէ ես տաց :

Ապա եթէ բտագտանիցէ զքեզ սիրտ

քո, լալով լացջիր եւ արտասուք յորդք զծնօսս քո ուողանեսցեն :

Ստրջացիր, յամօթ լեր. որչափ եւ ծանունս յանցեար, նոյնչափ ծանունս եւ սպաշաւեա : Գարձ առ Հայր, ընկալցի զքեզ զզղջացեալդ գթութեամբ :

Արի, արի առանց յապաղութեան, ի բաց ընկեա ի քէն զկուռտդ, մերժեա զկինդ զայդ :

Ա՛ստ ասիցես թերեւս, որդեակ, աստ դորժ է, աստ դժուարութիւն. այլ սակայն արքայութիւն երկնից բռնադատի եւ բռունք յափշտակեն զնա : Ամէն ասեմ քեզ, ոչ զբոցն կարիցես շիջուցանել, եթէ ոչ զհուր ի բաց արացես :

Նեղեա զմարմինն. մի փափկութեամբ կամ յզիութեամբ սնուցանիցես զնա, զի տակաւ հեստեալ ըմբոստանայ, եւ դու չլինիցիս յայնժամ բաւական ընդդէմ նորա խայթոցայն պահել զզգաստութիւն սրբութեան :

Կալ ի չափու զամենայն զգայունս քո. ի դատարկութենէ՝ իբրեւ ի ժանտէ փախիջիր. հայցեա շնորհս. զՄարիամ կարգա :

Մի եւս այլ յետս հայեսցիս. մի եւս ընկալցիս ի սիրտ զխմորն հին, զի լիցիս՝ որպէս պարտիսդ լինել՝ անխմոր եւ զգաստ :

Ա. ՈՐԴԵԱԿ, առիմէ՞ իջի յերկնից :
Այն յայտ իսկ է՝ թէ ոչ առ ընդունել
յերկրի զԹադաւորութիւն, զի իմ ար-
քայութիւն չէ յայտմ աշխարհէ : Ապա
վասն էր արդեւք : Ի կեցուցանել զկու-
րուսեալն :

Իսկ դու առ ի՞նչ եկիրդ : Զի յետ
իմ որսորդ մարդկան լինիցիս, ոչ եթէ զի
նստցիս ընդ աջմէ կամ ընդ ձախմէ իմմէ
յարքայութեան Եկեղեցւոյ իմոյ :

Զի ամենեցուն պաշտօնեայ եղիցես
եւ ամենեցուն սպասաւորեսցես, ոչ եթէ
զի գրաւեսցես զնախաթուս ի ժողո-
վուրդս :

Զի՞նչ առացեր ի մտանելն քում ի
Սրբութիւնն : Ոչ զայն, սրգեակ, թէ
Տէր է բաժին ժառանգութեան իմոյ եւ
բաժակի իմոյ :

Եթէ Տէր՝ ապա ոչ վառք, ոչ բար-
ձրութիւն եւ ոչ աւերութիւն իցեն բա-
ժինք ժառանգութեան քս :

Բ. Բայց, սրգեակ, չեւ եւս է մե-
ւեալ սատանայ, օձն հին : Քայ տակա-
ւին ի մէջ որդւոց իմոց, եւ քանզի դի-
տէ թէ արմատ ամենայն շարեաց փա-
ռասիրութիւն է եւ հպարտութիւն, նմին
իրի իսկ զամենայն հնարս հնարի եւ հայ-

Թայթէ՛ զի զաննչանս փառաց եւ պատուոյ ի քահանայս բորբոքեցէ :

Առեալ ածէ զնոսս ի վերայ աշտարակի տաճարին եւ անախի ցուցեալ նոցա զամենայն Թագաւորութիւնս Եկեղեցւոյ եւ զփառս նոցա, Տեսէք, ասէ, յորպիսի բարձրութիւն մարթ է ձեզ վերանալ : Արդ՝ ցանկացարուք եւ լինիցիք իբրեւ զաստուածս :

Չոր այս անուն կամ այն անուն ընկալաւ, եւ դուք մարթիք ընդունել :

Այս ինչ աւելի կամ այն նիշ ակտոն ոչ ինչ ընդհատ ձեզ վայել է, քան այսմ եւ այնմ մարդոյ. ոչ աւելի ինչ անբաւական իցէք դուք այսմ կամ այնմ պաշտաման՝ քան զնոսս :

Աղէ ցանկացարուք եպիսկոպոսութեան, արդարեւ իսկ զործ բարի է : Չէ պարտ չէ արժան ճրագի կալ մնալ ընդ գրուանաւ, ելէք բարձրացարուք ի վերայ աշտանակի :

Այսու փորձութեամբ բարումք ձեզալ հրապուրին, եւ անդէն իսկ զխոնարհագոյն եւ զդուզնաքեաց պաշտամանս խտտեալ արհամարհեն քահանայքն այնորիկ անդգամք :

Յետ ասկա ինչ միոյ՝ վառեալ բորբոքին եւ ըղձանան առ բարձրագոյնան : Ապա եւ պաշտպանս խնդրեն, ձեպեն, ընթանան, զամենայն քար շարժեն,

զի յայն վայր յոր ցանկանն՝ հասանել
մարթացեն :

Մուսայեալ ամենեւին զայն թէ ա-
շակերտ ճշմարիտ շնորէ զտեղին, այլ ի
Տեառնէ ընտրի նմա տեղի, եւ ոչ եթէ
անձամբ առնու պատիւ, այլ կոչեցեալ
յԱստուծոյ, որպէս եւ Ահարոն :

Որպէս եւ ես ոչ եթէ անձին ինչ շուք
եղի լինել քահանայապետ, այլ նա՝ որ
խօսեցան առ իս թէ Որդի իմ ես դու :

Գ. Ո՛ր վնասակար ցանկութեանցն.
ն՝ անդգայութեան եւ խստասրտութեան
նոցա : Կամին իմն մեծ քան զամենե-
սեան լինել, եւ ոչ փոքր քան զոք, ա-
մենեցուն հրամանատար լինել, եւ ոչ
ումէք հպատակ, ամենեցուն իշխել եւ
ոչ ումէք սպասաւորել : Զիւրեանցն խըն-
դրեն եւ ոչ եթէ զՅիսուսին Քրիստոսի :

Որպիսի ընդունայնութիւն, այսպէս
պատուոյ ցանկանալ եւ ի կարգ բարձրա-
գոյն զանձն ամբառնալ : Զի որչափ եւ
բարձրացին՝ ոչ յագեացին :

Որպիսի անհանձարութիւն, ցանկա-
նալ փառաց՝ որ այնպէս վաղ անցանէ :

Զի ո՛ւր են, սրդեակ, ո՛ւր են տեարքն
այնոքիկ եւ վարդապետք՝ զոր քաջ իսկ
ճանաչէիր, մինչ թաղիւ եւ խուրիւ
զարդարեալ մեծապայծառ փայլէին :
Բարէ. այլք աւասիկ զշուք փառաց նո-
ցա ստացեալ ունին :

Որպիսի՜ հիքութիւն, նախանձ բերել
ընդ նոսա որ ճոխքն են եւ մեծարդոյք,
ցանկալ լինել նոցին զուղական, եւ
զյաւիտենականն բարձրութիւն ի մն
ուացօնս արկանել :

Քանի՜ սակաւ ժամանակեաց են փառքն՝
զոր տան եւ առնուն մարդիկ :

Ո՛րչափ սուտ եւ պատիր փառքն են,
որ սաստիկ իմն տազնապէցուցանէ
զմարդն՝ յորժամ նմին ցանկանայցէ, եւ
եթէ միանգամ ի բունն արկանիցի՝ չե-
րելի ինչ այնուհետեւ հաճոյ յաշս, այլ
յեւս իմն մեծ դրդեալ յորդորէ :

Ո՛ ահագին եւ սոսկալի փառացս, որ
զքահանայ յառաւելագոյն պատիւ ամ-
բարձեալ՝ դնէ ի վտանգի մեծի կործա-
նման եւ անաշառական դատաստանին
Աստուծոյ :

Եկեսցէ, եկեսցէ ժամն այն դողացու-
ցիչ դատաստանի : Եւ քանի՜ք յայնժամ
երեւեսցին կորանօք զյետին տեղին ու-
նել, որք այժմ զառաջին բարձս ըն-
տրիցեն եւ յառաջնում տեղւոջ բաղ-
միցին :

Որչափո՞ք երեւեսցին յայնժամ խո-
նարհեալ, որք այժմ զանձինս բարձրա-
ցուցանիցեն :

Գ. Ո՞րդեակ, զպատիւ իմ խնդրես-
ջիր եւ զփառս իմ եւ զշահաւէտն աշ-
խատութիւն :

Մի ընդ երկրաւորսս հայեացիս, քանզի անցանեն եւ չեն տեղի հանդատեան քո:

Թէպէտ եւ ի պատուի կեանս կէիր մինչեւ ցայսօր ժամանակի, զինչ շահ կամ ո՞ր օգուտ լինէր բնաւ քեզ անտի, թէ հասանէր քեզ աստէն ի սմին իսկ վայրկենի մեռանել:

Խնդրեա զկամս իմ եւ զհաճոյս կարգաց տեսչութեան իմոյ:

Լիջիր դու մտադէւր փոքր, որպէս ոք որ ցանկանայցէ լինել մեծ:

Լեր հաճ եւ հաւան եւ շատացեալ ի յետին տեղւոջ՝ որպէս եւ յառաջին բարձին:

Կաց մտադէւր արհամարհ եւ ընկեցիկ, անտխաւ եւ աննշան յաշխարհի՝ որչափ եւ պատուաւոր եւ մեծարգի քան զայլսն իցես:

Այնպէս իմն տիրեսցեն ի քեզ կամք իմ եւ սէր պատուոյ իմոյ, որպէս զի առաւել եւս մխիթարեսցեն զքեզ եւ աւելազոյն հաճոյ լիցին քեզ՝ քան զամենայն երախտիս բարերարութեան որ տուեալ իցեն կամ որ տացին քեզ:

Ամէն ասեմ քեզ, սրդեակ, թող զանձն քո եւ զացես զիս. կաց առանց ինչ բնորութեան՝ եւ շահեսցիս հանապազ. լեր ինձ յանձն ողջ բովանդակ, մի ինչ զանձնէ հոգացեալ, այլ ինձ ապաստան լիեալ:

Այլ էր ինձ յանձն եւ ի նմին հանապա-
զորդեօջիւր, ոչ զհետ երթեալ զայնոցիկ՝
որ զառաջինն զքնառ մատուցանեն, այլ
յետոյ ապա բախեալ ի փորձութենէ՝
զառնան եւ սեպհականել իմն անձանցն
կամին, եւ լինին վերստին ցանկացողք
պատուոյ եւ փառախնդիրք:

Որդեակ, թող ինձ առնել ընդ քեզ
զոր ինչ եւ կամիցիմ: Ես գիտեմ որ
ինչ քեզ լաւ եւ օգուտ իցէ. ես՝ որ
զարմանեմ զամենայն քաղցրութեամբ,
զմի մի իւրաքանչիւր յանդամոց եղեալ
ի մարմնի Եկեղեցւոյ որպէս զհարդ եւ
կամիցիմ:

Արդարեւ մեծ եւ կարի իսկ մեծ է
իմ վասն քո հոգաբարձութիւն, քան
զամենայն հոգս եւ զիննամս զոր կարիցես
դու ունել յանձին:

Գ Լ Ո Ի Խ ԾԹ.

Վասն արահուսեան:

Ա. Ինչ որդւոյ մարդոյ ոչ գոյր՝ ուր
դնէի զգլուխ իմ. ես, որդեակ, վասն քո
աղքատացայ՝ որ մեծատունն էի, զի դու
իմով աղքատութեամբ մեծացիս:

Եթէ ասացեալ էր իմ ց.քեզ, որ-
դեակ, թէ երթ վաճառեա զամենայն
զինչս քո եւ տուր աղքատաց, պարտ
իսկ էր քեզ առնել:

Սակայն խնայեմ քեզ. զդժնդակա-

գոյնան վասն իմ պահեցի եւ քեզ զգիւ-
րազոյնան պատուիրեցի :

Մարդկօրէն ասեմ վասն տկարու-
թեան քո, զի մի թերեւս ի բաց զնաս-
ցես տրտմեալ որպէս պատանին այն՝
զոր յազքատութիւն յորդորէի :

Իսկ արդ լուր, սրգեակ, մի գանձեր
քեզ գանձս յերկրի, զի ոչ կարես ինձ
ծառայել եւ մամոնայի :

Փախիր յազահութենէ իբրեւ յանօ-
րինազոյն եղեռանէ, զի է իսկ այն կռա-
պաշտութիւն եւ արմատ ամենայն չա-
րեաց :

Մեծութիւն թէ առուիւ գայցէ՝ մի
յօժարեացի սիրտ քո, այլ ընդ հակա-
ռակն հրաժարեսջիր ի սրտէ յամենայն
ընչից քոց. այնպէս զի թէ ստացիս
զառժամայնսս՝ մի նոքա ստացին զքեզ,
այլ լիցին ստացեալ ի քէն, իբր ոչ ե-
թէ զի մթերեալ կուտեսցես՝ այլ զի
բաշխեսցես զայնս ի դէպ ժամանակի :

Ապա եթէ ոչ առուիւ գայցէ մեծու-
թիւնն, մի տրտմեացիս, այլ ուրախ լեր-
երանի ազքատաց : Ունիս կերակուր եւ
հանդերձս, եւ այնու շատասջիր. ոչ բե-
րեր ինչ յաշխարհս, եւ ոչ տանել ինչ
կարացես :

Որչափ եւ սակաւս եւ նուազունս ու-
նիցիս, գոյնչափ եւ ազատագոյն իցես եւ
անարգել անխափան յնթանալ զհետ իմ,

ի մահուան զիւրազոյնս թողցես զաշխարհ եւ ի դատաստանի սակաւս երկիցես: Զի ոչ ասացից ցքեզ, վայ քեզ մեծատանդ, եւ ոչ սոյնգունակ բարբառեցայց թէ, սրդեակ, յիշեա զի բնկալար անդէն զբարիս քո ի կեանան քում:

Բ. Առէմ զքեզ, սրդեակ, տուր ինձ պատասխանի: Հրաժարեցեր յաշխարհէ. առեր զիս ի բաժին ժառանգութեան քո. սակայն ո՞չ ապաքէն կամիս մեծատուն լինել, եւ այնու իսկ անկար յորոգայթ եւ ի բազում ցանկութիւնս վնասակարս՝ որ բնկղմեն զմարդիկ ի կորուստ: Ո՞չ շահավաճառ զատուած պաշտութիւնն համարեցար:

Զինչ ինչ խնդրես ի պաշտամանդ: Ո՞չ ապաքէն զկաթն եւ զաօր եւ ոչ զփրկութիւն ոչխարացն կամիս:

Արա ինձ պատասխանի, տուր զհամար: Ո՞չ աղքատ էիր յաշխարհի եւ եղեր մեծատուն ի ժառանգաւորութեան:

Ոչխարքն մոլորէին, արծաթք ի պատրաստի կային. ո՞չ զոչխարսն լքեալ թողեր եւ զարծաթ կուտեցեր:

Թուեա զոչխարս քո, թուեա եւ զդահեկանս քո, զինչ ինչ վասն նոցա արարեր, եւ զինչ ոչ վասն նոցա վճարեցեր:

Ո՞չ մանկունք հաց խնդրէին՝ եւ դու ոչ բրդեցեր. մինչ անհնարին ճգամբք յաւելուիր ինչս ի բազմագանձ մթերս

քոյոցն ստացուածոց եւ ամենայն հոգաբարձութեամբ զմուսս քո բազմացուցանէիր :

Ո՛չ ոգիքն հիւանդանային եւ դու ոչ հայէիր . յորժամ զանդեայս քո բազում խնամով բուժանէիր :

Ո՛չ գայլ գէշագէշ պատառեր զոչխարս իմ եւ դու ոչ հաջէիր . ուր զցայգ եւ զցերեկ սկէիր զի մի տացես թոյլ գողոյ ական հատանել ի տան քում :

Ո՛չ ապաքէն աղտեղեալ անչքեցաւ աղքատութեամբ տաճար իմ , մինչ տուն քո լի էր ոսկւով :

Ո՛չ ապաքէն թող լիք կայր սեղան իմ , յորժամ զսեղանով քով պատեալ կային վաճառականք :

Ո՛չ աղքատք իմ ծիւրեալ ծնդէին առ կարօտութեան , մինչ արկեղք քո լցեալ էին արծաթովք :

Գ. Օ՛րհնչ խորհիս . զհնչ ածես զմտաւ : Ո՛չ հայթայթանս վաճառելոյ եւ շահելոյ . եւ ոչ եթէ հնարս փրկելոյ եւ սրբելոյ :

Ո՛ւր է սիրա քո . ո՛չ ապաքէն ուր գանձն իցէ քո :

Ո՛չ քսակք են քո . եւ զիս՝ ոչ եթէ վասն փառաց ինչ Հօր , այլ՝ վասն անարգ զնոց մատնես ում եւ կամիցի :

Ո՛չ ճոխութեամբ իմն կորդես զպարտիան ի ժողովրդենէ քումէ , եւ ոչ եթէ

զաստուածպաշտութիւն պահանջես եւ
առաքինութիւնս սրբականս :

Ոչ խնայես մեծատան յատենի խոս-
տովանութեան եւ ի քարոզութեան ,
դի մի զաղբեր նորա յորդաբուխ՝ քեզ
փակեսցես :

Ոչ ապաքէն անձամբ անձին քում
կծծի դտանիս զլացեալ քեզ զկերա-
կուր եւ զհանդերձ վայելուչ . իբր ոչ
եթէ խոնարհութեան եւ մեռուցմանն
սիրով , այլ ամօթալից տենչանօք ար-
ծաթսիրութեան :

Ոչ ի քումէ ժողովրդենէ յորջորջիս
ջրգողեալ , որ միշտ ոսկի ըմպես եւ ոչ
երբէք յագիս : Ծոց քո լցեալ է հա-
նապազ եւ ոչ երբէք դիեցուցանես :

Մեռցիս , սրդեակ , եւ ոչ կեցցես .
թողցես զոսկի ժանկահար ազահու-
թեան քո , եւ բողբեսցէ ընդդէմ քո
յաւուր յետնում :

Գինք տաճարակապուտ գողութեանց ,
արիւն այրեաց եւ որբոց եւ կեանք աղ-
քատաց՝ ամբաստան լիցին զքէն առաջի
իմ . լուիցես դու եւ բարկացիս , զա-
տամունս քո կրճտեսցես եւ հալեսցիս
եւ ցանկութիւն անմտութեան քո կո-
րիցէ :

Բողբէ հարցէ զքէն եւ յայսմ իսկ
աշխարհի ոսկի քո . ելցէ արտաքս յար-
կեղէ քումէ գայթակղութիւն ժողովր-

դեան իմաց, եւ նզովս կարդասցէ քեզ
ժողովուրդն ազատեալ ի լկանաց քոց
եւ ասասցէ՝ ո՛հ հովիւ անյագ, արծաթ
քո ընդ քեզ լիցի ի կորուստ:

Դ. Պ ազարէ շորեքօրեայ, վաղ իսկ
հասեալ ի գերեզմանի մեծութեան եւ
ընչից քոց: Ահաւասիկ արտասուեմ ի
վերայ քո. տես զարտասուս իմ, լուր
ձայնի իմում:

Ահա պատուիրեմ քեզ, արի եկ ար-
տաքս, ի բաց արա զվէ՛մդ, խորտակեա
զտապանդ, լոյծ զկապանա, ոչ կամիմ զի
մեռցիս, այլ զի դարձցիս եւ կեցցես:

Յրուեա զսակի քո եւ սուր աղքա-
տաց, արա քեզ բարեկամս ի մամնայէ
անիրաւութեան, թող լէք ի բաց զզօ-
շաքաղութիւն:

Որ նմանողդ եղեր Յուդայի յարծաթ-
սիրութեան, մի՛ մինչ ի խեղդ անդր
զնորա գհեա երթիցես:

Ո՛ր արծաթասէր. ո՛հ անթլփատ սրտիւ
եւ ակընջօք: Մինչեւ յերբ Հոգւոյն սրբ-
բոյ հակառակ կայցես: Մինչեւ յերբ
ասիցես՝ բեր, բեր:

Թերեւս ցածուն իցես եւ զդաստ եւ
գիտուն եւ խոնարհ եւ պաշտօնասէր,
եւ պատրեալ ի միտս՝ սուրբ ոմն զանձն
համարիս, այլ սակայն ազահ էս եւ ի
կորուստ գնասցես, մեռցիս ընդ մեծա-
տան եւ ընդ նմա ի գժոխս թաղեսցիս:

Պատմ մարտիրոսութեան եկեղեցական ընկեր :

Ա . ՈՐՈՒՄ շատ ետու՛մ շատ խնդրեցից ի նմանէ , եւ որում քաղում աւանդեցի՛ առաւել եւս պահանջեցից ի նմանէ :

Եկեացէ ժամ մի՛ որ ինձ յայտնի է , յորում երեւեացիս առաջի իմ , սրդեակ , եւ հարցից զքեզ վասն տաղանդացն զոր բնկալար :

Քեզ աւասիկ հաւատացի զհասս եւ զինչս զոր մատուցին ինձ հաւատացեալքն , զի սեղանոյ սպասաւորեալ ի սեղանոյ անտի կեցցես :

Սակայն զգոյշ լեր , սրդեակ , մի զեղծանիցիս նորիմք . մի զեղխեացիս եւ փափկացիս ի սեղանոյ . ուխտք են հաւատացելոց , զինք մեղաւորաց , ժառանգութիւնք ազքատաց , արժան է քեզ յիրս եկեղեցականս եւ յօգուտ եղբարց ծախել եւեթ զնոսին :

Ապա բնկալ որ ինչ կարեւոր իցէ ի պատշաճագոյն դարման կենաց քոց . իսկ որ կարգի քում եւ պարկեշտն եւ վայելուչ սնրնդեան աւելորդ ինչ իցէ՛ մի բնգ վայր ծախեացես , մի ի մեծացուցանել զազգատոհմս եւ զթայրաթոսս քո արկանիցես ի կիր , ապա թէ ոչ՝ դատապարտեացիս բնգ Անանիայ եւ բնգ Սափիրայ :

Բ. Արդ յո՞ երթայցէք եւ յո՞ փախչիցիք յերեսաց իմոց, որ ի զեղխութիւնս եւ ի նանրութիւնս վասնէք՝ զինչս եկեղեցւոյ:

Յո՞ երթայցէք՝ որ յիմոց բարեաց պատուեալ պանծայք, եւ ինձ չղնէք ինչ շուք եւ պատիւ:

Որք ի հանդերձս արքունականս շրջիք անառակութեան կերպարանօք, որք ի մատանիս եւ ի սպասս ոսկեղէնս փողփողեալս առաւել քան զսեղան իմ՝ պարծիք:

Որք ի շուայտութիւնս եւ յազնիւ ազնիւ ըմպելիս վայելէք, որ քնարաւ եւ տաւղօք եւ փողովք ուրախ լինիք, որ ի գահոյս երիզապատս պաստառալիրս գրգեալ փափկանայք:

Որ յեղս անուշունս եւ ի խունկս իւղեփեցաց զուարճանայք, որ յազգի ազգի զբօսանս յղփացեալ էք, որ այնպէս զբարիս իմ ի զեղխութիւնս ձեր պաշտէք:

Յո՞ երթայցէք յերեսաց իմոց, յորժամ մերկք եւ քաղցեալք ընդդէմ ձեր բողոքեսցեն, թէ մեր էին՝ զորս վասնեցէքդ, ի մէնջ կորցեցէք յանխնայ՝ զոր ծախեցէքն ի սնտախ. ոչ կերակրեցէք զմեզ, սպանէք զմեզ:

Գ. Որդիք Հեղեայ, որդիք Բելիարայ, ջուլք գէբք՝ որ պաշարեալն էք զիս՝ լուարուք ինձ:

Ասացին Հրեայքն . ոչ է արժան ընդ-
ունել զարծաթդ ի կորբանն , քանզի
գինք արեան են , եւ գնեցին այնու զա-
գարակն ի գերեզման օտարաց :

Իսկ դուք վատթարագոյնք եւս քան
զթշնամիան իմ , գնովք արեան իմոյ
գնէք զնանրութիւն եւ զհեշտութիւն ,
եւ այնպէս ի գայթակղութիւն քրի-
ստոնէից եւ ի մահ ոգւոյն ծախէք զայն՝
որ ի նպատակարօտելոց տուաւ ձեզ :

Վասն այնորիկ պահանջեցից զխաշինս
իմ ի ձեռաց ձերոց , վասն այնորիկ դա-
գարեցուցից զձեզ յարածելոյ զխաշինս
իմ , եւ ոչ եւս բուծջիք զանձինս ձեր .
փրկեցից զխաշինս իմ ի բերանոյ ձերմէ ,
եւ ոչ եւս եղիցին ձեզ ի կերակուր :

Գ . Արդեակ , եթէ բազումս ունիցիս
ի սեղանոյ եւ աւելի քան որչափ կարելոր
իցէ վասն պարենի եւ հանդերձից , տուր
Եկեղեցւոյ եւ աղքատաց զորս նոցայն
պարտիս :

Յիշեա զի կացուցար դու ի վերայ
գերդաստանի իմոյ տալ ի ժամու զկե-
րակուրս :

Յուշ լիցին քեզ այնչափ անչափ
սուրբք՝ որ ոչ եթէ լցին եւեթ զհրաման
պատուիրանին , այլ եւ սրբութեամբ իմն
եւ առատամիտ կամօք անդր եւս ան-
ցեալ՝ ոչ միայն զաւելորդս , այլ եւ զկա-
րելորան իսկ բաշխեցին աղքատաց :

Մտքա ունին այժմ գանձս յերկինս,
ուր ոչ ցեց եւ ոչ ուտիճ ապականեն,
եւ ոչ գողք ական հատանեն եւ գողանան:

Մտքա բնակեալ են ոչ յերկրաւոր եւ
յաբբունական շքեղութիւնս, այլ ի
յաւիտենական մեծապայծառ փառաւորութիւնս Սրբոց:

Մտքա զգեցեալ են ոչ ծիրանիս եւ
բեհեզս, այլ փառս եւ պայծառութիւնս
մշտնջենաւորականս:

Մտքա արբեալ են ոչ յարենէ խաղողոյ,
այլ ի պարարտութենէ տան իմոյ
եւ զուխս փափկութեան իմոյ ըմպեն:

Նմանող լեր հաւատոց նոցա՝ զորոց
տեսանես զելս գնացիցն:

Գ Լ Ո Ի Խ ԿԱ.

Աստի յոթիաւրեան կերտիցոց:

Ա. ՈՐԴԵԱԿ, առ ի՞նչ եկիրդ: Յայտ է՝
զի խնդրեսցես զարքայութիւն իմ, եւ
զայլս եւս անդր ձգեսցես, եւ ապա ուրեմն
երբեմն ժառանգեսցես զայն ընդ նոսա:

Սակայն, սրդեակ, ոչ է արքայութիւն
իմ կերակուր եւ ըմպելի, եւ ոչ մտցէ
դք անդր՝ որ ըստ մարմնոյ կեցցէ:

Ապա լեր ժուժկալ եւ մարմնոյ խնամ
մի տանիր ի ցանկութիւնս քո:

Որդիդ արքայութեան, եթէ գիտէիր
թէ զինչ են երկինք՝ յոր կոչեազ եւ

դիմեալ երթաա, չկայր ինչ հարկ այնուհետեւ յարհամարհութիւն երկրաւոր հեշտականութեանց յորդորել զքեզ:

Գարշելի յոյժ լինէր քեզ յայնժամ երկիր եւ ամենայն համօրէն ցանկալիք նորա. եւ ընդ կարիս անգամ պիտոյից քոց դժկամակ լիեալ՝ գոչէիր ի սրտէ:

Երանի թէ չէր իսկ պիտոյ ինձ ուտել եւ ըմպել: Երանի թէ չէին իմ կարիքս այսոքիկ, այլ հողեւորականք եւեթ: Այր մի տառապեալ եմ ես. ո՞վ ապրեցուցէ զիս ի մարմնոյ աստի մահու:

Բ. Բայց հաւատովք զնաս, որդեակ, եւ ոչ կարծեօք. տակաւին ոչ կարես իմանալ զքարիս՝ որ ի սիրտ մարդոյ ոչ անկանին:

Եւ բարէ, զի կրես ի մահկանացու մարմնի քում եւ կրեսցես իսկ մինչեւ ցլետին շունչ կենաց քոց օրէնս զգայութեանց, զինեալ հակառակ օրինաց մտաց քոց:

Զգոյշ լեր, որդեակ, մի աիրեսցէ քեզ, այլ առ քեզ լիցի դարձ քո եւ դու աիրես նմա. նմին իրի պատերազմ եւ ստէպ պատերազմ կայ քեզ մղել հակառակ օրինացն մեզայ:

Սա կորոյս զՄդամ եւ զամենայն ազգ մարդկան ի դրախտի անդ. սա իջոյց ի դժոխս զմեծատունն՝ որ ուրախ լինէր առատապէս:

Չքնութիւնն հարկ է կազդուրեցուցանել . ան զկարեւորսն . այլ խնդրել զառաւելագոյն հեշտականսն կամ թէ ըստ շափ անդր անցանել՝ զայն արդելուն օրէնք սուրբք . ապա թէ ոչ՝ ըմբոստացեալ նշկահեցէ մարմին զհոգի :

Արթուն լեր եւ սկեսջիր , զի զմէն մի իւրաքանչիւր ի քարշ արկեալ տանի ուժգին իւրուրոյն ցանկութիւն , եւ եթէ ընդարձակերատանակ թողուցուս օցաւել՝ փողփաղակի իսկ ըստ սահման զգաստութեան եւ ժուժկալութեան արտաքս վազեալ ելանիցես եւ յայնժամ տեսցես զժառայ քո փափկասուն՝ զի հետիցէ քեզ :

Ո՛րդեակ , մի ինչ միայն կարեւոր է : Աամիս իշխել անձին քում . կամիս տիրել ի մէջ ցանկութեանց քոց թշնամեաց , սանձահարեա զկոկորդ քո , եւ զամենայն միտութիւնս մարմնոյ դիւրաւ եւ առանց աշխատութեան սանձեցես :

Գ . Այո՛ իսկ՝ բռնութիւն պիտոյ է աստ , եւ սաստիկ պատերազմ ի վերայ կայ մղել այնպիսոյն՝ որ անձինն յաղթել թեւակոխիցէ :

Ապա պնդեա իբրեւ այր զմէջ քո եւ պատրաստեա զանձն քո ի փորձութիւն , յիշեա զվախճան քո եւ ոչ մեղիցես :

Գիր ի մտի քում առնել ապաշխարու-

Թեամբ զայն՝ զոր Թերեւս ոչ վճարէիր լոկով զգօնութեամբ :

Չմտաւ ած զամեն զառաջինս, տես որչափ ինչ յանցուցեալ իցէ քո, զոր անօրէնութիւնս գործեալ, եւ ասա թէ վայ եթէ ի սոսին ըմբօնեալ էի, վայ թէ մեռեալ էի յայնժամ եւ ի դատաստան ելեալ :

Այլ խնայեաց ինձ ողորմութիւն քո, Տէր, եւ կայ մնայ ինձ այժմ ապաշխարել եւ կամ խտտագոյնս եւս եւ դժնդակագոյնս կրել յետ մահու :

Որչափ եւս առաւելագոյն խնայեմ ինձ այժմիկ, եւ զմարմին իմ հաճեմ խորակօք, նոյնչափ եւ սաստկագոյնս սուժեցայց առյապայ, եւ մեծ եւս պատրաստեցից նիւթս այրելոյ :

Խորհեաց զհուրն հանդերձեալ եւ ասա, թէ գտանէր անձն իմ ի մէջ խաբուկածին բորբոքեալ բոցոյ քաւարանի եւ լինէր ձեռնհաս՝ օրպէս այժմս կարող է, սանձահարեալ զանկարգ յօժարութիւնս ի տանջանաց անտի ապրել, արդարեւ իսկ չդանդաղէր եւ ամենեւին ամենայն եռանդամբ զայն վճարէր :

Անձն իմ, այժմէն իսկ արա՛ զոր յայնժամն կամիս գործել, եւ լիցիս քաջ յապահովե եւ ի զգուշութեան :

Գ. Հայեաց, որդեակ, եւ ընդ իս ընդ կատարիչն առաքինութեանց, խոնար-

Տեցս զունկն քո եւ լուր բանից իմոց,
ահաւասիկ աւուրս քառատուն պահեցի
յանապատի, ոչ կերայ եւ ոչ արբի.
Ծարաւեցայ ի խաչի եւ արբի քացախ
եւ լեղի:

Եւ դո՛ւ իցես ընդ այնպիսի խստամբեր
եւ վշտալից դիւտով անդամ քնքուշ եւ
փափուկ. եւ կամիցիս ազնուազոյնս
անանել, ի սեղանս բազմախորտիկս վայ-
ելել եւ անոյշս ըմպել, դո՛ւ չարեացաւ
պարտդ եւ մեղաւոր:

Քաղցեայ ես վարդապետս. եւ դու
աշակերտդ յղփանալ կամիցիս. ծարա-
ւեցայ ես փրկիչս, եւ դու որ փրկե-
ցարդ՝ քաղցրազոյնս կամիցիս արբենալ:

Արքայութիւն իմ չէր յայո՛ւմ աշխար-
հէ. եւ դու զարքունական փափկու-
թիւնս աշխարհի կամիցիս ըմբոշանել.
Դու այրդ Աստուծոյ՝ որովայնի՞ կամիս
ծառայել:

Որդեակ, որդեակ, եթէ կամիս զկնի
իմ դալ, ուրացիր զանձն եւ զմահն իմ
ի մարմնի քում կրեսջիր:

Ե. Փախիր ի խնճոյից. եթէ զայնս
սիրիցես՝ սիրես զվտանդ եւ ի նմին կու-
րիցես, զի իբրեւ զհուր բորբոքի անդէն
ցանկութիւն:

Եթէ կացցես մնացես ի տան եւ ըստ
կանոնաց Ժուժկալութեան եւ զգաւ-
տութեան տացես զսեղան քո յարդա-

րել, փոքրիկ լինիցի յայնժամ մարմնասիրութեանն օձ եւ դիւրաւ եւս սպանցի:

Այլ ի մէջ խորտկաց եւ բաժակաց խրախուժեան զարգացցի եւ լիցի ի խունինչ ժամանակի գազան ամենաչար եւ կերիցէ զքեզ:

Զի անդ յօժարութիւնն մարմնական՝ բազում ինչ տեսեալ զարթնու, առ համոյն քաղցրութեան՝ գրգռի, առ զբօսնուլ մտացն՝ չղնի: պահ եւ զգուշութիւն, առ հեշտականութեանն՝ չկապի սանձիւք, նա մանուանդ եւ բազմականացն թելադրութեամբք ստիպեալ տազնապի՝ որպէս թէ ոչ սաստկագոյնս գրգէր զնա տակաւին յօժարութիւնն մարմնական:

Եւ այնպէս չկարիցես մնալ անդ ժուժկալ, եթէ ոչ զմահուան եւ զգատաստանի եւ զգժոխոց յիշատակ ունիցիս ի մտի:

Զ. Այն այն իսկ ճշմարիտ է՝ թէ չէ մարթ քեզ յամենայն եւ ի բնաւ կոչնոց հրաժարել, վասն զի զոմանս սերն պատուիրէ, զոմանս հրամայէ կարեւորն համեստութիւն, եւ զկէս նախանձն իսկ ոգւոց ինքնին յանձն առնէ:

Եւ ես ընդ մաքսաւորս եւ ընդ մեղաւորս կերայ, զի բժիշկ պիտոյ էր ախտաժետացն:

Սակայն սրբեակ, եթէ յայն կոչունս եւեթ երթայցես՝ յորս առ սէր կամ առ կարեւորն համեստութեան կամ առ փութոյ նախանձու պարտ եւ արժան էր զնալ, որպէս զուն ուրէք երթայցես եւ ի բազում կոչնոց խորշեսցիս :

Ապա թէ յաճախագոյն ի ճաշ հրաւիրեալ՝ Հրաժարեցիս երթալ, զիարդ գիւրաւ այնուհետեւ արհամարհեսցիս . եւ որ առաւելն է՝ եթէ եւ զաշինս եւս կոչնոց կուիցես եւ փոխանակաւ իմն երթիցես ի կոչունս եւ հրաւիրեսցես, վաղվաղակի իսկ լինիցի զքէն քրթմնջիւն ի ժողովրդեանն՝ որում տացես զայթակղութիւն :

Բողոք բարձցեն աղքատք եւ ասացեն՝ ահա սրպէս շուայտեալ զեղխի երէցն ի մերոց ողորմութեանց, մինչ մեք առ չքաւորութեան հիւժեալ մաշխք :

Չայնս արկցեն հերկահարք, այգեգործք եւ ձեռագէտք եւ ասացեն, տես զիարդ յառատութեան եւ ի լիութեան վայելէ քահանայ, մինչ մեք քրթատմքք երեսաց մերոց ուտիցեմք զհացն նեղութեան :

Գոչեսցեն ոչխարքն իմ, եւ ընդդէմ հակառակ հովուին յարուցեալ ասացեն՝ բժիշկ բժշկեա զանձն քո, ուստանձին քում զապաշխարութիւն, զժուժկալութիւն եւ զվաստակ :

Է. Եւ յիրաւի իսկ, որդեակ, որպիսի՞
ինչ են կեանք քահանայի՝ որ զխրն-
ծոյից զՏեա պնդեալ իցէ: Անաղան յառ-
նէ ի քնոյ. չառնէ աղօթս, շտապաւ եւ
արագ արագ կատարէ զժամուցն պաշ-
տօն, առանց ինչ պատրաստութեան
եւ առանց ներքին հողւոյ մատուցանէ
պատարագ, փութայ ձեպի ի սեղան,
թողացուցանէ ցանկութեանցն մարմնոյ,
ընդ կոչնականաց նստեալ ի խաղս եւ ի
զրախօսութիւնս զժամանակն ծախէ, ա-
նաղան ուրեմն դառնայ յետս խոնջ եւ
վատակ եւ առանց զմիտան ամփոփելոյ
ընկողմանեալ ննջէ:

Չայսօրինակ զիւրոյ զմարմնասիրու-
թեան զՏեա երթեալ՝ տակաւ ի կա-
րելոր ատուած պաշտութենէն ուժա-
նայ. կորուսանէ զչնորհան Աստուծոյ, եւ
ապա յետոյ դառնայ լինի մարդ շնչաւ-
որ ամենեւին անատակ եւ անբաւական
յուսումն, ի սուրբ սպասաւորութիւն
եւ յինչ որ ինչ Աստուծոյ իցեն:

Տես, որդեակ, զի բարի է երթալ ի
տուն սգոյ քան երթալ ի տուն արբե-
ցութեան:

Ը. Տէր, փակեա զգրունս մարմնա-
սիրութեան իմոյ. դարձո ինձ ի դառ-
նութիւն զամենայն հեշտութիւնս մար-
մնաւորս՝ որ ի սրբոյ քումէ ծառայու-
թենէ զիս ի բաց անջատիցեն:

Փրկեա զիս ի ցանկութեանցն հրապուրանաց՝ որ զինին հակառակ հողւոյանձին լրբենոյ մի մատներ զիս :

Քանզի գիտեմ իսկ թէ չէ մարթ եւ չիք հնար ունել ինձ երկուս ուրախութիւնս, ի փափկութեան լինել յայտ աշխարհի, եւ ապա յերկինս ընդ քեզ թաղաւորել :

Լաւ է ինձ յատեացս ժուժկալել, նա եւ քաղցնուլ եւս սակաւիկ մի եւ ապա յաւիտեան ի քէն յազենալ, քան աստ զըօսանօք զմայլել, եւ յետոյ քաղցու եւ ծարաւով եւ նախատանօք լալ եւ սգալ :

Գ Լ Ո Ւ Խ ԿԲ .

Վասն պարկելոոթեան ի հանգերչս :

Ա . ՊԱՐԿԵՇՏՈՒԹԻՒՆ քո, սրբեակ, յայտնի լիցի ամենայն մարդկան : Գնա ըստ օրինակի սահմանելոյ քեզ յեկեղեցւոյ :

Եթէ եկեղեցւոյն որ պատուիրէ՝ ոչ լուիցես, եղիցիս իբրեւ զհեթանոսն եւ զմաքսաւոր, եւ ես խնդրեցից ի քէն զվրէժ՝ եթէ զգեցցիս հանդերձս օտարս :

Արդ տես մի անգոսնեացես զօրէնս մօր քո . սահմանեաց եզ զգոյնն եւ զձեւ օրինակին, պահեա զայնս . զնանրութիւն եւ զգլխութիւն արդել նա, խորշեսջիր եւ գարշեսջիր յայնցանէ :

Զպարգութիւն եւ զվայելութիւն
կարգեաց նա, կալ զայնս եւ ի նոսին
լինիջիր. զաղտեղի եւ զպատառատուն
հանդերձս խտտեաց նա, ի բաց ընկեա
եւ դու զայնոսիկ :

Բ. Ա՛րդեակ, զհարդ շլացաւ ոսկին .
նրպէս այլադունեաց արծաթն սպիտակ :

Արչափոյք են ի քահանայից իմոց,
որ ի նշանաց իմոց ամուշեն : Նոցա է ար-
քունական քահանայութիւն, եւ զար-
քունի պսակն արհամարհեն՝ չկրելով
զայն յանձին :

Յաշխարհէ հրաժարեցին, եւ ախոր-
ժեն կրել յանձին հանդերձս աղտե-
ղեալս փոշուլ աշխարհի. զինուորք իմ
են, եւ այն ինչ ստուարացեալք եւ լայ-
նացեալք՝ յանկուշեն եւ զամենայն
հանդերձս իմ ի բաց ընկենուն :

Ծառայք իմ են, եւ մարդկան ջանան
հաճոյ լինել. կղերականք են եւ երեւին
փեսայք. յաշխարհէ են եւ վամն այնորիկ
զաշխարհ սիրեն եւ աշխարհ սիրէ զնոսա :

Ա՛նամիտք. բարձր են առաջի ընդ-
ունայն մարդկան, այլ պիղծ առաջի իմ :
Ամօթ համարին զիս առաջի մարդկան,
յամօթ արարից եւ ես զնոսա առաջի
Հօր իմոյ որ յերկինս է :

Ա՛րդեակ, խտտորեաց ի չարաց աստի,
զնանրութիւն եւ զգրօսանս աչաց սոցա
հեռի արա ի քէն :

Մի լինիր նմանող այնպիսեացն՝ որ արդարեւ ոչ իցեն զաշխարհական վայելչութեանց զհետ երթեալ, այլ սակայն անխրատք իցեն, կանոնաց ոչ անսայցեն եւ ասիցեն թէ չէ ինչ մեզ փոյթ զփոքունցդ :

Մի նմանեացիս եւ այնոցիկ՝ որ առ իւրեանց կարի անփութութեանն՝ ի ծաղր մանաւանդ ածիցեն եւ ոչ ի մեծարանս յորդորիցեն :

Այլ ընդ նոսա հայեաց եւ նոցին լեր նմանող՝ որ արտաքին հանդերձիցն վայելչութեամբ՝ զնեքին պարկեշտութիւն վարուցն ցուցանիցեն : Չնոցուն զհետս կոխեացեն, սրդեակ, ոտք քո :

Գ. Ակատեցից զնոսա, Տէր, երթայց զհետ նոցա, այն լաւ է ինձ առնել ըստ օրինակի նոցա :

Բարի է ինձ իբրեւ զնոսա ոչ զանց առնել զեկեղեցական կանոնօք մինչեւ ցյովտ մի եւ մինչեւ ցնշանախեց մի :

Բարի է ինձ իբրեւ զնոսա լինել ի փոքուն հաւատարիմ, զի եւ ի բազմին եղեց հաւատարիմ ընդ նոսա :

Արպէս զի գեղեցիկ են զնայք նոցա, Տէր : Չխարդ բունն ձգեալ ածեն յառաքինութիւն դեմք նոցա : Քանի մեծարանս յուզէ ի սրտի նոցայն ծանրութիւն եւ խոնարհութիւն եւ պարզութիւն եւ պարկեշտութիւն :

Երթայց, Տէր, երթայց զկնի նոցա,
Թէ միայն հասից սրբոց շաւղաց նոցա:

Գու, Տէր, մասն ժառանգութեան
իմոյ, բաժին իմ յերկրին կենդանեաց.
Միթէ բացցին միւսանգամ աչք իմ
յընդունայնութիւնս աշխարհի:

Ձի՞ կայ իմ բնաւ ընդ երկրի եւ ընդ
գեղոյ մարդկանն հողեղինաց: Ձի՞ կայ
իմ ընդ աշխարհի եւ ընդ վայելութիւնս
աշխարհականաց: Ձի՞ կայ իմ ընդ գե-
ղեցկութիւնս եւ ընդ զարդարանս թու-
լամորթաց:

Ձմի խնդրեցի ի քէն, Տէր Յիսուս,
եւ զսոյն աղաչեմ, կրել ինձ հանապազ
ի մարմնի իմում զպարկեշտութիւն քո,
մինչեւ կեանք քո յայտնի լիցին ի մահ-
կանացու մարմնի իմում:

Գ Լ Ո Ի Խ ԿԳ.

Վասն որան Ժահանայի:

Ա. ԼԵՐ, որդեակ, տան քում բա-
րոք վերակացու: Թէ քում տանն վե-
րակացու չգիտիցես լինել, զի՞արդ Եկե-
ղեցւոյ իմում խնամակալ լիցիս:

Պարտ եւ պատշաճ է վարուց քոց լի-
նել յամենայնի օրինակ իմոց ոչխարաց.
սրպէս զի ոչ յայնցանէ միայն զոր ի գա-
հէ խօսիցիս կամ յատենի սպաշխարու-
թեան ուսուցանիցես՝ ուղղեսցին, այլ եւ
յամենայն իսկ օրինակէ գործելոյ քո:

Ապա փոյթ յանձին կայջիր զի ամենայն ինչ զոր մարթ իցէ տեսանել կամ նկատել ի քում տանն իցեն հաւան եւ միաբան ընդ բանս քո :

Բ . Աւուցանես թէ չէք մարդոյ յերկրի աստ քաղաք հաստատուն . եւ թէ օտար եւ պանդուխտ է նա աստէն :

Ձոր բանիւքն հաստատես , վկայեա եւ գործովք : Ձտուն քո իբրեւ զօթեւան անցաւոր յարդարեալ պատրաստես :

Լիցի տուն քո անպաճոյճ , կարեւորք մի պակասեցեն , աւելորդք մի գտցին : Գոչեցեն ցայնօսիկ որ մտանիցենն ի ներքս՝ թէ շատ է վասն մահկանացուի :

Աւուցանես թէ արքայութիւն քրիստոնէի չէ յայսմ աշխարհէ , թէ ամենայն փառք նորա իցէ ի ներքոյ , եւ թէ զամենայն աշխարհի փառաւորութիւնս իբրեւ զկղկղանս արժան իցէ համարել :

Ձայս ամենայն եւ գործովք եւս ընծայեցուջիր : Ի բաց լիցի ի տանէ քումէ ընդունայն վայելչութիւն , որով տունք որդւոցն աշխարհիս այսորիկ պայծառացեալ շողան . այնու իմն պարկեշտութիւն քո յայտնի լիցի ամենեցուն որ ի ներքս մտանիցեն :

Աւուցանես թէ նորս որ ըստ մարմնոյ կեանս կեցցեն՝ ի կորուստ իցեն երթալոց . եւ թէ զվերինն պարտ իցէ խորհել , մի զայս որ յերկրի աստ է :

Յոյց զայն արդեամբք : Այնպիսի ինչ իցեն կահ եւ կազմած եւ սեղան քս, որպիսի վայել է առն սրբոյ, ճշմարիտ հոգեւորի եւ զգաստի եւ այնմ որ ճրշմարտիւն մեռեալ անձին իցէ :

Ուսուցանես թէ ամենայն պղծութիւն եւ դարշութիւն կամ խեղկատակութիւն չէ պարտ չէ արժան բնաւ եւ անուանել իսկ ի մէջ քրիստոնէից, որպէս եւ վայել է սրբոյ :

Ապա մի իսկ գտցի ի քում տան պատկեր ինչ կամ մատեան կամ նշանակ ինչ որ եւ զստուեր անգամ զայնպիսեաց կամ զնշմարանս յանձին բերիցէ :

Ուսուցանես թէ չիցէ պարտ պարծել, բայց միայն ի խաչն իմ, եւ թէ ի նմա իցէ փրկութիւն եւ կեանք եւ պատրաստութիւն ի թշնամեաց :

Ապա խաչն իմ լիցի զլիաւոր վայելչութիւն եւ փառք տան քս : Գիր զայն ի նշան լինել քեզ հանապաղ յիշատակ յուշարար սիրոյ իմոյ եւ խթան առ աքիհնութեան, եւ որ հարեալք ի մեզաց առ քեզ եկեացեն՝ հայեոցին ի նա եւ դարձցին եւ կեցցեն :

Ուսուցանես թէ պարտ է ամենայնի որ իցեն ի տան քրիստոնէի՝ պարկեշտս լինել եւ յարդարեալս ըստ կարգի :

Ապա ջանա եւ պատուիրեա զի ամենայն ինչ իցէ ի տան քում մաքրեալ եւ

բարւոյք կարգեալ, որպէս զի ժամք ազօթից, հոգեւոր ընթերցուածոց, ննջելոյ, յառնելոյ եւ վաստակելոյ՝ իցեն հաստատեալ եւ պահեսցին զգուշութեամբ:

Ուսուցանես թէ որ իւրոց եւ մանաւանդ եւ ընտանեաց խնամ ոչ տանիցի, ի հաւատոցն ուրացեալ է, եւ չար եւսքան զանհաւատն է:

Ապա ուրեմն թէ հայր որ եւ մայր եւ եղբայր եւ քոյր առ քեզ մնացեն, փոյթ արա զի վարս պարկեշտս եւ սրբականս ընծայեցուցեն եւ լիցին օրինակ հաւատացելոց:

Իսկ եթէ իւրք ինչ իրօք պատճառս տացեն գայթակղութեան, թէպէտ մայր իցէ թէպէտ հայր, պատուէր տաջիր ածել զանձինս յուղղութիւն:

Քահանայ ես, մեծ եւս քան զնոսա ունիս իշխանութիւն: Չսոյն զայս պարտիս դու ինձ եւ ժողովրդեան:

Թէ ոչ գայցեն յուղղութիւն, այլուր տես զպիտոյս նոցա:

Տես զի եւ ծառայք քո եւ աղախնայք յամենայնի հնազանդ իցեն քեզ, մի հակառակօղք, այլ զամենայն հաւատս ցուցանել բարութեամբ, զի զվարդապետութիւն Աստուծոյ քո զարդարեացեն յամենայնի:

Բազում խնամով եւ հոգաբարձութեամբ սկեսջիր նոցա, եւ եթէ պա-

տահեսցէ ինչ ի կողմանէ նոցա՝ որ զմի ի
փոքրկանցն իմոց կարիցէ զայթակղե-
ցուցանել, բարձ զանօրէնութիւնն զայն
զօրութեամբ, ի բաց արա զչարն ի տա-
նէ քումէ :

Սրբոյ քահանայի՛ եւ ծառայք եւ
աղակնայք սուրբք վայելեն :

Ուսուցանես թէ պարտ է քրիստո-
նէից ողորմածս լինել եւ զհիւրասիրու-
թեան զհետ երթալ :

Յոյց գործովք զհաւատս քո : Վիցի
տուն քո, ըստ քում կարի, ողորմու-
թեանց եւ օգնութեանց աղբեր ա-
ռատ, որպէս զի եւ զքէն մարթիցէ
ասել՝ զոր երբեմն զսրբոյ ումեմնէ քա-
հանայէ ասէին թէ դա է համօրէն կա-
րօտելոց հոգաբարձու :

Գ. Համառօտ իսկ ասել, լիցի տուն
քո տուն սուրբ, զի եւ մի ազգ ապա-
կանութեան ոչ մտցէ ի նա, տուն բա-
րեպաշտութեան, որ զայլս յատուած
պաշտութիւն ածիցէ :

Տուն հայրենի, յոր մտցեն ոչխարքն
իմ մեծարանօք եւ վստահութեամբ,
գիտացեալ թէ անդ է ճշմարիտ այրն
Աստուծոյ :

Որ ոչ է ընդ նոսա, հակառակ իմ է,
եւ որ ոչ ժողովէ ընդ նոսա՝ ցրուէ :

Ոչխարք իմ ձայնի նոցա լսեն, եւ որ
ոչն լսեն՝ չեն յոչխարաց անտի իմոց :

Գ. Տես, սրգեակ, տես զտառապեալ
Զոկս ոչխարացն, որոց թողեալ զՊե-
տրոս՝ յայլոյ հիման վերայ կամեցան
կառուցանել իւրեանց փարախ :

Տես զխարդ նմանեցին նոքա առն՝ որ
շինեաց զտուն իւր ի վերայ աւազոյ :

Իջին անձրեւք, յարեան գետք, շնչե-
ցին հողվք, հարին զտունսն եւ անկան
եւ եղեւ կործանումն նոցա մեծ յոյժ :

Տես զաշխարհն Յունաց եւ զԱնգղե-
ացւոց եւ զայլ եւս ազգի ազգի դա-
ւառս՝ որ զատեալ մեկնեցան ի Պետրոսէ :

Հայեաց տես, ոչ զմիութիւն եւեթ,
այլ եւ զհաւատս իսկ ինքնին զլսովին
կորուսին, եւ առանց հաւատոց չէ իսկ
մարթ հաճոյ ինձ լինել :

Տես զնորին հակառակն զժողովուրդան
հաւատացեալս՝ որ կացին եւ մնացին ի
գաւթին՝ որ հատտատեալ է ի վերայ
Պետրոսի :

Որպէս աներկիւղք եւ անարատք տե-
ւեալ բաւեցին ի մէջ կործանման աշ-
խարհիս :

Իջին անձրեւք մոլորութեանց, յա-
րեան գետք հալածանաց, շնչեցին հողվք
հրապուրանաց, եւ ոչ անկան Եկեղե-

յիք նոցա, քանզի ի վերայ վիմի հաստատեալ են:

Գ. Ի հռոմէական Գահն Պետրոսի ոչ ոք հերետիկոս նստաւ երբեք. ոչ երբեք պակասեցին ի նմա հաւատք:

Յայն սակս իսկ, որդեակ, օձն հին թշնամին այն վատթար՝ որ այնչափ ինչ չարութիւնս նիւթէ ի սուրբն, ոչ ինչ այնպէս միջնորդ հզօրագոյն եզիտ զոչխարսն իմ՝ յափշտակելոյ եւ սպանանելոյ, բայց ի Պետրոսէ եւ ի նորին յաջորդացն բաժանել զնոսա:

Միտ եղեալ նայեաց բազում հաւատաւեալ ընդ բնաւ հերետութիւնս որ սպրդեցին մտին ի ներքս եւ մտանեն իսկ յայսօր, եւ տեսցես զի ոչ այլով ինչ իւրք օրինակաւ հաստատեցաւ, այլ հերձեալ ճեղքելով ի Քահանայապետէն Հռոմայ:

Դեռ եւս առաջի աչաց քոց կան, որդեակ, դեռ եւս պատմին քեզ ի գիրս տարեւորս ճշիւնքն այնորիկ եւ մոնչիւնք ահագինք՝ զոր անդուստ ի ներքուստ ի խորոցն դժոխոց ընդդէմ յաջորդացն Պետրոսի արձակեն հերեսիովտապետք:

Եւ շեն իսկ զարմանք, որդեակ: Որ զտունն կործանել կամիցի ոք, զհիմանէ հարկ է թէ բուռն հարկանիցէ:

Կամիցիս, որդեակ, պահել անքոյթ զոչխարսն ի ճշմարտութեան եւ ի փրո-

կութեան ճանապարհի: Զանա զի որչափ անաւելլագոյն ընդդէմ հռոմէական Գահուն կռուեսցի սատանայ իւրովքն արբանեկօք, նոյնչափ եւս անաւելլ հաստատութեամբ յարեցիս դու ի նա քոյովքն, զխտացեալ զի մի է հօտ իմ եւ մի Հովիւ:

Ո՛րդեակ, արթուն լեր զգուշութեամբ, եւ կաց անշարժ ի հաւատս Աթոռոյն Պետրոսի:

Ե. Ոչ հիմն եւեթ Եկեղեցւոյ իմոյ սիրելւոյ են Պետրոս եւ յաջորդք նորին, այլ եւ Հովիւք զառանց եւ ոչխարաց, եւ համօրէն քահանայապետաց իշխանք եւ բովանդակ մարմնոյ Եկեղեցւոյ իմոյ զլուխ տեսանելի:

Աշուեա մի բառ միտջէ զբանս զայսոսիկ, որդեակ, ունկն գիր հաւաստեաւ յորջորջմանց Քահանայապետացն Հռոմայ:

Եթէ Հովիւք ամենեցուն իցեն եւ իշխանք նոցին իսկ քահանայապետաց, ապա եւ դու որչափ եւ մեծ Եկեղեցւոջ իմում իցես, ոչխար նոցին ես եւ քան զնոսա կրսերագոյն:

Եթէ զլուխ տեսանելի Եկեղեցւոյ իմոյ իցեն, ապա պարտ եւ պատշաճ է քեզ մեծարել զնոսա իբրեւ զիս՝ ոյր փոխանորդք իսկ են:

Զ. Խոտորեա, որդեակ, բազում խնամով յայնցանէ՛ որ մերձենան յՕ-

ծեարադ իմ եւ ի մարգարէսդ իմ ոչ
զանգիտեն մեղանչել :

— Ի մատենից՝ որ հակառակ նոցա մու-
լեղնեալ իցեն՝ իբրեւ ի դիւաշունչ դրոյ
խորշեսջիբ մեծաւ ատելութեամբ, եւ
ջանա որչափ եւ ձեռնհաս իցեա՝ կորզել
զայնս ի ձեռաց խառնազանձ ամբոխին :

Գիտացեալ զի դրդիչք ապստամբու-
թեան են այնոքիկ ոչ ընդդէմ երկրա-
ւոր իշխանի, այլ հակառակ իմ որ գրու-
խաւոր հրամանատարս եմ Եկեղեցւոյ
եւ համօրէն տիեզերաց :

Է. Ապա կաց մնա դու այսուհետեւ
լցեալ խորին երկիւղածութեամբ առ
Քահն հռոմէական :

Յոյց նմա զսէր առանց կեղծաւորու-
թեան, զանքակ հաւատարմութիւն եւ
զպատշաճ հնազանդութիւն :

Գ Լ Ո Ի Խ ԿԵ .

Ղաան Էպիսկոպոսոսց հնազանդ լինելոյ :

Ա. ՈՒՆԿՆԴԻՐ լեր, սրդեակ, առաջ-
նորդաց քոց, եւ հպատակ կաց նոցա .
ահա պատուիրեցի քեզ եւ դու խոս-
տացար կատարել :

Խոստացար եպիսկոպոսի քում եւ
նորին յաջորդացն զհնազանդութիւն .
զուխտս քո կատարեա՝ եւ պատուական
եղիցիս առաջի իմ . զի լաւ է ունկնդրու-
թիւն քան զլոհ ընտիր :

Տես, որդեակ, ոչ զոհս եւ պատարագս մատուցի ես Հօր իմում, բայց իբրեւ մարմին հաստատեաց ինձ՝ եկի առնել զկամս նորա :

Զհաճոյս նորա արարի հանապաղ եղէ հնազանդ մահու չափ, եւ մահու խաչի :

Բ. Առաջնորդ քո Հովիւ քո է, եպիսկոպոս քո զոր եղ Հոգին իմ հովուել ընդ այլոց զեկեղեցի իմ՝ որ ետ անդամ, տքնի վասն քո՝ սրպէս թէ համարս տալոց իցէ ընդ քո, ապա փոյթ յանձին կալ զի խնդութեամբ արասցէ զայն եւ մի յոգւոց հանելով :

Հպատակ կաց նմա ի բոլոր սրտէ վասն Աստուծոյ, ի սիրոյ առաւել քան ի հարկէ :

Եւս իմն անկասկածազոյն եւ զգուշազոյն է, որդեակ, կալ ի հպատակութեան քան ունել առաջնորդութիւն :

Բազում հանգիստ գտցես ի խոնարհ հպատակութեան ընդ վարչութեամբ ուրուք առաջնորդի. ապա թէ ի բաց հանցես զքեզ ի հնազանդութենէ, եւ ի շնորհաց վրիպեցուցանես զանձն քո :

Ո՛րդեակ, եթէ ոչ մտադեւր զանձն հնազանդ կացուցանիցես, յայտ իսկ է թէ կարի մարմնասէր ես, եւ թէ ոչ յիս, այլ ի քեզ ես կենդանի եւ անկարգս իմն սիրես զանձն քո :

Գ. Եւ զինչ մեծ իցէ, սրդեակ, եւ թէ դու որ հողդ ես եւ ոչինչ՝ հնազանդ կայցես մարդոյ. մինչ ես ամենակարս եւ Բարձրեալ՝ որ զամենայն ածի ի շքոյէ ի գոյ, խոնարհութեամբ հնազանդ եղէ մարդոյ վասն քո :

Եղէ խոնարհ քան զամենեօին, զի իմովն խոնարհութեամբ՝ քում հպարտութեան յաղթեցես :

Ուսիր, մտխորդ, հնազանդ լինել, ուսիր զանձն խոնարհեցուցանել հողդ եւ կաւ, ուսիր լինել կազմ եւ պատրաստ առ ամենայն հպատակութիւն :

Գ. Վրթմնջիցես թերեւս յանձին քում. հիմ այդպէս, ասես, հիմ այդպէս կշտամբիցէ : Ընդէր այդպէս արդելու : Ասան էր զայս օրինակ պատուիրէ : Առիմէ այդպէս կարգիցէ :

Ձի է զի խօսիսդ, սրդեակ : Որ մերձենայ ի նա, որպէս որ ընդհարկանիցի ընդ բիբ ական իմոյ :

Գառն թուի քեզ կշտամբութիւնն, խիստ՝ պատուէրն : Ո՞ մարդ սնտտի. զի է քո քրթմնջելոյ : Ձիարդ կարիցես ընդդէմ դառնալ, մեղաւորդ պիղծ, որ այնչափ անչափ զԱստուած զայրացուցեր, եւ բեր անգամ դաարարժանի գժոխոց :

Ձայրացիր առաւել ի վերայ քո, եւ մի տացես թոյլ ամբարտաւանութեան կենդանի լինել ի քեզ :

Ե. Այլ առ ինչ այս կամ առ ինչ այն. ի կարեւորսն եղէց հնազանդ, ի սնտախ չէ ինչ պիտոյ:

Զի ասես, որդեակ: Գատե՛լ կամիցիս զդատաւորդ քո, եւ վարել զառաջ նորդդ քո:

Սնտախ կոչես զպատուէրս առաջնորդին, ապա անարգես իսկ զնա: Ա՛չ գիտիցես զի որ զնա անարգէ՝ զիս անարգէ:

Սնտախ անուանես զորս նայն պատուիրէ. մի առաւել ինչ խորհիցիս, որդեակ, քան զարժանն խորհելոյ. եթէ քեզ որ յախուռն դատիս՝ սնտախ պատուէրքն հրամանատուին թուիցին, սակայն չէ ինչ ընդունայն եւ ունկնդրութիւն հնազանդին:

Բժշկեա զանձն քո. ոչ եթէ վասն պատուիրանին համարս տալոյ իցես, այլ վասն պահպանութեան հրամանին:

Անսա այսուհետեւ առաջնորդին քում առանց ընդդէմ աքացելոյ. լեր հնազանդ որպէս ձեռն գլխոյ. քանզի ձեռն առանց ընդ բանս ինչ ածելոյ եւ տրտորնջելոյ՝ կատարէ որ ինչ նմա հրամայիցի ի գլխոյ: Ահաւասիկ քեզ կանոն. արա բտա նմին նմանութեան:

Զ. Ազաչեմ զքեզ, որդեակ, ծանիր զնա որ վերահացու է քեզ ի Տէր եւ խրատէ զքեզ. յաճախագոյն սիրոյ արժանի համարեսցիր զնա եւ մեծաւ պա-

առուով պատուեա զնա : Քանզի Օծեալ
իմ է :

Ձգոյշ լեր յայսմ՛հետէ մի անհնազան-
դել, մի ապստամբել, մի բամբասել, մի
քրթմնջել եւ մի անիծանել :

ՁՄարիամ որ տրանջեաց զՄովսիսէ՝
պատուհասեաց բորտութիւն . զԿորնս,
զԴաթան եւ զԱբիրոն՝ որ քամահեցին
զԱհարոն, բացաւ երկիր եւ եկուլ .
զպատգամաւորն Ուրուբայ՝ որ ծաղը առ-
նէր զԵղիա՝ եկեր հուր . զՏպարտացեալն
զայն որ չկամէր հնազանդել հրամանի
քահանային՝ մահու հարկ եղեւ դատել :

Ո՞րչափ սաստիկ պատժոց արժանի
համարիցիս զայն՝ որոյ զառաջնորդս նո-
րոյ օրինաց արհամարհեալ՝ զանձն իմ
արհամարհիցէ, եւ այնու եւ զՀոգին
Հնորհաց թշնամանիցէ :

Գ Լ Ո Ի Խ Կ Զ .

Վասն զԲարեկամն ընդրելոյ :

Ա . ՀԱՒԱՏԱՐԻՄ բարեկամի ոչ գոյ
փոխանակ : Այր բարի եւ քաղցր թէ
զտցես ի քո ընկերութիւն, բարեկամ
առաւել լիցի քեզ քան զքո եղբայր :

Խօսեաց ընդ նմա զգործոց քոց եւ
բարւոք խորհրդովք նորա քաղցրասցի
անձն քո, եւ եթէ չարիք պատահեցն
քեզ՝ ժուժկալեցես նովա :

Լիցի քեզ ծածկոյթ հզօր, դեզ կեւ

նաց եւ անմահութեան, եւ տեսցես զի չիք կշիռ ոսկւոյ եւ արծաթոյ արժանի լաւութեան հաւատարմութեան նորա :

Բ. Ո՞վ գտցէ, սրգեակ, բարեկամ այսպիսի: Երկիւղած Տեառն՝ գտցէ զնա:

Գտանել գտանեն բարեկամս որդիք աշխարհիս այսորիկ, այլ զ՞որ բարեկամս. զուողս սեղանոյ՝ որ ոչ կացցեն առ քեզ յաւուր նեղութեան :

Բարեկամս յողդողդս, որ այսօր սիրեն եւ վաղիւ շրջին ի թշնամութիւն :

Բարեկամս ողորբիչս սուտակասպասս, որ տանին ի ճանապարհս անբարիս :

Բարեկամս պակասամիտս, որ ոչ իմանան զբանս հանձարոյ, եւ ոչ իւիք զբօսնուն՝ բայց անմտութեամբք, որ յածին ի սիրտս նոցա :

Բարեկամս որ զմեծատանց զհետ երթան եւ յաղքատաց ի բաց փախչին, որ ողորբեն զերեսս հզորի, որ ոչ զտուիչն այլ զպարզեւս տուչին սիրեն :

Բարեկամս թերակատարս, որ ձգեն յիւրեանց ճանապարհս՝ տուեալ զայթակղութիւն ոգւոյն :

Այնպիսիքն, սրգեակ, անուամբ լուկով են բարեկամք, այլ արդեամբք եւ ճշմարտիւ՝ ոխերիմ թշնամիք :

Ո՞րչափ եւ քանի՜ չարեաց պատճառք են այնպիսեաց բարեկամաց ընկերութիւն եւ մտերիմ ընտանութիւն :

Ո՛րչափ քահանայս ի մեծէ աստուած-
պաշտութենէ ի խորս ցրտութեան եւ
անտի ի յատակս իսկ անդնդոց անօրէ-
նութեանց կործանեաց եւ կործանէ
զօրհանապաղ :

Երբեմն ողորքեն զոր կամինն կորուսա-
նել, մերթ դարան դործեն թաքուցեալ
զթակարդսն, եւ մերթ կլանեն զնա
կենդանւոյն իբրեւ դժոխք, եւ զստա-
ցուածս նորա զպէսպէսս ի բաց բառ-
նան :

Ի միտ առ զոր ասեմս, սրդեակ: Եթէ
դք քահանայ բարեպաշտ եւ առաքինի
յախուռն բարեկամութիւն ընդ անզգա-
մաց խառնիցէ, զառաջինն՝ ստկեն իմն
նմա եւ քծնին, ծածկեն զչարութիւնն,
բերկրութիւնս առաջի ընծայեցուցանեն
եւ ցուցանեն զսէր :

Որովք ժպրհեալ յանդգնեալ յա-
պահովի կարծէ նա զանձն ի կցորդու-
թեան նոցա, եւ զբօսանս իսկ համարի
լինել ընդ նոսա :

Տակաւ ինչ ինչ ի սովորական աղօ-
թիցն եւ ուսմանց ի բաց թողու, զի
ժամանակս ձիզս ընդ նոսա ուրախ լիցի .
եւ սկիզբն առնէ անօսր մատչել ի սուրբ
պաշտամունս :

Այլ անկանի ի միտս իւր՝ կանոնացն
բարւոյ սովորութիւն : Եթէ զնա խիղճ
մտացն եւ ասէ բայ՝ սահեալ անցանէ

Ժամանակն անգիւտ : Աորուսանես զժամանակն եւ համարս տացես :

Կամի իմն ի բաց հեռանալ անզգամն այն, այլ բմբունեալ կապի . կամի բնդգէմ մաքառել՝ եւ ծաղը եւ ծանակ լինի :

Մարդ, ասեն, յրնկերութիւն ծնաւ : Ոչ գոյ բաւ եւ վախճան գիրս բազումս բնթեոնոյ . եւ խորհուրդ բազում՝ աշխատութիւն է մարմնոյ :

Վայ միոյն : Մի առաւել ինչ խորհել քան զարժանն խորհելոյ, այլ խորհել ի զգատտանալ :

Մյայտս ի հրեշտակ լուսոյ կերպարանին անօրէնքն : Հաւատայ թշուառականն, խաբի եւ ամաչէ անջատել ի նոցանէ, նա աւանիկ զանձկութիւնս մտացն խղճի՝ աւելորդ կասկածանս համարի :

Նստի յայգուէ մինչեւ ցերեկոյ եւ առասպելս կարկատէ, եւ զօրն ցերեկ կայ դատարկ :

Գ . Ո՛րչափ փոփոխեալ իսկ է այժմ յառաջնմէ անտի : Այլ այս սկիզբն է, սրդեակ : Բազում եւս չարիս ուսոյց յետոյ դատարկութիւն :

Անդէն համարձակագոյնս իմն գործեն բարեկամքն այնոքիկ պակասամիտք եւ չարք : Ոչ եւս երկնչին բամբասել, չարախօսել եւ ծիծաղել զկանոնօք, զնախանձու եւ զաստուածպաշտութեամբ :

Զառաջինն չթուի իսկ այն հաճոյ բարեկամին նորոյ, այլ գերեալ իմն է եւ կապեալ, շիշխէ ընդդէմ դառնալ, նա եւ ոչ չհաւանել կամ չգովել:

Մանաւանդ թէ՛ զի բարեկամացն ընդ միտ մտանիցէ, բամբասէ ընդ բամբասողս, չարախօսէ ընդ չարախօսս, այպանէ ընդ այպանողս:

Գայ հասանէ եւ ժամ պատարագ մատուցանելոյ, եւ չցարհուրի չսոսկայ զբերանն՝ որ չարութեամբ եւ գարշաբանութեամբ պղծեալ է, բանալ ամենասուրբ խորհրդոյ:

Գումարեալ կայ ժողովուրդն ի Պաշտօն աստուածեղէն. ականջս ունի լսելոյ, իսկ հովուին չիք ձայն բարբառելոյ, զի զուր եւ ընդ վայր ծախեաց զժամանակն, ոչ ուսաւ ինչ, ոչ արարաղօթս եւ չէ պատրաստեալ:

Մատչին ապաշխարողք խնդրելով զդարման խոստովանութեան, եւ քահանայն կամ բնաւ չառնու իսկ յանձն, վասն զի առ բարեկամն խոստացաւ երթալ, եւ կամ դժկամակ իմն մտօք եւ շտապաւ ունին դնէ, զի ետ ընդ ետ փութանակի ի կաճառս բարեկամացն թռանել մարթայցէ:

Այսօր սա առ նոցա է, վաղիւ նոքա առ սմա, եւ ամենայն ուրեք խաղ, գինարբուք եւ ընդ ունայն հեշտականութիւն:

Ժառանգութիւն իմ հայրենական վատնի տարապարտուց . մինչ աղքատքն հեծեն եւ հաւատացեալք դայթակղին :

Կամի՞ որ ուրեք խրատել եւ յանդիմանել զքահանայն զայն տառապեալ ջասնու, սպառնայ :

Ապա թէ վերագոյնն քան զնա զայդ արասցէ, ըմբոստանայ, ընդդէմ դանայ սաստելով եւ կամ դոնեայ անդոսնելով :

Գրուատիս տան բարեկամքն եւ աւելազոյն յուզեն զսրտմտութիւն բարկութեանն պաշտպանս զանձինս ընծայեցուցեալ յապստամբութեան :

Ոչ զոք մեծարէ նա այնուհետեւ, չչնէ ունկն վերագունի, եւ իւրովի անձամբ զանձն եւ զիւրոն մատնէ յազգի ազգի ապիրատութիւնս :

Ընդ աշխարհականս՝ աշխարհական է, ընդ հայհոյիչս՝ հայհոյիչ, ընդ զեղծս՝ զեղծ, ընդ արբեցողս՝ արբեցող .

Ընդ սեղանակապուտոն՝ սեղանակապուտ, ընդ ամպարիշտո՝ ամպարիշտ, ընդ որդիսն Բելիարայ՝ որդի Բելիարայ է, որ յառաջն էր այր Աստուծոյ :

Ե . Որդեակ, կալ սէր առ ամենս սեան . այլ զգոյշ լեր ըստ քում կարի՝ մի մտերիմ ընդ այնպիսեացն լինել, մի խառնիխուռն ընդ ում եւ պէտ ումեք խառնել բարեկամութիւն :

Մի ամենայն մարդոյ յայտնեցես զսիրտ քո, այլ այնմ միայն՝ զոր ծանեար առաջի իմ իմաստուն, երկիւղած Աստուծոյ, հլու, բարեպաշտ, խորհրդական, զգաստ, ցածուն, ջանասէր, գլթած, խոնարհ, յտակամիտ, համեստ եւ հանճարեղ :

Ընդ այնպիսւոյն ցանկորդեսցիր . կալ ընդ նմա սերտիւ բարեկամութիւն :

Նա իւրովն օրինակօք ի կատարելութիւն յորդորեցէ զքեզ, խրատութեամբ հեզութեան դարձուցէ զքեզ զխոտորեալդ յուղիղ ճանապարհէ :

Նա քաջալերեցէ զքեզ ի վիշտս եւ սիրտեցէ, ի տարակուսանս լուսաւորեցէ զքեզ եւ առաջնորդեցէ քեզ իմաստութեամբ :

Ընդ նմա ցնծացես եւ ուրախ լիցիս ի խաղաղութեան Աստուծոյ՝ որ ի վերէ քան զամենայն միտս :

Գնա, սրդեակ, ընդ այնպիսում իմաստնոյ եւ իմաստուն եղիցիս : Իսկ ընդ պատանիս եւ ընդ օտարս դուն ուրեք լիջիր, զմեծատունս մի ողբեցես, առաջի մեծամեծաց մի մտադէւր երեւեսցիս :

Չի քանիցս անգամ թէ առանց ինչ հարկի կամ ճշմարիան օգտի յայնպիսեաց միջի դտանիցիս՝ նուազեալ յետս դարձցիս :

Գ Լ Ո Ի Խ ԿԷ .

Ասան զսիս-խիան սիրոյ ար- միտանս պահելոյ :

Ա . ՍԻՐԵՍՋԻՐ զընկեր քո իբրեւ զանձն
քո : Այս է , որդեակ , երկրորդ պատուի-
րան նման առաջնոյն եւ մեծի պատուի-
րանին օրինաց :

Սիրեսցես զընկեր քո որպէս եւ ես սի-
րեցի զքեզ : Այս է պատուիրան նոր՝
զոր ետու քեզ :

Եթէ զայդ ոչ պահեսցես , որդեակ ,
անդէն ի մահուն կացցես : Քանզի զնարդ
զԱստուած քո զոր ոչն տեսանես սիրես-
ցես , եթէ զեղբայր քո՝ զոր տեսանես
ոչ սիրիցես :

Որդեակ , այս է պատուիրան իմ ա-
ւագ եւ բարձրագոյն : Եւ շատ է թէ
միայն եւս կատարեսցի :

Գիտես իսկ թէ քանիցս աղաչեցի
զչայր իմ , զի իմքն իցեն մի , որպէս ես
եւ չայր իմ մի եմք :

Գիտես թէ որչափ բազում խնդրեցի
զայս՝ մինչ հանդերձեալ էր ինձ գնալ
յաշխարհէ :

Գու գիտես թէ որպէս ստեպ հրա-
մանօք յանձն արարի նոցա , զի եզիցին
կատարեալք ի մի :

Ջնարդ փութամ , որդեակ , մինչեւ
այդ կատարեսցի :

Բ . Ո՛ քահանայքդ . դուք բարե-

կամք իմ եղիջիք, եթէ առնիցէք զոր
եսն պատուիրեմ ձեզ :

Առաջնորդք հօտին իմոյ, սիրեցէք զմի-
մեանս, զի եւ ոչխարքն իմ զմիմեանս
սիրեացեն. որպէս եւ ես սուրբ արարի
զանձն իմ, զի եղիցին եւ ոչխարք իմ
սրբեալք :

Մի մարմին էք բազումքդ, զի ամե-
նեքին ի միոջէ հացէ անտի վայելէք : Ե-
ղերուք սիրտ մի եւ անձն մի :

Յայսմ գիտացեն ամենեքեան եթէ
ճշմարիտ պաշտօնեայք իմ էք, եթէ սի-
րիցէք զմիմեանս :

Գ. Սիրեսջիք զմիմեանս, եւ փա-
ռաւորեցայց ի ձեզ, եւ աշխարհ հաւա-
տացէ եթէ Հայր առաքեաց զիս եւ ես
առաքեցի զձեզ :

Սիրեսջիք զմիմեանս, եւ բնակեցայց
բնդ ձեզ եւ եղէց հանապազ ի միջի
ձերում. զի սիրովն այնուիկ իցէք միշտ
յանուն իմ ժողովեալք եւ գումարեալք :

Սիրեսջիք զմիմեանս, եւ զարմասցի
բնդ ձեզ աշխարհ. եւ լուիցէ եւ ան-
սայցէ եւ մեծարեացէ եւ նմանօղ լինիցի :

Սիրեսջիք զմիմեանս՝ եւ ձեւք բար-
գաւաճեալ պայծառացի Եկեղեցի, եւ
սփռեացի տարածեացի ի ծովէ մինչեւ ի
ծով, մինչ ի ծագս աշխարհի :

Սիրեսջիք զմիմեանս. եւ գժոխք իսկ
ինքնին զարհուրեացին յերեսաց ձերոց,

բանդի գիտէ թէ որդւոց իմոց որ սիրովն յօդեալ ընդ միմեանս իցեն՝ չկարէինչ ստնանել եւ գամագիւտ լինել :

Քանզի սովին սիրով լինին նոքա ամրացեալք ի սրտի իմում, ծածկին ընդ թեւովք իմովք, կենդանի լինին ի մարմնի իմում, պաշտպանին յայլոց անդամոց, եւ գրեթէ իբրեւ զմարմին իմ գլխովին յարդարին անառիկք եւ անվկանդք :

Գ. Սիրեցիք զմիմեանս, որդեակք, զոր օրինակ եւ անդամք ի մի մարմին պատշաճեալք՝ սիրեն զմիմեանս :

Եթէ վշտանայ ինչ ոք ի ձէնջ, լերուք եւ դուք վշտակից : Եթէ ոք փառաւորի՝ խնդացէք եւ դուք :

Ի պատիւ զմիմեամբք ելէք. կրտսերացն մի ճոխաբար, այլ հայրաբար առջիք հրաման. վերագունից խոնարհութեամբ եւ ի սրտէ անսացէք :

Գործովք ձեռնառու լերուք միմեանց, աղօթիւք իրերաց օգնեցէք, օրինակաւ զմիմեանս յորդորեցէք, խրատուք ուղղեցէք զմիմեանս :

Սիրեցէք մի բանիւ եւ մի լեզուաւ, այլ արդեամբք եւ ճշմարտութեամբ :

Սիրեցէք զմիմեանս, եւ մի բամբասանօք խածատիցէք զոք յեղբարցն, եւ մի զոք արհամարհելով յամօթ առնիցէք, եւ մի զոք ամբարտաւանութեամբ զգուիցէք :

Սիրեցէք զմիմեանս, եւ մի ի ծածուկս
անդ սրտի յիս ինչ բնոգդէմ ուրուք յեղ-
բարցն պահիցէք, մի հեռ, մի հակառա-
կութիւն եւ մի կարծիս ինչ :

Տէր, զի բարի եւ զի վայելուչ տեսա-
նել զքահանայս յողեալս սիրով ի մի :

Ո՛ զարմանալի պատուիրան սիրոյ սրբ-
բոյ : Քանի՛օն սերմն բարի սերմանեցեր
յագարակի քում, Տէր, յորժամ զայդ
պատուէր ետուր մեզ :

Բայց ուստի՞, Տէր, որմն ի քում ա-
գարակի : Ուստի այնչափ կոխք, այնչափ
հերձուածք, այնչափ ասելութիւնք,
այնչափ թշնամութիւնք ի քահանայս
քո, որ բազում անգամ, բաբէ, մինչեւ
ի մահ իսկ տեւեն :

Չ. Ուստի՞, ուստի, որդեակ : Ի ցան-
կութեանց նոցա :

Չի բազումք այնոքիկ են որ ըստ բնու-
թեան իմն եւ ըստ մարմնոյ սիրեն, եւ
սակաւք սրբութեամբ եւ հողեպէս :

Չի ի բազումս կենդանի է մարդն հին,
մարդն այն ամբարտաւան, արծաթասէր,
չարակն, կարճամիտ : Պատմեցից քեզ ըզ-
ծածուկս զայսոսիկ, որդեակ, եւ տեսցես :

Ատեայ նա զսա, զի սա եհաս այնմ
պաշտաման կամ պատուոյ՝ որում իւր
իսկ ակն եղեալ էր. զի սա ի բարձունս
եւ վերացաւ, ուր ինքն ի ճնչինս եւ ի
խոնարհագոյնս կարգեցաւ :

Արպէս այն թէ ամենեքին իսկ պարտ էին լինել առաքեալ եւ մարգարէք, իբրեւ թէ չիցէ իմ իշխանութիւն առնել անօթ զոմն ի պատիւ եւ զոմն յանարգանս :

Սորա ելեալ ի բարձ աւագութեան եւ ընդ իւր պատիւ ուռուցեալ եւ փբացեալ՝ զկրսերագոյնսն արհամարհէ եւ զոգ առ ոսն կոխէ :

Արպէս թէ չէին իսկ եղբարք, եւ կամ թէ չիցէ եւ ինքն իբրեւ զնոսա հող եւ մոխիր, եւ որպէս թէ անարգանք իմն իցեն կենակից ընդ նոսա լինել :

Մեւս ոմն ատեայ զսա, զի համբաւաւ ուաման եւ վարդապետութեան զեր ի վերոյ գտանի :

Արպէս թէ ամենեցուն իսկ պարտ էր վարդապետս եւ ուսուցիչս լինել եւ չէր ինձ համարձակ զգիտութեանն շնորհ եւ զհամբաւ տալ ում եւ կամիցիմ :

Սա նախանձի ընդ նմա, վասն զի քաջագոյնս գործէ զողոցն դարձ :

Իբրեւ այն թէ ամենեցուն իսկ արժան էր ունել շնորհս բժշկութեանց, եւ թէ չկարիցեմ ես աճեցուցանել յոյր ձեռն եւ կամիցիմ :

Նա խանդայ ընդ սա, զի հզօրագոյն է խօսողութեամբ :

Արպէս թէ ամենեցուն պարտ էր ի լեզուս խօսել, եւ ինձ չէր մարթ այսմ :

կամ այնմ մարդոյ տալ ըստ հաճոյից
զիմաստութիւն :

Ոմն զսա ատեայ, զի նորա սրբական
կենօքն՝ վարք իւր սպերասան կշտամ-
բեալ յանդիմանին :

Ոմն ընդ իւր գիտութիւն կամ ընդ
բարեպաշտութիւն հպարտացեալ, զայ-
նոսիկ՝ զորս կարծէ թէ նուազագոյն իցեն
առաքինի կամ գոյզն ուսեալ՝ առ խո-
տանա ունի :

Մեւս ոմն, քանզի արծաթասէր է,
չէ ումեք բարեկամ, այլ զամենայն ոք
յանձնէ ի բաց մերժէ, մի գուցէ թէ ըն-
կերութիւնն պատճառս ծախուց առաջի
ընծայեցուցանիցէ :

Սա, քանզի կարճամիտ է, չկարէ
հանդարտել ժոյժ ունել որոց ատեանն
զնա, եւ չարախօսեն եւ զըպարտեն եւ
մնասեն եւ նենդեն, նա եւ ոչ որոց ծի-
ծաղինն զնովաւ ընդ խաղ. մանաւանդ
թէ ատեայ իսկ եւ զչարի ընդ նոսա եւ
անգամ որոց ներումնն խնդրեն՝ չտայ
թողութիւն :

Է. Տես, որդեակ, որպէս բնութիւնն
վատթար եւ սէր անձին՝ եւ զքահանայս
անգամ յետս կասեցուցանէ ի սուրբ
սիրոյ : Ըստ ամին օրինակի եւ ընդ քեզ
արասցէ՝ եթէ չկայցես արթուն :

Եթէ անձնասիրութեան ունկն դի-
ցես, ոչ զայլս՝ այլ զանձն եւ եթ սիրես-

յես : Աամիցիս զի այլքն ամենեքին ընդ քեւ իցեն , ողոքեսցեն զքեզ եւ քեզ ծառայեսցեն : Աչ կամեսցիս տանել այնմ որ սուրբ որ քան զքեզ իցէ , եւ իմաստուն եւ արժանաւոր եւ ընչաւէտ :

Նա աւանիկ խորամանկն այն անձնասիրութիւն՝ զի իբրեւ օրինօք իմն յատելութիւն այլոց ձգեսցէ զքեզ , բազում ինչ թերութիւնս յայլս երեւեցուցանէ , եւ ստուարացուցանէ եւ ընդարձակէ , բանայ եւ հաւանեցուցանէ :

Չշիզս ի գերան անդր շրջեսցէ . յորովագոյնս տացէ քեզ շարաշար խորհել զնոցանէ եւ կամ գոնէ կասկածել :

Եւ իբրեւ ի հակառակութիւն նոցին ածիցէ զքեզ , ջանայ եւ հնարի այնուհետեւ յատելութիւն անդր զայն դարձուցանել , եւ ի քսութիւնս , յարհամարհանս եւ ի շարախօսութիւնս յորդորէ :

Աստի կռիւք , աստի հակառակութիւնք , աստի թշնամութիւնք , որք բազում անգամ ընդ քահանային վախճանելոյ ի միասին իջանեն ի գերեզման :

Տես , սրդեակ , տես սրպէս որոմունք յազարակի իմում սերմանին յառնէ թշնամեոյ :

Տես զի ոչ գոն ի մէջ քահանայից թշնամութիւնք՝ որ ոչ ի ցանկութենէ իմէքէ կամ յախտից իցեն սկիզբն առեալ :

Ը. Ո՛րդեակ, եթէ զսէր կարել որ ընդ
եղբարսն պահել կամիցիս, կալ զամե-
նայն զկարիս քո ընդ հրահանգօք. ի բայ
կայ ամենեւին յամենայն անձնատիրու-
թենէ:

Ձի ցորչափ զանձին խորհիցիս, չկա-
րիցես եւ զեղբարցն օգուտ խնդրել:

Թ. Տէր, սիրեցից զեղբարս իմ, յայս
ի այն ծախեցից զիս եւ ծախեցայց, զի-
տելով չափ զի եթէ զայս սէր ոչ ունի-
ցիմ՝ ոչ ինչ օգտիմ՝ զոր ինչ եւ այլուստ
ստանայցեմ:

Սիրեցից զեղբարս, եւ եղէց առ ամե-
նեսին երկայնամիտ եւ քաղցր, ոչ նա-
խանձեցայց, ոչ ամպարհաւաճեցից եւ
ոչ հպարտացայց:

Ոչ յանդգնեցայց, ոչ խնդրեցից զան-
ձին, ոչ դրդուեցայց, ոչ խորհեցայց զչար:

Ոչ խնդացից ընդ անիրաւութիւն, այլ
խնդացից ընդ ստուգութիւն, ամենայնի
տեւեցից, ամենայնի հաւատացից, ամե-
նայնի համբերեցից:

Սիրեցից եւ սիրեցից հանապազ, սէր
իմ մի երբէք անկցի:

Իսկ զանօրէնս ատեցից, զի եւ դու
ատեաս, Տէր. այլ յատել անդ իմում՝
սիրով ողորմեցայց նոցա, ցանկացեալ
յոյժ զի զգաստացին:

Խնդրեցից, Տէր, քոյով օգնականու-
թեամբ՝ զառաւայեալ զեղբարսն զայնու-

սիկ, խօսեցայց առ նոսա, յորդորեցից,
աղաչեցից, խրատեցից քաղցրութեամբ,
եւ յայնժամ միայն համարեցայց զնոսա
իրդեւ զհեթանոսս եւ զմաքսաւորս՝ յոր-
ժամ Եկեղեցւոյ քում ոչ լուիցեն:

Սակայն մի անձամբ դատեցայց, զի մի
դատիցիմ, մի պատժեցից զի մի պատ-
ժեցայց:

Եւ ոչ այսչափ միայն, Տէր: Քանզի
գիտեմ, զի եթէ սիրիցեմ զսիրելիս իմ
եւեթ՝ ոչ ինչ շնորհ է ինձ, քանզի եւ
մեղաւորք սիրեն զսիրելիս իւրեանց:

Այլ սիրեցից եւ զթշնամիս իմ, բա-
րի արարից ատելեաց իմոց, օրհնեցից
զանիժիչս իմ, աղօթս արարից ի վերայ
նեղւաց իմոց:

Որ հարկանէն՝ մատուցից նմա զծնօտ
իմ. շնորհեցից այնմ որ բուռն լինիցի,
թողից որում նեղէն զիս, զի եղէց գը-
թած որպէս եւ դու, Տէր, գթած ես,
որ զարեգակն քո ծագես ի վերայ բա-
րեաց եւ չարաց:

Գ Լ Ո Ի Խ ԿԸ .

Վասն զփօնս-իւնս վարելոյ ընդ խնայս:

Ա . ԼՍԵՅԻ քեզ, սրգեակ, եւ ճշմա-
րիտ իսկ է, ի գեղեցկութենէ կնոջ բա-
զումք մտրեցան:

Վասն Եւայի՝ մարդն առաջին, վասն
Գալիլեայ՝ հղօրագոյնն, վասն կնոջն Ու-

րիայ՝ երկիւղածագոյնն, վասն կանանց
օտարութեանց՝ ամէնիմաստն անկաւ թը-
շուառութեամբ:

Իսկ ո՞վ ես դու, որ առանց խորհրդա-
կան զգուշութեան դործել ընդ նոսա
իշխիցես:

Բ. Որդեակ իմ, աշակերտ իմ. միթէ
առաւել քան զվարդապետ քո՞ իցես:
Եթէ ես սրբութիւն անայլայլական՝
զգուշագոյն առ կանայս եղէ, քեզ որ
եղէգն ես շարժուն ի հողմոյ՝ արժան
իցէ, օրէ՞ն իցէ լինել անզգոյշ:

Զգոյր ինչ ինձ վտանգ ի խօսից նոցա,
այլ օրինակ կամեցայ տալ քեզ, զի
նոյնպէս եւ դու արասցես:

Ապա ուսիր յինէն՝ դուն ուրեք, կար-
ճառօտս եւ ծանր բանիւք ընդ նոսա
խօսել:

Ուսիր չխօսել առ ընդունայնասեր
Սամարացի կանայս, բայց՝ առ ի դարձ
եւ յապաշխարութիւն ածել զնոսա:

Ուսիր մի ճառ արկեալ խօսել ընդ
կանայս մեղաւորս ակնկորեալս եւ խո-
նարհեալս, բայց՝ առ ի տալ նոցա զխա-
ղաղութիւն եւ ուսուցանել զնոր ճանա-
պարհ:

Ուսիր մի զբանիւք անկանել ընդ բա-
րեպաշտ կանայս քանանացիս, բայց՝
ծանր եւ խիստ մարդասիրութեամբ:

Ուսիր զայնոսիկ՝ որ ի հօտոյ սրբու-

Թեան քո դրդեալ գայցեն առ քեզ՝
ճոխագոյնս եւ տիրաբար յանձնէ ի բաց
մերժել, եթէ կարի իմն սէր մարդկօրէն
ցուցանիցեն:

Ուսիր մի յայց ելանել սրբոց կանանցն
Մարթայի եւ Մարիամայ, բայց՝ վասն
բարեկամ եղբօր Ղազարու եւ կամ թէ
այլոյ իրիք բարեպաշտութեան, հարկի
եւ աստուածսիրութեան ազագաւ:

Ուսիր մի նստել եւ զժամանակաւ
րաց բաջաղել ընդ նոսա, այլ զկարեւոր
ինչ իրաց եւ զազնուագոյն մասնէ նոցա
որ յերկինս է՝ բարբառեսջիր:

Ուսիր մի այց առնել կանանց որ հը-
պարտքն իցեն, եւ դատարկապորտք, եւ
շաղփաղիք, զարդարկոտք եւ ընդունայ-
նասէրք. այլ երթ առ հիւանդացեալս,
առ տրտմեալս վասն մահուն Ղազարու,
եւ առ այնոսիկ՝ որ զմահն Միածնի
սգայցեն եւ մխիթարեսջիր:

Ուսիր այնպէս անօտր ընդ նոսա գտա-
նել, որպէս զի եւ հաւատացեալքն իսկ
զարմասցին թէ յայնժամ եւեթ խօ-
սիս ընդ նոսա՝ յորժամ հարկ եւ օ-
գուտ իցէ:

Ուսիր եւ զսաստիկ դուժ ազգակա-
նաց ի բաց մերկանալ, եւ սրբական իմն
խստութեամբ զհեղուժիւնդ իսկ քո ի
չափու ունել:

Եթէ յաճախեսցեն առ քեզ եւ

զայլս եւս համարձակ ընդ իւրեանս ածիցեն, որով եւ յաղօթից եւ յուսմանէ յետսկասեցուցեն զքեզ, զատեալ որոշեսջիր ի նոցանէ, եւ ասա իսկ թէ զի՞ խնդրէք զիս, զի՞ խնայէք զիս. ոչ գիտէք եթէ ի տան Հօր իմոյ պարտ է ինձ լինել:

Ուսիր զընկերացն եւ զքոց ոպասաւորաց զգութ՝ թէ անչափ իցէ՞ կարճել տակաւիկ մի, որպէս եւ ես ասացի դրատերացն Երուսաղեմի թէ մի լացցեն ի վերայ իմ, այլ լացցեն ի վերայ անձանց իւրեանց:

Ուսիր չլինել ընտանի կնոջ ումէք, այլ առ հասարակ զամենայն առաքինի կանայս Հօր իմում յանձն առնել:

Ուսիր մի միայն առանձինն ի տունս այրեաց կամ կուսից մտանել:

Ուսիր չնստել միայն ընդ միայնում առանց այլոյ ուրուք կամ վկայի:

Ուսիր յամենայն իսկ եւ ի բնաւ կասկածոց զգոյշ լինել եւ կանխեալ խորշել յառաջագոյն յայնցանէ՝ զոր հաւանականագոյնս մարթ իցէ ի բիծ տանել:

Ուսիր զնուէրս, զգրգանս, զնազանս եւ զանպայման բարեբարութիւնս կուսից արհամարհել, նա եւ ամաչել իսկ:

Գ. Տես, որդեակ, զժառանգաւորսն զայնոսիկ՝ ընդ որոց երբեմն զարմանայիր ընդ սրբութիւնն, օրինակին նմանող լի-

նէիր եւ զՏոտոյ նոցին զՏեա երթայիր ,
եւ այժմ խոտեալք են եւ անարգեալք
եւ գարշելիք :

Երբ արդեւք , սրդեակ , սկսաւ շա-
նալ ոսկին նոցա . երբ այլազունեաց ար-
ծաթն սպիտակ : Ոչ ապաքէն յորժամ
սկիզբն արարին անզգոյշս առ կանայս
լինել :

Ոչ զանգիտեցին ի վտանգէ կցորդու-
թեան նոցա . ապա սիրեցին , ապա հուր
անմաքուր վառեալ բորբոքեցաւ ի նոսա ,
ապա դադարեցի ես ունել զձեռանէ նո-
ցա զաջոյ , ապա անկան եւ խորտակեցան :

Ապա քար ի հիմանէ աղաղակեաց ,
ապա գոչեաց որդն ի վայտէ , ապա զոր
ինչ արարին ի ծածուկ՝ յայտնեցաւ յան-
դիման արեգական , ապա եղեւ գայթա-
կղութիւն համօրէն ժողովրդեան իմոյ :

Այն այնոցիկ . լաւ էր նոցա , եթէ
կախէր երկան իշոյ ընդ պարանոց նոցա
եւ ընկղմէին ի խորս ծովու :

Որդեակ , լիցի քեզ ի զգաստութիւն
կործանումն այն յանդգնելոցն՝ որ ան-
մտութեամբ յանձինս ապաստանեցան :

Գ. Սակայն հայեօջիր դու եւ ընդ քա-
հանայս ընդ այնոսիկ , որ զառաջին աս-
տուածեղէն սէրն ոչ թողին , այլ սրբ-
բութեամբ եւ արդարութեամբ զամե-
նայն աւուրս կենաց իւրեանց ինձ ծա-
ռայեցին :

Սոքա, որդեակ, խոյս ետուն ի կցորդութենէ կանանց, զի մի շարութիւն ինչ շրջեսցէ զիմաստութիւն նոցա, կամ նենդութիւն պատրիցէ զանձն նոցա:

Սոքա ուխտ եղին ընդ աչս իւրեանց չհայել ի կոյս:

Սոքա մեծարեն զպառաւունս, այլ իբրեւ զմարս. պատուեն զմանկամարդս, այլ իբրեւ զքորս ամենայն սրբութեամբ:

Մխիթարեն զայրիս, բայց որ ստոյգ այրիքն իցեն. իսկ զգիրդ այրիսն՝ իբրեւ առ մեռեալս ունին:

Եւ ի մանկամարդաց այրեացն որ դատարկանձունք են եւ շրջօղք, փասքուսք եւ հետաքրքիրք եւ խօսին որ ինչ ոչ է պիտոյ՝ հրաժարեն մեծաւ զգուշութեամբ:

Ո՛րդեակ, լեր նմանող եւ նախանձաւոր սրբոցն այնոցիկ եւ ընդ նոսա իսկ զսրբութիւն եւ զսէր պահեսցես:

Գ Լ Ո Ի Խ ԿԹ.

Թէ այլոցն անլորտան պոյժան՝ չէ պարտ կանոն քահանային լինել:

Ա. Ո՛րդեակ, մի կերպարանիր կերպարանօք աշխարհիս այսորիկ. այլ քրննեսաջիր զլաւն, եւ եթէ զինչ են կամքն իմ, բարին եւ հաճոյն եւ կատարեալ, զի զայն արարեալ յամենայնի՝ հասցես աւետեացն:

Հգօր է իբրեւ զՏեղեղ՝ գեան սախորու-
թեանց եւ մարդկեղէն կարգաց, եւ ե-
թէ ոչ հաւաստեալ միտ դիցես եւ ընդ-
դէմ կայցես հաստատութեամբ, ձգեալ
տարցի զքեզ, սրդեակ, ընդ ճանապարհ
լայն ի կորուստ:

Այնպէս բնական է ամենեցուն զբազ-
մութեան զՏեա երթալ, այնպէս դառն
է ի բազմութենէ մեկնեալ բաժանել,
որպէս զի չէ իսկ մարթ այդմ լինել,
բայց ի ձեռն յաղթութեանն որ յաղթէ
աշխարհի՝ որ են հաւատքն մեր:

Եթէ գործ սրբութեան եւ արդարու-
թեան՝ լինէր օրէնք եւ սովորութիւն
մարդկեղէն, որչափոյք փրկէին յայն-
ժամ, սրդեակ: Չգտանէր եւ ոչ մի ոք՝
որ ոչ խտորէր ի շարէ եւ ոչ առնէր
զբարի:

Այլ քանզի գող իմն ամենայն մար-
մին ապականեաց զճանապարհս իւր,
նմին իրի զՏեա գայ եւ ջրՏեղեղ մեծ
կամակոր բարուց եւ վատթար սովորու-
թեանց, որ գրեթէ զամենեսին իսկ կո-
րուսանէ:

Բ. Յուշ լիցի քեզ, սրդեակ: Ոչ
ասացի թէ տես զինչ այլք գործեն եւ
արա եւ դու նոյնպէս, այլ պատուիրացի
քեզ թէ պահեա զպատուիրանս:

Արդ՝ դիտեսջիր տեսջիր զամենայն
զկարգս եւ զսովորութիւնս քոյոյ գաւա-

սի եւ ժամանակի, բեր զայնս ընդ օրինաց իմոց ի կշիռ համեմատութեան, եւ եթէ հակառակս եւ ընդդիմակացս իմոցն օրինաց զնոսին գտանիցես՝ հրաժարես ջիր յայնցանէ բազում զգուշութեամբ, եւ կարգեալ սահմանես ջիր քեզ կանոն առանձին ըստ իմոց պատուիրանաց :

Գիտաս ջիր զի կարգք եւ սովորութիւնք՝ յումէ ումէքէ եւ պահեսցին, թէպէտ եւ ի քոց իսկ առաջնորդաց, չեն կարող զքեզ յիմում դատաստանի արդարացուցանել :

Քանզի կանխաւ իսկ ասացի քեզ, եթէ զամենայն ինչ որ ասիցեն քեզ՝ արա, բայց ըստ գործոցն նոցա՝ թէ չար իցեն, մի առներ :

Մի անցաներ զպատուիրանաւն իմով, վասն աւանդութեանն վարուց նոցա թէ թեւր իցեն :

Գ. Արդ եթէ ի ծագ բարձու քահանայութեան վերացեալ՝ ըստ քում կոչման կամիցիս գնալ, մի ասիցես թէ Չի՞նչ ինչ յայլոց գործի. զի՞նչ այլք առնեն :

Այլ ասա . Չի՞նչ հրամայեաց ինձ Տէր . Չի՞նչ խնդրէ յինէն . Չի՞նչ սահմանէ ինձ Եկեղեցի :

Մի ասիցես թէ Չի՞նչ օրինակ մատուցանեն այլք պատարագ . Չի՞արդ սաղմոս ասեն . ճրպէս սպասաւորեն :

Այլ ասա. Ո՞րպէս վայել է քահանայի գտուրբ խորհուրդան պաշտել, զօրհնութիւնս Ամենակալին երգել եւ զայնպիսի ահեղ պաշտօն կատարել :

Մի ասիցես թէ զհարդ վարին ասհասարակ ընդ ապաշխարողս յատենի խոստովանութեան. ո՞րպէս քարոզի ըստ սովորութեան բանն Աստուծոյ :

Այլ ասա թէ զհարդ պարտ իցէ գնալ ընդ ապաշխարողս՝ զի բժշկեսցին եւ արձակեսցին. ո՞րպէս արժան իցէ քարոզել՝ զի օգուտ ինչ անտի ծնանիցի :

Մի ասիցես թէ որպիսի զեղծութեանց թոյլ տան այլք : Այլ ասա թէ որո՞ց զեղծութեանց մարթ իցէ թոյլ տալ կամ հանդուրժել առ ժամ մի. եւ զո՞րս պարտ իցէ քշտել առանց յապաղութեան :

Մի ասիցես թէ զհարդ այլք գնացեն : Յի՞նչ ինչ պաշտիցեն զժամանակն. ո՞րպէս զհասս եկեղեցականս ծախիցեն :

Զի՞նչ ձեւ զգենուցուն. զո՞ր սեղան ունիցին. յորպիսի՞ ժողովս յաճախիցեն. զորո՞ց խաղուց եւ զորպիսի՞ զբօսանաց զհետ իցեն :

Այլ ասա թէ զհարդ եւ ո՞րգունակ գնալ ինձ արժան իցէ, զի սուրբ եղէց եւ զայլս սուրբ արարից : Ո՞րպէս պարտ իցէ վաստակել : Զի՞արդ վայել իցէ ինձ ազանել, ուտել եւ զբօսնուլ :

Ո՛րպէս պիտոյ իցէ զինչս Եկեղեցւոյ
ծախել, զի յապահովս եղէց՝ յորժամ
համարս հասանիցէ ինձ տալ յաւուրն
յետնում:

Գ. Եւ յիրաւի իսկ, որդեակ, բա-
զումք են զորոց զօրինակս զգուշութեամբ
եւ մտադիւրագոյնս պարտ է քեզ նկա-
տել եւ նախանձաւոր լինել:

Նմանողք իմ եղեն նորա յաչս քո,
զի եւ դու ի նոցին առաքինութեանցն
դրդեալ լիցիս ինձ երկրպագու եւ նմա-
նող:

Հայեաց, որդեակ, ընդ նոսա, բազում
յոյժ օգնեսցեն քում տկարութեան:

Սակայն օրինակք նոցա չեն կարգ եւ
սովորութիւն հասարակաց, որովհետեւ
սակաւք են ընտրեալքն այնոքիկ՝ առ
յաճախագոյն թուով անարդեւոց:

Իսկ զկարգ եւ զսովորութիւն՝ ուստի
խորշելն արժան է քեզ, յարդարէ ան-
զգամացն անթիւ բաղմութիւն:

Գ Լ Ո Ի Խ Հ .

Վասն Կանոնի ազգայնութեամբ եւ սրբայնութեամբ
իւր:

Ա. ԱՍԾԻՍ, որդեակ, յառաջագէմ
նկրտել: Մի կարի իմն ազատ ցանկա-
նայցես լինել, այլ ընդ խրատութեւ ընդ
հրահանգօք կալջիր զամենայն զգայու-
թիւնս քո:

Եթէ հաստատեալ դիցես քեզ կանոն առաջի իմ եւ ըստ այնմ կեցցես՝ յիս կեցցես :

Ապա թէ առանց ինչ կանոնի կացցես, այսօր կեանս խիստս վարիցես, եւ վաղիւ դիրգս եւ փափուկս :

Այսուհետեւ կարգս իմն քեզ սահմանեալիր, եւ զամենայն զգործս քո ըստ նմին կարգաց վճարեալիր : Չայս թէ արատցես՝ դիւրագոյնս հասցես ի վարուցն որբութիւն :

Բ. Վիցի քո ժամ սահմանեալ՝ ննջելոյ եւ յառնելոյ :

Տուր զկարեւորն հանդիստ բնութեան, այլ զլացիր զգայնոցն որ ինչ անդր քան զշափն իցէ :

Հատ եւ բաւական իցեն քեզ եւթն կամ թէ քաջ՝ ութ ժամք. աւելին քան զայն՝ մնասէ մանաւանդ առողջութեան եւ ոչ օգտէ, տկար զմիտսն զործէ եւ ոչ սակաւ անբաւական օրականն վաստակոց :

Յիշեա, սրգեակ, զայն բան՝ Մինչեւ յերբ յորսայտեալ կաս սվ վատ : Փոքր մի նիրհիցես. ապա հասանիցէ ի վերայ քո իբրեւ գող կարօտութիւն. եւ որպիսի՞ ինչ կարօտութիւն. երկիր, սրգեակ, թերեւս ոչ կարօտութիւն հացի՝ այլ որ առաւել սոսկալին է՝ կարօտութիւն աստուածպաշտութեան :

Գ. Լինդէն իսկ իբրեւ զարթնուս ի քնոյ՝ ամբարձ զաչս մտաց քոց առ իս. սուր ինձ զսիրտ քո. ամրացո զքեզ նշանաւն խաչի. արի յոտն կաց փուլ թով՝ որպէս ծառայ հաւատարիմ ի ձայն տեառն իւրոյ :

Երանի ծառային այնմիկ՝ որ այսպէս առանց ամենեւին յապաղու թեան կազմ եւ պատրաստ կայցէ եւ ասիցէ՝ Աւասիկ եմ ես, Տէր, զի կոչեցեր զիս :

Ի ժամանակի զի զգենուցուող՝ զերաց իրաց սրբոց խորհեսջիր. կալ զիս առաջի աչաց քոց, յուշ ած թէ առ ինչ եկիր յաշխարհս յայս :

Գ. Օգեցեալ վայելուչս՝ աղօթս արա ձայնիւ, աղօթս արա եւ հոգւով. թէ սակաւ՝ զկէս ժամ յայս ի սուրբ կրթութիւն ծախեսջիր :

Քանզի չէ մարթ եւ անհնարին իսկ է քեզ առանց աղօթից ինչ օգնականութեան՝ վարս առաքինականս բնծայեցուցանել եւ զմահականացու կենաց զնութացս սրբութեամբ կատարել եւ հանել ի գլուխ :

Վաղվաղակի իսկ ցամաքեսցի սիրտ քո, եթէ անփոյթ արասցես ուտել զհացս զայս :

Ե. Յետ զաղօթնս կատարելոյ՝ պատրաստեա զանձն քո ի Պատարադ՝ թէ յայնժամ իսկ մատուցանելոց իցես. ա-

պա եթէ ոչ՝ յուսումն եւ յինթերցուած պարապեսջիր :

Յիշեա զի ժամանակ կորուսեալ՝ ոչ դառնայ այսրէն միւսանգամ . յուշ լիցի՝ քեզ՝ զի համարս տացես յաւուրն յետնում :

Եւ իբրեւ ժամ պատարագելոյ հասանիցէ, ամենեւին ամենայն բարեպաշտութեամբ պատրաստես զանձն քս յայն ողջակէզ . զխիղճ մտաց քոց քրննեա ճշգիւ գտակաւ . եւ թէ սակաւ՝ իբր չորրորդ մի ժամու ամփոփեա զանձն ջերմեռանդն մտօք :

Ի մատուցանել անդ զպատարագն՝ զամենայն զկարգս եւ դօրէնս բազում խնամով եւ հաւաստեաւ պահեսջիր, ի բնաւ վրիպանաց զգոյշ լինիջիր, զըտըր եռանդումն ծախեսջիր :

Եւ յեա զսուրբ զայն նուէր մատուցանելոյ, դեզերեաց կաց բոս պատշաճի՝ որպէս յառաջն՝ առ ի գոհութիւն :

Զ. Օ՛ ժամն կարգացն պաշտամանց յիւրում ժամանակի յառաջ քան զճաշ կատարեա :

Եթէ սիրիցես զիս, սրդեակ, ուրախ լիցիս՝ քանիցս անգամ թէ նոր ինչ գէպ տայցէ խօտակից ընդ իս լինելոյ :

Սակաւիկ մի ժամանակ եւ յառանձինն քննութիւն սահմանեսջիր, զի տեսցես թէ սրչափ ինչ յայտմ առաքինու-

Թեան յառաջագէ՛մ լինեալ իցես կամ՝
զայն ինչ ախտ ի բաց կտրեալ :

Մինչ չեւ սկիզբն այսմ շահաւորն կրը-
թութեան արարեալ՝ ընթերցիր գլուխ
մի ի նորոց կտակարանաց :

Ո՛րդեակ, լիցի քո ընկեր անբաժին՝
երկնաւորն այն բովանդակութիւն իմոց
բանից, եւ մի իշխեսոցէ յայնժամ սա-
տանայ դալ առ քեզ :

Է. Մասիր ի չորաբեկ սեղան անդր
օրհնութեամբ կանխելով :

Յուշ լիցի քեզ յրմպելդ եւ յուտելդ
քում՝ թէ ծառայ Աստուծոյ ես դու,
եւ կեր, արբ՝ որպէս զհարդ եւ ծա-
ռայից նորա վայել իցէ :

Պատուեա զիս երբեք երբեք յընչից
քոյոյ անընդեան պատարագս ինչ մե-
ռուցման ինձ զօհելով. ամէն ասեմ քեզ՝
ոչ կորուսցես զվարձս քո :

Առեալ կերակուր ժուժկալութեամբ՝
զօհացեալ մեկնեսջիր ի սեղանոյ :

Ապա յետ այնորիկ ի խօսս պարկեշ-
տականս եւ ի զբօսանս օրինաւորս եւ
վայելուչս սփոփեսջիր զմիտս քո եւ
զհոգի :

Զգոյշ լինիջիր ի կարի իմն փափկու-
թենէ, ի խաղուց արդեւելոց եւ ի բար-
բանջանաց խեղկատակութեան :

Ի ժամանակեալ ժամուն ամփոփեա
սակաւիկ մի զմիտս քո եւ արա զտուրբ

աղօթս երեկոյին պաշտամանց, եւ սպա-
յետոյ յուսումն եւ ի գործ կարգի քո
պարապեա :

Մի զանց արասցես հանապազօր ըն-
թեռնուլ խնամով ինչ ինչ յաստուա-
ծատուր գրոց :

Ը . Օ այցելութիւնսն՝ զոր վայելու-
թիւնն կամ պատշաճութիւն եւ կամ
պէտք հիւանդաց, վշտացելոց եւ տնան-
կաց ի քէն պահանջիցեն՝ արասցես ըստ
պատշաճի թէպէտ եւ իցէ եւ յետ
միջօրէի :

Զ Կարիամ զԱղոյսն սուրբ՝ զոր առան-
ձին իմն սիրով պարտիս սիրել, մեծա-
բեազօր հանապազ ասելով զՊսակ նորին :

Ընդ երեկոյս՝ ինձ որ սրբութիւն եւ
փրկութիւն քո եմ, ուղեւորաց մխի-
թարութիւն եւ սրբոցն վայելութիւն
յաւիտենական՝ այց արա ի նուիրական
Խորհրդեան :

Մի, որդեակ, մի աշխարհականք
յայտմ բարեպաշտութեան յառաջես-
ցեն քան զքեզ՝ որ այր իմ ես եւ բա-
րեկամ իմ :

Թ . Յառաջ քան զընթրիս, թէ
հնար իցէ, զգիշերականն եւ զառաւօ-
տին պաշտօն կատարեա վասն աւուրն
վաղուի, զի մի ձգեալ մինչեւ ցվազոր-
դայն՝ ի մտաւորական աղօթից յետս
կասեցուսցէ զքեզ եւ կամ վասն յան-

կարծադէպ գործոյ իրիք սպասու՝ եւս
իմն անագանելոյ հարկ հասանիցէ :

Յերեկոյի մի զանց զհոգեւորական
ընթերցուածով արասցես երբեք : Այլ
առ այս՝ մատենաս * զայնպիսիս ընտրեա՝
որ առաւել շնորհագիրքն իցեն եւ առ
առաւելագոյն կատարելութիւն սղւոյ
քո զխպողագոյնք :

Զերեկորին աղօթս կատարեա մտօք
ամիսփելովք ի ներքուստ եւ առ հա-
սարակ իսկ՝ թէ մարթ իցէ, քննու-
թեամբ համօրէն մտացն խղճի :

Ի մահիճս իբրեւ երթայցես՝ խոր-
հուրդս սրբականս ի միտս յեղյեղեսջիր,
կամ պաղատանս կարճառօտս մատու-
ջիր, ցօղեա զքեզ եւ զանկողին քո
ջրով օրհնելով եւ նշանաւ խաչի ամրա-
ցո զքեզ :

Յանձն արա զհոգի քո երանելոյ
կուսին եւ սրբոց հրեշտակաց, եւ այն-
պէս հանգիր ի սուրբ խորհուրդս եւ ի
խաղաղութեան :

Գիշերի թէ զարթնուլ քեզ հա-
սանիցէ, յիշեա զիս, երկիր պազ եւ ա-
ղօթս արա :

* Հոյակապք եւ նշանաւորք ի մատենից աստի են՝
Նմանութիւն Քրիստոսի, Սուրբ Փանկիսկոս
Սաղեսեան, Հոսդերիկեաց հրահանգք կատարե-
լութեան, Ղուգովիկոս Գրանատացի եւ Ալաբ
Սրբոց, մանաւանդ Քահանայապետաց եւ Քա-
հանայից :

Ժ. Ա. Այլ քանզի, սրդեակ, առ մարդ-
կեղէն տկարութեան հարկ է զի եւ
սիրտք երկիւղածք աշխարհական ինչ
փոշուով աղտեղեցին, եւ այլուստ պարտ
իսկ է զի սրբեցին, որ զսպասս Տեառն
բարձեալ բերեն, եւ առաւել եւս՝ որ
պատարագս մատուցանեն, նմին իրի
յաճախագոյն իսկ մատիր ի խոստովա-
նութիւն: Իցիւ մի անգամ յեւթնեկի
կամ թէ գոնեայ ի հնդկտասան աւուրս:

ԺԱ. Ասացի քեզ, սրդեակ, լերհա-
նապազ պատրաստ, զի յորում ժամու
ոչ կարծիցես՝ գայ որդի մարդոյ:

Արդ զի մի ննջեցես ի մահ, այլ ընդ
հակառակն՝ զի արթուն կացցես եւ
սկեցես, սահմանեա քեզ ամոց ամոց
որ մի՛ յորում առանձին իմն օրինակաւ
ի մահ զանձն պատրաստեցես:

Բայց յաւուր յայնմիկ մենացեալ
նստցիս ի շտեմարանս սենեկի քո:

Զմահուանէ խորհեսջիր, զխիղճ մտաց
քոց քննեսջիր հաւատաւեաւ. տես զինչ
այն ինչ իցէ որ զքեզ ի տազնապի կա-
ցուցանիցէ, եթէ արդէն իսկ մեռանել
քեզ հասանիցէ:

Արա զոր յայնմ ժամու կամէիր գոր-
ծել. լեր խոստովան մեծաւ ճշգրտու-
թեամբ, ցաւեցէ քեզ դառնապէս, եւ
զիջիր հաստատութեամբ ի մտի:

Մարմնով իմով՝ իբրեւ յեաին թո-

շահաւ՝ զօրացո զանձն քո. եւ սրպէս
[Թէ արդ իսկ մեռանելոց իցես՝ ընդելա-
կան աղօթիւք եւ դործովք գլխաւոր
առաքինութեանց՝ ի ձեռս Հօրն յաւի-
տենից յանձն արա զհոգի քո :


Այսուիկ եղիցի գօտի քո պնդեալ
ընդ մէջս. այսուիկ բերցես ճրագ լուցեալ
ի ձեռին քում. այսուիկ եղիցես մարդ՝
ակն կալեալ Տեառն քում՝ [Թէ երբ
դառնայցէ ի հարսանեաց, զի վաղվա-
ղակի բանայցես նմա :

ԺԲ. [Թեքեւս, սրդեակ, ոչ ուրա-
խութեան ինչ այլ արամութեան խրատք
[Թուիցին քեզ այսոքիկ, բայց յետոյ
պտուղս խաղաղութեան նորօք կր[Թե-
ցելոյդ հասուցեն յարդարութիւն :

Հաստատուն լեր այսուհետեւ եւ կաց
անշարժ ի կանոնան եւ առաւել լիցիս ի
դործ իմ յամենայն ժամ :

Եւ սպա ուրեմն յորժամ ի դատա-
ստան ելեալ կացցես առաջի իմ, տես-
ցես զի ոչ ընդունայն եղեւ ջան քո :

Քանզի հարիւրապատիկ առցես յայն-
ժամ, եւ զկեանսն յաւիտենականս ժա-
ռանդեսցես :



| | |
|---|----|
| ԳԼՈՒԽ Ա . Վասն Ժահանայական շինակի . | 1 |
| ԳԼՈՒԽ Բ . Վասն ինչ ո՛րչափ խորհար իցի Ժահանայից խորարելութեան | 7 |
| ԳԼՈՒԽ Գ . Թե՛ մարի էս հետք է հաստ- նել խորարելութեան յայտ՛ աշխարհի . | 11 |
| ԳԼՈՒԽ Դ . Վասն Բիճորդացն է խորար- ելութեան հասանելոյ | 15 |
| ԳԼՈՒԽ Ե . Վասն ստեփանութեան ընդրելոյ | 20 |
| ԳԼՈՒԽ Զ . Վասն ծանրութեան մեղացն Ժահանայից | 26 |
| ԳԼՈՒԽ Է . Վասն շարեացն՝ որ ծագին է Վարկար Վարուց Ժահանայից | 31 |
| ԳԼՈՒԽ Ը . Վասն Բարեացն որ ծագին է որքեօնն Վարուց Ժահանայից | 36 |
| ԳԼՈՒԽ Թ . Վասն մահաւան | 40 |
| ԳԼՈՒԽ Ճ . Վասն վերջնոյ դասաստանի . | 48 |
| ԳԼՈՒԽ ԺԱ . Վասն դժոխոց | 56 |
| ԳԼՈՒԽ ԺԲ . Վասն հիշութեան Ժահանային է դժոխս | 62 |
| ԳԼՈՒԽ ԺԳ . Վասն փարուց երկնասորս- խանաց | 67 |
| ԳԼՈՒԽ ԺԴ . Վասն զերմեռանդն աս- տասածպաշտութեան ար Տէր Յիսուս Քրիստոս | 74 |
| ԳԼՈՒԽ ԺԵ . Վասն ինչ պարք է հանա- պաշ զարշարանս Տէրան մերոյ Յի- սուսի Քրիստոսի յիշել | 81 |
| ԳԼՈՒԽ ԺԶ . Վասն սէրն էրանդման Բա- րեպաշտութեան ար էրանելի պոյն Մարիամ | 90 |

| | |
|--|-----|
| ԳԼՈՒԽ ԺԷ . Վասն իրանդոսանն հոգւոցն արարանաւնն | 95 |
| ԳԼՈՒԽ ԺԸ . Վասն ցրարութեան իւրեան- լութեան | 98 |
| ԳԼՈՒԽ ԺԹ . Վասն տեան իւրեան ար- արանութեան | 102 |
| ԳԼՈՒԽ Ի . Վասն հրահանգաց հիմնականն արարանութեանց | 107 |
| ԳԼՈՒԽ ԻԱ . Վասն իրանարհամութեան | 111 |
| ԳԼՈՒԽ ԻԲ . Վասն զաննն իրանարհիցար- ցանելոյ | 116 |
| ԳԼՈՒԽ ԻԳ . Վասն մարտութեան մրացն իդէն | 122 |
| ԳԼՈՒԽ ԻԴ . Վասն յամանարացն իրարո- ւանութեան | 125 |
| ԳԼՈՒԽ ԻԵ . Վասն ներելի մեղաց | 132 |
| ԳԼՈՒԽ ԻԶ . Վասն զներելի մեղս արար- ելոց | 136 |
| ԳԼՈՒԽ ԻԷ . Վասն արեւոյ պարարութեան արարանելոց | 139 |
| ԳԼՈՒԽ ԻԸ . Վասն անարժանութեան մե- արարութեան արարանելոց | 145 |
| ԳԼՈՒԽ ԻԹ . Վասն պարարանութեան արարանութեան | 147 |
| ԳԼՈՒԽ Լ . Վասն հոգւանութեան յեր պար- արանութեան | 150 |
| ԳԼՈՒԽ ԼԱ . Վասն մարտարանն աղօթելոց | 154 |
| ԳԼՈՒԽ ԼԲ . Վասն այլ իւր այլ աղօթաց մարտարանն աղօթելոց | 158 |
| ԳԼՈՒԽ ԼԳ . Վասն ժամանակի մարտար- անն աղօթելոց | 162 |
| ԳԼՈՒԽ ԼԴ . Վասն այլելութեան անհո- տարի Հաղորդութեան | 166 |
| ԳԼՈՒԽ ԼԵ . Վասն իրելոցն քաննա- նութեան | 170 |
| ԳԼՈՒԽ ԼԶ . Վասն սասանն իւր ընկեր- ցարանոց | 174 |

| | |
|--|-----|
| ԳԼՈՒԽ ԼԷ . Վասն շատարքի Գիրո ըն- կերանայ | 179 |
| ԳԼՈՒԽ ԼԸ . Վասն ասորսասնիդէն պաշ- տատան | 185 |
| ԳԼՈՒԽ ԼԹ . Վասն հասարակաց պաշ- տատանց | 189 |
| ԳԼՈՒԽ Խ . Վասն հոգաբարձութեան էկե- ղիցեաց եւ սեղանաց | 192 |
| ԳԼՈՒԽ ԽԱ . Վասն փառնայ եւ նախան- ջաւ սփռաց | 195 |
| ԳԼՈՒԽ ԽԲ . Վասն հովտաակնն քահանայեանն | 190 |
| ԳԼՈՒԽ ԽԳ . Վասն զհանգիստանն ի հասարա- կրէիլայ | 205 |
| ԳԼՈՒԽ ԽԴ . Վասն զազգայարս եւ զանտա- նանս հրահանգիլայ | 210 |
| ԳԼՈՒԽ ԽԵ . Վասն փարսղաութեանն քանինն Ասորսանց | 214 |
| ԳԼՈՒԽ ԽԶ . Վասն զխոսարովանութեանն լիլայ | 220 |
| ԳԼՈՒԽ ԽԷ . Վասն փնտաութեանն զար ար- ժանն ի ասնիլ ի ասարքի ասրիննն ասպաշ- խարսութեանն | 225 |
| ԳԼՈՒԽ ԽԸ . Վասն փառնայ զմեղաւորան քարձոցանիլայ | 236 |
| ԳԼՈՒԽ ԽԹ . Յաղագիս ին պարսի եւ արժե- սանիլ զասն մեղաւորաց | 239 |
| ԳԼՈՒԽ Ծ . Վասն զհիւանդոս ինտմիլայ . | 241 |
| ԳԼՈՒԽ ԾԱ . Վասն ճարտասակր ինտմոց աս ընկերն | 247 |
| ԳԼՈՒԽ ԾԲ . Վասն արսութեանն մրաց . | 251 |
| ԳԼՈՒԽ ԾԳ . Վասն իտրաքիտսութեանն եւ փոմորսութեանն | 256 |
| ԳԼՈՒԽ ԾԴ . Վասն հիւսութեանն | 260 |
| ԳԼՈՒԽ ԾԵ . Յաղագիս հասմբերսութեանն . | 264 |
| ԳԼՈՒԽ ԾԶ . Վասն փայլաակնութեանն . | 270 |
| ԳԼՈՒԽ ԾԷ . Վասն զպատարսութեանն եւ ցածութեանն | 278 |

